



STILLMAN DRAKE


HKE

7-66

88







EPITOMES
ASTRONOMIÆ

Copernicanæ,

Vsitata formâ Quæstionum & Responsio-
num conscriptæ,

LIBER QUARTUS,

Doctrinæ THEORICÆ Primus:

QVO

Physica Cœlestis,

HOC EST,

OMNIVM IN COELO MAGNITVDI-
num, motuum, proportionumq̃, causæ vel Natura-
les vel Archetypicæ explicantur,

ET SIC

PRINCIPIA DOCTRINÆ

Theoricæ demonstrantur.

QVI QVOD VICE SVPPLEMENTI LIBRO-
rum Aristotelis de Cælo esset, certo consilio seor-
sim est editus.


AUTHORE


IOANNE KEPPLERO.

Cum Privilegio Cæsareo ad Annos XV.

Lentiis ad Danubium, impensis Gode-
fridi Tampachii excudebat Iohannes
Plancus.

ANNO M. DC. XXII.





LECTORI S.

VNDECIMVS EST ANNVS,
ex quo Commentaria mea de
motibus stelle Martis edidi. Qui
liber, cum in pauca multiplica-
tus esset exemplaria, doctrinamq; de causis cœle-
stium inter spineta numerorum & reliqui ap-
paratus Astronomici velut abscondisset; cum &
pretio libri tenuiores absterrentur: visum est
amicis, rectè me & ex officio facturum, si Epito-
men conscriberem, in qua summa doctrinæ tam
physicæ de cœlo, quàm astronomicæ, resectis
demonstrationum tædiis, oratione simplici &
plana proponerentur. Factum id à me ante
multos annos: sed dum editioni variæ interce-
dunt moræ: non resectus tantum libellus ipse
fuit aliquoties, & ni fallor, quæ dabatur, perfe-
ctus: sed ipsum etiam editionis consilium cepit
labefactari. Quibusdam enim in doctrina Sphæ-
rica antetriennum edita, diffusior visus sum, in
disputatione de motu vel quiete Terræ diurna,
quàm pro ratione Epitomes. Cogitabam igitur,
si hanc partem non concoquerent lectores,
quæ tamen in nulla Epitoma astronomica de-
est: quantò igitur insolentior illis futurus sit li-
bellus iste **QVARTVS**, qui tam multa de o-

mni cœlorum Natura nova & inopinata venti-
 lat: vt dubitare possis, Physicæne potius, an A-
 stronomiæ partem facias: nisi Astronomiam i-
 psam speculativam, totam Physices esse partem
 scires. Ex adverso reputabam, hanc ipsam esse
 materiam, cuius amplificandæ, inque publicum
 inculcandæ causa, scribendi libelli authores mi-
 hi facti sint amici: omitti speculationes has non
 posse; nisi data opera tenebras doctrinæ Theo-
 ricæ, suis quippe principiis spoliata, studeam
 offundere. Tandem disceptationem istam di-
 remit necessitas, utinam nuspiam minus impor-
 tuna: quæ quod fieri aliter non potuit, quasi
 consilio susceptum videri fecit. Fervebat præ-
 lum, surgebat opus doctrinæ Theoricæ; cura-
 tore eius legitimo, quæ in præambulo doctrinæ
 Sphæricæ tetigi, antiquum obtinente, dormi-
 tante, an animam forsan agente; partes vero e-
 ius supplente liberalitate patroni eminentissimi:
 cum ecce mihi causam subitam proficiscendi, o-
 pusq; interrumpendi: quo ipso tempore typi
 finem libri quarti attigerant, & undinæ Franco-
 furtenses adessent. Incidit, rectissime futurum,
 si liber quartus, qui communiter tam Physicis,
 quàm Astronomis scriptus est, seorsim etiam e-
 deretur: vt pro arbitrio emptoris Astronomi,
 vel omitti, vel inferi possit in reliquam epito-
 men. Habes Lector benevole, rationes editionis,
 quas spero tibi satis facturæ.

Quod

Quod vero genus ipsum attinet philosophandi: non alienum à proposito fuerit, ex nuper quadam Epistola, quam ad magni Principis familiarem, magnum & ipsum Virum scripsi, nonnulla hic præmittere; quibus vel comparatio instituitur tam huius libelli, quam cognati operis Harmonicorum, anno superiori editi, cum libris Aristotelis de cœlo & Metaphysicorum; vel Philosophia à curiositatis & novationis protritit criminacionibus vindicatur.

Hæ sunt igitur ex Epistola dicta pericopæ, ad institutum pertinentes.

DE Aristotele mihi videore esse securus: Serenissimus in Philosophia Platonius est, in religione Christianus: quicquid propius convincit, vel primum à certo temporis initio conditum esse Mundum (vt est opus meum Harmonicum) vel olim interiturum, aut saltem obnoxium esse interitui (vt sunt alterationes auræ ætheriæ & cœlestis) id Serenissimus odisse non potest, nec Magistrum Aristotelem, veritati, quam ignorauit ille, præferet vnquam.

Quod si Aristoteles apud Serenissimum est in pretio, si cubi Philosophiæ pandit mysteria, si quid aut grauitè monet, aut laudabiliter tentat: equidem is est, qui quærit, lib. II. de Cœlo cap. 5. *Quam ob causam plures sint motus*; sicut ego quæro, *Quæ sint causæ numeri Planetarum*. Quærit ille seq. cap. 5. *Quam ob causam cœlum po-*

rius ab ortu feratur in Occasum, quàm ab occasu in ortum: sicut ego quæro, Quamobrem quilibet Planeta feratur tanta celeritate, non maiore, nec minore; Quærit c. 9. *An stella sonos edant harmonicè contemperatos* negatq;: Ego sententiam divido, sonos enim cōcedo nullos edi: at motus affirmo & demonstro esse contemperatos proportionibus harmonicis. Quærit cap. 10. *de Sphærarum ordine, de intervallis, de proportionè motuum ad orbès*: sed quærit tantum, deficitq; in conatu: Ego non ista tantum expeditio demonstrationibus luculentissimis, per quinque corpora regularia, sed insuper & numerum Planetarū adiicio, deductū ex Archetypo, ut constet Mundum esse creatum. Quærit cap. 12. *Quamobrem non motus in singulis planetis cum ipso descensu à superioribus ad inferiores invenitur multiplicior*; & addit sententiam ex modestia confessionis, & ex sapientia assertionis ornatissimè temperatam, Tentemus, inquit, dicere id saltem; quod pro vero apparet: arbitramur enim promptitudinem istam (verisimilia etiam proferendi) modestiæ potius elogio dignam, quàm audaciæ, si quis ad sedandam Philosophiæ sitim, in rebus, circa quas maxima dubitationes existunt, etiam minutulis istis discussionibus contentus sit. Ego verò eadem illa laudabili Philosophiæ siti adductus, primū nebulas istas multipliciter motuum in planetis singulis, ab oculis Astronomiæ absterpsi: deinde hoc demonstratum reddidi: Non æquabilem

lem esse motum Planetæ toto circuitu, quod ille cap. 6. & 7. contenderat: sed revera intendi & remittere; idq; locis periodi statis, interq; se oppositis; & causas intensiōis efficientes seu instrumentales explicavi, diminutionem intervalli à Sole, vnde velut ex fonte, ille motus oritur. Deniq; cum in vnoquoq; planeta sit motus velocissimus & motus tardissimus, certa proportionē; non quæsiui tantum causam huius proportionis, cum in singulis seorsim, tum inter se omnium; & quare Saturnus & Iupiter mediocres habeant Eccentricitates, Mars magnum, Sol & Venus minutas, Mercurius maximam: sed attuli etiam dubitationis huius maximæ solutionem & discussionem non viliorem, sed omninò legitimam, ex Archetypo harmonici ornatus: vnde constat, nec meliorem esse posse hunc ornatum, quàm est; nec fieri posse, vt non à certo temporis initio creatus sit Mundus. Qui meus conatus verecundia cohiberi non debuit, fortitudine animi, quippe in summa fiducia operum Dei conspicuorū (si cui vacet cognoscere) proferendus in lucem fuit, vel ipso Aristotele hortatore, qui ne verisimilia quidem, nedum certa & exploratissima, de hisce quæstionibus reticenda & supprimenda censet. Denique hic est ille Aristoteles, qui lib. XII. Metaphysic. cap. 8. quo loco sublimissimam Philosophiæ suæ par-

tem, de Diis eorumq; numero, exædificat; qui inquā suos discipulos ad Astronomos ablegat, qui Astronomis testimonii pondus & auctoritatem defert; nunquam equidem neque Tychonem Brahe, neque etiam me repudiaturus, si fatalis illa sæculorum necessitas coniunctos nos dedisset. Iubet enim *percontari ex utroq;* tam ex Eudoxo, quàm ex Callippo, quorū alter alterum correxerat; id esset hodie, tam ex Ptolemæo quàm ex Tychone; *sequi verò* non inquit verustiores, sed *accuratiores*. Itaq; si Aristoteles Principi æquissimo cordi est, Aristotelem ego testem fisto, nihil sibi factum iniuriæ, si Astronomus argumentis his vsus, quæ recentior ætas de Cælo protulit, ortas in ipso cælo creaturas vanescentesq; rursus indicavit; contrà quam illi visum, quippe qui experientiam quidem allegabat, sed eam non satis longam.

Quod Academies attinet, sunt illæ introductæ ad formanda studia discentium; & interest, leges docendi non crebrò mutari: vbi, quia de profectu discentium agitur, frequenter fit, ut sint eligenda, non quæ verissima, sed quæ facilima. Quo de rerum discrimine, ut varia sunt variorum iudicia; ita contingit etiam, quosdam præter opinionem suam errare. Mihi quidem veritas de natura Cæli mutabili commodè doceri

ceri posse videtur ; alius iudicat , perturbari hoc dogmate discentes æquè atque docentes. Sed nec vsu suo caret , explicare de Philosophia Aristotelis etiam illas partes , quæ sunt manifestè falsæ , vt sunt illa lib. VIII. Physicorum de Motus , & lib. II. Cœlestium , de Cœli ipsius æternitate : vt sc. institui possit collatio inter Philosophiam gentiliū , & veritatem Christianæ doctrinæ. Non igitur si subtilia nonnulla & captu difficilia proponi nō debent incipientibus , aut si non præferenda receptis & necessariis , illa propterea neque scribi , neque priuatim legi debent. Paucas Academias numerabis , in quibus lege receptum sit , explicari Metaphysicam Aristotelis : scripsit tamen & Metaphysicam Aristoteles ; eamq; , iudicibus omnium facultatum Doctoribus , vtilissimam. Hic igitur , vt nemo Serenissimo vitio vertet , si Academicarum leges tueatur , si honorem etiam Academicorum , et si iudicio fortè peccauerint , contra censores præsumptuosos , contra rixatores importunos defendendum existimet : ita vicissim & de Principe sapientissimo mihi haud faciliè persuaderi sino ; hoc illum petiturum , vt omnes publicè priuatimq; maneat intra hos Academicæ Philosophiæ limites ; nec quisquam priuatim de proferendis illis , hoc est , de manifestatione operum Dei laboret.

At neque de Cœlo ipso pugnabit Serenissimus; scit enim Philosophos de visibili loqui; Christum de inuisibili, seu, vt Scholæ appellant, de Empyreo locutum; vt verò Christiani simplices accipiunt, de sedibus beatis, ad quas nulla vnquam pertinet corruptio: cū n de hoc nostro visibili, non Tycho, non Ego, sed Christus ipse pronunciet, *Cælum & Terra transibunt, & Psaltes, Ipsi vt vestimentum veterascent: & Petrus, Radicitus tollentur, & Igne combusti soluentur.* Quid quòd æternitatem quidem, si esset, destruerent istæ in Cœlo alterationes; non magis quàm ipsius Telluris æternitatem, æquè creditam Aristoteli, destruunt alterationes terrestres, quippe perennes, & in circulum redeuntes. Sed hoc argumenti genus fortè nimium litigiosum videbitur in Aristotelem. Vtāmur igitur potius ipsius testimonio; qui non vndiquaque sibi similis, in Metaphysicis quidem, motum cœlestibus circularem tribuit, propter seipsum, *moueri ipsa tradens vt moueantur*: at in libris de Cœlo, rebus ipsis admonitus, nescio quid simile terrestribus nostris negotiis multiplex id & turbulentum, astris, imò eorum motoribus tribuit, quibus illi machinationibus & motibus, finem alium extra motum ipsum, & quarant, & difficilius alius alio consequatur: adeò quidem, vt in Luna etiam ipsam motuum

paucita-

paucitatem testem adducat inferioris Lunæ conditionis, maiorisq; cognationis cum Terra. Vult enim, quæ finem summum natura sua consequi nequeunt omnimodè, illa ne vti quidem multis molitionibus. Et terræ quidem planè inutilem futurum fuisse motum ad illum finem consequendum, eoq; illam penitus quiescere; Lunam aliquousq; progredi, seseq; ad finem illum eminens extendere; superiores sine potiri, sed multis motibus; supremum Cælum vno simplici motu. Itaque Lunæ *Περίξεις* (planè hac voce etiam vtitur) vitæ Plantarum vniformi comparat; Superiorum vero *Περίξεις*, vitæ animalium magis variæ. Omnia tamen ista corpora, harum actionum indiga facit, eò quòd finem & beatitudinem extra sese habeant. Hunc igitur Aristotelem ego mihi lectorem & censorem opto. Epilogo meo libri V. Harmonicorum Serenissimo ipsi, summo iudicio Principi, vt optem plus ocii, fas non est. Illud mihi certò persuadeo; si & in ea, quæ scripsit Aristoteles, & in Epilogum meum, exquisitam ingenii vim intenderet; totum & à nostris partibus statutum, & quod nunc, Te ominante, dissidium inter nos animo concipiet, suo pte arbitrato compositurum.

Ad occurrendū nouationis inuidiæ, prius à me ex vsu meo fuerit, Serenissimū, etsi faciliè omnia seipso

seipso videre posset, ex abundanti tamen admoneri, de discrimine inter amorem, seu Aristotelico verbo *fitim*, cognitionis rerum naturalium, & inter contradicendi contraque sentiendi libidinem. Omnes Philosophi, Græci, Latini, omnes Poëtæ etiam, agnoscant raptum diuinum adindaganda opera Dei: nec ad indaganda tantum priuatim, sed etiam ad docenda publicè: in quem raptum coniici potest, calumnia curiosa nouationis adhærescere non potest.

*Est Deus in nobis, agitante calescimus illo:
Sedibus ætheriis Spiritus ille venit.*

Hic declamatione apud Te non est opus, non etiã apud Serenissimum: sola de metis addenda est mentio. Nec enim figendæ sunt indagationi metæ in paucorum hominum angustis ingeniis. *Pusilla res mundus est, nisi in eo, quod querat, omnis Mundus inueniat*, inquit Seneca. Veræ quidem speculationis metæ sunt eadem, quæ & operis Mundani: falsæ verò & exorbitanti, cancelli à Religione Christiana nonnulli sunt obiecti, ne error in præcipitia ferat, cæteroqui seipso innoxius futurus. Docuit nos exemplo Antiquitas, quàm frustra metas homo figat, vbi Deus non fixit. Quàm grauitè sunt increpiti à primis Christianis, Astronomi omnes? Nonne de vno scripsit

scripsit Eusebius , illum Christianitatem maluisse deserere (puto quia excommunicatus) quàm professionem ? Quis hodiè imitandum censet ? Nonne Tertulliano & Augustino nimium sapere visi sunt , qui Antipodas esse docuerunt ? Et fuit quidem Virgilius Salisburgensis Episcopus ab officio deiectus , quòd id esset ausus asserere . Quoties Romani Philosophos vrbeeiecerunt ? Et id quidem moribus illis suis antiquis , quibus res stabat Romana ? Nos tamen hodie Academias vbique constituimus , Philosophiam doceri , Astronomiam doceri , Antipodas doceri , iubemus .

Ego verò etiam priuatim à me Nouationis vitium idoneis remoueo documentis . Veritatis in me sit amor , an gloriæ , loquantur dogmata mea , quæ pleraque aliis accepta fero : totam Astronomiam Copernici Hypothesibus de Mundo , Tychois verò Brahei Observationibus , denique Guilielmi Gilberti Angli Magneticæ Philosophiæ inædifico : si nouatione delectarer , forsan aliquid comminisci possem , simile Fracastorianis aut Patricianis conceptionibus . Vt is , qui delectatur occupationibus , rarò socii , nunquam sui causa descendit ad lusum aleæ aut latrunculorum : ita mihi in veris aliorum dogmatibus , aut in corrigendis etiam ,

am, quæ non vndiquaque bene constant; tantum est negotii; ut nunquam vacet ingenio ludere, nouis, verorum contrariis, ex meipso inueniendis. Quicquid foris profiteor, intus credo: nulla mihi maior crux, quàm, non dico, contraria menti proloqui, sed intima sensa non prode-
re posse. Scio multos affectu simili nouatores fieri: sed ii erroris, qui eos seducit, facile redarguuntur; mihi errorem nemo demonstrat; subtilitates rerum aliqui, quia ipsi non capiunt, mihi in crimen nouationis imputant.

Descendo nunc ad opus ipsum Harmonices. Non dubito, eum qui damnat pruriginem noua comminiscendi, audaciam noua & pomposa profitendi, inuenturum in Epilogo libri V. quod censoria virgula notet. Hic enim maculae & flammulae solis producuntur in argumentum exhalationum ex Sole, quæ sint analogæ exhalationum ex Terra: hic generationum animalium simulachra statuuntur in Planetis: hic tanguntur confinia Mysteriorum religionis Christianæ; pulsantur parietes Magiæ, Theurgiæ, Idololatriæ Persarum, Solem pro Deo colentium; quod crebræ interiectæ cautiones non dissimulant.

De his igitur curiositatibus, si non satisficient ea, quæ hætenus sunt dicta: saltē id Serenissimo incul-

inculcetur: Caput illud ipso titulo nil profiteri, nisi coniecturas; & quamuis id plurimum conferat ad speciem operis: quia, ut habet capitis exordium, à *Musis ad Apollinē* ratio ipsa ducit; tamen cum cætera operis constent suis demonstrationibus, caput ipsum, seu Epilogum illum, pro abstracto haberi posse. Nam etiam sine eo, Thema hoc inuictis demonstrationibus obtentum fuit: *In extremis binorum Planetarum motibus, vniuersum ornatum proportionum Harmoniarum expressum esse; adeoque ut hic ornatus motibus conciliari posset, Eccentricitates planeris illas ipsas, quas pro se quisque sortitus est, conciliandas fuisse.* Hoc quantam faciat accessionem ad illustrandam gloriam operis Mundani, Deique architecti, sapientissimus Princeps facile æstimabit.

Sin autem etiam hoc ipsum curiositatis accusetur inquirere: fateor equidem, feriri caput Astronomiæ: quæ cum aut propter hanc Philosophiam, aut propter Astrologicas prædictiones discatur (quantum ad hanc scrupulosam subtilitatem & physicam causarum excussionem, quæ se in vsus vitæ quotidianos non ita euidenter profert) posteriorem certè finem Serenissimus ipse, me circa futura contingentia suffragante, repudiat: prior igitur mihi ereptus, totam enecat Astronomiam (subtilem hanc) planeque facit inutilem.

Vt tamen etiam in hunc euentum me muniam: largiar, hoc meum opus Harmonicum nihil esse nisi quandam veluti picturam ædificii Astronomici: qua ad lubitum respicientis derasa stat tamen ipsa per se domus, Astronomia dicta: quam scio à Serenissimo non damnari, sed propter certitudinem prædictionis motuum, maximi fieri. Forsitan igitur eius Architectum & instauratorem post Magistrum Tychonem pene vnicum, qui huc vitam suam impendere dignatus sit, non indignum suo favore censebit.

Haftenus ex Epistola, quæ plæraque etiam de indagine causarum abstrusissimarum, hoc libello conspicienda dicta & intellecta sunt: ad quem nunc tempus est, vt Lector transeat.



Epito=

EPITOMES ASTRONOMIAE Copernicanæ

LIBER QVARTVS.

THEORICÆ DOCT: PRIMVS

De Partium Mun- danarum situ ordine & mo- tu, seu de Systemate Mun- dano.

Quodnam est subjectum doctrinæ Theoricæ?

Morus Planetarum proprij, quos motus secun-
dos appellamus, & Planetas, secunda mobilia.

*Quo respectu dicis motus planetarum
proprijs?*

1. Quia communis ille tam planetarum quàm
fixarum, adeoque totius mundi motus apparens diur-
nus, de quo doctrina sphærica, ab ortu quidem in oc-
casum tendere videtur: planetarum verò singulorum
singuli motus longè tardiores, in contrarium, ab oc-
casu in ortum tendunt: itaque certum est, hos ab illo
communi motu mundi, de quo hactenus egimus, de-
pendere non posse, sed planetis ipsis attribuendos, &
sic planetarum in genere proprios esse.

2. Etsi verò in his moribus proprijs singulo-
rum

Aaa

rum ab occasu in ortum inest etiamnum commune aliquid, non diurnum sed annuum, quod adventitium est, & à visu solo, præter ipsius rei veritatem causam trahit, quodque interdum planetas in motu suo proprio retrocedere facit ad speciem, ab ortu sc. in occasum: quia tamen hoc commune in singulorum illorum planetarum singulas periodos ita implicatur, varièque transformatur, vt primo intuitu discerni non possit, quidnam omnibus commune, quid cuique proprium; ideo totus ille compositus cuiusque planetæ motus, vt is in oculos incurrit, dicitur etiam in specie proprius illius planetæ: præsertim cùm commune illud multorum, non ab illo communi motu primo totius mundi, sed à proprio motu vnius planetæ originem habeat.

Quot sunt partes doctrina Theorica?

Supra libro primo fol. 15. diuisa est tota doctrina in partes tres proprias, primam de principijs, ex quibus motus secundos Copernicus demonstrat (materia libri IV.) secundam de instrumentis manuarijs, quibus hi motus subiiciuntur oculis, scil. de orbibus Eccentricis & similibus (materia libri V.) tertiam de ipsis singulorum Planetarum motibus apparentibus, & junctorum inter se communibus accidentibus (materia libri VI.) & in quartam, communem doctrinam Sphæricæ & Theoricæ, de motu octavæ sphære apparenti (materia libri VII.)

Quæ sunt Hypotheses seu principia, quibus Astronomia Copernicana saluat apparentias in motibus planetarum proprijs?

Hæc sunt potissimum. 1. Solem in centro sphære fixarum, (vel quasi) collocatum esse, immobilem loco. 2. Planetas singulos moveri revera circa Solem in singulis systematibus, quæ ex pluribus circulis perfectis,

fectis, æquabilissimo motu conuersis componantur.
 3. Tellurem esse vnū ex planetis, sic vt orbē inter orbes
 Martis & Veneris mediū annuo motu circa Solem de-
 scribat. 4. Proportionē Orbis hujus collati ad diame-
 trum sphæræ fixarum, esse insensibilem, adeoque im-
 mensæ similem. 5. Sphæram Lunæ ordinari circa ter-
 ram vt centrum suum, sic vt motus annuus circa So-
 lem (& sic de loco in locum) toti sphæræ Lunæ cum
 Tellure communis sit.

*Censes tu, retinenda esse principia istam
 hac Epitome?*

Cūm Astronomia duos fines habeat, saluare
 apparentias, & contemplari genuinam formam ædifi-
 cij mundani, de quibus actum est libro 1. folio 4. & 5.
 ad primum quidem finem, non est opus omnibus his-
 ce principijs; sed possunt aliqua mutari; aliqua omit-
 ti; secundum etiam necessariū est emendandum: ad al-
 terum finem etsi necessaria sunt pleraque, nondum ta-
 men ista sufficiunt.

*Quanam horum principiorum possunt
 mutari vel omitti salvis appa-
 rentijs?*

Tycho Braheus demonstrat apparentias, mu-
 tato primo & tertio: Terram enim ipse cum veteribus
 collocat in centro mundi, immobilem; Solem vero,
 qui centrum & ipsi est orbium quinq; planetariorum,
 cum ipso systemate sphærarum omnium, facit annuo
 communi motu circumire circa terram, dum interim
 in hoc communi systemate quilibet planeta suos pro-
 prios motus conficit. Quartum verò idem penitus o-
 mittit, fixarum sphæram non multo maiorem exhi-
 bens quàm est sphæra Saturni

Quæ vicissim loco secundi principij substituit, & quæ insuper addis ad genuinam formam mundani domicilij, seu naturæ cæli pertinentia?

Et si planetis singulis singuli relinquendi sunt motus veri: attamen hos motus ipsi moventur non se ipsis, nec per conversionem sphaerarum, quæ solidæ nullæ sunt: sed Sol in centro mundi, conversus circa corporis sui centrum & axem, hac sui conversione fit planetis singulis causa circumeundi.

Amplius, et si planetæ revera fiunt à Solis centro Eccentrici: non sunt tamen aliqui circuli minutiores, Epicycli dicti, qui conversione sui varient hæc intervalla Planetæ & Solis: sed ipsa planetarum corpora vi insitâ præbent occasionem huic variationi.

Quæ igitur erit materia libri Quarti?

Continebit liber iste IV. ipsissimam physicam cœlestem, seu formam & rationes operis mundani, causasque genuinas motuum. Et hoc erit illud primum Astronomi munus, de quo lib. I. pag. 5. scil: Demonstratio hypothesium suarum.

Recense libri IV. partes primarias.

Partes libri IV. potissimum tres erunt:

Prima de corporibus ipsis; secunda de corporum illorum motibus; tertia de motuum accidentibus realibus.

Prima enim docebit conformationem totius univærsi, distinctionem ejus in partes seu regiones præcipuas, locum Solis in ejus centro: numerum, magnitudinem & ordinem seu situm sphaerarum planetarum; denique proportionem inter se omnium mundi corporum.

Secunda tradet revolutionem Solis circa suum axem, ejusque effectum in circumagendis planetis: causas proportionis inter se motuum, hoc est, tempo-


rum

rum periodicorum: immobilitatem centri Solis, motum annum centri Telluris circa Solem: revolutionem Telluris circa suum axem, ejusque effectum in circumagendâ Lunâ: adjumenta movendæ Lunæ, ex lumine Solis: & quæ sint causæ proportionum inter Diem, Mensem, & Annum.

Tertia causas aperiet inæqualitatis triplicis, altitudinis, longitudinis, latitudinis, in planetis singulis: & quomodo inæqualitates istæ in Lunâ, vi illuminationis ex Sole, duplicentur.

PARS I.

I. De partibus Mundi præcipuis.



*Quam censes esse dispositionem partium
Mundi præcipuarum?*

Copernici philosophia partes Mundi præcipuas adnumerat distinctis figuræ mundanæ regionibus. Cum enim in sphærico, Dei creatoris imagine, mundi-
que archetypo (vt primo libro probatum) tres sint regiones, trium S. S. Trinitatis Personarum Symbola, centrum Patris, superficies Filij, & intermedium Spiritus sancti: totidem etiam præcipuæ mundi partes sunt factæ, singulæ in plagis sphærici singulis, Sol in centro, fixarum sphæra in superficie, planetarum denique systema in regione inter Solem & fixas intermedia.

*Putabam ego præcipuas mundi partes esse
numerandas cælum & terram?*

Equidem nobis telluris incolis visus noster partes alias magis notabiles, vt libro primo fol. 8. 9. 10. dictum, nequit ostendere; cùm alteram pedibus calcemus, alteram regamur, ambæ communi Horizontis Limbo commissæ & conglutinatæ esse videantur, instar palatii, in quo stellæ, nubes, aves, homo & varia animalium terrestrium genera sint inclusa.

At cùm nos in disciplina versemur, quæ rerum causas aperit, visus deceptiones discutit, mentem altius, vltraq; visus metas euehit; nemini mirum esse debet, visum à ratione, discipulum à Magistro, novi quid discere, quod ignorabat prius: terram scilicet per se solitariè consideratam, non inter mundi magni partes primarias habendam, sed vni primariarum, sc. planetariæ regioni seu Mundo mobili, accensendam, & in eo principij quandam rationem obtinere. Solem vicissim e numero stellarum secretum, pro vna ex præcipuis totius vniversi partibus constituendum. Loquor autem jam de terra, quatenus est pars ædificij mundani, non verò de dignitate dominatricis creaturæ, quæ illam inhabitat.

Quibus

*Quibus inter se proprietatibus distinguitur
tria hac magni mundi mem-
bra?*

Mundi perfectio consistit in luce, calore, motu, & Harmonia motuum; quæ sunt analogæ facultatibus animæ, lux sensitivæ, calor vitali & naturali, motus animalis, Harmonia rationali. Et in luce quidem, mundi consistit ornatus, in calore vita & vegetatio, in motu quædam quasi actio, in Harmonijs contemplatio, in qua Aristoteles ponit beatitudinem. Iam cum ad omnem affectionem tria necessariò concurrant, causa A QVA, subjectum IN QVO, & forma SVB QVA: Sol igitur per omnes dictas affectiones mundi, vicem sustinet efficientis, fixarum regio, vicem formantis, continentis, & terminantis, intermedium, vicem subjecti, pro natura cuiusque affectionis. Omnibus igitur his modis Sol fit totius mundi corpus præcipuum.

Nam quod lucem attinet, eâ cum Sol ipse pulcherrimus est, & quidam veluti oculus mundi, tum verò mundi reliqui corpora ipse ut fons lucis aut clarissima fax, illuminat, pingit, exornat; Intermedium, non ipsum est lucidum, sed pellucidum & perspicuum, & rivus, per quem dispensatur lux à suo fonte; suntq; in globi & creaturæ, quibus lux Solis infunditur, & qui ea fruuntur: Fixarum sphæra vicem præstat alvej, in quo decurrat hoc lucis flumen, estque quidam veluti paries opacus & illuminatus, lucem Solis repercutiens & conduplicans: rectissimè laternæ comparaveris, quæ ventos arcet.

Sic in animalibus cerebrum, sedes sensitivæ facultatis, toti animali sensus omnes communicat, & actus sensus communis, causatur illorum sensuum omnium præsentiam, eos veluti excitans & vigilare iubens. Et aliter, in hac comparatione Sol sese habet instar ipsius sensus communis, Globi in intermedio, in-

star organorum sensoriorum; fixæ instar objectorum sensilium.

Quoad calorem, Sol focus mundi est; ad hunc focum Globi in intermedio sese calefaciunt; fixarum sphaera continet calorem, ne diffuat, veluti quidam mundi paries, pellis aut vestis, ut Psalmi Davidici flosculis utar. Sol ignis est, ut Pythagoræi dixerunt, vel lapis seu massa candens, ut Democritus, fixarum sphaera glacies est, seu sphaera crystallina, comparatè loquendo. Quod si non creaturarum tantum terrestrium, sed etiam totius auræ æthereæ per universam mundi amplitudinem, est aliqua facultas vegetans, cujus conjecturam præbent nobis, cum manifesta Solis energia calefaciendi, tum contemplationes physicae de Cometae ortu: eam credibile est radicatam esse in Sole, velut in corde mundi; indeque remigio lucis, unâ cum calore, excurrere in hoc amplissimum mundi spacium, ad eum modum, quo in animalibus, sedes caloris & facultatis vitalis est in corde, vegetabilis in Epate, unde per spirituum commercia, facultates hæ excurrunt in reliqua etiam corporis membra: fixarum hic regio, stans undiq; ex opposito, vegetationem hanc adjuvat, calorem concentrans, ut loquuntur; veluti quædam mundi cutis.

Quò ad motum, Sol est prima causa motus planetarum universi, primusque motor, etiam ratione sui corporis: In intermedio spaciuntur mobilia, Globi scilicet planetarum; fixarum regio præstat mobilibus locum & basin quandam, cui velut innitantur mobilia, & cujus per se immobilis comparatione, motus intelligatur fieri. Sic in animalibus cerebellum est sedes facultatis motricis, corpus eiusque membra, sunt id quod movetur: terra corpori animali, corpus brachio vel capiti, brachium digito, est basis, super qua ut immobili, motus fiat cuiusque partis.

Denique quoad Harmoniam moruum, Sol illum locum obtinet, in quo solo planetarum motus faciunt

faciunt apparentiam quantitatum harmonicè con-
temperatarum ; Planetæ ipsi, discurrentes in interme-
dio, subjectum exhibent seu terminos, in quibus con-
sistunt Harmoniæ : fixarum sphaera, seu Zodiacus cir-
culus, exhibet mensuras, ex quibus quantitas motu-
um apparentium cognoscitur. Sic etiam in Homine
intellectus est, qui abstrahit vniversalia, formatque &
numeros & proportionem; vt quæ non sunt extra intel-
lectum; individua verò, per sensus intrò recepta, sunt
fundamentum vniversalium, individua & discretæ vi-
nitates, numerorum; termini reales, proportionum:
memoria denique quibusdam veluti loculis quantita-
tum & temporum, ad quoddam instar sphaeræ fixarum
distincta, est penus & repositorium sensuum. Et am-
plius, de sensuum nupiam fit iudicium, nisi in cere-
bro; nupiam oritur affectus lætitiæ ex perceptione sen-
suali, nisi in corde.

Respondet igitur nutritioni animalium & plan-
tarum, dicta vegetatio; respondet vitali facultati, ca-
lesfactio; animali, motus; sensitivæ, lux; rationali, Har-
monia Quare optimo jure, Sol cor mundi habetur, vi-
tæque & rationis sedes, & primariorum trium mundi
membrorum præcipuum: suntque vera encomia sen-
su philosophico, cum poetæ, Regem astrorum, Sidonij
verò & Chaldæi & Persæ (proprietate linguæ, quæ
etiam in Teutonismo cernitur) Reginam cœli, Plato-
nici verò, Regem ignis intellectualis celebrant.

*Non satis aptè videntur respondere tria
hac mundi membra tribus superficiei spha-
rica regionibus: cum centrum sit punctum,
Sol verò corpus; sic superficies extrema intel-
ligitur esse continua, fixarum Regio non
collucet tota, sed passim lucidis punctis ab
invicem discretis est consita: deniq; in-
termedium in sphaerico totum explet spa-
cium; at in mundo quod est inter so-*

*lem & fixas, non omne videtur in motu
constitui?*

Equidem hoc ipsum indicat responsum trium mundi partium aptissimum. Cum enim punctum aliquod vestiri seu exprimi, nisi per corpus aliquod, non posset, atque sic corpus quod est in centro, defecerit ab indivisibilitate centri; par erat ut etiam sphaera fixarum à continuitate superficiei sphaericæ deficeret, inq; fixarum innumerabilium minutissima puncta dehisceret; ipsum denique intermedium non omne occuparetur à motu & cæteris affectionibus; nec plane perspicuum, sed paulò densius esset, quippe quod omnino vacuum esse non potuit, sed aliquo corpore implendum erat.

*Suntne Orbes solidi in quibus Gehuntur
planeta? q; interjecta intervalla, & vacua
orbibus?*

Solidos orbes tribus rationibus refellit Tycho Braheus, vna est à motu Cometarum, altera à lumine irrefracto: tertia à proportionem orbium. Nam si solidi essent orbes, Cometæ non cernerentur ex vno orbe in alium trajicere, impedirentur enim à soliditate; at trajiciunt ex vno in alium, vt demonstravit Braheus.

A lumine porro sic: cum sint orbes eccentrici, & terra ejusque superficies, in qua oculi, non sita sit in ipso cetro cujusq; orbis; ergo si solidi essent orbes, densiores nimirum quàm illa limpidissima aura æthereæ, tunc radij stellarum refracti ad Aerem nostrum pervenirent, vt docet Optica: itaq; planeta irregulariter appareret, & quasi in locis longè alijs, quàm quæ ab Astronomo prædici possent.

Tertia ratio est ipsius Brahei accommodata principijs: testantur illa, vt & Copernicana, Martem fieri quandoque propiorem terris, quàm est Sol: hanc verò permutationem non potuit Braheus credere possibilem,

Item, si solidi sint orbes, cùm Martis orbis deberet interfecare orbem Solis.

Quid igitur est in illis Planetarum regionibus præter Planetas?

Nihil nisi aura ætherea, tam orbium quàm intervallo-
rum communis, limpidissima illa & cedens mobilibus haud minus expeditè, quàm cedit illa luminibus Solis & Stellarum, vt ad nos delabi possint.

Si est aura, erit corpus materiatum, habens densitatem: resistet igitur ejus materia mobilibus nonnihil?

Immò illa aura ætherea tenuior est hoc nostro aëre, etiam cùm putissimus est, immenso propemodum intervallo.

Quomodo hoc probas?

Ex optica per refractiones: Nam noster aër ætheri contiguus refractionem causatur 30 circiter minutorum. Aqua verò aëri contingua, 48 graduum circiter: vnde quodammodo constat proportio densitatis aquæ ad aërem, aëris ad ætherem, multiplicatione cubica. Nam 30. minuta continentur in 48. gr. propemodum centies, quod est in quadratis decies millies, in cubis decies centies millies. Toties igitur tenuior est aër aqua, æther aëre.

Est tamen materia ætheris non planè nulla: adhuc igitur ab ea impediuntur sidera?

Tantulum impedimentum motus, tantulam scilicet resistantiam ætheris largiri possumus mobilibus sine incommodo, vt quibus antea etiam propter propriam corporum materiam, aliqua resistantia largienda est, vt infra patebit. Et quid si nulla sit concedenda ætheri

ris resistentia? cùm credibilius sit, auram ætheriam, quæ proximè globum mobilem circumstat, comitari globum ob summam limpiditatem?

II. De loco Solis in centro mundi.

Quibus Verò argumentis astruis Solem in ipsissimo mundi centro situm esse?

Horum aliqua suppeditant nobis vetustissimi Pythagoræi & philosophi Italici apud Aristotelem lib. 2 de cœlo cap. 13. & desumuntur à dignitate tam Solis quam loci, & à Solis officio in mundo vivificandi & illuminandi.

Dic primum Argumentum à dignitate?

Sic habet ratiocinatio Pythagoræorum ad verbum ex Arle: corpori dignissimo & preciosissimo digniorem etiam locum deberi. Iam verò Solem quidem (pro quo ipsi Ignis vocabulo sunt vsi, ex instituto Sectæ occultantes sua dogmata) digniorem esse Tellure, totiusq; mundi preciosissimum & dignissimum, ut paulò ante ostensum. Atqui superficiem & centrum seu meditullium esse binos sphaerici terminos. Horum igitur alterum Soli competere: Non verò superficiem, nam id corpus quod est totius mundi præcipuum, debuisse omnium maximè custodiri: centrum verò aptum ad hanc rem esse, quod ideo Iovis custodiam appellitare soliti sunt. Itaque non esse par ut Tellus in medio sit: Soli enim illum locum competere, Tellurem verò annuo motu circa medium ferri.

Quid respondit ad hoc argumentum Aristoteles?

1. Dicit illos sumere ineoncessa, scil. idem esse medium

medium & magnitudinis (hoc est sphærici) & rei (h.e. corporis mundani,) & ipsius adeò Naturæ, (h.e. informationis seu vivificationis.) Atqui vt in animalibus non sit idem medium & vivificationis & corporis (cor enim intus quidem est, at non æqualiter ab extremis abest) sic etiam de cælo cogitandum, neque metuendū incolumitati totius vniversi, aut præsidium ad centrum collocandum: quin potius quærendum illud cor mundi seu medium vivificationis quale corpus sit, & in quo mundi loco situm.

2. Vult ostendere dissimilitudinem mediij naturæ à medio loci. Illud enim medium naturæ, seu illud dignissimum & preciosum corpus, habere rationem principij: loci verò medium, esse potius vltimum, in quantitate metaphysicè consideratâ, quam primū aut principium eius. Quod enim est quantitatis medium, hoc est, intimum, id finiri seu circumscribi: Terminos verò id esse, quod finit seu circumscribit. Iam præstantius & dignius esse quod exterius ambit, finit & concludit, quam quod intus terminatur: nam materiam inter ea esse, quæ finiuntur, terminantur & continentur: Formam verò, seu essentiam creaturæ cuiusque, esse de numero eorum, quæ finiunt, circumscribunt & comprehendunt. Ita putat se probasse, Soli (seu vt ille intellexit, Igni Pythagoræorum, non tam medium mundi locum competere, quam extremitatem.

Quomodo tu diluis hunc Aristotelis elenchum?

1. Etsi verum est, non in omnibus creaturis, minimeque in animalibus, id esse in totius molis medio, quod est totius creaturæ præcipuū at cum de mundo disputamus, nihil est verisimilius hoc ipso. Nam figura mundi rotunda est, animalis non item. Quia cum animalia instrumentis egeant extra se porrectis, quibus terræ insistant, super ea moveantur, cibum, potum, species

Species rerum sonosque ab extra exceptos intra se recipiant : Mundus è contrario solus est, nihil habens extra, seipso nixus, & quoad totum immobilis, ipse solus omnia: causa itaque nulla est, cur cor mundi sit a libi, quam in medio: ut id quod est, (cor scilicet) esse possit omnibus mundi partibus extimis æqualiter, quippe ab æquali vndique intervallo.


2. Porro quod iussit quærere, quodnam corpus sit illud totius vniversi præcipuum : turbatus quidem est, ænigmate Pythagoræorum, existimans illos ignis elementum pro præcipuo venditare: non malè tamen iussit. Et nos igitur, consilium Aristotelis secuti, Solem eligimus, non aduersantibus nec Pythagoræis in sensu suo mystico, nec ipso Aristotele. Quem Solem dum quærimus, quo mundi loco sit situs, Copernicus cœli peritus, nobis medium indicat: cæteri qui alium ejus ostendunt locum, non coguntur ad hoc argumentis astronomicis, sed alijs quibusdam ad speciem metaphysicis, ex terræ ejusque loci contemplatione ductis: quorum argumentorum æstimatio nobis cum illis est communis, & quibus non indicant, sed quærent ipsi quoque Solis locum. Dum igitur quærentes locum Solis in mundo, centrum invenimus mundi, facimus hoc æquo ipso Aristotele, nec hic ejus elenchus est contra nos.

3. Quod verò centro vilitatem adstruit Aristoteles, Pythagoræis directè contradicens: facit id præter figurarum naturam, præterque considerationem earum seu geometricam, seu metaphysicam.

Nam supra libro primo centrum sanè non vltimum erat in sphærico, sed ejus omninò principium geneleos mentalis æquabilissimæ, gerens in S S. Trinitatis adumbratione Dei Patris, quæ prima personarum est, similitudinem.

4. Denique physicè æstimans ea quæ sunt geometrica, possit alicui videri non congruè facere, nisi quæ hic de materia & forma disputat, ex ipsa schematum
geome

geometricorum consideratione per analogiam quam-
dam transumpta essent. Verè enim in quantitativ^o so-
lidis, interna corpulentia, quaquaaversum patens æqua-
liter, nec seipsâ cujusquam figuræ particeps, genuina
est imago materiæ in rebus physicis; externa verò cor-
pulentia figura ex superficiebus certis composita, ter-
minantibus soliditatem, repræsentat in rebus physicis
formam. Itaque concedatur illi sanè comparatio hæc:
sed ex qua apparet, ipsum ludere æquivocatione me-
dij: cùm enim de intimo spherici puncto dixerint Py-
thagorici: omne spacium intra ipse superficiem
comprehensum intelligit voce medij. De spacio igitur
concedenda est illi victoria, sed inutilis, de centro enim
totius spacij medio vincunt Pythagorèi & Coperni-



eus. Nam etsi medium ut est spacium, non meretur
nomen termini; at meretur, ut est centrum, quo respe-
ctu

Et maxime est accensendum formantibus & terminantibus, cum supra libro primo centrum fuerit origo geneleos sphaerici, metaphysicè expensæ.

Proba ab officio solis, centrum ei deberi?

Id partim jam est factum in dissolutione elenchi Aristotelici. Nam 1. si totus mundus qui sphaericus est, indiget Solis lumine & calore æqualiter; optimum igitur, Solem in medio esse, unde æqualiter ista in omnes mundi plagas dispergiatur: quod fit æquabilius & rectius, quiescendo in centro, quam circumeundo circa illud. Nam si accederet aliquas partes, calefactionis causa; recederet ab oppositis, causareturque vicissitudines, ipse existens simplicissimus. Et mirum est, quosdam ludibrij causa uti similitudine, luminis in medio laternæ: cum aptissima sit similitudo, minimeque ad exagitandam hanc sententiam comparata, sed potius ad depingendam vim huius argumenti cum primis idonea.

2. De lumine verò peculiaris textitur demonstratio, concinnitatem supponens, non necessitatem. Finge sphaeram Fixarum esse speculum concavum: notum est, oculum in centro talis speculi collocatum vndique seipsum intueri: & si lux sit in centro, eam vndique à superficie concava reperi angulis rectis, re-percussos coire rursum in centro: atqui id in nullo alio concavi puncto fieri potest, præter quam in centro. Ergo cum Sol sit fons lucis, mundi oculus: centrum ei debebitur, ut (ipse in divina symbolisatione Pater) seipsum in tota superficie concava (quæ Dei filij) gerit symbolum) contempletur, & in ea sui imagine sibi complaceat, seque ipsum illuminando illustret, calfaciendo incendat. Huc pertinent versiculi melici:

*Tuam o qui faciem inspicis
Vndiquaq; resultans
Ætherisymblice,*

Vireum

*Vitreum per inane fluentum
Fulgurum scatebra, Sol,
Qua reflexa resorbet.*

*Copernicus tamen Solem non penitus in
ipsum mundi centrum redegit?*

Hoc fuit intentum Copernici, ostendere, quod nodus ille communis omnium systematum planetariorum, de quo infra, tantum distet à centro Solis, quantam veteres faciunt Solis eccentricitatem: quem nodum ipse centrum mundi statuit, nulla demonstratione astronomicâ adactus, sed propter solam concinnitatem, ne differret ille nodus, & commune veluti centrum orbium mobilium, ab ipsissimo centro mundi. Quòd si quis alijs eadem concinnitate vsus, contendere voluisset, illud potius esse cavendum, ne Solem ipsum à centro mundi differre faciamus, at Nodò illi Regionis mobilium sufficere, vt stet proximè, etsi non sit planè in ipso centro: qui hoc inquam contendere voluisset, is nihil turbasset in Astronomia Copernicana. Ita primò etiam per hanc opinionem Copernici, distantiam sc: Nodi illius à Sole, permanent nihilominus argumenta vltima de loco Solis in ipso centro. Secundo verò ne quidem acquiescendum est huic opinioni Copernici, quòd Nodus ille à Solis centro distet. Nam communis ille nodus Regionis mobilium est in ipso Sole, vt infra probabitur: itaque quibuscunq; verisimilitudinibus vel vnum vel alterum refertur in centrum ipsum sphaeræ Fixarum, iisdem etiam reliquum eodem redigitur, vel ipso Copernico approbante.

29) : (29



III. De mobilium sphaerarum ordine.

Quomodo distinguuntur inter se planeta?

In primarios & secundarios; primarij sunt, quorum corpora circa solem vehuntur, vt infra docebitur, secundaria sunt, quorum circuli proprii non circa solem, sed circa vnum è primarijs planetis ordinantur, quibusque præter motum proprium circa corpus primarij, etiam motus sui primarij circa Solem communis est; tales Saturnus habere, secumque circumducere creditur duos, qui interdum ope telescopij in conspectum veniunt: Tales Iupiter habet circa se quatuor *d. e. f. h.* Tellus & vnum *c.* Luna dictum. De Marte, Venere, Mercurio, primarijs & ipsis, nondum constat, num & illi comites seu satellitium tale habeant.



Quot ergò sunt in doctrinæ Theoricæ Planetæ considerandi?

Non plures septem; sex quidem dicti primarij, 1. Saturnus, 2. Iupiter, 3. Mars, 4. Terra (Sol ad visum) 5. Venus, 6. Mercurius & 7. vnicus è secundarijs, Luna; quia sola circa Tellurem, nostrum domicilium volvitur; ceteri secundarij nihil nos attinent, qui Telluris sumus

Sumus incolæ, nec eos sine lectissimis Telescopijs, conspicimus.

*Quo ordine dispositi sunt inter se planeta,
num in eodem cælo sunt, an in
diversis?*

Visus quidem omnes in suprema & altissima illa fixarum sphaera collocat, interque fixas ipsas discurre-re opinatur. At ratio, omnium temporum, omniumq; sectarum hominibus diversum suavit. Nam si omnium centra in eodem essent orbe, cum videamus illos inter se ad visum sapius conjungi: fieret igitur ut alter alterum impediret, nec possent illorum motus esse regulares & perennes.

Copernici verò & vetustissimi Aristarchi ratio, subnixa observationibus, regiones singulorum ingentibus intervallis inter se & a fixis distinctas esse convincit.

*Quodnam est hic discrimen inter Veterum
& inter Copernici ratiocina-
tionem?*

1. Veterum ratio probabilis saltem est, Copernici demonstratio ex suis orsa principijs, necessariū infert.

2. Illi hoc tantum docent, non esse plures vno planetas in vnâ qualibet sphaera: Copernicus illud insuper addit, quantum quemlibet super alterum elevatum esse necesse sit.

3. Veteres igitur cælos sibi mutuo superædificant, ut lateres in aliquo muro, aut, quod similis est, tunice cœparum, interior exteriorem sustinet: rati spacia omnia explenda esse orbibus, & tantam statuendam esse sphaeram superiorem, quantam esse patitur sphaera inferior notæ quantitatis: quæ conformatio materialis saltem est: Copernicus ex ipsis observationibus spacia singulis sua metatus, tanta inter binos interesse ostendit, ut incredibile sit, illa orbibus impleri; itaque hæc ejus dispositio urget mentem contemplatricem, ut spretâ materiâ & contiguitate orbium, aspi-

ret ad indagationem formalis dispositionis seu archetypi ad quem facta sint intervalla.

4. Veteres suâ structura materiali mundum planetarium seu mobilem coguntur majorem facere multis partibus, quam Copernicus sua dispositione formali: Copernicus contrâ mobilium regionem modicè amplam, fixarum verò quiescentem immensam facit: quam veteres non multò majorem statuunt sphaerâ Saturni.

5. Veteres dispositionis suæ rationem non, ut optant, explicant & comprobant: Copernicus in rationibus stat egregiè.

*Quas dicis rationes dispositionis orbium,
& quomodo ijs præstat Copernicus?*


Docet Aristoteles lib. 2. de cælo cap. 10. nihil magis esse consentaneum rationi, quàm ut respondeant cujusque planetæ tempora conversionis, ejusdem altitudini seu orbis amplitudini. Iam veteribus quidem altissimus idem est, qui & tardissimus, nimirum Saturnus, quia 30. annos habet: quem sequitur loco & tempore Iupiter, qui 12. annos, & hunc Mars qui minus 2. annis habet. Iam verò in reliquis ratio veteribus perturbata est. Nisi enim terræ concesseris motum annum circa Solem, fiet ut Sol, Venus & Mercurius, tres distincti planetæ, idem habeant annum tempus circuitus sui; quibus tamen tribuunt orbès diversos, Soli superiorem, Veneri medium, Mercurio tertium: Tum denique Lunæ tribuuntimum locum, uti illa quidem etiam habet tempus angustissimum, menstruum scilicet.

Copernicus verò, terram statuens circa Solem circumferri, habet eandem per omnes planetas primarios analogiam & motuum & temporis. Ei Sol est in centro mundi & sic intimus, circuitu centri carens, hoc est, centri & axis respectu, immobilis: corpus verò


Solis

Solis circa axem immobilem turbinari paucis ab hinc annis deprehensum est, citius quam vnus mensis spacio: Proximus circa illum Mercurius orbe angustissimo, quem absolvit tribus mensibus: circa hunc orbem, Venus ampliori orbe & prolixiori temporis spacio, sc. sesquiocto mensium. Circa Veneris cœlum, est Tellus cum pedissequa sua Luna (est enim Luna secundarius planeta, quorum inter primarios ratio non habetur) circumitque duodecim mensium spacio. Postea sequuntur Mars, Iupiter, Saturnus, vt apud veteres, cum suo quisque satellitio. Post Saturnum est sphaera fixarum, vt immenso intervallo distans, sic penitus etiam quiescens.

Theoria Saturni, Iovis, Martis, & Telluris.



Theoria Telluris, Veneris, Mercurij, ampliata
Orbitâ Telluris.



*Qua mensurâ Copernicus admetitur in-
ter & alla planetis singulis?*

Mensurâ hic vtendum nobis est proportionatâ,
ad quam comparari cæteræ sphaeræ possint, nobisque
proximè connexâ, & sic nobis quodammodò notâ: ea
est amplitudo orbis, in quo centrum Telluris, orbicu-
liq. Lunæ circum Solem vertuntur, seu ejus semidia-
meter, vel distantia telluris à Sole: Hæc veluti decem-
peda, est accommodata negotio: tellus enim nostrum
est domicilium, è quo distantias cælorum metimur,
estque planetarum medius, & inter eos multis nomi-
nibus, de quibus infra, principij rationem obtinet. Sol
verò visus nostri indicio & iudicio, est præcipuus pla-
netæ.

netarum : rationis verò suffragio supra expenso est ipsum cor regionis mobilium, ad mensurandum propositæ. Ita hæc nostra decempeda duos habet terminos insignissimos, Tellurem, & Solem.

Quæta igitur sunt Orbium singulorum intervalla?

Distantiam Saturni, demonstrationes Copernicæ evincunt esse paulò minorem decuplâ telluris à Sole, Iovis quintuplam, Martis sesquiplam, Veneris sub-sesquitertiam, Mercurij subtriplam circiter.

Itaque diameter Orbis Saturnij habet minus duplo vicini sui Iovialis, Iovialis habet triplum Martialis inferioris, Martialis sesquiplum Terrestris orbis circa Solem positi, Terrestris Venerij plus sesquitertio, Veneris Mercurialis quinque tertias vel octo quintas circiter. Vbi tamen notandum, distantiarum proportionem alijs orbitarum partibus alias esse, præsertim in Marte & Mercurio,



Quæ verò causa est intervallorum ipsorum planetariorum, ex quibus periodica tempora sequuntur?

Causa intervallorum in archetypo eadem est, quæ numeri primariorum planetarum senarij.

Obsecro num tu speras numeri planetarum causas assignari posse?

Successit hæc cura, Deo propitio, non malè; Geometrix rationes Deo cœternæ sunt : in ijs primo est curvi & recti discrimen. Curvum supra libro primo dictum est gerere Dei quodammodo similitudinem; Rectum creaturas repræsentat. Et in mundi exornatione primum extrema regio fixarum sphærica facta est, ad illam geometricam Dei similitudinem, quod illa ut Deus aliquis corporeus (gentibus sub nomine Iovis cultus) omnia reliqua in se continere debuerat. Rectum

igitur quantitates, pertinuerunt ad extremæ sphaeræ in-
tima contenta; primæ & pulcherrimæ, ad primaria. Ex



rectis verò sunt primæ perfectissimæ pulcherrimæ &
simplicissimæ, quæ quinque corpora regularia dicun-

tur, quæ jam ante bis mille annos Pythagoræi dixerunt esse figuras mundanas, existimantes quatuor elementa & cælum (quintam essentiam) ad illorum archetypum esse conformata.

Sed verior est ratio, vt illæ quinque figuræ totidem conforment intervalla orbium, sese mutuo includentium. Si ergo sunt intervalla quinque spherica, sex igitur necesse est esse orbis: sicut ad intervalla quatuor linearia, quinque necesse est esse digitos.

Quæ sunt illa quinque figura regulares?

Cubus, Tetraëdron, Dodecaëdron, Icosaëdron, Octaëdron.

Quomodo distinguuntur hæ figurae & in quæ genera?

Cubus Tetraëdron & Dodecaëdron sunt primariæ: Octaëdron, Icosaëdron secundariæ.

Quare illas facis primarias has secundarias?

Tres illæ habent ortum priorem, & angulum simplicissimum, h. e. trilinearem, & planum quilibet proprium: Duæ posteriores habent ortum ex primarijs, & angulum plurium linearum, magisq; compositum, & planum mutuatitium.

Quis est ordo primariarum?

Primariæ istæ dicuntur, tantum respectu secundariorum, inter se enim habent adhuc ordinem prioritatis istum: Cubus, Tetraëdron, Dodecaëdron. In his enim figuris apparet prima omnium Metaphysica oppositio, inter Idem & Alterum vel Diversum. In Cubo spectatur Identitas, in reliquis duabus Diversitas. Et inter has quidem est prima contrarietas geometrica, scil. quæ est inter Plus & Minus Ipso: Cubus enim est

res Ipsa, Tetraëdron est minus Cubo, Dodecaëdron plus cubo : seu, Cubus est prima genitarum, Tetraëdron prima exlectatum è cubo : Dodecaëdron prima compositarum, aucto & operito cubo ; quæ idea etiam in earum planis, Terragono, Trigono, Pentagono, dominatur : Terragonus enim gignitur primò omnium ductibus simplicissimis & æquabilissimis, vt libro primo dictum, Idem solvitur in bina triangula, Pentagonus verò componitur extribus triangulis idoneis.


Explica cubi genesin & primatum & speciem?

Rectæ quantitates ortum habent mente conspicuum: sphæricum, vt supra dictum, quendam gerit æternitatis, seu generationis eternæ characterem. Posito verò sphærico, ponitur punctum in ejus medio, & puncta infinita in ejus superficie. Ex fluxu igitur puncti ad punctum oritur linea, ex fluxu lineæ laterali superficies, ex fluxu superficiei laterali corpus. Si fluxus est rectus etiamq; brevissimus, recta hinc oritur duobus terminata punctis: si fluxus lineæ rectæ talis est, vt æqualiter fluant omnia ejus puncta, parallelogrammum oritur, quatuor terminatum lineis: si sic etiam parallelogrammum fluat, oritur parallelepipedum, sex terminatum planis. Rursum si lineæ fluxus est æqualis rectæ fluenti, angulus lineæ, secundum quam fit fluxus, ad fluentem, qualiscunque, præter rectum; oritur planities, Rhombus dicta, cujus latera inter se æqualia: si angulus rectus fuerit, quadratum est, quod oritur: si sic etiam fluat quadratum; oritur cubus: cujus sex plana omnia quadrata, & sic inter se æqualia. Iam brevissimum anfractuoso prius est; æquale sibi que simile, inæquali & dissimili, rectum obliquo. Quemadmodum igitur inter lineas genitas recta prior est (circulus enim posterior est plano, planum rectâ) inter superficies, quadratum; sic inter quantitates, ea quæ perfectâ

hoc est, trinâ dimensione constat, nempe inter corpo-
ra, primum esse, CVBVS evincitur.

*Explica primum Tetraedri inter sectas
& modum sectionis à cubo, & spe-
ciem?*

Diminutis corporibus, ut existat MINVS, solent
existere figuræ solidæ aliæ, quarum prima esse censetur




da est illa, quæ existit si prima ex genitis, sc. cubus, sim-
plicissimè & æqualissimè sectus fuerit. Non est autem
sectio (earum quidem, quæ novam figuram planam
designant) æquabilior, vel simplicior, quam si quatuor
cubi angulos præcidas radicitus: totidem enim præ-
cidis Tetraëdra, singula angulo solido recto *b*. basi tri-
angulari æquilatèr *a. c. d.* Relinquitur veluti quidam
venter cubi, scilicet Tetraëdron quintum, vndique sibi
ipsi simile, quatuor nimirum triangulis æquilateris
contentum. At si sectione illa utaris cubi, de qua libro
primo: non quinque sed sex irregularia fient Tetraë-
dra. Ex diminutis igitur, Tetraëdron est figura prima:
est autem tertia pars de corpore cubi secti, & quilibet
absectus angulus *ut b a c d* est ejusdem totius,
pars sexta.

Explica

Explica etiam ortum Dodecaëdri ex augmentatione, & rationes ejus posterioritatis inter tres primarias, prioritatis vero in auctis?

Sicut in diminutione cubi, pro quatuor angulis cubi resectis, plana constituta fuerunt quatuor, reliqui quatuor anguli cubi, manserunt Tetraëdro, sed diminuti, & speciei quidem ejusdem, hoc est trilinearis: sic etiam, si primam ex auctis, seu quæ PLVS cubo sunt, constituere velimus: pro cubi planis, constituimus angulos: cubi vero angulos etiam aucto transmittimus, sed vestitos auctosque, trilineares tamen etiam ipsos: seu quod eodem ducit, duodecim cubi lateribus totidem plana sunt in sternenda: sicut prius senis Tetraëdri lateribus totidem plana quadrata instrata erant: sicut enim cubus Tetraëdron tegit, sic hæc aucta figura quam hic inquirimus, tegit cubum.



Hic a e, e d & reliqua linea punctata, sunt latera cubi recti: a e d est planum cubi, pro quo fiunt duo anguli b, c: & manent etiam anguli cubi a, e: & lateri cubi a e, in sternitur quinquangulum a b c e, sic lateri prius senis Tetraëdri, quinqu: e c d.

Quod

Quod si pro singulis cubi planis singulos statuere-
mus angulos, quadrilineares angulos sex statuere-

mus, quia cubi
sex plana sunt
quadrágula; ma-
nerent octo cu-
bi anguli trili-
neares: Mixta i-
gitur esset figu-
ra. Vt igitur ma-
neat trilinearis
angulus augmé-
tatiōis, & anguli
omnes solidi in-
ter se homoge-
nei: imponendi
sunt singulis pla-
nis cubicis bini
anguli, non vni-
cus, sex prisma-

pyramides, qua-

lis hic est vna *b a d c*: sic vt binorum prismatum con-
tiguorum semper sit vnum commune planum, infra-
rum vni lateri cubi. Et hæc 6. prismata paulò minus
faciunt ipso cubo, cui imponuntur. Ita fient ex aug-
mentatione, anguli 12, quibus accedunt octo anguli
cubi; Summa 20. angulorum.

*Quomodo hinc exstruitur species plani De-
deracædrici?*


Anguli figuræ, vt jam dictum est, debent esse vi-
ginti, trium singuli linearum, quarum quælibet ad bi-
nos concurrat angulos, tres termini vicies, sunt sexa-
ginta; bini verò termini claudunt vnā lineam: Ergò
lineæ seu latera figuræ sunt triginta, quæ sunt potesta-
te sexaginta respectu planorum figuræ; quodlibet
enim

enim figuræ latus ad duo plana concurrat. Sexaginta
verò linearum seu latera plana, divisa in duodecim plana,
figuræ huic solidæ necessaria, quorum indicant, quin-
que. Plana igitur sunt quinquelatera. Ex auctis igitur,
rursum primum est, Dodecaedrum, habens plane
quinquangularia.

*Quis est ortus secundariorum & quare
tantum duæ?*

Tribus his figuris, Cubo, Tetraedro, Dodecae-
dro, tres quidem aliæ respondent, sed vna earum coin-
cidit cum sua primaria; & ipsæ quoque gignuntur di-
minutione trium primariorum, sed diminutione gene-
ris diversi, ubi non latus pro plano relinquatur, sed an-
gulus; pro superficie scilicet primariæ figuræ, non linea
secundariæ, sed punctum, manente laterum numero;
simul autem (ut prius) planum secundariæ generatur,
pro angulo primariæ: & planum quidem triangulare,
quia angulus primarij sui est trilinearis, connexis tri-
bus centris trium planorum primariæ, solidum angu-
lum circumstantibus. Sunt igitur istæ secundò genitæ
veluti quædam priorum viscera.


Nam cadit de cubo, quicquid exterius apparet,




relinquuntur de eo sola 6. centra velut umbilici qui-
dam 6. planorum, fiuntque anguli novæ figuræ sex: &
quia

quia cubus habuit 8.angulos, figura jam pro ijs accipit 8. plana triangula æquilatera : diciturque inde Octaedron: quod est sexta pars cubi sui.

Sic de Tetraedro: pro 4. ejus planis triangularibus,



constituuntur 4. anguli: pro 4. angulis 4. triangula, oriturque figura eadem cum sua primaria: itaque pro novâ non censetur. Est aut pars vicesima septima Te-



traedri cui inscriptum est. Sic est etiam cum Dodecaedro


dro quod de suis 12. basibus largitur novæ figuræ 12. angulos, pro suis 20. angulis largitur secundariæ suæ 20. bases triangulas, unde figurâ Icosaedron dicitur: Estque paulò minus dimidio Dodecaedri sui.

Primariarum una diminutione cubi fuit genita, una augmentatione. Hic jam diminutione sunt genita secundaria, nihil ne gignitur secundariarum augmentatione?





Secundæ huic diminutioni, respondet quidem etiam secundâ augmentatio trium illarum primariarum, angulo in locum plani succedente, plano in locum anguli, sed fiunt figuræ eadem, quæ hac diminutione sunt factæ. Sicut enim prius cubo erat inscriptum Octaedron, Dodecaedro Icosaedron, sic nunc vicissim Octaedro inscriptus fingitur cubus, Icosaedro Dodecadron. Omnibus igitur perlustratis, reperiuntur figuræ primæ quinque.

Quare appellas figuras simplicissimas?







Quia quælibet clauditur planis vnicæ solum speciei, scilicet triangulæ, vel quadrangulæ, vel quinquangulæ: tum etiam vnicæ speciei solido angulo, trilineari quidem, tres primariæ, quadrilineari Octaedron, quinquelineari Icosaedron. Cæteræ figuræ vari-



ant vel in vno vel in altero. Sunt enim quæ vnum quidem habent genus planorum vt Rhombica præmissa,



sed nō vnum genus solidorum angularum, Rhombus



enim Dodecaedros habet 6. quadrilineares angulos &
8. trili-

S. trilineares, Rhombus triacontaedros habet 12 quinquelineares & 20 trilineares. Sunt aliae, quae miscent diuersa plana, angulos habentia vniuersales solidos, vt tredecim species Archimedeorum, fol. praecedenti.

Quare pulcherrimas facis & perfectissimas illas quinque?

Quia sphaericum Dei imaginem quantum à recta figura fieri potest, imitantur, angulos omnes in eodem sphaerico ordinantes, & sphaerico inscriptiles; & vt sphaericum sibi ipsi vndique est simile, sic plana hic vnus cuiusque figurae omnia inter se sunt similia, omnia etiam, vni & eodem circulo sunt inscriptilia, angulis aequalibus.

Non possent alia aliqua methodo constitui plures figurae harum similes?

Nequaquam. Nam solidus alicuius figurae angulus constituitur à tribus minimum planis. Igitur triangula aequilatera trinis, quaternis, quinis, quadrangula trinis, quinquangula itidem trinis angulis coeunt ad solidum. Seni verò triangulares, & trini sexangulares implent planitiem; nec assurgunt in solidum. At verò horum plures vt etiam trini septangulares, & trini quicunq; alij, superant summam + rectorum, qui circa idem punctum in plano ordinantur. Vide prop. vlt. lib. XIII. Euclidis scholion. & librum II. Harmonicorum meorum.

Quomodo igitur ex his figuris sphaerarum primariarum numerus & intervalla planetariorum orbium desumpta sunt?

Figura quaelibet intelligitur habere duas sphaeras, vnā circumscriptam sibi, & planorum suorum centra tangentem, adeo vt prius figurae conspectus

veluti invitet architectum aliquem ad circumscribendas & inscribendas sphaeras : qualis igitur est proportio exterioris sphaeræ ad interiorem , talis etiam est facta proportio sphaeræ planetæ superioris ad proximè inferiorem, inter quas quidem est illud intervallum.

Quæ sunt ista proportionēs orbium in singulis figuris?

Semidiameter circumscripti sit 10000. erit inscripti proportio ista.

In Cubo	57735	Potestate tertia pars radij circumscripti.
Tetraedro	33333	Pars tertia radij circumscripti.
Dodecaedro	79465] Pars ineffabilis , inter duas tertias & tres quintas potentia radij circumscripti , ablata scil. potentia Apotomes ab Undecim quindecimis potentia radij.
Icosaedro	79465	
Octaedro	57735.	Potestate tertia pars radij circumscripti.

Habet autem Octaedron etiam in sui medio quadratum, à quatuor medijs lateribus formatum, cui si circulus inscribatur, ejus semidiameter erit 70711. potestate dimidia pars circumscripti.

Ostende nunc quis sit locus orbi Telluris inter has figuras?

Quinque corpora in duas suprà classes erant tributa, in tria primigenia & duo secundò genita, quorum illa trilinearem habebant angulum, hæc plurilinearem. Nam vt Adam est primogenitus, Eva ejus non filia sed pars, qui ambo protoplastæ appellantur, Cain verò

verò & Abel & Sorores sunt jam illorum proles : sic Cubus est primo loco, ex quo aliter & simplicius sunt ortæ, Tetraedron, veluti costa quædam Cubi, & Dodecaedron : sic vt tamen omnia tria maneant inter primaria: Octaedron verò & Icosaedron ex Cubo & Dodecaedro patribus, & Tetraedri, velut matris, plano triangulari, duæ jam proles prognatæ sunt, quælibet sui parentis gerens similitudinem.

Tres igitur primæ figuræ ejusdem classis, debebant includere circuitum centri Telluris, duæ secundò genitæ, tanquam classis altera, debebant includi ab orbe in quo tellus volvitur, atque ita orbis iste, communis fieri maceries ordinis vtriusque, quia præcipuus mobilium globorum, erat futura tellus, domicilium imaginis Dei. Hoc enim pacto & natura inscriptionis est servata in secunda classe, circumscriptionis in prima : naturalius enim & concinnius est, Cubo inscribi Octaedron, Dodecaedro Icosaedron, quam Octaedro Cubum, Icosaedro Dodecaedron.

Sic itaque centri Telluris circuitus factus est medius planetarum ; extra enim tres circumponi debbāt, propter tres figuras primarias, intra ejus circuitionem duo, propter duas figuras secundæ classis, quibus tertius accedebat Sol in ipso intimo complexu centri mobilium. Itaque Saturnus, Iupiter, Mars superiores facti sunt, Venus, Mercurius, Sol inferiores: Luna verò circa Tellurem in eodem communi circuitu tellurem privatim ambiens, inter secundarios planetas est, vt supra dictum.

*Quis est ordo inter tres exteriores figuras
& quis cuiq; locus inter planetas?*

Cubus prima est figurarū, collocata igitur est inter duos extremos orbes, Saturnum & Iovem ; sequitur in genesi figurarum Tetraedron, hoc igitur locum obti-

nuit inter Iovem & Martem : vltima trium erat Dodecaedron: vltimus igitur illi locus tributus est inter regiones orbiculares Martis & Telluris.

Loca etiam duas interiores?

Et si Octaedron habet naturam cubi, cuius primæ sunt partes, Icosaedron Dodecaedri, cuius vltimæ: non tamen Octaedro proximus locus post Dodecaedron competeat, propter duas causas. Nam primò duæ figurarum classes sunt quodammodò inter se oppositæ: conveniebat igitur ut ab oppositis etiam terminis fieret locationis principium. At cum exteriorum figurarum primus is censeretur locus, qui magis ad exteriora vergebat: consequens erat, ut interiorum figurarum esset is primus locus, qui magis ad interiora versus centrum vergebat. Deinde convenientius erat naturæ similium figurarum, Dodecaedri & Icosaedri, & aptius ipsarum inscriptioni mutua, ut proximè sibi invicem succederent, intercedente circuitione seu orbe Telluris, ad quem velut ad communem maceriem utraque figurarum classis defineret.

Sic igitur est factum, ut inter Telluris & Veneris orbitas, locaretur Icosaedron, inter intimas verò Veneris & Mercurij, Octaedron. Sol verò orbem non habet, in quo ejus centrum circumferatur, est igitur is extra censum mobilium primariorum, sed habet in se fontem motus, sicut exterius, fixæ habent in se quietem, & locum dant mobilibus, eaque continent.

*Etiamne invenitur proportio figurarum
inter orbes, quos cuique figura
dedisti?*

Sic invenitur eadem proportio, ut quamvis in minimis desit aliquid, nullum tamen intervallum binorum planetarum propius accedat ad alterius figuræ orbium

orbium proportionēs, quā quæ hætenus optimis rationibus binis planetis fuit adscripta.

Vides enim, sicut Saturnus supra habuit minus duplo de diametro orbis Iovis, & Venus similiter minus duplo de Mercurij diametro, scilicet quinque tertias vel octo quintas, sic etiam in cubo & Octaedro, 100000. esse minus quā duplum ipsius 57735. Nam si tres quintas sumseris; 60000. habebis; sin quinque octavas, tunc 62500. veniunt. Rursum sicut Martius orbis, ad orbem, qui centrum Telluris vehit, minimam ferè habuit proportionem, & penè æqualem proportioni orbis Telluris ad Venerium; sic vides etiam in Dodecaedro & Icosaedro minimam esse orbium proportionem, scilicet 100000. ad 79465. Vides tertio, sicut Iupiter ad Martem maximam constituit proportionem orbium, nimirum triplam; sic etiam in Tetraedro, circumscripti diametrum esse triplum inscripti.

Si tam prope accedunt intervalla ad proportionēs figurarum; cur igitur superest aliqua discrepantia?

I. Quia mundi mobilis archetypus constat non tantum ex quinque figuris regularibus, quibus curricula planetarum, & cursorum numerus, definirentur; sed etiam ex proportionibus Harmonicis, quibus cursus ipsi ad quandam veluti Musicæ cœlestis seu concentus Harmonici sex vocum Ideam attemperandi fuerunt. Cum autem ornatus iste musicus desideraret distinctionem motus in vno quolibet planeta, rardissimè à velocissimo, quæ distinctio perficitur variatione intervalli inter planetam & Solem; & cum quantitas seu proportio variationis hujus in alijs planetis alia requireretur, hinc necessarium fuit, vt intervallis istis figuralibus, quæ exhibentur à figuris sine variatione uniformes, minimum aliquid adimeretur, & libertati Harmonicæ relinqueretur ad repræsentandas motuum Harmonias.

2. Neque tamen neglecta fuit, ne in hac quidem adedò minutâ discrepantiâ, proprietates figurarum regularium. Sicut enim Tetraedri quidem orbium proportio est perfecta, hoc est, effabilis simpliciter, Cubi & Octaedri semperfectâ, hoc est, effabiles potentia, ineffabiles longitudine : at Dodecaedri & Icosaedri planè imperfectâ, hoc est penitus ineffabiles : sic etiam Tetraedricorum planetarum proportio perquam exactè, hoc est in ipsis ferè intervallorum extremitatibus, imitatur figuralem ; Cubicorum & Octaedricorum proportionibus minus exactè sunt figurales, quia extrema quidem intervalla ab ijs recedunt, at intermedia quadrant: Dodecaedricorum verò & Icosaedricorum tota spacia figurales suas proportionibus deseruerunt, quantum nulla alia propius assequantur. Ecce enim ut de Iovis intervallo minimo Martis longissimum sit perquam exactè pars tertia, ut in Tetraedro orbis interior exterioris : ut sic angulis Tetraedri collocatis in orbe Iovis intimo, plana Tetraedrica tangant quodammodo orbem Martis extimum. Ecce iterum, ut positis angulis Cubi quidem in Saturni, Octaedri verò in Veneris orbibus intimis, plana figurarum immergantur quidem in regiones, illa Iovis, ista Mercurij, neque tamen totas illas transcendant, sed usque ad medias circiter penetrent: Ecce denique, ut positis angulis Dodecaedri quidem in Martis, Icosaedri verò in Telluris orbibus intimis, plana figurarum nullatenus assequantur subjectas regiones, illa Telluris, ista Veneris : ut interim tamen nulla planetarum intervalla propius accedant ad harum figurarum proportionibus omnium minimas. Vide de his Harmonices meæ lib. V. prop. XLIX. & per totum ; ubi causæ eruantur non tantum exactæ quantitatis proportionum inter binos, sed etiam extremorum uniuscujusq; solitarij intervallorum.

*Num etiam à periodicis temporibus aliqua
conjectura de figurarum interpositione
desumi potest?*

Omnes quidem proportionēs temporariæ, sunt
maiores proportionibus suarum orbitalium, & sic et-
iam proportionibus suis figuralibus, vt parte secunda
hujus libri explicabitur: potest tamen etiam inter illas
agnosci proprietas figuralium non difficulter. Sicut e-
nim figuralium proportionum tres sunt, maxima qui-
dem solitaria, media verò & minima ambæ geminatæ:
quippe illa ex vnico Tetraedro, ista & ex Cubo & ex
Octaedro: hæc & ex Dodecaedro & ex Icosaedro: sic
etiam inter Iovem & Martem maxima & solitaria est
temporum proportio, ferè ea quæ 6. ad 1. quippe an-
norum 12. ad minus quàm 2. argumentum interpositi
Tetraedri: inter verò Saturnum & Iovem, interq; Ve-
nerem & Mercurium, proportio temporum est minor,
& vtrique ferè eadem, argumentum interpositorum
corporum cognatorum, illic Cubi, hic Octaedri, quæ
proportionem orbium suorum faciunt eandem. Nam
sicut se habent 30. anni Saturni ad 12. annos Iouis, sic
quàm proximè se habent 225. die Veneris ad 88. dies
Mercurij: denique inter Martem & Tellurem, interq;
hanc & Venerem, proportio temporum est minima,
rursusque pendè eadem vtrique: argumentum inter-
positi illic Dodecaedri, hic Icosaedri, cognatorum &
ejusdem proportionis corporum. Nam sicut se ha-
bent 687. dies Martis ad 365 cum quadrante Tellu-
ris, sic dies 365 cum quadrante se habent ad 194. cum
Venus habeat pro his dies 225. scilicet aliquanto plus,
minimam faciens omnium, hanc temporariam pro-
portionem. Cause tantulæ dissimilitudinis explican-
tur Harm. lib. V.

*Num aliud habes documentum, præter il-
lud ex figurarum duabus classibus, glo-*

*bi Telluris in locando præcipuam rationem
habitam?*

Equidem fortuitum non est, quod Telluris medij planetæ, medium intervallum a Sole, præcisè admodum invenitur medio loco proportionale inter Martis superiorum infimi intervallum brevissimum, & Veneris inferiorum supremi longissimum. Nam vt supra dictum, spacium inter Martem & Venerem pro Tellure relinquebatur per inscriptiones figurales indefinitum & laxum, & sic liberum, in quo dividendo per orbem Telluris vel hæc vel alia proportio, si melior alia fuisset, exprimi posset. Medius igitur iste classium figurarum, medius superiorum & inferiorum planetarum paries, mediare etiam geometricè debuit.

*Quid igitur definiat spacium illud, quod
non definerunt inscriptiones?*

Etsi est figura quædam aucta, Dodecaedron scilicet aculeatum, quæ hoc spacium deprehenditur definire tam accuratè, quam spacium inter Iovem & Martem definitur à Tetraedro, nec illius imperfectæ figuræ associatio ad cognatas suas, Dodecaedron & Icosaedron, sua ratione carere videtur: tamen nec hæc, nec quæcunque alia spacia solæ figuræ definiunt exactè; sed relictum fuit hoc munus ornatui Harmonico motuum, qui sibi postulavit aliquam in definiendis exactè spacijs hisce libertatem.

IV. De præcipuorum mundi corporum inter se proportio- nibus.

*Vnde confes initium faciendum esse inda-
gandi corporum proportionem?*

A Tellure, a ve domicilio creaturæ contemplatri-
cis

pis, 2. ejusdemque etiam imaginis Dei creatoris, 3. Legimus enim in divino Mose; quod initio creaverit Deus Cœlum & Terram: 4. Est etiam Telluris orbis medium figurale inter planetas, & communis illorum maceries; & inter fines planetarum superiorum inferiorumque etiam Geometricum medium proportionale. 5. Denique ipsa fabrica proportionum harum clamat el. tâ voce, Deum creatorem in accommodandis corporibus & intervallis ad corpus Solis, vt ad mensuram ortu priorem, initium a Tellure fecisse.

*Quam causam censes esse magnitudinis
corporis Solaris?*

Solis globum esse primum omnium mundi corporum in ordine creationis, saltem Archetypali, si non etiam temporali, suadent ista. 1. Moses primæ diei opus facit Lucem, pro qua nos possumus intelligere corpus Solis. 2. Corpus Solis supra plurimis nominibus principatum obtinuit in naturalibus; quin igitur etiam in quantitate, inque tempore, quo creatum est?

Iam verò primum corpus, eo ipso, quia primum, proportionem ad sequentia nullam accepit: sed sequentia potius ad ipsum vt primum. Quare magnitudinis Solis causa archetypalis nulla est: nec alius futurus fuit globus duplo major, atque nunc est: quippe vnâ mundus etiam reliquus vniversus, & homo in eo, futurus fuisset duplo major, quàm nunc est.

*Quo igitur medio accommodata fuit magnitudo
Telluris ad magnitudinem
globi Solaris?*

Medio visionis Solis. Tellus enim erat futurum domicilium contemplatricis creaturæ, & in cuius gratiam mundus vniversus est conditus. Iam verò con-

S.

templatio ortum habet ex visione siderum:quare etiam quantitas contemplandorum, ortum habere debuit ex quantitate videndorum. Primum verò visibile, Lux est, seu Sol; quippe 1. primæ diei opus, & 2. visibilium omnium superexcellens, principalissimum, primarium, & quod cæteris omnibus, visibilitatis causa erat futurum. Sequitur igitur, ut à visione Solis in Terrâ, principium sit factum proportionandi corpora mundi: sicut etiam in superioribus ipsa mundi spacia, proportionali mediatione orbitæ Telluris, inter se distincta fuerunt.

*Quanta est apparentia Diametri Solis
in Terris?*

Constat verustissimis Aristarchi, & recentissimis nostri temporis observationibus; si Terra quàm longissimè à Sole recesserit, tunc centro T visione, descripto circulo; de illo circulo exactissimè septingentesimam & vicesimam partem, id est, dimidium gradum, occupari & quasi determinari à diametro Solis: seu quod idem est; angulus ad T, inter lineas stringentes utrumque Solis S marginem, est septingentesima & vicesima pars quatuor rectorum.

*Quam putas hujus numerositatis
causam?*

Primæ rei, causam etiam archetypalem inter primas quærere oportet. Iam verò Geometrica causa divisionis circuli in 720.

ex figurâ nudâ tot laterum, est nulla. Nam hæc figura per bisectionem derivatur ex figura 45. laterum, quæ demonstrationem nullam habet, vt probatum libro I. Harmonicorum. Sequitur, vt desumpta sit hæc sectio circuli ex compositione figurarum, & sic ex rationibus Harmonicis. Et videtur inferre necessitatem, vt circulus Zodiacus, in quo motus suos Harmonicos exercere debuerunt cùm planetæ omnes reverâ, tum etiam Sol ad apparentiam; vt inquam circulus iste dividatur ab apparentiâ primi corporis, in partes numerositatis Harmonicæ. Iam verò numerus minimus, qui se præbet determinandis omnibus partibus Monochordi, ad constituendum systema Diapasôn duplex, hoc est, & mollis & duri cantus; hic inquam numerus est 720. vt demonstratum est lib. III. Harmon. cap. VI.

Quare cùm omnium planetarum motus, vt lib. V. Harmonicorum demonstro, ad hoc systema duplex essent accommodandi; consentaneum fuit, vt etiam primum corpus, quod Choragus esset hujus Musicæ, apparentiâ suæ diametri in terris, divideret terrisolis, id est, contemplatrici creaturæ, circulum illum vt indicem & mensuram apparentiæ motuum Harmonicorum, divisione Monochordi; id est in partes 720. quod est bis 360. ter 240. quater 180. quinquies 144. sexies 120. octies 90. novies 80. decies 72. duodecies 60. quindecies 48. sedecies 45. octodecies 40. vicies 36. vicies & quater 30. numerosissimâ formâ divisionis in partes aliquotas.

*Quid igitur sequitur in intervallum Solis
& Terra ex hac assumptâ Hypothesi; aut
quanta est hæc decempeda hætenus à no-
bis & surpata pro mensurâ Orbium pla-
netariorum?*

Si Solis diameter S debuit occupare semissem gradus, visui T in Terrâ constituto; oportet visum, vel
ejus

ejus loco centrum T globi terrestris à centro Solis S recessisse 229 semidiametris corporis solaris rotundi S, paulò plus; vt in Geometria docemur.

Teneo intervallum; dic etiam quantitatem globi Telluris per causas suas.

Nondum ista sufficiunt ad quantitatem Telluris determinandum: sed opus est axioma in super alio. Nimirum, quia Tellus domicilium erat futura, mensurantis creaturæ; debuit etiam ipsa Tellus & corpore suo, corporum mundanorum, & semidiametro sua, vt lineâ linearum, id est, intervallorum fieri mensura. Cum autem distincta sit mensuratio corporum, à mensuratione lineatum; & cum sit prima proportio inter corpora Telluris & Solis, prima etiam inter diametrum Telluris & intervallum Telluris à Sole; nihil magis est rectæ & concinnæ & ordinatæ contemperatoni consentaneum, quam vt æqualitas statuatur proportionis viriusque, vt quoties corpus Telluris T continetur in corpore Solis S: toties etiam semidiameter Telluris T contineatur in S T intervallo centrorum Solis & Terræ, vt sit, sicut corpus Terræ T, ad corpus Solis S, sic semidiameter Terræ T, ad distantiam S. T. centrorum.

Quomodo jam ex his duobus axiomatibus elicitur quantitas semidiametri Telluris?

Statuta Solis S semidiametro particulari 100000. vt sit intervallum S T centrorum Solis & Terræ 229-28166 talium particularum; cubus de 100000, id est 100000 00000 00000, dividendus est per intervallum 229 28166; & quotientis (qui est sinus G. o. 15. o. continuatus) querenda est radix, quæ erit 6606. Tanta erit

S.

ta erit semidiameter Telluris T. Nam sicut 6606, semidiameter Telluris, continetur in 219 18166, intervallo Solis & Terræ 3469 vicibus *cum triente*; sic etiam cubus de 6606 semidro Terræ, continetur in cubo de 100000 semidro Solis, totidem, sc. 3469 vicibus *cum triente*. Iam verò notum est ex Geometria, quòd quæ cuborù inter se est proportio, eadem sit Globorum iisdem cubis inscriptorum. Ita semidiameter Solis S continebit semidiametrum Terræ T quindecies, paulò plus: corpus verò Solis S continebit corpus Terræ T 3469 vicibus circiter.

Triplum fere dictis ejus quantitatis, quam Veteres tribuerunt distantia Solis à Terra longissima, et quam illi minorem statuerunt, quam 1200 semidiametrorum Terra: Vigecuplum verò dictis proportionis corporum, quia ipsi solem tantum 166 ies fecerunt majorem Terræ: nonne observationes astronomicas metuis?

Nequaquam. Veteres enim tam propinquum fecerunt Solem, ut parallaxin debuerit facere trium minutorum. Vnde Tycho Braheus ratiocinatus est, Martis, cum Terræ propior sit, quam Sol, parallaxin debere observari multò majorem tribus minutis. Atqui observavi ego, parallaxin Martis nequaquam esse sensibilem. Major est igitur distantia Martis, etiam cum proximus sit, major etiam distantia Solis, quam 1200 semidiametrorum.

2. Diametri Martis & Veneris possunt observari, cum antiquis instrumentis, tum etiam recenti illo Telescopio Belgico; & inveniuntur paucissimorum minutorum. Si ergo Sol tam est propinquus, quam dixerunt veteres: etiam hi planetae, in suâ quisque proportionem, tam propinqui fient, quam dixit Tycho Braheus ex Copernico. Si Mars tam propinquus: erit sub suâ visibili diametro etiam minor. Erit igitur Mars minor, quam Terra, minor scilicet superior, quam inferior; ut ita nulla futura sit analogia magnitudinis corporum ad eorum ordinem, quod non est consentaneum ornatui mundi.

3. Quânto major statuitur Solis distantia, tantò minor sit Solis parallaxis, quânto minor Solis parallaxis, tantò major parallaxis Lunæ à Sole; si ex suis principiis assumatur simplex Lunæ parallaxis: quod egregiè servit doctrinæ Eclipsium emendandæ. Confirmatur igitur potius, non verò refutatur, tanta magnitudo intervalli Solis, ab observationibus Astronomicis.

4. Physicè verò ad votum est, ut corpus Solis, quod cæteris planetis omnibus motum infert, multis omninò partibus sit majus corporibus mobilibus omnibus in unum conflatis.

Cujus corporis determinatio proximè sequitur Telluris determinationem?

Lunæ, secundarij Planetæ. 1. Quia hoc sidus peculiariter terræ tributum est, quod & vegetationem creaturarum terrestrium adjuvaret, & à cœturâ contemplatrice in terris observaretur, & à quo siderum observatio inciperet. 2. Quia rationes proportionis constituendæ propemodum cædem sunt.

*Ediffere fundamenta proportionis
inter Lunam & Terram, tam ra-
tione corporis, quam ratione
intervalli.*

1. Rursum hic Luna in remotione maxima a Terra, debuit occupare diametro sua visibili, partem circuli 720 *man*: cum propter ipsum numerum ut prius, tum etiam propter Eclipses Solis, spectaculum a creatore ordinatum, ut eo doceretur contemplatrix creatura de ratione cursus siderum; quod rectissime fiebat tunc, si semidiametri Solis & Lunæ, in vtriusque remotione maxima, apparerent æquales: ut ita Luna Solem exacte regere posset in hac vtriusque sideris conditione, si daretur. & sic tam L Luna, quam S Sol eundem angulum in T constituerent.

2. Decuit etiam, ut proportio corporum Terræ & Lunæ sic se haberet ad proportionem intervalli Lunæ & semidiametri Telluris; sicut prius proportio corporum Solis & Terræ se habuit ad proportionem intervalli solaris & semidiametri Terræ: ut scilicet proportionum binarum eadem vtrinque esset analogia. Luna enim, planeta terrestris & secundarius, & Soli obscurando factus, exemplum etiam proportionum orbis Solis, vel Terræ sequi debuit.

Quid hinc sequitur?

Duæ res sequuntur ex positis duobus axiomatibus, quarum una quælibet per se ipsam, miro consensu verisimilitudinum, etiam si ex præcedentibus non sequeretur,

Ddd

tur,

tur, axiomatis loco posset vsurpari, cum sint per se fide dignissima. Prima est ista; quod cum Analogia proportionum ex parte Solis, sit ipsa proportio æqualitatis: id est: sicut corpus Terræ T in corpore Solis majori S, toties continetur, quoties semidiameter terræ T, continetur in ST distantia vel semidiametro orbis Terræ vel Solis, non verò sæpius illud quam hoc: sic etiam corpus terræ T, continebit corpus Lunæ L, minus & se angustius, toties, quoties semidiameter Terræ T continetur in distantia vel semidiametro orbis Lunæ TL, non verò rarius illud quam hoc. Hoc ipsum, vt axioma vsurpatum, dignitatem suam habet inde, quia Terra est domicilium mensurantis creaturæ, quare & ipsa corpore suo metitur minus etiam Lunæ corpus, velut prius metiebatur Solis corpus se majus: & semidiametro sua metitur semidiametrum orbis Lunæ; vtrumque verò sub ratione æqualitatis idcirco, quia solius Lunæ orbis L, circa T Terram est situs, sicut terræ orbis circa Solem: itaque mensuratio orbis & corporis Lunæ, præ corporibus planetarum cæterorum, est Terræ propria, non minus quam prius orbis & corporis Solis mensuratio. In propria verò mensuratione, par est obtinere rationem æqualitatis, vt primam & principem, si nihil impediat.

Alterum quod sequitur ex præmissis, longo demonstrationis ambitu, quem vide in meo Hipparcho, est hæc; quod hac ratione semidiameter orbitæ Lunæ, seu distantia TL, medio loco proportionalis sit inter distantiam TS, seu semidiametrum orbis Telluris, & inter semidiametrum corporis Telluris: vt sicut T semidiameter Terræ est ad TL semidiametrum orbis Lunæ, sic TL sit ad TS semidiametrum orbis Telluris vel Solis. Hic iterum est aliqua proportionis vtriusque æqualitas, etiam seipsa verisimilis, quia quod est

Soli orbis Terræ, circa Solem positus, id est

Terræ, orbis Lunæ, circa terram

positus.

*An etiam observationes astipulantur huic
intervallo Luna & Terra?*

Omnino ad vnguem: nam Braheus Lunę perigęę
distantiam a Terra invenit paulò minus quam 54 se-
midi: Terrę in quadris, Apogęę in ijsdem quadris ma-
jorem quam 59, minorem paulò quàm 60: cùm ex
his principijs conficiatur illa quidem 54, ista verò 59.

*Quomodo jam ex positis axiomatibus &
conclusis, axiomatam æmulis, elicienda est
quantitas semidiametri Lunę?*

1. Statutâ Lunę semidiametro L particularum
100000, vt sit intervallum T L centrorum Lunę &
Terrę 229 18166 talium particularum; Cubus de
100000, id est 100000 00000 00000 multiplican-
dus est in numerum intervalli 229 18166; & facti ra-
dix biquadrata est extrahenda, quę erit 389085, osten-
dens quantitatem semidiametri Terrę T, in ijsdem
particularis Nam sicut 389085, semidiameter Telluris
continetur in 229 18166 intervallo Lunę, 59 vicibus,
paulò minus, sic etiam cubus de 389085, continebit
cubum de 100000, 59 vicibus paulò minus; & sic et-
iam Globus Telluris, globum Lunę. Ita semidiameter
corporis Telluris T, continebit semidiametrum cor-
poris Lunę L minus quàm quater.

2. Aliter & simplicius, ex concluso posteriori:
quęratur de 3 + 69 cum triente, sc: de intervallo Solis,
radix quadrata, quę erit 59 paulò minus, tanta est
T L, distantia Lunę, qualium semidiameter Telluris
est 1. Diviso verò Cubo semidiametri Telluris 1. per
59, & quotientis radice cubicâ sumptâ, proditur semi-
diameter corporis Lunę in eadem dimensione.

*Qua hinc extruitur proportio diametro-
rum Solis & Lunę?*

Eadem, quę est orbis Solis ad orbem Lunę, vel

Ddd 2

hujus

hujus ad corpus Telluris, scilicet quæ est inter numeros 59 paulò minus, & 1. Itaque corpus Solis continet corporum Lunæ plus quàm ducenta millia.

Quæ globorum planetariorum inter se mutuo est proportio?

Nihil est magis Naturæ consentaneum, quàm ut idem sit ordo magnitudinum, qui est & sphaerarum, ut ex sex primarijs planetis minimo sit corpore Mercurius, quia intimus est, & orbem angustissimum obtinet; proximè major sit Venus, sed adhuc minor Tellure, quia angustiore quàm hæc orbe circumit, laxiore tamen quàm Mercurius; Tellure proximè sit major globus Martis; quia hujus orbis jam est exterior & amplior, superiorum tamen imus; rursus major globus Jovis, superiorum medius, denique maximus mobilium Saturni globus, quia est altissimus.

Cùm autem tres sint dimensiones corporum, vel secundum diametros vel secundum superficies, vel secundum spacia superficiebus contenta seu corpulentiam; & diametrorum quidem proportionis, dupla sit, quæ est superficiebus, tripla quæ corporum; consentaneum est, proportioni intervallorum vnam ex his tribus globorum accommodatam esse. Verbi causa, cùm Saturnus sit decuplo ferè altior à Sole, quàm Tellus: aut diameter Saturni erit decupla diametri Telluris, superficies superficiei telluris cétupla, corpus millicuplum corporis Telluris: aut Saturni superficies erit decupla superficiei Telluris, ut corporum proportio fiat sesquialtera proportionis intervallorum, & sit Saturnus trigecuplo major Terra, sicut & trigecuplo est tardior, diametrorum verò proportio, fiat saltem dimidia proportionis intervallorum, scil. tripla paulò plus: aut deniq; corpora ipsa habent proportionem intervallorum, ut Saturnus sit saltem decuplo major Terra sicut est & decuplo altior, in superficiebus verò servetur bes
proportio

proportionis intervallorum, in diametris triens : & ita diameter corporis Saturni fit paulo major quàm dupla diametri de corpore Telluris.

Ex hisce tribus modis primum citra controversiam repudiant cùm rationes archetypicæ, tùm etiam observationes diametrorum, habitæ instrumentis Telescopij Belgici : secundum Ego hæcenus, tertium Io. Remus Quietanus probat. Pro me stare videbantur rationes archetypicæ meliores ; pro Remo stant observationes, sed in tantâ scrupulositate metuebam, ne omni exceptione majores non essent. Cedo tamen locum Remo & observationibus. Nam Iupiter acronychus in perigæo Eccentrici crebrò mihi visus est occupare circiter 50. secunda, Saturnum Remus censet occupare 30. secunda, Mars acronychus & in Aquario perigæus, major quidem apparet love, non tamè multò. Equidem corpus, æquale terræ, si videretur ex intervallo, quantum Soli tribuimus, 3469. semidiametrorum Telluris, appareret diametro 2. minutorum. At nunc ex propinquitate Martis istâ, corpus idem, telluri æquale, plus quàm 5. minuta cerneretur occupare, & sic sex loves æquare ; Quàntò igitur diameter globi Martij fit major diametro Telluris, tanto auctior erit ejus apparentia. Non igitur plus quàm fortè sexta parte majorem debemus facere diametrum globi Martij, quam est diameter Telluris, quod fit in modo tercio.

Ex rationibus vero Archetypicis hæc fortassè nō ineptè militabit : quòd sicut antea proportionem ipsorum corporum Solis & Telluris, Telluris & Lunæ fecimus eandem quæ erat inter semidiametrum Telluris & semidiametros sphaerarum, sic nunc etiam proportio corporum planetariorum statuitur eadem, quæ est inter semidiametros orbium. Ita Saturnus mole corporis erit paulo minus decuplo major Tellure, Iupiter plus quintuplo, Mars sesquiplo, at Venus, paulò minor dodrante corporis Telluris, Mercurius paulò major ejusdem triente.

An non Sit Telluris, sic omnium etiam planetarum corpora ijsdem quibus Tellus legibus attemperari debuerunt ad corpus Solis?

Minimè. Nam si hoc sequeremur, planetarum corpora fierent ordine sphærarum contrario magna; maximus sc. Mercurius, minimus Saturnus, diametro minori quam est triens diametri Terræ. Id verò & rationib. dictis & observationib. diametrorum repugnat. Saturnus enim acronychus, quando est novies altior Sole, occupat circiter 30 secunda, occuparet igitur, si flaret in propinquitate Solis, 4 semis minuta: cum Terra ex tanto intervallo occupatura sit 2 minuta. Itaq; diameter Saturni plusquam duplo major est diametro Terræ.

Atque hoc est, quod statim initio hujus loci dixi; evidentissimum fieri rebus ipsis, quod initium constituendarum proportionum factum sit à Terra. Nam observationes Lunæ & Eclipsium testantur de æqualitate proportionum duarum, quarum vna est inter corpora Lunæ & Terræ, altera inter diametros Terræ & orbis Lunæ: huic certitudini observationum refragari nullatenus possumus. Iam verò verissimilimum erat, ut ijsdem legibus & Terra ad Solem attemperaretur: quod cum statuissemus, jam observationes etiam hic eminus consentientes habuimus; quia illæ non ferunt propinquitatem Solis, semidiametrorum Terræ 1200; sed duplum vel triplum requirunt; & postulavit sanè hæc attemperatio triplum. Terra igitur certò mensura est tam corporum Solis & Lunæ, quam sphærarum. Sic verò corpus Saturni aut alterius alicujus planetæ nequaquam fieri potest mensura rei utriusque: de quo rursus testes adduximus observationes diametrorum certas. Sola igitur Terra talis mensura est: à mensura verò, dimensionum natura postulat initium fieri conformationis.

De raritate & densitate horum sex globorum, quid tenendum?

Primò, non est consentaneum, eandem in omnibus esse densitatem materiæ. Nam ubi necessaria est aliqua corporum multitudo: ibi etiam conditionum varietas ad distinctionem adhibenda fuit, ut essent illa verè multa. Præcipua verò corporum ut corpora, confictio, est interna dispositio partium. Nam molium inæqualitas quodammodo corporibus ipsis accidit, propter superficies, molem definientes: nec pars interna corporis vnius, a parte alterius, hac molis circumscriptione differt. Præcipuum verò argumentum dissimilitudinis materialium ducitur à contemplatione periodicorum temporum: ut quæ non procedit, si faciamus eandem globorum densitatem, ut infra audiemus.

Secundò, consentaneum est, ut quodque corpus est Soli vicinius, ita & densius esse. Nam & Sol ipse est omnium corporum totius mundi densissimum, cuius quæ rei testimonium perhibet immensa multiplex vis, quæ non potest esse sine subiecto proportionato: & loca ipsa, centro vicina, ideam quandam angustia gerunt, qualis est in condensatione materiæ multæ in locum angustum.

Tertiò: neque tamen magnitudini corporum proportionaliter erit admetienda raritas, parvitati densitas. Verbi causa, distantia simul & amplitudo globi Saturnij, per superiora, est ad distantiam adque amplitudinem globi Iovialis, ut 10 ad 5, ferè. Dico densitatem materiæ in globo Saturni, ad densitatem in globo Iovis, non esse in ea proportionem statuendam, quæ est inter 5 ad 10.

Nam si quis hoc sequeretur, is peccaret jam in aliam varietatis legem, introducens copiam materiæ non inæqualem, sed eandem per omnes planetas. Multiplicata enim mole Saturni 10, in densitatem 5,

prodiret copia materiæ 50, tantundem scilicet, quantum, si molem Iovis 5 in densitatem ejus 10 multiplicasses. At præstabilius & ornatius esse videtur, ut neque moles ipsæ globorum diversæ densitatis, sint inter se æquales, neque densitas in molibus globorum inæqualibus sit eadem, neque etiam copia materiæ æqualibus sit distributa portionibus per omnes globos, mole & densitate materiæ distinctos: quin potius ut omnia varient, ut quo ordine globi mobiles inde à centro sibi invicem succedunt, eodem etiam (ordine inquam, non proportionem) non spacia tantum corporum, inque ijs raritatem, sed ipsam etiam materiæ copiam ipsis admetiamur: ut si Saturnus haberet copiam materiæ 50: Iovi relinquatur minus quidem quam 50, plus tamen quam dimidium 25, puta forte 36: sic enim erunt corpora quidem ut 50. 25. copia materiæ ut 50. 36. raritas ut 50. 36. vel 36. 25. seu contraria densitas, ut 25. 36. vel 36. 50.

Præterea cum antehac æqualitatem copiarum materialis essem secutus, coactus sum transcribere magnitudinem corporum proportionem ipsorum periodicorum temporum, ut sicut Saturnus habet 30 annos, Iupiter 12, sic etiam amplitudo globorum Saturnij ad jovialem esset ut 30. ad 12. Hanc verò proportionem nimiam, observationes diametrorum meæ & Remi redarguerunt.

Quartò: Proportionem copiarum materialis esse statuendam præcisè dimidiam proportionis molium seu amplitudinum (& sic sesquiplam diametrorum in globis, & dodrantem superficierum) ista suadent. Nam primò sic fiet, ut tam hæc copiarum proportio, quam densitatis, utraque sit dimidia proportionis intervallorum à Sole, atque sic æqualibus portionibus illius proportionis sibi invicem obviant, hinc copia materiæ major, inde densitas in eodem magno corpore minor: quæ est omnium optima mediatio. Duplo scilicet erit Saturnus altior Iove, sesquiplo ponderosior, sesquiplo & rarior,

rarior, seu Iupiter sesquiplo densior: & comparatione proportionum vnus, erit Saturnus duplo altior quàm ponderosior, duplo & amplior quàm rarior.

Idem etiam semissis proportionis intervallorum stabilitur concinnitate hac Geometricâ: vt sicut superius inter duorum planetarum intervalla à Sole (verbi causa, sint 1. 64 ob facilitatem numerorum) statuenda fuerunt duo media proportionalia 4. 16. quippe ad formandas duas residuas dimensiones corporum, vt ita corpora quidem ipsa globorum mobilium essent inter se etiam vt 1. ad 64, superficies verò globorum, vt 1. ad 16, vel 4 ad 64, diametri denique eorundem, vt 1. ad 4. vel 4 ad 16, vel 16 ad 64: Sic nunc inter eorundem duorum planetarum intervalla à Sole 1. 64 statuatur vnum medium proportionale 8, quippe ad physicè formandam intus corporum materiam, quæ est res vnica: vt ita rursus ipsa quidem globorum spacia sint vt 1. ad 64, copia verò materiæ, & simul raritas in minori ad illam in maiori, sit vt 1. ad 8. vel 8. ad 64: seu contraria densitas, vt 8 ad 1. vel 64. ad 8. In hac enim ratione nihil quicquam interest, qualis modus sit, quo condensetur vel rarefiat aliqua corpulentia, num in longum tantum, an etiam in latum, an denique in omnes tres dimensiones. Proportio enim introducta præscribit aliquam rei condensandæ copiam, cui accidunt illi diversi condensationis modi, copiâ semper eâdem manente.

Ex his igitur principijs si computemus densitates planetariorum corporum, quæsito semper medio proportionali inter binorum intervalla à Sole, seu accuratius inter binarum sphaerarum seu orbitarum diametros; numeris omnibus denique ad communem aliquem rotundum comparatis & reductis: prodeunt numeri isti, qui sequuntur in tabella, cum quibus inventi consentientes proportionem materias terrestres iuxta positas, quam proximè: vt videre est in meo libro Teutonici idiomatis quem anno 1616. scripsi de ponderibus & mensuris.

Ddd s

Saturnus

Saturnus	324	Gemma durissimæ
Iupiter	438	Magnetis lapis
Mars	810	Ferrum
Tellus	1000	Argentum
Venus	1175	Plumbum
Mercurius	1605	Hydrargyrum

Vt aurum, cujus densitas in hac proportionem, est
1800. vel 1900 reservemus Soli.

*Quam deniq; statuis esse proportionem
magnitudinis inter tres istas precipuas
mundi regiones, inter spacium in quo Sol,
spacium seu Regionem mobilium, & spa-
cium totius mundi seu Regionem a Fixa-
rum sphaera terminatam?*

Et si ad altitudinem fixarum determinandâ ne Co-
pernici quidem rationes observando pertingunt; ita
ut illa videatur infinitæ similis: quippe ad quam to-
tum intervallum, inter Solem & Tellurem, quod judi-
cio Veterum 1200, nostris verò rationibus 3469 semi-
diametros globi Telluris complectitur, est insensibi-
le: ratio tamen capris insistens vestigijs, etiam ad hanc
usque pervadendi semitam aperit.

Ac initio respiciendum est nobis ad exemplum
Telluris orbiumque Lunæ & Solis, quia totius mundi
proportiones, ex Terræ proprijs proportionibus deri-
vantur: & regio ex tribus hisce corporibus eorumque
cursibus descripta, est quidam quasi parvus mundus.
Nam quod Sol est in regione fixarum Copernico: id
Terra est ad apparentiam quidem, in sphaerâ seu re-
gione Solis, Tychoni quidem etiam in rei verita-
te. Et sicut Sol in centro fixarum est, immobilis ipse in
domicilio immobili; sic etiam, respectu quidem mo-
tum Lunæ, Terra immobilis est in centro sphaeræ
Solis quasi immobilis. Sicut enim regio mobilium
circa Solem est ordinata, sic etiam orbis Lunæ circa
terram circumductus est: illic fixæ Planetis, hic Sol
ipse,

ipse, Lunę limes est, ad quem illa confecto mense, phasibusque omnibus revertitur.

Consentaneum est itaque, vt sicut orbis Lunę medium proportionale factus est rationibus necessarijs, inter orbem Solis apparentem & corpus Terrę in ejus centro; sic etiam regio mobilium, seu extimus Saturni ambitus, sit medium proportionale inter extimam sphæram Fixarum, & corpus Solis in centro mundi.

Rursum idem conficitur etiam sine respectu ad mundum parvum, ex consideratione ipsius magni mundi. Cum enim mobilia ex vna parte affectent immobilitatem ambientis corporis, quod locum præbet, dum motui renituntur, vt non tanta celeritate moveantur, quantam affectat motor, ex altera parte motum ex motore quadamtenus suscipiant; vt in mobilibus misceantur quodammodo motus ex motore, & quies ex corpore locante: igitur si rem physicam licet enunciare verbis Mathematicis, mobilia poterunt aptissimè dici medium proportionale inter corpus, quod motus fons est, & inter corpus immobile, quod locum præstat.

Quod cum & physicè & localiter sit verum (Fons enim est intus, Locans extra, Mobilia in medio) nihil igitur verisimilius est, quàm vt etiam geometricè semidiameter regionis mobilium sit medium proportionale inter semidiametrũ corporis Solis & semidiametrum sphære fixarum, ut sicut se habet globus Solis ad sphæricum systema planetarum omnium, sic hoc se habeat ad sphæricum totius mundi corpus, fixarum regione terminatum. Respice ad Schema fol. 437. vel 496.

*Quomodo scimus diametri corporis Solis
proportionem ad diametrum Regionis
Mobilium?*

Ex angulo, quantum ipsum corpus Solis occupat in visu nostro instrumentis Mathematicis adjuto. Cum enim

enim is proximè fit dimidij gradus, sequitur, illum abesse à visu ducentis viginti novem semidiametris suis. At verò visus est in tellure, & telluris orbis, circa Solem positi, diameter paulò major est decima parte orbis Saturni. Ergo extimus mobilium orbis, hoc est Saturni, ferè decuplo plures Solis diametros continet, hoc est, circiter bis mille. In Sch: fol 496. est circulus medius.

*Quanta per banc rationem exadit Sphæra
stellarum fixarum?*

Sicut diameter Saturni, extimæ sphæræ mobilium, continet in se diametrum corporis Solaris bis millies circiter: Sic etiam diameter sphæræ fixarum contineret diametrum Saturni in se ferè bis millies. Itaq; diameter fixarum continebit in se circiter quadragies cētena millia diametrorum corporis solaris, diametrorū Terræ (secundum proportionē corporum Solis & Terræ à veteribus creditam) quintuplum & plus, h. e. ducenties centena millia plus, & secundum nostras rationes triplum sc: sexcenties centena millia.

*Incredibilis Verò hæc est amplitudo Sphæra
fixarum, quam tu facis bis millies majorē
Sphæra Saturni, cum apud veteres illa pro-
ximè superstet Saturno?*

Immò verò multò incredibilior est apud veteres pernecitas fixarum & Saturni: quorum alterutrū cum necesse sit statuere: probabilius est, bis millies, vel millies esse ampliorem sphæram fixarum atq; veteres dixerunt, quàm vicies quater millies esse celeriore atque Copernicus statuit. Ibi enim in subiecto amplissimo & quod est infinito simile, motus inest nullus; hic in orbe Saturni modico motus inesse statueretur infinito similis. Per se verò tanta amplitudo nec observationibus Brahei repugnat, nec rationi dissentaneum, quiescentia à mobilibus immenso intervallo distare.

*Quomodo scis tantam amplitudinem non
repugnare observationibus
Braheis?*

Observavit ille altitudinem maximam stellæ polaris, quæ hac tempestate est in 7. Arietis. anno 1586. in media nocte post æquinoctium autumnale, fuitque gr. 58. m. 51. Eandem observavit etiam circa solstitium hiemale 26. Decembris vesperi hora circiter sexta, invenitq; rursus 58. 51. Itaq; differentia non fuit vlla: cum tamen mense Septembri horizon secaret sphaeram fixarum tota ferè semidiametro orbis, in quo tellus circumfertur, inferius, quàm 26. Dec. quippe ibi Sol in Libra apparuit, hic in Capricorno. Idem factum etiam cum minima altitudo observata fuit in media nocte post æquinoctium vernale, & post hiemale solstitium manè hora sexta, vtrinq; enim inveniebantur gr. 52. m. 59. f. quanquàm mense Martio horizon tota ferè semidiametro orbis in quo tellus, altius secaret fixas, quàm Decembris. Ergò diameter ista orbis in quo tellus circumfertur, per instrumenta Braheana non est sensibilis.

Cum itaq; non faciat illa vnum minutum in sphaera fixarum, non est igitur termillesima quingentesima pars semidiametri fixarum. Saturnij igitur orbis semidiameter, quæ est semidiametri orbis telluris ferè decupla, non æquat trecentessimam quinquagesimam, neq; quadringentesimam partem semidiametri fixarum. An igitur faciat ejus partem bis millesimam, hoc est, an altitudines stellæ polaris supradictæ differant quinta parte vnius minuti seu 12. secundis, multò minus discerni potest; cum diameter stellæ polaris videatur vnū ad minimum minutum æquare, neque diligentia artificum de quinta parte vnius minuti credendum sit.

Saturnus abest à terra centro secundū Braheum 12309. semidiametris terra. Ejus ergò circulus diurnus, cum est in æquatore, continet 77314. semidiametros terra, hoc est,

66420000 milliaria germanica, quæ diſſiſa in horas 24. portionem ſuam hora efficiunt 2767500. de qua ſumma, milliaria 240. (tot enim Saturnus, ſecundum Copernicum, conficit in ſua hora) ſunt ſeſquiduodecies milleſima.

Sed ſecundum Ptolemaum, per Copernici correctiones, proportio orbium talis eſſet.

Luna à terra 64. 10. ſemidiametris.

50. pro corpore Luna & Mercurij :

65. Imum orbis Mercur:	ut p.	28 30.
209. ſummum		ad 91. 30.
1. pro corpore Mercurij & Veneris.		

210. Imum orbis Veneris	ut p:	19. 50.
1407. ſummum		ad 1. 40. 10.
7. pro corpore Veneris & Solis.		

Etſi Copernicus habet

1414. Imum orb. Sol.	ut 57 30.	1024
1537. ſummum	ad 62. 30.	1190.
6. pro corpore Solis.		
2. pro corpore Martis.		

1545. Imum orbis Martis.	ut 14 30.	
11241. ſummum	ad 105. 30.	
2. pro corpore Martis.		
5. pro corpore Ioſis.		

11248. Imum orbis Ioſis	ut 45. 45.	
18253. ſummum	ad 74. 15.	
5. pro corpore Ioſis.		
5. pro corpore Saturni.		

18263. Imum orbis Saturni	ut 49. 48.	
25737. ſummum	ad 70. 12.	
5. pro corpore Saturni.		


25742. Hoc eſt amplius duplo ejus quod

quod Braheus habet : & 240 milliaria , motus Saturni horarius apud Copernicum , sunt portio minor vicies quater millesimâ de Saturni horario apud Ptolemaum.

Quam putas esse proportionem densitatis inter se corporum , Solis , auræ aethereæ , mundum vniuersum permeantis , & Sphæræ fixarum , omnia extrinsecus concludentis?

Cùm hæc tria corpora sint anafoga centro , superficie sphaericæ , & intervallo , tribus Symbolis trium in S S. Trinitate personarum : credibile est tantundem esse materiæ in vno , quantum in vno quolibet duorum reliquorum ; sic vt tertia pars materiæ totius vniuersi compacta sit in corpus Solis , quamvis id sit respectu amplitudinis mundi angustissimum : Tertia item pars materiæ extenuata & explicata per immensum mundi spacium : vt ita Sol intra corpus suum tantundem possideat materiæ , quantum ille extra se valentissima virtute luminis sui illustrandum , radijsque suis permeandum est nactus : Tertia denique pars materiæ expansa in orbem , & mundo exterius pro mœnibus circumjecta. Atque vt proportionem quadamtenus adumbremus re simili nota , etsi eam nequaquam æquamus , fingamus , corpus Solis esse totum aureum , orbem fixarum aqueum , vitreum , vel crystallinum : spacium interius aëre plenum. Vnde quadamtenus intelligi datur , quid diuinus Moses per Firmamentum (Raquia , quod propriè sonat expansionem , puta insufflationem auræ ætheriæ) quid item per aquas supercœlestes significaverit. Sic enim & pueri ludunt quandam creationis Ideam , excitantes bullas ex aqua & smegmate , insufflantes aërem : differentia hæc est , quòd Deus guttam , vt sic dicam , aquæ , retinuit intus in

tus in centro: pueris aquæ gutta, ob pondus, non ma-



net in centro, nec dividitur à superficie per insufflationem, sed hæret in fundo bullæ.

Quantum statuis crassitiem seu distantiam superficiæ intime fixarum ab extima?

Cùm tantum ei dederimus materiæ, quantum est in toto spacio mundi, quod illa complectitur, excepta eâ materia, quæ est in angustissimo Solis globo: & verò nequaquam ejusdem densitatis sit statuenda materia orbis fixarum cum materiâ spaciij mobiliũ, sed densitatis proportionem medię inter densitatem auræ ætheriæ & densitatem materiæ in corpore Solis: itaq; & spaciium illi debebitur proportione medium inter spaciium

cium corporis solis, & spacium auræ ætheriæ. Erat autem supra diametrorum solis & auræ ætheriæ proportio illa, quæ 1. ad 4 000 000. spaciorum igitur ipsorum tripla, hoc est 1. ad 64 000 000 000 000 000 000. Inter hos vero numeros medium proportionale est 8 000 000 000. tot igitur spacia corporis solis, æquabit spacium inter superficiem concavam & convexam orbis fixarum. Itaque totus mundus tribus coagmentatus membris, repræsentatur hoc numero,

64 000 000 00 8 000 000 000.

cujus radix cubica 4 000 000. & vna sexies millesima, ostendit, quod orbis, crassitie vnius sexies millesimæ particulæ de semidiametro corporis solaris, circumjectus auræ ætheriæ, complectatur in suo corpore spacia 8000 000 000. capacia corporis solaris. Hæc igitur est illa mundi cutis seu tunica, seu crystallinus orbis supercœlestis, tantæ subtilitatis, propter amplitudinem expansionis: quæ si in vnam massam coagularetur sphericam, haberet semidiametrum 2000 vicibus majorem semid: corporis solaris, cum jam non sit crassa magis, quam vnius semid: corporis solaris sexies millesimam vel duo milliana Germanica, plus.

*Quanta erit apparentia Solis, si oculum
ingas in vna Fixarum colloca-
tum esse?*

Quadrages centies millesima semidiametri fixarum, subtendit circiter vicesimam vnius secundi: Solis igitur corpus apparet diametro 6 scrupulorum tertiorum seu sexcentesimo de vno scrupulo primo, emetiens circulum magnum mille ducentis nonaginta sex Myriadibus vicium: seu apparentia Solis diametri interfixas est particula octodecies millesima suæ apparentiæ in Terris.

Quanta vicissim apparent Fixæ ex Tellure?

Periti artifices negant vllam quantitatem, veluti


Ecc

rotundi

rotundi corporis, detegi per inspectionem Telescopij; quin potius, quo perfectius instrumentum, hoc magis fixas repræsentari ut puncta mera, ex quibus radij lucidi, in speciem crinium, exeant disperganturque.

Videtur igitur Una qualibet Fixarum tale corpus esse, quale Sol est, & Sol vicissim inter fixas videtur tantus & talis appariturus, quanta & qualis Una qualibet Fixarum?

Non existimo: nihil enim impediunt hæc observata, Solem esse majore mole corporis, quam sunt fixæ. Præterea & clarior esset conspectus Solis ex tanto intervallo, fixis quibuscunque. Nam si vel acu solum perfores parietem, ut per foramen Sol irradiare possit, claritas ex ea radiatione major diffunditur, quam omnes omnino fixæ sub dio collucentes faciunt. Nec lædatur oculus ab vlla fixarum: at Solis aspectum non tolerat, ne eminus quidem appropinquantem.



LIBRI IV

PARS II.

De motu corporum mundanorum.

I. Quot & quales sint motus.

*Quid sentit Copernicus de motu corporum,
quid illi moxetur, quid
quiescit?*

Motus localis duæ sunt species: vel enim convertitur totum loco suo manens, partibus verò invicem succedentibus; qui motus $\Delta\iota\nu\eta\sigma\epsilon\omega\varsigma$, seu Tournationis, Turbinationisve, à similitudine, aut Versionis ab instrumento Verrice, dici potest: aut ipsum etiam totum de loco in locum fertur circulariter; quem motum Græci $\Phi\omicron\rho\epsilon\alpha\nu$, Latini ferè circuitum aut circumlationem, aut ambitum; vtrumque verò communiter revolutionem appellant.

Solem igitur Copernicus ponit apud centrum mundi consistere, ratione totius, centro sc: & axe, immobilem: quem tamen ratione partium corporis, circa suum sc: centrum & axem, converti, à paucis annisprehendimus sensu, quod dudum asserueram rationibus; celeritate quidem tanta, vt spacio 25 vel 26 dierum vna conversio absolvatur.

Iam vt quisque primariorum est Soli propior, ita breviori periodo circum Solem fertur, sub eodem quidem communi circulo Zodiacò, & in plagam omnes tandem, in quam partes corporis Solis præcedunt;

Mercurius spacio trium mensum, Venus sesquiocto, Tellus cum cœlo Lunæ duodecim, Mars viginti duobus semis, seu minus quam duobus annis, Iupiter duodecim, Saturnus triginta annis. Fixarum verò sphaera Copernico penitus est immobilis.

Tellus interim circa suum etiam axem, & circa Terram Luna circumvolvitur, rursus in plagam vtraque, si ad exteriora mundi respicias, eandem, in quam omnes primarij.

Omnes autem motus Copernico sunt tantum in directum & continuum, nulla penes illum statio in rei veritate, nulla retrogradatio.

*Quibus argumentis probatur Fixarum
sphaeram non moveri?*

Quòd illa non convertatur circa centrum & axem, demonstratum est libro I. Nam quicquid hujus in oculos incurrit, totum id terræ tribuimus. Argumenta cetera requirantur ibi, fol 104, & seqq. Duo Sola hujus loci propria repetamus. Vnum à celeritate. Nam si sphaera extima saltem 4 000 000 diametros Solis in dimetiente habet: circumferentia longa erit 12 566 370: quæ si tota intra 24 horas volvitur, in vna igitur volventur 523 600, in vno minuto 8 727, in vno secundo, quod ferè æquat pulsus hominis, transibunt 145 diametri Solis, quælibet non minor 15 millibus milliariorum Germanicorum: itaque spacio temporis, quo semel dilatatur iterumque contrahitur arteria, pulsus geminato, circiter septuagies quinquies centena millia milliaram circuli maximi volverentur, & Saturnus, bis millies angustiori orbitâ, adhuc ferè per 4000 milliaria trajiceret.

Alterum argumentum destruit omnem omninò motum sphaeræ fixarum: quippe non apparet, cui bono, cum extrâ nihil sit, vnde aut quorsum illa translata, situm & apparentias variet: obtineatque per quietem,

tem, quicquid nancisci posset motu quocunque. Nam ex hujus quiete intelliguntur motus omnium corporum; & nisi illa locum præberet, quod rectissime præstat quiescendo: moveri nihil posset.

Quomodo se habet proportio periodicorum temporum, quæ assignasti mobilibus, ad proportionem jam præmissam orbium, in quibus illa vehuntur?

Non est æqualis proportio temporum proportioni orbium, sed major ea, & quidem in primarijs planetis præcise sesquialtera illius. Hoc est, si de annis Saturni 30, Iovis 12, sumptis radices Cubicas, easque multiplicaveris quadratè: in quadratis his numeris interu genuina proportio orbium Saturni & Iovis. Sic etiam est si non proximos inter se orbes comparaveris. Verbi causa Saturnus habet annos 30. Terra annum vnum. Radix cubica de 30 est 3 cum 11 centesimis circiter. At radix cubica de 1. est 1. Radicum harum quadrata, sunt 9 cum 672 millesimis, & 1. Ergo Saturni orbis est ad orbem Terræ vt 9672 ad 1000: & accuratior prodiit numerus, si tempora assumpseris accuratiora.

Quid hinc colligitur?

Non feruntur planetæ omnes eadem celeritate, vt voluit Aristoteles, aliâs tempora essent, vt orbes, eorumque diametri: sed vt quisque superior est, & à Sole remotior, ita minus spacium in vna hora conficit motu medio, Saturnus quidem (secundum magnitudinem sphaeræ Solis à veteribus creditam) 246 miliaria Germanica, Iupiter 320, Mars 600, Terræ centrum 740 Venus 800, Mercurius 1200. Et si secundum intervallum Solis à me in superioribus demonstratum, numerus miliarium vbique triplicandus erit.

502 EPITOMES ASTRONOMIÆ
II. DE CAUSIS MOTVS
planetarum.

*Dic sententiam Veterum Astronomorum
quomodo existiment planetas mo-
veri?*

Vetustissimi Eudoxus & Calippus eosq; secutus Ptolemæus, non ultra circulos sunt progressi, quibus illi demonstrare phænomena sunt soliti, securi quomodo astra circulos hos absolverent. Sic enim scribit Ptolemæus libro XIII. magni operis, cap. II.

Nemo Verò difficile censeat has quas supponimus circulorum implicationes, propter ea quod videt penes nos homines perplexam admodum esse illarum imitationem manuariam. Non enim æquum est humana nostra Dijs immortalibus equiparare, rerumq; sublimium fidem ab exemplis petere rerum dissimilimarum.

Nā quid cui magis dissimile, quàm ea, quæ semper eodem modo habent, ijs quæ nunquā sibi constant, & ea quæ undiquaq; ab omnibus, ijs quæ ne à seipsis quidem impediri possunt. Quin potius id opera dandum, ut si fieri possit, simplicissima suppositiones aptentur motionibus cælestibus. sin minus verò successerit, at quales possint. Per hanc enim consequentiam hypothesium si solummodo præstentur omnia quæ apparent in cælo: de cætero mirari nequaquam cõvenit, implicationes huiusmodi posse motionib. illis corporum cælestium accidere: quippe penes quæ natura nulla est, quæ motū impediat, sed quæ apta nata est ad cedendum & ad locum præbendum naturalibus cuiusq; globi motionibus, etiam si contrarias illas sibi mutuò contingat esse adeo ut omnia simpliciter ab omnibus penetrari non difficilius, quàm perspicui possint. Neq; tantum circa singulos circulos ista facilitate utendum, sed & circa integras sphaeras, & circa axes curvarum & conclusarum superficierum. Etsi enim etiam horum, propter differentes motus, varia implicationes & aliorum in alijs insertiones,

in exemplis theoriarum, quæ humanæ manu solent apparari, perdifficiles sunt, nec facile succedunt ita, & motus ipsi nihil impediuntur: in cælo tamen videmus nequaquæ obstare tam multiplicem motuum concursus, quo minime eveniant singuli. Quin imò ne hoc ipsum quidem, quid in cælestibus simplex sit, judicari oportet exemplis earum rerum, quæ penes nos simplices esse videntur: Vtq; cum neque hic in terris omnibus idem ex æquo simplex esse videatur. Facile namq; fiet, & qui sic æstimare voluerit cælestia, is nihil eorum quæ sunt in cælo, simplex agnoscat, ne ipsam quidem primi motus invariabilem constantiam: nimirum quia hoc ipsum (ut sit scilicet aliquid quod eodem se modo perpetuò habeat) inter homines inveniunt non tantum difficile est, sed penitus impossibile. Non igitur ex rebus nostratibus, sed ex ipsis naturis eorum, quæ in cælo sunt, & ex motuum ipsorum immutabili tenore, iudicium est informandum. Ita fiet & hoc pacto motus omnes videantur simplices, multoq; simpliciores, quam ea, quæ penes nos tantalia videntur esse: quippe nullum laborẽ, nullam difficultatem in circuitionibus eorum suspicari possumus. Hætenus Ptolemæus.

Quid desideras in hac Ptolemæi sententia?

Et si verum est, non esse censendam facilitatem motuum cælestium, ex difficultate motuum elementarium, propter causas benè multas: nondum tamen sequitur, motuum cælestium nulla in terris exempla propinqua esse; & videtur Ptolemæus nimis longe extendere hanc excusationem, ad eò ut vniuersam rationem astronomicam confodiat, itaque neque astronomis satisfaciatur, neque philosophis, neque in Christiana etiam disciplina tolerari possit.

Nam quod Astronomiam attinet, omnes omnino hypotheses in suspicionem falsitatis adducit, dum tan-
toperè virget discrimen cælestium & terrestrium rerum, ad eò ut etiam ratio ipsa errare ponatur in iudi-

catione ejus quod geometricè simplex est. Nā si, quod rationi nostrę de cœlo videtur compositū, componenti circulos, id in ipso cœlo simplex est; in cœlo igitur non sunt compositi invicem circuli ad vnum motum effigiandum: falsum igitur supponit astronomus, & quod summopere mirum, ex merè falsis verum elicit: id verò est honorem astronomiæ destruere, quem Aristoteles in libris Metaphysicorum asseruit, *audiendos existimans astronomos super forma & dispositione motibusq; corporum cœlestium*. Quin imò Ptolemæus seipsum prodit, quid optet: jubet enim confingere hypotheses quàm simplicissimas, si fieri potest. Itaq; si quis simpliciores ipso confinxerit, geometricè intelligendo: suas ille compositas hac excusatione contra non muniet, sed proferre illas jubebit, quæ nobis, hominibus de terra, videbuntur simpliciores; etiam si exemplis utamur terrestribus.

Quantum ad philosophiam: negabunt philosophi hoc sufficere, ut materia corporis cœlestis sit liquida & permeabilis à globis, eoque non resistat motionibus globorum per illam: quærent enim, quid sit illud quod globum ipsum circumagat, præsertim si constet materiam globorum reniti motoribus: quærent qua vi motor corpus de loco in locum moveat, nullo substante campo immobili, cum neque adsint rotundo corpori adminicula pedum aut alarum, quorum motatione animalia corpus hoc suum per aëram ætheream, seu aves per aërem nisu quodam & renisu illius auræ, transportent: quærent quo mentis lumine, quibus medijs centra circulorum orbitasque circumjectas motor vel perspiciat vel efformet. Denique non fert Theologia, non rerum natura, ut Ptolemæus, gentili superstitione imbutus, astra Deos visibiles faciat (ex æterna sc. ipsorum motione, vitam immortalem coniiciens) illisque plus tribuat, quam Deus ipse conditor habet; ut scilicet rationes geometricæ simplices sint illis, quæ sunt reuera compositæ, quarumque intelle-

tellectum Deus homini, imagini suæ, communem se-
cum esse voluit.

*Dic etiam sententiam Aristotelis, quomo-
do ipse putet planetas circumire.*

Aristoteles, solidis orbibus cœlum refertum cre-
dens (licet æquivocæ materiæ) & philosophi postero-
res, quos secuti esse videntur Arabes, & post eos Purba-
chius Theoriarum scriptor: hi, inquam, primum credi-
derunt astronomiæ de numero circulorum ad demon-
strandas apparentias necessario: sic Aristoteles Eudo-
xo & Calippo credidit de orbibus 25. His totidem at-
tribuit intelligentias motrices, quæ periodi tempus &
plagam mundi, in quam esset tendendum, mente cir-
cumgestarent. Cum autem esset verisimile, omnes ad
idē principiū respicere, Aristoteles his 25 orbibus, alios

24 censuit interponendos, quos ἀνεκίτλοντας,

Revolventes, appellavit: ut scilicet inferior quisque or-
bis, eo raptu, quem propter contiguitatem superficiei-
rum erat à superiore passurus, per interpositum revol-
ventem liberaretur, æquali tempore nitentem in con-
trarium superioris, eoque renisu speciem quiescentis
præbentem, in quo velut in loco immobili, inferior
innixus, suam peculiarem periodum absolveret. Ita cu-
jusque orbis motor orbi suo & omnibus inferioribus,
quos esset ille complexus, motum æquabilissimum in
orbe superiore, qui se proximè contingeret, præstare
statuebatur. Ac cum placuisset illi philosopho, motum
ab æterno esse, motores quoque statuit æternos & im-
materiatis, quòd infinitatis non essent capacia mate-
riata: sequebatur igitur motores esse principia separa-
ta & immobilia. Cùm autem hæc essentia cœlestis
duratio æterna, videretur illi, totius mundi bonitas &
perfectio, quippè opposita interitui, qui malum quid
erat: principijs quoq; illis perfectionem summam tri-
buit, ejusque intellectionem, & ex intellectu boni, vo-

luntatem id prosequendi, ne quod bonum est, non bene faceret: quo pacto mentes separatas & deniq; Deos, æquè atque Ptolemæus, nobis introduxit, motus cœlorum perennis administros. Quin & Scaliger professione Christianus, alijque sectatores Aristotelis disputant, hunc motum orbium esse voluntarium, & principium voluntatis illis motoribus esse intellectiōnem & desiderium. Et sanè si mundus æternus esset, quod contenderat Aristoteles; ad minimum plaga certa, in quam volvitur planeta, testaretur de intellectiōne. Negare enim Christiani non possumus, summam sapientiam præsedisse institutioni motuum, qua in plagam quilibet suam incitatus & quasi è carceribus in sua spacia dimissus fuit; id verò munus Aristoteles motoribus ipsis, quippe æternis, transcripsit.

Additæ etiam fuerunt animæ motrices, orbibus ipsis arctius alligatæ, eosq; informantes, ut intelligentia tantūmodò assisteret: vel quòd necesse videretur motorem primum & mobile in aliquo tertio convenire: vel quòd potentia motus, ratione spacij trajiciendi finita esset, nec infinitæ celeritatis esset motus, sed tempore descriptus, ad spacium admensò: quod argumento erat, certam & mensuram esse proportionem potentia motricis ad corpus mobile adq; spacia.

Per hanc itaque soliditatem orbium, & per constantem fortitudinem potentia motricis, omnibus omninò motibus seu apparentijs cœlestibus ita prospectum erat, vt dato motus principio, jam porrò omnis varietas motuum ex dispositione & pluralitate orbium proficisceretur, sine labore, aut sollicitudine intelligentia: movebanturq; orbes, super polis quiescentibus eo ferè modo, quo libro 1. corpus Telluris dictum est rotari super axe & polis suis: eoque motu quilibet orbis (quos quidam planè adamantinos faciunt, sic vt corpori alicui nequaquam cedant) suum sibi Planetam certo loco alligatum circumvehēbat; alteri alteros su-

finen-

stinentes, vt supra dictum. nec erat metus, vt vel globi vel orbes caderent, sic invicem religati.

Quid tu de hac Philosophia sentis?

Rursum illi obijcio non tam auctoritatem Christianæ disciplinæ, quam ipsam absurditatem dogmatibus, Deos fingentis, quorum munia sint ex naturæ operibus, eisq; interim ascribentis ab æterno talia, quæ necesse est ab vno primo principio rerum omnium in temporis exordio esse profecta. Quæ Theologiâ cum non potuerit hæc ratiocinatio carere: dijs igitur negatis, tota concidit. Deindè neque solidi orbes concedi poterunt, vt supra probatum. Rursum autem Philosophia hæc innititur solidis orbibus, ijsq; subrutis concidit. Facile enim hoc concesserit Aristoteles, corpus aliquod ab anima sua transportari non posse de loco in locum, si destituta fuerit orbis instrumento, quæ per totum circuitum absolvendum sit exporrectus, si item absit corpus immobile, cui orbis innitatur.

Tum autem si concesserimus orbes solidos, intervalla tamen interfunt immania inter orbes. Illa aut plena erunt orbè invtili, nihilque ad motus circumstantiam pertinente, quod est absurdissimum: aut si per ista intervalla non sunt orbes solidi, non igitur se mutuo contingunt aut gestant spheræ.

Deniq; seipsum destituit hæc ratio, prospiciens orbibus, quomodo quilibet in altero niteretur, oblito verò infimi.

Nam vt concedamus orbes ab orbibus sustineri, contiguosque esse invicem, quid igitur sustinet ultimum Lunæ orbem, aut quibus ille columnis innixus est Telluri, vt putant, quiescenti? cum in tota superficie Telluris circumcirca nulla occurrat soliditas? venti, nubes, aves liberrimè & facilimè commeent quaquaversum? Cur non pondus ingens cœlorum interdum penes nos subleat, præsertim spissioribus orbium partibus

ribus nostro vertici appropinquantibus ? Aut si pondus in cœlo nullum , quid igitur est nobis opus orbibus , ad vehendos globos planetarum ?

*Si orbes solidi nulli sunt, tantò magis intelligentijs opus esse videbitur, ad motus cœlorum administrandos, licet illæ Dij non sint:
Ergo enim & sint angeli aut alia aliqua creatura rationalis ?*

Nec opus est his , vt probabitur , nec fieri potest , vt globus planetarius circumagatur per solam intelligentiam. Nam primò mens destituta potentiâ animalis sufficienti ad motum inferendum , nec possidet vllâ vim motricem in solo nutu, nec audiri & percipi à bruto globo potest, nec, si perciperetur , globus materiatus, facultatem haberet obsequendi , teque ipsum movendi. Iam antea verò dictum, nullam sufficere vim animalem transferendi suum corpus, de loco in locum, nisi adsint instrumenta & quiescens aliquod corpus, super quo fiat motus ; Res igitur ad superiora recidit.

E contrario verò potentiæ naturales, insitæ corporibus ipsis planetarum, præstare hoc possunt, vt planeta de loco in locum transferatur.

Posito verò, sufficere ad motum , vt intelligentia velit movere in hanc vel illam plagam ; jam absurda fiet inventio figuræ , in quâ linea motus ordinata est. Convincimur enim observatis astronomicis legitimè tractatis , viam Planetæ esse quam proximè circularē , & quidem eccentricam , hoc est, cuius centrum non sit in centro mundi vel corporis alicujus, & quod insuper successu seculorum de loco in locum transeat. Totidem autē argumenta depromi possunt , contra inventionē talis orbitæ, quot sunt ejus jam descriptæ partes.

Nā primo; Planetæ orbita nō est perfectus circulus, et si Mens hanc efficeret : ordinaret utiq; eā in perfectū circulum,

circulū, cuius est mentalis pulchritudo & perfectio. Ex aduerso figura Elliptica itineris planetarij, legesque motuum, quibus talis efficitur figura, sapiunt potius naturam stateræ seu necessitatem materiale, quàm conceptum & destinationem mentis, vt infra patebit.

Deinde vt demus, aliam quam circuli Ideam in mente motrice relucere: quæritur quibus medijs mens vel hanc vel illam possit applicare regionibus mundi. Circulus quidem certo aliquo centro, Ellipsis verò, quæ figuræ sunt planetarum orbitæ, duobus centris describitur.

Quam igitur sedem dabis menti, vt circulum vel ellipticam orbitam in liquentibus ætheris campis meteretur? Num in illo centro illam localis? In aura igitur ætherea locas illam, quæ nihil differt à toto reliquo mundi spacio, quia orbita planetæ est à solis corpore eccentrica. At hoc valdè absurdum, cum aliàs principium individuationis animarum transcribatur materiæ, & corpori, cui anima est addita, quæ loco & tempore, multisq; alijs notis differt à materia mundi reliqua. Certè animæ & menti situs alius non competit, quàm per corpus suum, quod illa informat. Et qua vi movebitur mens de loco in locum in circello paruo circa centrum mundi, vt sit cum centris orbitarum planetariarum, successu sæculorum, si mens corpore caret, si vt situabilis, sic mobilis seipsa non est? Quò medio mens tuebitur situm suum, suam à centro mundi distantiam?

Esto verò illi prospectum de sedē in centro, quomodo iam illa efficiet, vt planeta longissimè absens, orbitam suam ordinet circa hoc centrum? si funiculo illum haberet alligatum, circumvolitaret ille forsitan, ex centro nexus: sentire fortè posset mens ex centro prospectans, præsertim si corporeis oculis esset instructa, an planeta iret in circulo, si nimirum is æquali semper angulo spectaretur: at exorbitantem, qua via reduceret, si orbitam ipsam per se non videret. &

quo-

quomodo verò mens intelliget orbitam, quæ corpore aliquo peculiariter non est insignita? Nam de Ideâ circuli intellectuali hic non est sermo, in qua non est magni & parvi distinctio, sed de reali itinere planetæ, quod præter Ideam, habet etiam certam quantitatem.

Quod si mentem motricem collocaveris extra centrum orbitæ, deterior erit ejus conditio. Aut enim erit in corpore quod obtinet mundi centrum, & sic omnes mentes erunt in eodem corpore, durabuntque difficultates superiores de retinendo planeta in sua orbita, deque ejus orbitæ inventionem. Aut erit mens in ipso planetæ globo: tunc in utroque casu quaeritur, quo medio mens sciat, ubi sit centrum, circa quod ordinanda est orbita planetæ, & quantum ipsa cum globo suo ab illo puncto distet. Rectè enim Avicenna censuit, opus esse Motori planetæ, si mens est, cognitione centri, & suæ ab illo distantia. Circulus enim iisdem & definitur & perficitur, centro & æquali curvatura circa illud, æquali scilicet distantia circumferentiæ ab illo: itaq; quantumcunq; motricem mentem extollas, circulus tamen ne Deo quidem aliud quid est, quam quod jam est dictum: quod idem & de elliptica figura suo modulo fuerit intelligendum.

*Quare dicis corpus aliquod cælestē, suā
constans materia solo nutu circumagi non
posse? Atqui cælestia nec gravia sunt nec le-
via, sed aptissima ad motum circularem,
non resistunt igitur menti mo-
trici?*

Et si globus aliquis cælestis non est sic gravis, ut aliquid in Terra saxum grave dicitur, nec sic levis ut penes nos ignis: habet tamen ratione suæ materiæ naturalē *αδωανία* transendi de loco in locum, habet naturalem inertiam seu quietem, qua quiescit

esse in omni loco, vbi solitarius collocatur. Inde verò ex situ & quiete sua vt emoveatur, opus est illi potètia aliqua, quæ sit amplius quippiam, quam sua materia & corpus nudum, quæque inertiam hanc ejus naturalem vincat. Nam talis facultas jam est supra naturæ ingenium, formæ soboles, aut vitæ index.

*Vnde probas, materiam cœlestium corporum, reniti suis motoribus, & ab ijs Vincis
Velut in Libra, pondera à facultate sua
motrice?*

Probatur hoc primò ex periodicis temporibus conuolutionis globorum singulorum circa suos axes, vt Telluris tempore diurno, Solis tempore 25 dierum circiter. Nam si nulla esset inertia in materia globi cœlestis, quæ sit ei velut quoddam pondus, nullà etiam opus esset virtute ad globum movendum: & posita vel minima virtute ad movendum: jam caussa nulla esset, quin globus in momento verteretur. Iam verò cum globorum conversiones fiant in certo tempore, quod in alio planeta est longius, in alio brevius, hinc apparet, inertiam materiæ non esse ad virtutem motricem, vt nihil ad aliquid. Non est igitur nulla inertia & sic renitentia materiæ cœlestis.

Idem secundò probatur ex circulatione globorū circa solem, junctim consideratorum. Nam vnicus motor vnica sui rotatione movet sex globos vt infra audiemus. Quò si globi non haberent naturalem renitentiam certæ proportionis, caussa nulla esset, quin motoris sui turbinationem exactissimè sequerentur, & sic cum ipso, vno & eodem tempore converterentur. Iam verò omnes quidem in eam plagam eunt, in quam motor turbatur, nullus tamen celeritatem motoris sui plenè attingit, & alius alio segnior sequitur. Miscet ergò celeritati motoris, suā materiæ inertiam in certa proportionem.

Videtur

*Videtur proportio periodicorum temporum
esse Mentis opus, non necessitatis ma-
terialis?*

Ipsa quidem motuum extremorum, tardissimi & velocissimi in vnoquolibet planetâ, cõtemperatio exquisitissimè harmonica, est supremæ & adorandæ creatricis Mentis seu sapientiæ opus : at longitudes tẽporum periodicorum, si essent mentis opus, haberent aliquid pulchritudinis, cuiusmodi sunt proportionēs effabiles, dupla, tripla & similes: Iam verò periodicorum temporum proportionēs sũnt ineffabiles (irracionales vulgò) & sic infinitatis participes, in qua nulla pulchritudo mentalis, quia nulla finitio.

Secundò mentis opus esse non possunt (non loquor de creatore, sed de natura motoris) hæc tempora, quia colliguntur tempora vnius periodi, ex inæqualibus moris in diversis circuli partibus. Illæ verò inæquales moræ, vt infrà dicetur, oriuntur ex materiali necessitate, & veluti ex ratione stateræ.

*Tu ergò qua vi suspendis globos, & vis, materiales, terram præsertim, sic vt quilibet intra metas maneat sua regionis, destitutus licet illis solidis orbium
vinculis?*

Cũ certum sit, solidos orbes nullos esse, nec fle est, vt confugiamus ad hanc inertiam materiæ, qua fit vt globus aliquis, quocunq; mundi loco collocatus extra virtutes motrices, illo loco quiescat naturaliter. Ob id ipsum, quia materia, vt talis, facultatem nullam habet transferendi corpus suum de loco in locum.

Quid igitur est, quod Planetas facit circa solem ire, quemlibet intra metas sua regionis, si nec solidi sunt orbes, nec ipsi globi possunt aliud quam habere fixi: nec sine solidis

*lidiis orbibus de loco in locum moveri pos-
sunt ab illa anima?*

Et si res à nobis remotissimæ, & quæ sine genuino exemplo sunt, difficiles habent explicatus, & censuram efficiunt lubricam admodum, vt verè monuit Ptolemæus: si tamen verisimilitudinem sequamur, attenti ne quid nobis ipsis contrarium statuamus: haud obscurum esse poterit: neque mentem aliquam introducendam esse, quæ dictamine rationis & veluti nutu globos circumagat, neque animam, huic quidem circumlacioni, præficiendam, quæ sic, vt fit in convolutio-
ne circa axem, virium equabili contentione faciat impressionem in globos: sed solum & vnicum esse corpus Solare, situm in medio totius vniversi, cui motus iste primariorum planetarum circa corpus Solis, possit ascribi.

III. De revolutione corpo- ris Solaris circa suum axem, ejusque effectu in motu planeta- rum.

*Quibus causis adducere & Solem facias
causam moventem, seu fontem motus
Planetarum?*

1. Quia apparet, quanto quilibet planeta longius ætèris à Sole distat, tantò illum incedere segnius, ita vt proportio periodicorum motuum sit sesquipla proportionis distantiarum à Sole. Ex hoc igitur ratiocinamur Solem esse fontem motus.

2. Idem vsu venire singulis planetis audiemus infra, vt quanto magis appropinquat vnus aliquis planeta Soli quouis tempore, tanto provehatur seipso celerior in proportionè exquisitè dupla.

3. Nec abludit dignitas aut aptitudo corporis Solaris, quod pulcherrimum est, & rotunditatis absolutissimæ, maximum etiam, & fons lucis atque caloris, unde omnis vita in vegetabilibus scaturit: adeò ut calor & lux quædam quasi instrumenta censerì possint, idonea Soli ad motum planetis inferendum.

4. Inprimis verò numeros omnes probabilitatis implet Solis in suo spacio rotatio circa axem immobilem, in plagam eandem, in quam omnes planetæ sequuntur, & periodo quidem breviori quàm proximus illi & circissimus omnium, Mercurius.

Quod enim hodie Telescopio detegitur, & quotidie videre est, Solis corpus maculis scatere, quæ intra dies 12. 13. vel 14. discum Solis seu hemisphærium ejus inferius transeunt, initio & fine tardè, in medio celeriter, (quod argumento est, illas hære in superficie Solis & cum illa converti:) id planè necessarium esse, ut fiat, rationibus, ex hoc ipso planetarum motu deductis, longè prius, quàm de maculis Solis constaret, comprobatum est à me, in Com: Martis cap. XXXIV.

De Solis itaq; corpore quid tenendum putas, quæ id si convertitur circa suum axem?

Dictum est libro primo, & hoc corpus, & si quod aliud circa suum axem volvitur, non tantum in ipso rerum exordio ab omnipotentia creatrice fuisse in gyrum actum, sed etiam videri continuare hunc motum, præsidio animæ motricis. Nam etsi alia etiam ratione ibi explicata, motus iste continuari possit: tamen animæ præsidio diurnitas & perennitas motus hujus, in quo totius mundi vita consistit, rectius obtinetur.

Habes etiam alia argumenta præter motum, quibus verisimile fiat in corpore Solis animam inesse?

1. Magnum à materia corporis Solaris, ejusque illu-

illuminatione, ducetur argumentum, quæ videtur esse qualitas in corpore Solis, orta ab informatione animæ valentissima, utpote ejus materiam, ut supra dictum, consentaneum est esse densissimam totius mundi corporum: maximas igitur vires credi par est illi animæ adesse, quæ tam pertinacem domat inflammatque materiam. Vide Opt: cap: VI.

2. Animam autem potius statuendam esse puto, quàm formam inanimam, quia ex macularum in Sole ortu & discussione, exquæ illuminatione inæquali partium ejus diversarum diversis temporibus, apparet, non vnam continuam & perpetuò uniformem esse energiam in omnibus corporis Solaris partibus, sed admittere motum & variationem & vicissitudines, fierique talia in globo Solis, qualia in globo Telluris, mutatis mutandis, ut ex intimis ejus visceribus hinc inde nubium simulachra (quæ sunt forsitan atræ fuligines) expirent, consumptaque earum materiâ, lux partium, quæ prius illis maculis erant tectæ, fiat nitidior: quæ vicissitudines cum sint perennes, sapiunt animæ potius præsidium, quàm formæ simplicis.

3. Ipsa etiam per se lux cognatum quid est animæ: non minus quam supra lib. I. de calore hoc idem fuit comprobatum. Nihil enim penes nos inflammatur, id est luminosum efficitur, quod non ab anima aliqua in corpore fuerit prognatum: ut ligna ab anima stirpis, spiritus vini ab anima vegetante vitis, scintillæ ex ferro & lapidibus; quæ res sunt excoctæ in visceribus terræ, ab anima Terræ. Lucem verò cognatum quid esse flammis nostratibus, patet inde, quia lux condensata speculis cavis aut vitris convexis, incendit ut flammæ & carbones. Itaque corpus Solis, in quo lux insidet originaliter, consentaneum est anima præditum esse, quæ inflammationis illius author, custos & continuatrix sit.

4. Nec aliud suadere videtur Solis officium in mundo, ut sicut omnia illuminaturus, lucem est sortitus

eus in suo corpore: sic omnia calefacturus, calorem, omnia vivificaturus, vitam etiam ipse corporalem, omnia moturus, principium & ipse motus, & sic, animam in se habeat.

*Num etiam mentem aut intelligentiam
addes Solis animæ, qua moderetur hunc e-
jus motum circa axem?*

Ad motus quidem munia nihil penitus opus est mente. Nam plaga, in quam volvitur Sol, est à primo rerum exortu: constantia verò volutionis & periodici temporis, ut suprà explicatum, dependet à proportionē constanti potentiæ motricis ad contumaciam materiæ. Directio verò axis corporis Solaris in plagā perpetuò eandem, quies potius est, quam mentis opus, quippe à primo rerum ortu nulla in axem facta est impressio motus hujus. Directionem verò axis, medius etiam circulus, inter axis extrema, polos, necessariò sequitur, & axe manente manet, iisdem perpetuo fixis subordinatus. Ipsa deniq; prensatio corporum planetariorum, quos Sol rotatus circumagit, corporalis est virtus, non animalis, non mentalis.

Et hæc quidē ob motum dicta sunt. Ceterum quas conjecturas de intelligentia suppeditet consideratio Harmoniarum cœlestium; de eo vide lib. V. Harmon. Caput ultimum.

*Ergone Sol gyratione sui corporis circum-
fert planetas? Et quomodo hoc potest, cum
careat Sol manibus, quibus prensat plane-
tam tanto intervallo absentem, secumq;
convolutus circumagat?*

Pro manibus est ipsi virtus sui corporis, lineis re-
tis in omnem mundi amplitudinem emissis, quæ eo
ipso

ipso, quòd est species corporis, vnà cum corpore Solis, rotatur instar rapidissimi vorticis, totā illam circuitus amplitudinem, ad quantamcumque pertingit, & què celeriter pervagans, atque Sol in angustissimo suo spacio circa centrum se convertit.

Posses rem aliquo exemplo declarare?

Nimirum hic subsidio venit nobis illa Sympathia magnetis & lingula ferrea, magnete imbuta, cujus illa vim attritu combibit. Converte magnetem in vicina lingula, converteretur simul lingula: etsi prensatio formæ diversæ est. Vides tamen uti neque hic intercedat vilis contactus corporum.

Certum quidem est exemplum, at obscurum: explica quid sit virtus ista, & quo ex rerum genere?

Sicut duo sunt corpora, movens & motum, sic sunt etiam duæ potentia, quibus motus administratur, altera est passiva & magis ad materiam vergens, similitudo scilicet corporis planetæ cum corpore Solis, in forma corporea; & pars quidem corporis planetarij, amica Soli, pars opposita inimica: altera potentia est activa & magis formam sapiens, scil. quod corpus Solis vim habet attrahendi planetam parte ejus amica, repellendi parte inimica, retinendi denique, si fuerit sic situs, ut neque amicam partem Soli obvertat, neque inimicam.


Quomodo fieri potest, ut totum corpus planeta sit simile vel cognatum corpori Solis, pars tamen planeta amica Soli, pars inimica?

Nimirum etiam cum magnes magnetem trahit corpora sunt cognata, tractus tamen fit vnâ sola parte

re, repulsus oppositâ. Hæc igitur amicitia & inimicitia ab effectu concursus aut fugæ denominatur, non à dissimilitudine corporum.

Vnde Verò est illa diversitas partium oppositarum corporis ejusdem?

In magnetibus quidem diversitas est ex situ partium in toto. Nam si lapidem magneticum AB con-



freris in CD; fragmenta, ut-
cunq; transpo-
nantur, non ali-
ter se mutuo at-
trahunt, quàm
per easdem v-
triusq; fragmēti
partes A & CD,
ut quæ prius in
lapide integro
spectabant ean-
dem mundi pla-
gam: quòd si ta-
lis fiat applica-
tio fragmento-
rum, ut situs

partium inter se pristinus sit ut CAD, B & D: tunc fra-
gmenta se mutuo repellunt.

In cœlo res paulo aliter est comparata. Sol enim non, ut Magnes, unâ plagâ, sed omnibus sui corporis partibus, facultatem hanc activam & energeticam possidet attrahendi vel repellendi vel retinendi plane- tam. Itaque credibile est, centrum corporis Solaris respondere uni extremitati vel plagæ magnetis, superficiem verò totam alteri magnetis plagæ. Et in corporibus igitur planetarum, quæ pars vel extremitas in primo rerum exortu inque primâ collocatione planetæ Solem

Solem spectabat, illa centro Solis cognata est, illa à Sole trahitur: quæ verò à Sole versus fixas extensa erat, illa superficiæ Solaris naturam est nacta, illa si ad Solem convertatur, Sol planetam à se repellit.

Ut Sim turbinationis Solis rectius intelligam, dic quid censeas futurum fuisse, si Sol non turbinaresur?


Quemadmodum magnes magnetem amica parte in se conversum non cessat attrahere, donec illum ad contactum corporum adducat, penitusque sibi vniat: parte verò inimica sibi obversum aut convertit, & conversum similiter attrahit: aut si eum convertere non potest, repellit; nec vllum illi locum relinquit intra orbem virtutis suæ, si quidem non impediatur: sic cogitandum est etiam de Sole, quòd si hic non convolveretur circa axem suum, nullus etiam primariorum planetarum circa Solem esset circumiturus, sed pars eorum adnavigaret ad Solem perperuò, donec vniretur ipsi ad contactum, pars, quæ posticum Soli obvertit, expelleretur versus fixas: qui verò latus præbent Soli, illi hærent suo loco penitus immobiles, luctante virtute Solis tractoriâ cum repulsiâ.

Quid igitur nunc fit, Sole circa suum axem rotato?

Nimirum corpore Solis converso, virtus etiam ista convertitur, quemadmodum magnète converso, vis partis vnus tractoria in plagas mundi alias atque alias transfertur. Cumque Sol illâ virtute sui corporis arripuerit planetam, seu trahens illum, seu repellens, seu dubius inter vtrumque; secum etiam circumducit illum, & cum illo fortè etiam omnem auram ætheream circumfusam. Trahendo quippe & repellendo retinet, retinendo circumducit.

Si hoc sic se haberet, planeta omnes eodem tempore cum Sole restituerentur?

Equidem si hoc tantum esset. At dictum est hactenus, præter hanc vim Solis vectoriam esse etiam naturalem inertiam in planetis ipsis ad motum, qua fit, ut inclinati sint, materiæ ratione, ad manendum loco suo. Pugnant igitur inter se potentia Solis vectoria, & impotentia planetæ seu inertia materialis : Vtraque



suam partem habet victoriæ; illa planetam sede sua emovet, hæc suum, hoc est, planetæ corpus, nonnihil eripit è vinculis illis, quibus à Sole erat prehensum, ut ab alia atque alia circularis hujus virtutis, & veluti circumferentiæ Solaris, parte apprehendatur : ab ea scilicet, quæ proximè succedit illi, ex qua planeta se modo extricaverat. In Schemate, species corporis Solaris ro-
rati intelligatur sub circulo exteriori, punctis signato,
& in-

& intelligatur talis circulus ductus esse per quemcunq; situm planetæ in A. B. C. D. E. F. G. vel H. Vertatur Sol. & cum eo sua species à dextris ad sinistras : sit primò planeta A prehensus illa parte speciei Solis , quæ per radium A signatur, moveatur radius A sub certo temporis spacio vsque in locum radij D, planetamque trahat, sed reluctantem, & se extricantem; sic vt in eodem temporis spacio is propellatur tantum ab A vsque in B, itaque primus radius reliquit post se planetam spacio BD: at vicissim, radius H. jam successit, apprehenditque planetam in B. Quantum enim A promotus est in D, tantum & H processit, vsque in B.

Atqui si omnia potentij naturalibus efficiuntur, quæ laborant & pugnant cum inertia materiae movendæ , quomodo tueri planeta possunt sua tempora periodica , sic & illa semper inter se quam exactissime sint æqualia?

Facilius, quàm præsidio mentis: nam cùm proportio virtutis vectoriæ vniversæ ad materiam globi vehendi sit invariabilis, sequitur vt & periodica tempora sint perpetuò æqualia.

Cur autem planetarum alius alio sese plus extricat ex hoc raptu, sic & Saturnus in 8. na horâ solum per 240 miliaria prodehatur, Mercurius per 1200 secundum Copernicum?

1. Quia virtus ista ex corpore Solis effluens, eodem imbecillitatis gradus habet in diversis intervallis, quos gradus habent ipsa intervalla, seu orbium per intervalla hæc descriptorum amplitudo : hæc est causa potissima.

2. Aliquid etiam causæ est in ipsa planetariorum globorum inertia vel renitentia majori vel minori,

quâ fit vt proportio tantum ex dimidio respondeat: sed de hoc paulò pòst plura.

Planeta corpus semper est idem, expellitur Verò, & Si Sol, à Sole & allicitur ad illum; diversos igitur gradus virtutis vectoria pererrat: non manet igitur constans proportio virtutis ad corpus planeta?

Non sanè, si partes revolutionis vnus consideremus, ideoque etiam planeta idem celerior fit in parte revolutionis vna, vt supra in E, quàm in altera A, vt infra dicetur. At hoc non obstante, collecta vniversa virtus vectoria per omnes illos gradus, in quos planeta venit intra revolutionem vnâ, semper & in omni reditu est ejusdem quantitatis.

Quomodo fieri hoc potest, Si Virtus emanans ex corpore Solis sit imbecillior in maiori intervallo apud A, quam propè Solem in E? quid illam affligit aut imbecillem reddit?

Quia virtus ista est corporea & quantitatis particeps: quare spargi & attenuari potest. Cum igitur tantundem sit virtutis in orbem Saturni amplissimum diffusum, quâtû est in angustissimo orbe Mercurij collectum: tenuissima est igitur per partes in Saturni orbe, eoq; & imbecillissima, densissima verò penes Mercurium, eoque fortissima.

Si de ipso corpore Solis ageretur, possem in illo concedere hanc potentiam naturalem movendi: sed tu educis hanc potentiam materiale[m] à corpore, & statuis eam sine subiecto in amplissimo athere, hoc absurdum videtur?

Abfur.

Absurdum non debere videri , patet exemplo magnetis, cui hoc idem posset obijci. At neutrobique vis hæc est sine subjecto analogo. Quemadmodum enim in ipso fonte, subjectum est ipsi facultati naturali, corpus Solis, seu fibræ à centro porrectæ in circumferentiam ejus: sic etiam in hoc ipso egressu, puto distinguendum ratione, inter speciem corporis Solaris immateriatam, effluentem vsque ad planetas & ultra, & inter vim seu energiam ejus, quæ comminus prestat & movet planetam, ut illa sit hujus subjectum, licet non sit corpus, sed immateriata corporis species.

Posses hujus rei dare exemplum?

Genuinum exemplum est in luce & calore Solis. Non est dubium quin sicut Sol totus est luminosus, sic sit etiam totus ignitus, & propter materiæ densitatem, omninò candenti massæ auri, aut si quid densius, comparandus. Iam ex luce illa Solis egreditur & ad nos delabitur species non corporea, non materiata, quam lumen vel radios Solis dicimus, quæ tamen quantitates & accidentia recipit: rectis quippe lineis effluit, est condensabilis aut extenuabilis, & omninò sectilis per specula & vitra, per répercussum sc: & refractionem, ut docemur in Opticis. Atqui hæc species lucis Solaris, defert etiam calorem ipsum, & pro ratione fortitudinis suæ, majori vel minori, qua incidit in corpora illustrabilia, plus etiam vel minus calefacit illa.

Quemadmodū igitur species ista, seu lumen, quam speciem certò scimus ab illa Solis luce defluere, subjectum est calorificæ facultatis, itidem à Sole per speciem prorogata: ita etiam species corporis Solis immateriata, delapsa ad planetas vsque, comitem habet speciem illius virtutis energeticæ in corpore Solis, quæ nititur unire sibi similia, repellere dissimilia.

Evidentius est exemplum in eadem luce, cum per vitra vel per telas coloratas transiens, aut coloratis super-

perficiebus communicata, coloratur & ipsa: vbi negari non potest, lucem (quamvis sit immateriata species ejus lucis, quæ allapsa fuit in corpus coloratum) fieri subjectum coloris illius, & quasi vehiculum etiam extrorsum.

*Quid si hac ipsa lux, non Verò alia species
ipsius corporis solis, esset etiam subjectū fa-
cultatis illius apprehensivæ, qua
Sol corpora planetarum
prensat?*

Non simpliciter: nam videtur potius hoc sequendum, effluere speciem immateriatam corporis ipsius, cui speciei & vis prensandi, & lux, Luci verò & calor & color, quodlibet ex suo fonte derivatum, inhæreant.

*Dic causas hujus distinctionis specierum
immateriatarum unius & ejus-
dem globi solaris?*

1. Oportet materiam corporis solaris esse distinctū quid à luce in illo. Lucis enim radiorum motus in directum, contingit in momento, corporis verò solaris cōversio fit in tempore. At si statueremus, speciem lucis nudam, esse subjectum & vehiculum virtutis prensandi, lux ipsa solis vnica, omnem corporis ejus essentiam sibi vendicaret. Idem enim est originaliter in re, quod invenitur in specie rei.

2. Luci delapsæ quantitates competunt, procul dubio non planè secundum intimam lucis essentiam, sed secundum aliquid à luce ipsa diversum, scilicet quia est in corpore quanto, & quia junctæ species tam corporis quam lucis delabuntur.

3. Lucis species à superficie delabitur corporis luminosi, vel si maximè etiam ex profundo corporis pel-
lucidi, tamen quasi ex superficie. Itaque lux vt superfi-
cies

cies consideratur, & eadem habet, quæ aliæ superficies, in motu & impactu; à corpore verò, quod intra superficiem illustratum est, nihil patitur, quia à corpulentia interiori sui fontis non descendit: vis prensandi corpus, à corpore descendat necesse est, vt sit causa movēs analogæ suo objecto mobili. Itaq; etiam corporis dimensiones admittit, & corpora movet: nō tantum secundum superficiem, sed etiam in ipsam eorum materiam se insinuans.

4. Hinc etiam luci nulla obstat materia superficiei objectæ, quo minus in momento illa superficies illustretur: quod verò luci obstat, opacum nempe, id perpetuò obstat, nec vnquam vincitur, quamdiu sc. opacum manet. At virtus prensandi non totum assem vincit: nam obstat & derogat illi renitentia materiæ in corpore planetæ, qua fit, vt planeta vim prensantem promotam non exactè assequatur, sed ab ea relinquatur & destituatur; in qua mutua contentione, temporis locus est.

5. Eiusdem causæ est & hæc diversitas, quòd lux terminatur & impeditur superficiebus corporum opacis, quò minus vltius penetret ad alia corpora in eadem rectâ constituta. At vis hæc, quæ planetam prensando circumducit, non impeditur superficie ejus, sed penetrat in corpus quod prensat, & per corpus penetrat etiam in corpus planetæ vltioris, si contingat, binos cum sole in lineam rectam incidere: vt ita nihil turbetur motus ab interpositione corporum. At si motus à lucis illustratione profisceretur, contingeret hoc absurdum, vt quoties superior eclipsaretur ab inferiore, toties motus ejus cessaret tantisper, donec inferior celeritate sua sese eriperet ex linea.

6. Deniq; non esse necessariò motum planetarum à solis lumine nudo, patet exemplis rerum aliarum, vbi motus similis cœlestium, fit sine lumine, vt videre est in Magnete, & infra patebit exemplo Lunæ, quæ movetur a Tellure, corpore minime luminoso. Et si tunc suas

etiam

etiam partes inueniet illuminatio Lunæ & Telluris; sed quæ etsi cooperatur ad movendam Lunam multifariam, non tamen id per se facit, sed saltem speciē motricem telluris fortificat, vt suo loco dicitur.

Quæ est similitudo inter species lucis & huius virtutis prensandi?

Similitudo absolutissima est in ipsa genesi & conditionib. speciei vtriusq; : vtriusq; descendens de luminoso corpore, fit in momento, vtraq; transit medium magnum & paruum sine iactura, non vectigalis, nihil perit in itinere ex fonte suo, nihil inter fontem & illuminabile vel mobile dispergitur.


Effluxus igitur vterq; immateriatus est, non qualis odorum, cum diminutione substantiæ, non qualis caloris ab æstuante fornace, & si quid est simile, quibus media implentur: nec enim vsquam est species illa, nisi in opposito & occurrente corpore, lucis quidem in ejus superficie opaca; virtutis verò motorix in tota corpulentia: in spacio verò intermedio inter solem & superficiem, non est, sed fuit. Quod si occurreret sphaerica superficies concava corporis opaci; species vtraq; solaris, totis copijs, quibus egressa erat è corpore solis, in id concavum dispergeretur, sic vt tantundem ejus esset in ampla & remotiori aliqua sphaerâ hujusmodi, quantum in angusta & propinqua. Ac cum proportio orbium convexorum sit dupla ad proportionem diametrorum: duplo igitur tenuior efficeretur species ista in orbibus inæqualibus, quam remotior: & rursum, quia circulorum est eadem simpla proportio, quæ & diametrorum: in longum igitur species eadem proportionem est tenuior, quâ & a fonte remotior.

Vnde desumuntur argumenta huius comparisonis?

De luce proprietates istæ demonstratæ sunt in opticis:

nicis : de virtute Solis motrice per analogiam eadem probantur, servata differentiâ inter opera illuminationis & motus, & objectorum vtriusq; : inveniunturque consentanea experimentis astronomicis.

Cùm enim Planeta vnus & idem, vt infrâ dicitur, in partibus eccentrici circuli æqualibus reverâ, sed in æqualibus intervallis à Sole distantibus, moras terat inæquales, idque in ipsa hac intervallorum proportionem : sequitur igitur, etiam virtutem motricem in longum attenuari eadem proportionem, quâ lux in longum attenuatur, in proportionem scilicet amplitudinis cir-



culorum, quorum sunt intervalla illa seu semidiametri. In hoc schemate sit Sol S, Planeta idem CA propior, & FD remotior : & sint DH, AI partes Eccentrici æquales (subintellige in locis oppositis Eccentrici.) DH quidem remotior, AI verò propior. Sicut igitur se habet SD ad SA, sic mora planetæ in DH ad moram ejusdem in AI. Ex hoc sequitur etiam hoc, sicut est SD ad SA, sic conversim esse densitatem

Lucis inferioris CA in longum, ad densitatem FD, Lucis remotioris.

Atqui

*Atqui Lux in dupla intervallorum propor-
tione attenuatur, id est, in proportione su-
perficierum; cur non igitur etiam Virtus
motrix in dupla potius proportione
fit debilitior quam in
simplici?*

Quia virtus motrix subjectum habet, speciem cor-
poris solaris, non ut nudè est corpus, sed ut est in motu
constitutum, convolutionis circa suum axem & polos
immobiles.

Et si igitur species corporis solaris attenuatur in lon-
gum & latum, non minus quàm lux: attenuatio ta-
men ista proficit ad debilitandam virtutem motricem
tantummodò causa longitudinis; quippe motus lo-
calis, quem Sol planetis infert, tantum fit in longitu-
dinem, in quam etiam ipsius Solis partes corporis sunt
mobiles, non etiam in latitudinem, versus polos cor-
poris, respectu quorum Sol est immobilis.

*Attamen etiam corpora mobilia habent
latitudinem non minus quàm longitudi-
nem; quare sequuntur ab hac Virtute, tam
et illa longitudinem, quàm et latitudinem
suam habet: cur non igitur etiam in lati-
tudinem debilitaretur Virtus motrix,
et sic in dupla proportione inter-
vallorum?*

Equidem non has tantum duas dimensiones habet
planetarum corpora, sed etiam tertiam crassitie seu
altitudinis, occupantque hanc virtutem planè trifa-
ciam: & est sane ob id virtus unius planetæ prensatrix
vectrix & motrix non vnus circulus, latitudine carens,
sed constat ex infinitis quasi circulis parallelis in latum
& in altum: at non ideo sequitur, attenuationem hu-
ius virtutis vel in dupla vel in tripla intervallo-
rum

rum seu semidiametrorum proportionem esse debere. Nam sicut aliàs in Geometricis æquè multiplicium est eadem proportio: sic etiam hic in physica, sicut se habet vna linea minima physica, vt pars corporis planetarij, ad vnius circuli virtuosæ tenuitatem, proportionem simpla intervallorum constitutam: sic se habent etiam infinitæ lineæ minimæ physicæ, vt partes omnes corporis planetarij, tam in latum quam in altum dispositæ, ad totidem circulos virtutis motricis, qui omnes & singuli vim habent movendi tantum in longum, nullam in latum, nullam in altum, nec singuli, nec inter se juncti. Sicut igitur singulæ lineæ seu fibræ binorum corporum planetariorum solitariae, moverentur à singulis circulis motricis virtutis in proportionem intervallorum simpla, sic etiam vniuersæ fibræ globi planetarij iunctim, ab vniuersis circulis virtutis iunctim, moventur in eadem proportionem simpla: quippe cum ista latitudo & altitudo virtutis motricis non sit de essentia ipsius, sed de accidente ei re mobili.

Sunt tamen ista difficiliora creditu, de specie corporis & virtutis solaris, planetarum (praesertim terram) circumagente, quam illa priora philosophorum, de intelligentijs, animabus motricibus, & orbibus solidis?

Nihil nocet creditu esse difficilia, dummodò sint comprehensu facilia, nec possit ijs objici, quod orbibus & intelligentijs fuit objectum, aut aliud quippiam, quo impossibilitas comprobetur.

Nam primò, vtcumq; fidem superent, exemplum tamen est genuinum in magnete. Deinde si quis dubitat, an magnetica, h. e. terrestres facultates in cœlo sint, & an terra, grave corpus, de loco in locum transponi possit à specie immateriata Solis: is Lunam intueatur, quam Terræ cognatam, videt circumire nullo substrato so-

lido orbe. Valere verò ad inferendum motum species corporum mutuo commeantes, patet in eadem Luna, quæ per emissam speciem penes nos movet maria. Exemplis igitur non caremus. Nec nos modus fatigar, quem mente perspicimus qualis sit : sola incredibilis fortitudo hujus speciei nos suspensos tenet. Atqui rectè hic cum Ptolemæo respondere possumus, æquum nequaquam esse, ut ex imbecillitate nostra, virtutes divinorum operum, ex parvitate nostra, magnitudinem illorum æstimemus.

Modi quidem & figurarum æstimatio menti competit, magnitudinis aut parvitaris, hoc est, quantum indefinitarum, nullus in hac æstimatione census esse debet.

IV. De causis proportionis periodicorum tempo- rum.

Dixisti in principio hujus speculationis de motu, periodica planetarum tempora reperiri exactissimè in proportionibus suorum orbium seu circularum sesquialtera; quæro quæ sit hujus rei causa?

Causæ ad constituendam temporis periodici longitudinem, concurrunt quatuor. Prima est itineris longitudo, secunda pondus seu copia materiæ transportandæ, tertia fortitudo virtutis motricis, quarta moles seu spacium in quod explicatur materia vehenda. Sicut enim fit in Molendino, cujus rotam circumagit fluminis impetus, ut quo latiores & longiores alas, tabulas, seu remos rotæ affixeris, hoc majorem vim fluminis, fusam scilicet per latitudinem & profunditatem ruentis, in machinam derives : sic etiam fit in hoc cœlesti vortice ruentis in gyrum speciei Solaris, quæ motum


cau-

causatut, vt corp^o, quo fuerit spaciosius, (vt hic A.D) hoc
latius etiam & profundius occupet virtutem mouen-

tem, vt hic BGA, pro
latitudine intellectu:
hoc celerius etiam,
cæteris paribus, pro-
vehatur, hocque ci-
tius iter suum perio-
dicum absoluat.

Iam verò itinera
circularia planetarū
sunt in proportione
intervallorum sim-
plā: sicut enim est SA
ad SD, sic etiā se ha-
bet totus circulus BA
ad totum circulum
ED: pondera verò,
seu copia materiæ in
diversis Planetis, sunt
in proportione in-
tervallorū dimidia-
tā, vt supra proba-
tum, sic vt semper,
qui altior, is plus ha-

beat materiæ, eoque & tardius promoveatur, & plus
temporis in periodum suam accumulet, cum jam an-
teā ratione itineris plus temporis desideraverit. Nam
sumpto medio proportionali SK inter SA, & SD
duorum planetarum intervalla, vt SK se habet ad ma-
jus SD, sic se habet copia materiæ in planeta A, ad il-
lam in planetā D: tertia vero & quarta causæ se mutuo
compensant in diversorum planetarum comparatio-
ne: simpla verò & dimidium proportionis intervallo-
rum, constituunt proportionem ejusdem sesquialte-
ram: periodica giture tempora sunt in proportione in-
tervallorum sesquialterā: Vt si sint continuè pro-
portionales SD, SK, SA, SL, erit vt SL ad SD,



sic periodus temporaria planetæ A, ad alteram planetæ D.

Proba, in comparatione binorum planetarum exactè pensari debilitationem virtutis moventis, ab amplitudine, quâ corpora planetarum mobilia eam occupant?

Corporum moles seu spacia sunt in proportionem intervallorum simpla & directâ, vt supra est demonstratum. Hoc est, sicut se habet SA ad SD, sic se habet moles corporis planetæ in A ad molem alterius planetæ in D. Iam verò etiam virtus motrix densa & fortis est, in proportionem eorundem intervallorum simpla sed eversâ, sicut enim se habet idem intervallum SA ad SD: sic se habet fortitudo speciei CA, ad fortitudinem speciei FD. Ergò qua proportionem virtus ista debilitatur, eadem vicissim occupatur; verbi causa Saturnus à decuplo imbecilliore virtute vehitur quàm Terra, at vicissim corpore suo etiam decuplo plus de virtute suæ regionis occupat, quàm Terra suo corpore de suæ regionis virtute: & divisa tota virtute, quam Saturnus occupat mole sua, in partes decem, quæ sint toti virtutis, quam tellus occupat, spacio æquales; quælibet harum partium seu spaciorum virtutis, habet decimam solummodo partem fortitudinis ejus, quam habet vna illa, quam occupat Terra: quare decem illæ, decem suis decimis in vnum collectis, potestate sunt æquales illi vnicæ, quâ Terra vehitur. Itaque si in illa globi Saturnij rarioris amplitudine non esset plus materiæ, quàm in angustia corporis Terræ densioris: Saturni globus in vno anno per tantum spacium pròveheretur orbis sui, quanta est longitudo totius orbitæ terræ, & sic in decem annis conficeret suam propriam orbitam. At nunc circiter triplo plus habet materiæ & ponderis, quàm Terra: quare triplo longius tempus requirit, annos scilicet triginta.

Quid

Quid opus fuit hanc compensationem docere, an non aequè fuisset facile ad expediendam demonstrationem, statuere, quod nulla planè sit causa, inaequalis talis motus, nec in diversis gradibus virtutis motoria, nec in diversa globorum planetariorum amplitudine?

Ad hanc quidem demonstrationem diversarum in planetis periodorum earumque proportionis, quòd sit sesquialtera proportionis intervallorum, nihil interfuit, hoc an illud statueretur, at si jam ad vnius & ejusdem planetæ diversas moras in diversis intervallis progressi fuisset, causam expedire non potuisset, ex eodem quidem rerum genere, cur moræ in arcibus præcisè æqualibus sequerentur proportionem intervallorum.

Quæ est igitur causa, cur, quo longius à Sole distat arcus eccentrici quilibet ex æqualibus, hoc longiores in eo moras planeta necitat, idq; in ipsissima proportionem intervallorum?

Ipsa nimirum illa debilitatio virtutis motricis, ut quæ non secus quàm lux, in SD longiori intervallo à Sole, extenditur in longum FD prolixius, quàm est BA extensio ejusdem quotæ in breviori intervallo SA; itaq; quod tunc de eâ occupatur à corpore planetæ, ut FD; id est debilius, quàm quod ab eodem CA, propiori facto, occupatur de virtute densiori.

Hic enim tres reliquæ causæ nobis desunt. Arcus nim seu iter supponitur vtrinque ejusdem longitudinis, ut DH, AI: corporis densitas manet eadem, figuræ quantitas itidem; quia FD & CA est hic vnus & idem planeta; restat sola fortitudo virtutis. Sed de hoc plura a sequentibus.

*Videtur hic occurrere difficultas aliqua major quàm suprà. Nam planeta propinquior Soli factus, non longiores tantum arcus de circulis Virtutis moventis occupat, sed confertiores etiam: quare potius in dupla quàm in simpla proportionis intervallo-
rum, moras extendere debuit?*

Imò & idem dicitur quod suprà, & idem respondetur. Et si enim Saturnus tunc nobis non descendebat in orbem terre: compa- rabamus tamen cum spacio virtutis à Saturno occupatæ, non spacium tantum virtuosum id, quod Terra in orbe Saturni fuisset occupatura, sed omninò id, quod Terra in suo proprio orbe occuparet. Ergo ut prius, quod confertiores sunt circuli, id est transcribendum speciei corporis, quæ distinctum quid est ab inhærente virtute movente, quæ in solam longitudinem tendens, nihil lucri accipit ab illa subiecti sui condensatione in latum: nisi quod linea tenuis, latitudine carens, naturalem vim nullam ne in longum quidem habet: ubi talis lineæ latitudo non densitate sed spacio censetur, propter ipsam scilicet corporum vehendorum latitudinem, ut supra etiam monui.

V. De Telluris motu annuo.

Terram igitur hac Copernici philosophia facit unum ex planetis & inter sidera circumfert; quæro quid præter dicta requiratur ad faciliorem dogmatis, argumentorumque perceptionem?

Cum Telluris motus annuus fiat necessarius, statuta quiete centri Solis in centro mundi, efficiaturque
EX COL-


æ corporis Solaris conversione in illo spacio, & planè
 rollat veritatē stationis & retrogradationis planetarū,
 eamque per meram deceptionem visus excuset: distin-
 guendæ sunt diligenter quæstiones istæ. 1. An Sol in
 centro mundi hæreat. 2. An orbes omnes quinque
 planetarum, & Terræ illorum medij, circa Solem cir-
 cumducti sint, sic, vt Sol in omnium complexu sit.
 3. An Sol occupet centrum ipsum totius systema-
 tis planetarij, an verò propter id consistat. 4. Ipsum-
 ne hoc cētrum systematis, & in eo Sol, annuo motu cir-
 cumeat, anne potius, Sole manente immobili, Terra
 motum annuum habeat per partes oppositas earum,
 sub quibus Sol versari putatur quouis tempore.

*Probasti supra Solem esse 1. in centro spha-
 ra fixarum: proba nunc etiam quod is sit
 2. intra complexum orbium planeta-
 riarum?*

Solem esse in medio circuituum planetariorum,
 probatur primò ab accidente motus hujus, sc: ab appa-
 rentia stationum & retrogradationum, quæ visus est
 fallacia: vel etiā, cū directi celeriores videntur, quàm
 reverà sunt.

Nam vt incipiamus ab inferioribus, jam dudum à
 multis sæculis Ptolemæum insecutis (vt de vetustissi-
 mo Aristarcho nihil jam dicamus) suboluit authori-
 bus, Martiano Capellæ, Campano & alijs, fieri aliter
 non posse, vt Sol, Venus & Mercurius eandem habeant
 periodum temporis, annuam scilicet, nisi etiam eun-
 dem habeant orbem, & Sol centrum obtineat duorum
 orbium Veneris & Mercurij, illique circa Solem cur-
 rent: qua ratione fit vt hi planetæ, cū retrogradī
 videntur, non sint revera retrogradī, sed pergant ean-
 dem viam sub fixis, Solem circumeundo: id quod na-
 turæ rerum celestium magis erat consentaneum.

2. Hanc argumentationem ante paucos annos clarissimâ demonstratione confirmavit Galilæus, de-



recta per Telescopium illuminatione Veneris, quæ cum est directâ & Soli vicina, rotundam habet figuram, eum retrogradâ, corniculatam. Hinc enim evincitur certissimè, & illuminationem ejus esse à Sole, & illam, quando rotunda apparet & directè incedit, supra Solem esse, quando corniculata & retrogradâ, infra Solem, & sic circa Solem circumire. Demonstratio hujus rei lucis causâ conjungatur cum demonstratione illuminationum Lunæ. De Mercurio non dissimilia profert Marius, ejusdem Telescopij ministerio, deprehensâ luminis imbecillitate, descendente ad terram planetâ: quod indicio est, speciem illuminationis mutari, lumenque in cornu attenuari, sic ut minùs moveat oculum de propinquo, quàm de longinquo; quod sine hac attenuatione in cornu absurdum esset: quippe propinqua alias majora apparent, quàm si recesserint longius.

gius iam quod tres superiores attinet, demonstrant Aristarchus, Copernicus & Tycho Brahe, si etiam illos circa Solem ordinemus, Solemque commune quasi centrum quinque planetarum statuamus, sic ut motus Solis seu verus seu apparens, totos quinque planetarum orbes attineat: liberari nos, ut prius in Venere & Mercurio, duobus eccentricis supervacuis, sic nunc in superioribus, 1. tribus epicyclis, 2. motus eorum realis consensu cæco & incredibili cum motu Solis, 3. itaque stationes & retrogradationes eorum non minus quam supra in Venere & Mercurio, respectu Solis, quem circumueunt, reuera nullas esse, 4. sic etiam plurimas in motu latitudinis intricaciones à doctrinâ Theoricâ tolli; 5. denique causas aperiri discriminis, cur quinque planetæ fiant stationarij & retrogradi, Sol & Luna nunquam; & cur 6. Saturnus altissimus superiorum, habeat minimum retrogradationis arcum, Iupiter medius medium: Mars proximus maximum. Quæ omnia inferius explicabuntur libro VI. Harum verò apparentiarum causæ penitus ignorantur apud astronomos veteres.

3. Sed & secundarij nobis aliquod hujus rei testimonium præbent. Deprehendit enim Marius in suo mundo Ioviali, restitutiones satellitum Iovialium circa Iovem, nequaquam regulares esse ad lineas, quas ex centro Terræ in Iovem ejicimus; esse vero regulares, si comparentur ad lineas ex centro Solis per Iovem educas. Nimirum id maximi argumenti loco est, Iovis orbitam circa Solem ordinatam esse; & distantiam Solis à centro orbitæ Iovialis esse certam & fixam quodammodo: Terram verò suas ab hoc centro distantias variare per annum.

Quot sunt astronomorum secta circa speculationem hæc, ex qua secundum argumentum ducitur?

Tres: prima, veterum nomine communiter nota,

Ggg 5

Pro-

Ptolemæum tamen coryphaeum habet: Secunda & tertia recentioribus adscribuntur, licet secunda, à Copernico denominata, sit antiquissima: Tertiæ autor est Tycho Brahe.

Ptolemæus igitur errantium stellarum singulas separatim saltém tractat, causasq; motuum omnium, retrogradationumque & stationum apparentes, singulis in iuis ipsarum orbibus assignat: sic tamen, ut in singulis ponat vnum certum orbem, qui periodum suam absoluat, respectu ad motum Solis habitum: quod quibus de causis fiat, Ptolemæus non explicat, nisi quod Latini scriptores vim aliquam obscuram certis Solis radijs attribuant, ignorantiam Radiorum merâ fascinati.

Reliqui duo authores planetas inter se comparant, quæq; in eorum motibus communia deprehenduntur, ex eadem communi causa deducunt. Hæc verò communis causa (quæ planetas efficit videri stationarios retrogradosque in certa aliqua configuratione planetæ cum Sole) à Braheo quidem adhuc tribuitur motui reali totorum orbium planetariorum: à Copernico verò ab ipsis planetarum orbibus penitus removetur. Nam Braheus docet omnes quinque orbis primariorum planetarum connexos esse communi aliquo puncto, quod non longè absit ab vniuscujusque orbis centro (ut si hic omnes descripti essent in communi tabula circulari B) & hunc veluti communem nodum, reuera circumire annuo tempore vnâ cum Sole, & quidem proximè illum (in circello A punctis signato,) secumque totos orbis circumgestare, èque suis in mundo spacijs veluti luxare, in modum talem, quo pollin-dores cribrum vna parte limbi prehensum versant manibus, ventilantes: ut situs totius systematis planetarij sit verbi causa, Iunio Mense secundum circulum B, Augusto secundum C, Octobri secundum D, Decembri secundum E, Februario secundum F, Martio secundum G, inde rursus secundum B: interimque planetam nihil turbatum hac luxatione sui orbis, intra orbem,

hem, veluti fixo ejus centro, circalum suum perficere. Copernicus verò centra orbium, quod annum tem-



pus attinet, relinquit penitus fixa, fixum etiam centrum Solis in centrorum dictorum vicinia: motum verò annum circa Solem, adscribit Telluri, & sic visui nostro: ex quo fiat, vt cum visus se putet quiescere, Sol annuo motu moveri, planetae verò omnes quinque nunc stare, nunc viam contrariam ire, nunc celerrimi, viam directam pergere videantur.

*Quibus igitur argumentis probas 3. cõm
ne illum nodum seu centrum systematum o-
mnium primariorum, competere non pro-
xime corpus Solis, sed in ipsum corpus*

Et centrum Solis?

Argumenta hujus rei in doctrina astronomica tra-
huntur ista. 1. A motu altitudinis & longitudinis pla-

netarum. Observationes legitimè tractatæ testantur, vniuscujusque Theoriæ primariæ lineam longissimam, quæ orbem in binos semicirculos, & quantitate & celeritate partium earundem æquales, exactè bifecat, transire per centrum solis. Omnes igitur quinque lineæ altitudinum, concurrunt perpetuò in centro Solis. Inspecte schemata fol. 453. & 454.

2. A motu latitudinis planetarum. Ex eodem rerum genere, sc. ex observationibus discimus, vniuscujusque primarij planetæ orbitam ab ecliptica secari locis ex centro solis, non ex alio vicino puncto, oppositis.

3. Quod si differrent ista duo centra, Solis, & regionis mobilium; tunc aut centro Solis aut centro Regionis mobilium ascribendus esset motus tardissimus in circello parvo, propter progressum apogæi Solis, vt lib. VI. & VII. docebitur. Et sic non posset ex his duobus alterum, quod mouetur, vel esse vel manere in centro mundi. At vtrumque verisimile est, & in centro mundi esse, & ibi quiescere: Solem quidem propter argumenta & superiora & sequutura: Nodum verò mobilium, propter rationes, & fontem motûs, quem jam diximus ex hoc communi centro mobilium scaturire: fonti verò motûs quies competit, & propter quietem, locus in centro tam mobilium quam totius mundi.

4. Eidem fonti motus sedes assignanda est non in aliquo puncto mathematico, proximè corpus nobilissimum, sed potius in illo ipso corpore nobilissimo, propter tres causas: primò vt absurdum effugiamus, Fontem motus, qui necessariò statuitur esse in illo communi Nodo sphaerarum omnium, vt infra probabitur, esse proximè cor mundi, nec tamen in ipso corde mundi, sole scilicet: secundò, quia vis motrix non potest residere in puncto mathematico, sed requirit corpus, nimirum cor mundi, solem: tertio, quia vis motrix omninò sibi postulat centrum mundi, in quo Sol ipse est: sicut superficiem mundi quies, motus interme-

5. Inprimis verò Braheanæ sententiæ eripiendum est hoc, & demonstrandum, quòd non differat centrum regionis mobilium à centro Solis. Nam si hoc sequatur Braheus: cogetur assignare Soli alium motû; huic verò centro mobilium etiam alium differentem, quo motu fiat, vt Sol jam antecedit hoc centrum, jam sequatur, jam supra stet, jam infra; & tamen vtrumque eandem semper habeat periodum temporis.

6. Quin etiam accideret Braheo absurdum & mirabile quid. Sol enim moveretur motu eccentrici; habens Apsidem hodie in Cancro: centrum verò mobiliû haberet motus sui eccentrici apsidem in opposito signo Capricorno. At quæ hujus rei causa esset?

7. Hæc duo vltima argumenta præbent vnum argumentû etiam contra Copernicum, quatenus etiam ipse nodum istum planetarum omnium collocat proximè Solem, non in ipso Sole. Omnium reliquorum primariorum planetarum motus in hoc conveniunt, quòd puncta, circa quæ motus eorum æquabiles apparent, differunt situ à centro communi regionis mobilium: sola Tellus hoc ipsum punctum pro norma sui motus observaret, si Sol non esset in ipsissimo cetro regionis mobilium. At quæ hujus diversitatis causa esset?

8. Denique causa cur Copernicus & Braheus differre fecerint ista duo centra, non est sufficiens, nec satis astronomica. Nam ad id illi redacti sunt tantû per hoc, quòd in suis formis hypothesium voluerunt exprimere omnimodam æquipollentiâ formæ Ptolemaicæ. At qui necesse non erat, vt Ptolemæi vestigijs tam pressè insisterent. Quippe Ptolemæus non omnes partes suæ hypotheseos ex observationibus extruxit, sed multa super hæc præconcepit falsâ opinione fundavit, quòd oporteat præsupponere motus planetarum per totum circulum æquabiles, quod demonstratur ex observationibus esse falsum. Hæc argumenta astronomica hic sub vnum aspectum collocata, qui solidè cupit intelligere, is adeat mea commentaria de motibus stellæ Martis.

Quibus

*Quibus deniq; argumentis probas tu 4. cen-
trum Solis, quod est in meditullio orbium
planetariorum, gestans totum eorum Syste-
ma, non circumire aliquo motu annuo, &
vult Braheus, sed secundum Copernicum,
habere in vno loco immobile, Terra vero
centrum annuo motu circum-
ire?*

Etsi vno demonstrato, & alterum necessariò sequi-
tur: quædam tamen argumenta ipsum Solem propius
attinent, quædam Tellurem: quædam æqualiter v-
trumque.

Primum hic militat idem argumentum, quo jam
modo vindicavimus Soli meditullium orbium: super-
vacua scilicet multitudo orbium & motuum sublata.
Nam sicut est multò probabilius, esse vnum aliquod sy-
stema orbium solis, commune & centro solis & illi no-
do quinq; orbium, secundum Tychonem Brahe: quam
ut credamus Ptolemæo, in vno quolibet quinque pla-
netarum, propter orbis ad motus eorum proprios spe-
ctantes, inesse insuper vnum integrum systema orbium,
simile ad vnguem sexto Solis systemati: sic etiam porro
nunc est multò probabilius, vnici Telluris centrum
annuo motu circumire, Sole quiescente secundum Co-
pernicum: quam illi Nodo quinque systematum cum
orbibus & planetis ipsis & sexto sole, eundem annum
motum (præter motus cæteros cuiq; proprios) com-
petere secundum Braheum. Is enim etsi supervacuas
illas Ptolemæi quinq; Theorias, Solaris similes, è pla-
netarum genuinis systematibus sustulit, adque nodum
illum systematum communem deduxit, occultavit, in
vnam conflavit; rem tamen ipsam, quæ per illas theo-
rias efficiebatur, reliquit in mundo: ut planeta quili-
bet præter illum motum, qui est ei revera conceden-
dus, moveatur etiamnum ipso insuper in motu solis, mi-
scens utrosque in vnum: ex qua mixtura, cum orbis so-
lidi

lidi nulli sint, spiræ in spacio mundano efficiuntur perplexissimæ. Vide Schema hujus perplexitatis in com. Martis. fol. 3.

Copeinicus contrà, planetas quinque, motu hoc extraneo Solis, per vnicum simplicem motum centri telluris, penitus exuit, efficitque vt sex primariorū planetarum centra, Telluris sc. & reliquorum quinque, quodlibet vnicum simplicem & perpetuò sibi similem in spacio mundano describat orbitam, seu lineam circulari proximam.


Secundum argumentum à motu latitudinis. Si terra stante circumeunt Epicycli, vel secundum Ptolemæum, vel secundum Braheum; oportebit illos Epicyclos, præsertim inferiorum, variè tam latera concutere, quam caput pedesque; id est dupliciter librari: ac Terra eunte; omnes orbes constantissimè ad Eclipticam inclinati sunt. Vide lib. VI. parte III. latitudines inferiorum, quæ evidentissimum præbent argumentum motui Telluris.

Tertiò, sicut supra in doctrina sphærica, concessâ revolutione diurna Telluris, liberata fuit sphæra fixarum immensa, motu diurno pernicitatis inæstimabilis; sic nunc etiam concessio eidem telluri motu annuo ad exemplum cæterorum planetarum, conficimus motum fixarum tardissimum, illum, qui præcessio æquinotiorum à Copernico dicitur. Vide de his lib. VII. Multò enim credibilius ista tribuuntur axi vnus terreni exigui corpusculi, quàm tantæ moli.

Quartò militat hic consideratio proportionis orbium. Etenim verisimile nequaquam est, centrum magni orbis in parvo orbe circumire. Jam trium superiorum orbes proprii, sunt multò majores orbe Solis, Saturni quidem penè decuplo, Iovis quintuplo, Martis sesquiplo. Non ergò circumvehuntur seu luxantur situ suo quinque hi orbes, sed fixa ferè hærent ipsorum centra: & quod consequitur, pro hoc illorum & Solis communi motu, Tellus circumit.

Quintum

Quintum argumentum, priori cognatum, sit idem, quo etiam Braheus orbes solidos tentavit deijcere. Si enim valet ratio Brahei, sic ut orbita Martis sit sesqui-
pla orbitæ Solis: Martis corpus certis temporib. in illud punctum spacij mundani succedet, in quo alijs tempo-



ribus Sol fuit: quod de primarijs planetis valdè est incredibile, sic confundi ipsorum regiones, quas permeant: cùm in Copernico sint non tantùm distinctæ, sed amplissimis intervallis vacuis interseptæ.

Sextum texo simile quarto, à corporum mobilium magnitudine. Credibilius enim est, magnum esse corpus, circa quod minora circumeunt: sic enim Saturnus, Iupiter, Mars, Venus, Mercurius omnia minora sunt corpora ipso corpore Solis, circa quod illa circumeunt: sic Luna minor est Tellure, circa quam Luna circumit: sic quatuor satellites Ioviales minores sunt ipso Iovis corpore, circa quod illi volvuntur. Iam verò si Sol movetur, Sol maximus, & tres superiores, omnes terrâ majores, circa tellurem minorem circumibunt: credibili-
lius

lius igitur est, Tellurem, corpus parvum, circa Solis corpus magnum circumire.

Septima ratio defamitur à causis intervallorum suprà parte prima hujus libri explicatis, quæ turbantur & mutilantur, nisi etiam Telluri suum orbem concedamus, quem dat ei Copernicus inter orbes Martis & Veneris. Nam & si intervallum Saturni & Iovis à Cubo, Iovis & Martis à Terraëdro, Veneris & Mercurij ab Octaëdro deduci posset, etiam in Brahei ordinatione: at jam porro superesset inter Martem & Venerem intervallum vnicum: in numero verò figurarum mundanarum supersunt figuræ duæ. Nec illud intervallum Martis & Veneris, quod est in ratione majore quàm dupla, ad vnam harum figurarum, ad Dodecaëdron scilicet aut Icosaëdron quadraret: nec à duabus figuris, non intercedente inter eas aliquo orbe, posset deduci.

Octavò, eadem dicenda sunt etiam de Harmonia motuum cœlestium, quæ numeros & proportionibus planè iisdem constant, quibus nostra scala Musica: quæ sive præstantiam operis consideres, sive contemplationis iucunditatem, sive denique vim persuasionis inevitabilem, verè Anima & Vita dici potest totius Astronomiæ. Illa verò sic tandem succedit, si tellus suo loco & ordine inter planetas, suam chordam pulset, suumque Tonum per semitonij variationem veluti deantet: cuius semitonij, quæ rursus Anima est cantus, nulla aliàs esset repræsentatio. Quinetiam semitonio Telluris exempto, perit inter motus cœlestes, repræsentatio generum cantus, Duri & Mollis, res totius huius tractationis iucundissima, subtilissima & admirabilissima. Sed de hoc in Harmonicis.

Nonò, quòd si vim ordinationis Braheanæ consideremus, & si imaginemur nobis aliquam materiam orbium quinque luxatiliū, quæ vna cum ipsa regione mobilium annuo motu luxetur; iam in hac materia, in hoc, inquam, cœlesti orbe, per omnes planetarum regiones fuso, Tellus, etiam quiescens, talem orbitam

circa Solem scribet, qualem illi Copernicus, quiescente & Sole & centro regionis mobilium, assignavit inter orbes Martis & Veneris. Ita ratione absurda & impropria, ad eandem pulchritudinem eminus alluderetur, terra scilicet orbem vnum peragraret quiescendo. Credibilius, orbitam sextam Telluris describi motu reali ipsius Telluris, sicut & reliquæ quinque orbitæ totidem motibus describuntur.

Decimum argumentum, à periodico tempore desumptum, hoc est: quòd motus Solis apparens habet dies 365, quæ mensura est media inter periodum Veneris 225 dierum, & Martis 687 dierum. Annon igitur alta voce exclamat natura rerum, circuitum in quo consumuntur isti dies 365, loco etiam medium esse inter circuitus Martis & Veneris circa Solem, & sic non Solis esse hūc circuitum circa Tellurem (quippe circa quam primariorum nullus orbitam suam ordinatam habet, vt concedit Braheus) sed Telluris circa quiescentem Solem, sicut etiam cæteri primarii, puta hi ipsi, Mars & Venus, circa Solem currendo, has suas periodos absolunt.

Vndecimum à causis motricibus (ex sententia quidem Brahei suppositâ, licet non ab omnibus sit concessa) desumitur. Nam quia orbes solidi nulli sunt, motrices igitur facultates nusquam poni possunt quam in corporibus mobilibus. Atqui sic valdè dura fiet conditio animarum motricum, durior intelligentiarum, dum illæ corpus, in quo insunt, de loco in locū duplici motu transferre sine cuiusquam rei renitentia, hæc verò ad valdè multa respicere iubentur, vt planetam duobus per omnia distinctis & inter se permixtis motibus ordine suo invehant; ad minimum enim simul eodem momento cogentur respicere ad vtriusque motus principia, centra, periodos, figuras. At si Sol quiescat, tellusque moveatur, motus cuiusq; planetæ est vnicus, & potest effici virtutibus corporeis magneticis: animali facultate vix ad vnicam volutionē corporis Solis, mentis

is verò præsidio planè nuspiam est opus. Vide com: Martis passim.

Duodecimum à fonte motus. Nam demonstratum est modò, pluribusq; confirmabitur infrà, omnem motum quinque primariorum planetarum, partim etiam secundariorum, ex sole oriri. Primam verò motus causam par est credi immobilem esse. Sol igitur suo loco hæret immobilis: & per consequens, terra movetur annuo motu, vice solis.

Tredecimum ab instrumentis motorijs. Nam si Solem & terram patimur circa suos axes gyrari: tunc horum corporum species fiunt subiecta virtutum moventium, quibus planetæ sex à Sole, Luna à terrâ moveatur. At si Sol circumit annuo motu, quiescente terra: tunc Soli movendo species nulla corporis, quæ motum inferat, præstò est: nec terra, si non diurno tempore circa suum axem torquetur, quiquam habet, quo Lunam moveat. Sed hoc argumentum magis virget motû diurnum.

Quartumdecimum à motu longitudinis tale est. Si Sol movetur, circumgestans orbium omnium systema, novi quid sit circa ipsum: aliquod enim corpus movebit seipsum, aut certè ab extrinseco peculiari motore, cum cætera primaria corpora moveantur ab vno communi Sole, & sic ab alio, quàm à seipsis. At si tellus movetur in circulum: à Sole & ipsa movetur, ut cæteri primarij, novi nihil accidit. Itaq; hanc verisimile est moveri, quippe apparente verisimili causa ejus motus; Solem verò fixum stare.

Quindecimum argumentum à motu altitudinis. Partim dictum est jam & demonstrabitur infrà plenius, planetas omnes in recta linea librari, quæ in solem vergit, exque hac libratione leges petere celeritatis & tarditatis suæ in quolibet eccentrici loco; ut ita certum sit, Solem omnibus quinque causam fieri variationis hujus: demonstratum verò juxta est in com: Martis, & infra lib. VI. idem locum habere in terra, si illa movea-

tur, quòd & illa libretur in diametro versus Solem extensa: fin autem Sol statuitur moveri, tunc è contrario terram Soli fieri causam tarditatis & celeritatis, & sic etiam circuitiois ipsius. Atqui corpora ipsa inspicantur Solis & Telluris, fiatq; iudicium, utrum sit verisimilius, Solem, fontem motus quinque planetarum, terra multis vicibus maiorem vnâ cum illo Nodo quinque systematum planetariorum, moveri à terra, an è contrario, tellurem, vnâ inter primarios, moveri à communi fonte motus cæterorum? Vide Com. Martis.

Sedecima verisimilitudo sit ista, quòd cum libro primo multis argumentis, & contrariorum solutionibus asserta sit terræ rotatio diurna circa suum axem: inter quæ non infirmissima erant ista, quòd posito terræ diurno motu, causa & finalis & instrumentalis ex eadem ipsa Tellure desumi possit obliquitatis Eclipticæ, quorum neutrum, quiescente terra, explicari, aut à sphaera ipsa fixarum, in qua Zodiacus, periri possit, citra respectum huius exigui corpusculi, quod Terra dicitur: iam igitur neque translatio centri Telluris amplius adeò absurda esse possit. Sufficit autem verisimilitudo, si rem ipsam requirant argumenta reliqua. Nam pro necessario argumento non venditandum hoc est: quia etiam Sol torquetur circa suum axem, est tamen loco immobilis, ut totus.

Septemdecima ratio, si terra motu annuo circumit: non tantum ipsius translationis Eclipticæ à fixis ad alias, causam reperimus verisimiliorem, quam si hanc variationem Soli tribuamus, corpori primo: sed etiam eadem opera rationem reddimus inæqualis progressionis Nodorum planetariorum, & ascito axem motus Terræ diurni, causas explicamus mutatæ obliquitatis Eclipticæ; ut & alicujus inæqualitatis in præcessionibus æquinoctiorum (quam quidem ipsam totam argumento tertio deiecit.) Horum verò tot phænomenon causas penitus ignorari necesse est, si terra annuo motu non circumit.

Octavumdecimum argumentum esto à fine motus, ex quo probatur, motum Telluri competere, tanquam contemplatricis creaturæ domicilio. Neque enim decuit, ut homo hujus mundi incolæ & speculator futurus, in vno ejus loco, velut in clauso cubiculo resideret, quo modo ad dimensionem & contemplationem siderum tam remotorum nunquam pervenisset, nisi dotibus alijs suprà quàm humanis fuisset præditus, quin potius his quos nunc habet oculis, & his mētis facultatibus instructus, in hoc ædificio amplissimo, translatione annua Telluris, domicilij sui, circumambulare, stationes, ut solent menses, diversas capere, hoc est spaciari debuit, ut singula domus membra tanto rectius intueri & dimetiri posset. Intelligis nimirum, ut hujus libri IV. pars prima concinnari posset: scriptorem ejus, navi Terra, & navigatione ejus annua circa Solem indiguisse. Terrâ verò eunte, Solem necesse est quiescere.

VI. De revolutione corporis Terræ diurnâ, circa suum axem, ejusque effectum in movendâ Lunâ, & proportionibus inter se, Anni, Mensis & Diei.

Quia Telluri, qui unus est ex planetis primarijs, præter circumlationem annuam circum Solem, tribuitur etiam rotatio diurna: quæro num omnes primarios existimes sic converteri circa suos axes?

Id sanè verissimile est, primò de Venere, ut quæ maculas alias post alias explicare videtur, indice scintillatione illa, diversæ formæ à scintillatione fixarum:

Hhh ; iterum

iterum de Iove, ut qui vehit quatuor satellites, & de Saturno, qui duos: sicut Terra vehit vnum, Lunam dictum: de quibus infra.

Quibus principijs perficitur hæc gyratio corporum circa suos axes?

Libro primo de Terrâ, & hoc libro IV. de Sole dictum, quod hæc corpora torquentur insito principio animali aut simili. Id verò in Terrâ gyranda non esse solitarium, sed adjuvari à Sole, colligitur ex duobus documentis, primò, quia numerus revolutionum Terræ diurnarum in Anno, qui est 365 cum quadrante, excedit vicinum archetypicum 360. Consentaneum est enim, nisi vis motrix Telluris interna, vegetaretur à præsentia Solis perpetuâ, Terram aliquanto lentius circa suum axem incessuram fuisse: sic ut in eodem spacio annuo pauciores revolutiones, puta solas 360 futura fuerit. Hoc posito, sequitur, residuas & veluti supernumerarias revolutiones quinque cum quadrante, accedere illis 360, propter adiumentum ex Sole. Alterum documentum conditionem hanc dicit, ut locum habeat æquationis temporis illa pars, de qua libris præcedentibus, I. & III. dictum, fol. 108. & 286. quam Tycho Braheus manifestis Eclipsium experimentis in lucem protulisse visus est, egoque in formam physicam redegi. Nam quia hæc temporis æquatio ponit revolutionem Telluris æstivam paulo tardio rem hybernâ; id equidem ex insito Terræ principio nequit esse, ut quæ solent esse perpetuò uniformia; sed oportet esse ex intervallis Solis & Terræ, quæ sunt æstate nostri hemisphærij longiora, quàm hyeme.

Fortasse vis omnis, turbinationis huius effectrix, in unico Sole est, nulla in aliquo principio motus separatim Terra insito?

Repugnat utraque dictarum causarum, Nam i. si
aunc.

numerus 365 non esset compositus ex duobus effectibus duarum causarum distinctarum, causa nulla esset, cur ille non sit vnus ex archetypicis, id est rotundis potius, quam ex inarticulatis & ignobilibus & fractis.

2. Posita vera æquatione temporis physica: tunc si Sol omnia faceret; integræ Telluris revolutiones diurnæ proportionales essent intervallis Solis & Terræ: at postulat quantitas hujus æquationis temporariæ, vt non integræ revolutiones, sed particulæ saltem aliquæ minutæ Revolutionum proportionentur illis intervallis variabilibus.

*Virtutem internam Telluris æstimas 360
revolutionibus in vno anno: quam hujus
numeri causam exhibes ex Ar-
chetypo?*

Quia Sol partem circuli seu curriculi sui apparentis 720^{am} tegere debuit in longissima sua distantia à Terra: existimo tantam huic Tarnationis virtuti conciliatam esse forritudinem, vt Sol motu medio in vna qualibet Telluris revolutione per duas huiusmodi particulas circuli sui promotor apparere posset, ad numerum duarum revolutionis partium, quarum altera dies, altera nox dicitur, intuitu vnus alicuius loci in superficie Terræ: vt ita duobus spacijs Zodiaci circuli, signatis à sitibus Solis in duobus succedentibus Meridiebus, spacium æquale illorum alterutri, interciperetur vacuum, seu non signatum; essetq; vt dies ad noctem, sic spacium Sole plenum ad spacium vacuum, diurnum circiter centri Solis ad nocturnum.

In omnibus enim hisce, Natura hominis, observaticis creaturæ, incolæ Telluris futuri, inter causas Archetypicas recepta fuit; vt qui corporis Solaris quantitatem æstimaturus, dieique & noctis discrimina contemplanturus fuerat.

Atqui si hoc quaesitum fuisset, videtur & obtentum futurum fuisse; jam vero fateris ipse, turbatas esse rationes istas, cum incrementis illis ex Sole accessorijs, pro 360, facti sint dies 365 &c. & sic diurna itinera breviora?

1. Non simpliciter, quaesitum hoc esse dici potest, sed saltem in accommodatione principij motus interni in Tellure: quomodo & obtentum fuit. 2. Etsi verò in hoc motu secundario, concursus causarum turbat numerum institutum: at non tanta fuit hæc turbela, quin etiam sic mensibus Novembri & Ianuario, quantitas hæc ipsissima obtineretur: quia tunc quantitas diurni motus Solis est vnus gradus, seu bis 30 minutorum. Et jam antea, si etiam nulla talis turbela esset, bis tantum in anno quantitas ista futura fuisset motus diurni Solis, propter necessariam inæqualitatem motus Solis apparentis.

Quomodo Sol fortificat Virtutem Telluris motoriam, augens celeritatem revolutionis Terra diurna?

Valde verisimile est, id fieri mediante Solis lumine, quod Telluri infunditur, per illuminationem Hemisphærij eius. Nam quia physica æquatio temporis postulat inæquales diurnas revolutiones Telluris, prout intervalla eius à Sole variantur; certè in brevi intervallo fortis est illuminatio, quippe à lumine densiori, in longo debilis, utpote à lumine tenuiori & sic pauciori, idque (quoad vnâ dimensionem longitudinis, in quam tendit motus) in ipsa intervallorum proportionem. Ita copia luminis, quæ est quovis tempore, fit apta, loco intervallorum, ad dispensandam per annum hanc accelerationem.

Qui sunt effectus reuolutionis Terra diurna, & in genere primariorum circa suos axes?


Duo : Primus Terræ proprius, quòd nobis, Terræ incolis, sidera cœli omnia, fixa, errantia, adeòque etiam Sol & Luna, videntur diertim ab ortu surgere, & in occasum condi : quamvis respectu huius diurni motus ipsa reuera suis locis fixa maneant. De hac apparentia fallaci actum est libris tribus primis doctrinæ sphaericæ. Alter effectus physicus & verissimus, communis omnibus primarijs, ipseque adeò Soli, est iste, quòd primarij per sui corporis in circumuolutione constituti, speciem egressam, cient suos secundarios. vt Terra Lunam, efficiuntque vt secundarij in eandem plagam sequantur, tardius tamen, & quasi relictì post tergum.

Quibus argumentis verisimile redditur, primarios ipsos conciliare secundarijs motus suos circa se, præsertim vero Terram Lunam?

Primam fidem Luna & Terra faciunt. Sicut enim supra ex eo, quòd planetæ Soli appropinquant, celerius provehùtur, ratiocinati sumus, Solem, per speciem sui corporis, id est in rotatione constitutum, ciere circa se planetas in plagam eandem : sic etiam, quia deprehendimus, Lunam, 1. quantò magis appropinquat Telluri (non verò Soli) tantò concitatius circa Terram incedere, 2. & in eandem quidem plagam, in quam Tellus circa axem volvitur; summâ probilitate illum motum Lunæ ex hac turbinatione Telluris derivamus; idque tanto magis, quòd 3. etiam hoc respondet, vt sicut Solis conversio circa suum axem brevior est periodo Mercurij brevissimâ, sic etiam Terra tricies ferè convertatur, donec Lunam semel restituat. Nam si Luna Tellurem anteverteret; non sanè posset ejus

Hhh 5 motus

motus à volutione Telluris esse. 4. Confirmatur verò fides hujus rei, comparatione quatuor Iovialium, & Iovis, cum sex planetis & Sole. Etiam enim de corpore Iovis, an & ipsum circa suum axem convertatur, non ea documenta habemus, quæ nobis suppetunt in corporibus Terræ & præcipue Solis, quippe à sensu ipso: at il-



lud sensus testatur, planè ut est cum sex planetis circa Solem, sic etiam se rem habere cum quatuor Iovialibus, ut circa corpus Iovis quilibet, quo longius ab illo potest excurrere, hoc tardius redeat; & id quidem proportionem non eandem, sed majorem, hoc est sescupla pro-

portionis intervallorum cuiusque à Iove: quæ planè ipsissima est, quæ utebantur suprâ sex planetæ. Intervalla enim quatuor Iovialium à Iove, prodit Marius in suo mundo Ioviali ista. 3. 5. 8. 13. (vel 14. Galilæo) ac si orbiculi illorum interstingerentur tribus figuris Rhombicis. I. Rhombo Dodecaëdro inter intimos, quorum intervalla 3. 5. II. Rhombo Triacontaëdro (scl. 464.) inter medios 5. 8. & III. Cubo non verè Rhombico, sed principio quodâ Rhomborum, inter extremos 8. 13. (vel 14.) Periodica verò tempora prodit idem Marius ista. Dies 1. h. 18. (Dies 3 h. 13. cum tricente, Dies 7. h. 2. Dies 16. H. 18. ubique proportio est maior quàm dupla, maior igitur quàm intervallorum 3. 5. 8. 13. vel 14. minor tamen, quàm quadratorum, qui duplicant proportionem inter-

tervallorum sc. 9.25.64.169: vel 196. sicut etiam fescu-
pla sunt maiora simplis, minora verò duplis.

Cum itaque tam exactus sit consensus Iovialium
cum ipsis sex primarijs: non tantum hinc rectè suprà
coniecimus, etiam Iovis corpus circa suum axem verti
ad exemplum Solis, vt constet analogia omnibus suis
membris; sed hic iam insuper etiam hoc in genere con-
firmamus haud ineptè, rotationem hanc primario-
rum circa suos axes, causam esse circuitus secundario-
rum circa suos primarios: Id 5. tantò probabilius, quòd
videmus, vti Sol maior est omnibus planetis, quos ipse
mouet, sic etiam Terram Luna sua, Iovem suis satelli-
tibus esse multò maiores, eoque nomine æquè ac So-
lem, aptos ad movendum. Reliquæ verisimilitudines
rursus Lunam attinent. Nam 6. cognata esse corpora
Lunæ & Terræ, docuit nos Telescopium, quod indicia
facit in Luna montium & marium, qualia sunt in no-
stro Terræ globo. Cognationem hanc agnovit etiam
Aristoteles, defensor alias quintæ cœlorum essentia
acerimus, qui referente Averroë, Lunam dixit videri
Terram quandam ætheriam. Taceo Plutarchum &
Philosophos cæteros apud Macrobiū.

Quemadmodum igitur, vt Magnes Magnetem aut
ferrum trahat, cognatio corporum efficit: sic etiam de
Luna non est incredibile, vt illa moveatur à Terræ co-
gnato corpore: licet nec hîc nec illic intercedat aliquis
contactus corporum. Adeoque 7. quid mirum, Lunam
à Terra moveri, cum videamus vicissim & Lunam
transitu suo super vertices locorum causare fluxum O-
ceani reciprocum in Tellure? Nonne satis evidens hoc
est documētum communicationis motuum inter hæc
duo corpora. Tandem 8. confirmatur idem etiam hac
analogiæ parte residua: Sol & Tellus gyran-
tur circa suos axes, quod experiētiā certum est, de Sole per se, de
Terra saltem apud Copernicum, scilicet vt hac gyra-
tione planetis circa se positus motum inferant, Sol sen-
primarijs, Tellus Lunæ: Luna vicissim non gy-
ratur cir-
ca sui

ea sui corporis axem, maculis id arguentibus. Cur autem hoc? nisi quia circa Lunam nullus amplius planeta circumire cernitur; nullum igitur habet Luna planetam, cui motum inferat, gyratione sui corporis: gyratione igitur in Luna, ut supervacua, fuit omissa. Hæc octo argumenta si non profunt singula, juncta jurabunt.

*Absurdum Verò videtur, terram, qua lumine caret, equiparari Soli, fonti lucis; Hæc enim qualitate vis Solis motrix red-
ditur Verisimilior?*

Et si lumen Solis suas partes in expediendo motu peragit, non pollet tamen corpus Solis vi motrice propter solum lumen; nihil enim impedit, duo veluti subiecta virtutis motricis in Sole concurrere, lumen & corpoream affectionem magneticam; eorumque posterius tantum in tellure inesse: sanè quia tellus etiam vnum solum, eumque ignobilissimum planetam (quippe secundariorum vnum) movet: nec sola sine adjumento movet virtus telluris magnetica, ut audiemus: nec hanc vim tellus omnem ex se habet, licet in se; sed eam, ex parte, continuatione lineæ ex Sole in sese, veluti canali quodam, & omninò cum ipsa sui corporis illuminatione hausisse, inque novum fontem, in corpus sc. suum derivasse videtur: ut paulò ante dictum, & infra clarius dicetur.

Terra gyratione circulum aequatorem observat, Luna motus Zodiacum, qui multum ab aequatore declinat; non est igitur Verisimile, Luna motum esse à gyratione Telluris?

Nihilò magis hoc nobis officit in Luna quàm in planetis cæteris; qui etiam declinant in plagas quilibet
suas

uas, remonemq; vt sic dicam, tenent manibus, versant-
que suo arbitrato, & ad latera seu ripas fluminis enavi-
gant, tamen nihilominus rapiuntur interim vi vorticis
motorij communis, ex Sole emanantis; & sic etiam
illum suum distinctum motum, cōmuni fluminis mo-
tui ferunt acceptum, sicut Luna suum obliquum mo-
tum per Zodiacum, acceptum fert motui Telluris
recto secundum Æquatorem.

*Cur igitur Luna vniuersum iter suum Zo-
diaco potius accommodat, quàm
aqualiori?*

Quia præter proprium circuitum Lunæ circa tel-
luris globum, de quo hactenus, movetur etiam totum
cælum Lunæ communi motu cum centro telluris
circa Solem sub Zodiaco vt cæteri planetæ: qua ex
compositione fit, vt Luna respectu quidem centri Solis
semper teneat directum cursum in consequentia, non
tantum tunc, quando plenam illam & Sol & Terra ex-
tensis spacijs incitant in plagam eandem, sed etiam
tunc, quando extinctam seu vacuum Sol quidem prorsum,
Tellus verò (respectu quidem centri Solis) re-
trorsum impellit. Nam hic impulsus ex terra, adhuc
multò est minor illo ex sole; quare diminuit quidem
hic illum in consequentia latum: at non penitus ab-
sorbet, multò minus proficit in contrarium. Vide
schema huius compositi motus Lunæ in com: Martis
fol. 149.

Cum igitur fluxus ille speciei solaris sub Zodiaco in-
cedens sit major, alter speciei Terrestris, qui sub æqua-
tore minor: cum insuper Luna Soli conjuncta, ratione
celeritatis & plagæ ortus vel occasus, in spacio mun-
dano plus illi obsecundet, quam huic: hinc fieri exi-
stimo, vt etiam ratione plagarum lateralium, solari vt
fortiori plus obsecundans, sicuti toto suo cælo circa
Solem, sic etiam corpore circa terram, sub Zodiaco co-
gatur

gatur incedere, seu orbitam suam circa terram, Zodiaco subordinare.

*Nullane hinc nascitur Anomalia motus
Luna, si illa in signis quidem tropicis secundum
ductum speciei terrestris incedat, quia
Zodiacus & æquator illis in partibus sunt
paralleli: at in signis æquinoctialibus
obliquo tramite hanc speciem
terreni corporis tra-
ciat?*

Rursum eadem ad hanc objectionem diluendam respondeo, quæ circa latitudines. Scilicet species corporis telluris in sui medio sub Æquatore est fortissima, ad latera æquatoris debilior; quia etiam in fonte, sc. in globo terræ, circuli æquatoris paralleli, ut minores, tardius incitantur, quam æquator, circulus maximus. Fit igitur compensatio: ut quâ Luna fortem experitur speciem motricem, ibi non totam observet, in transuersum abiens, quâ totam observat, illi penitus obsecundans; ibi debilem experiat. Etsi de omnimodâ compensatione nihil pronuncio, cum Lunæ observationes etiamnum in minimis dissentiant à quibuscunque calculis: incertumque sit, quorsum referenda sit illa discrepantia.

*Quomodo Luna potest etiam circa Solem
ferri motu annuo, satellites quatuor circa
Iovem communi motu duodecennali, sic ut
interim non deserant vel dimittant, Luna
terram, Ioviales Iovem: si nullis orbibus
annexi sunt, illa terra, hæ
Iovi?*

Circa Solem quidem secundarij vehuntur eâdem virtute speciei solaris, qua etiam primarij illorum, Tellus & Iupiter vehuntur: circumagerentur verò tantò celerius quam sui primarij, quantò sunt expeditiores ad motum, densitate, mole, pondere: nisi retinerentur

& preſententur à terrâ & Iove, vi magneticâ, ejus ſimili, quâ etiam Sol præditus eſt. Hæc verò preſentationis vis, vt ſuprà etiam de planetis dictum, continetur contrarijs virtutibus accessus reſſusque Lunæ à terra, vt que reuoluta circa axem, hac preſentatione ſecum etiam Lunam circumagit, plagas ſui corporis, quibus accessus & reſſus perficitur, interim permutantem. Reſpice ad ſchema ſol. 520. Finge plagam globi Lunæ amicam terræ obverti, nec permutari cum plaga contraria, finge etiam terram non rotari circa axem, ferri tamen circa Solem: hinc Luna curret eundem curſum cum terra, interimque & trahetur à terra, uſque dum illi ad contactum veniat. Finge viciffim idem de plaga inimica: hic Luna fugiet terram tantisper, dum extra orbem virtutis terræ magneticæ venerit: tunc ſanè ſe permit-
et ſoli raptui Solis, & ſic penitus aberrabit à terrâ.


Dixiſti medium circulum terra paulò minus quàm ſexagies anguſtiorẽ eſſe orbe Luna: eſt verò idem terra circulus tricies tantum celerior Lunâ, quia triginta diebus minus ſemiſſe, Luna reuertitur. Tardior igitur eſt circulus terra, centro Luna circa terram in ratione duplâ. Quomodo igitur corpus, quod incedit tardius, inferet Luna motum, ſuo ipſius motu majorem duplo & celeriorẽ?

Non eſt hæc obſectio Lunari motui peculiariter diuerſa, ſed communiter omnibus planetis: nec quicquàm habet abſurdi. Corpora enim iſta Solis & Telluris non movent contactu, ſed ſpeciebus ſui dilatatis ſeu explicatis in omnem corporis mobilis orbitam. Nam ſpecies corporis terræ, quantumcunque per ſpaciũ manans, vertitur cum tellure, fonte ſuo, eodem tempore horarum 24. cum tamen eo loco, quo preſentat unam, ſit ejusdem amplitudinis cum orbe Lunæ. Per-
meat

meat igitur ista species, sexagies amplior terra, permeat inquam Lunę orbitam totam in vno mense tricies, cum Luna intra idem spaciū reuertatur tantum semel, Terrę speciem insecuta. Manet itaque verisimilitudo, quod species ista corporis telluris mota moveat Lunam; sic tamen, vt vincat inertia corporis Lunarıs, partes spaciı fetē viginti novem dietim, vincatur non plus, quam tricesimam.

Quare statuis, speciei Telluris motrici Solem concurrere, etiam ad illum motum, quo Luna circa terram solvitur?

i Quia Tycho Brahe deprehendit, motum Lunę medium (hoc est, exurum illā anomaliā, quæ in o-



mnibus planetis existit propter eccentricitatē orbitæ)
etiam.

etiamnum esse anomalon seu inæqualem. Semper enim celerior est Luna in Copulis, vt hic in CD, GH, tardior in quadris EF. IK. quàm fert ratio Eccentrici; siue in apogæo vtroque fuerit, siue in perigæo, seu quocunque alio loco sui eccentrici: & (si præse infitendū est hypothefi Tychonicæ Variationis sic dictæ) præcisè quidem tantò celerior illic, quantò tardior hic.

At verò species ipsa Telluris in rotatione constitutæ, intelligendâ sub circulo DFHK, celeritatis est vniformis circumcircâ, tam ijs partibus quæ versantur in Copulis D. H, quàm ijs, quæ in Quadris F. K: intellige in vno & eodem intervallo Lunæ & Terræ. Oportet igitur ad speciem hanc motricem accedere causas motus alias, quæ ad Lunæ phases sint accommodatæ, Atqui Lunæ phases efficiuntur à Sole. Sol igitur adjuvat motum Lunæ circa Terram.

2 Firmat fidem huius concursus Solis: quòd prius fol. 552. idem Sol accersitus fuit, qui etiam Telluris in revolvêdo celeritatem adjuvaret, illuminatione globi, cuius hic medius circulus AB. Hinc enim primùm, tanquam in exemplo Telluris, intelleximus, etiam in lumine Solis, vim inesse vegetandi motum: deinde necessarium etiam pro Luna argumentum indidem netimus. Nam si DFHK species corporis Terræ AB, vt illa est in turbinatione constituta, movet Lunam; Sol verò turbinationem hanc incitat; per Terram igitur, eiusque speciem incitatam, incitabit & Lunam.

Num igitur aliter se habet hac illuminatio, Lunâ in quadris F. K. versante, aliter in D. H. copulis?

Minimè verò: Nam vtroque medietates globorum illuminantur, tam Telluris AB, quæ motum infert, quàm Lunæ CD. vel GH, cui motus infertur. Quinetiam Telluris ex hac illuminatione celeritatem v-

troque tempore æqualem esse , jam modo dictum est.

Vnde igitur huic accessoria causa disparitas illa venit effectus, ut motum Luna in D. H. Copulis acceleret plurimum, in F. K. Quadrans nihil? Et quid è contrario retardat motum Luna in Quadrans

F. K?

Nulla pars physicæ cœlestis hac ipsa difficilior fuit explicatu: quam ut qua licet expediamus, schemate erit vtendum, fol. 560.

Memineris igitur, circulos omnes, qui terminant illuminationem globi Lunæ, ut CD, GH, & reliquos, esset partes totidem superficierum sphaëricarum, in quas lumen ex Sole ut centro veniens explicatur: circulum verò DFHK, repræsentare speciem corporis Telluris AB, in ejus centro siti, motricem Lunæ. Vides in D. H. Copulis, invicem applicari per contactum, speciem luminis CD, & speciem corporis Telluris O C D L, quæ in L. M. N. O. se mutuo secant angulis obliquis, ut applicatio sit imperfectior: at in EF, IK, quadrans, sectio sit ad angulos rectos: applicatio igitur sit planè nulla; cùm sectio lunæ tendat in centrum terræ, eique de circulo NIO merum punctum respondeat.

Cùm igitur alia causa non appareat accelerationis in Copulis: statuendū erit, facultatem confortatoriam speciei Terræ motricis ODL inesse luminis CD seorsim, non jam, quatenus fons ipsius, id est, corpus Solis rotatur (valuit hæc à motu modificatio supra, cum de speciebus ipsorum corporum Solis & Terræ, sine respectu luminis loqueremur) sed qua lumen; nimirum secundum genuinam luminis & essentialem quodammodò figurationem. Si igitur statuamus, fortificari speciem hanc corporis Telluris per modos applicationis ejus ad orbis luminis; causa & mensura erit in promptu accelerationis in Copulis CD. GH validissimæ, nullæ verò in Quadrans.

Cùm

Cùm autem per DFHK repræsentetur non tantùm species corporis Terræ vt agens seu motrix, sed etiam orbita ipsa Lunæ vt patientis seu rei motæ (quanquàm tunc Terra non erit in centro circuli locanda, sed propter;) concipiendum erit ampliùs, vel Lunæ corpus in CD.GH. copulis disponi ad motum secundùm diffusionem seu superficiem luminis, melius quàm in EF, IK. vbi Luna transversos diffusionis circulos secat: vel viam Lunæ ipsam in D.H. quasi lubricam effici, in F.K. asperari, veluti super tabula per transversos ligni poros. Nec id absurdum valde fuerit. Cùm enim insit in lumine vis fortificandi motum, vt positum est: certè quā tendit vna dimensio luminis; faciliorem par est esse trajetum.

Porro idem dicunt quoad effectum, alter qui Lunam dicit accelerari in D.H. retardariq; in F.K. vtrumque in proportionem, quam hæ applicationes pariunt, simpliciter, qui Lunam in D.H. plurimùm, in F.K. nihil accelerari dicit, sed id in proportionem dupla ejus, quæ ex hic positis applicationibus resultat.

Nisi quis hanc geminatam luminis efficaciam mallet transferbere duabus dimensionibus superficiem luminis; vt quamvis non minus species quæcunque corporum immateriatæ, quàm lumen, diffundantur tam in longum quàm in latum: illæ tamen efficaces hæcenus fuerint saltem longitudinis respectu; hoc verò & longitudinis & latitudinis: propterea quòd species quidem movet, vt mota; movetur autem in longum tantum: lumen verò fortificat vt lumen, hoc est, vt suam obtinet densitatem, tam in longum, quàm in latum.

Quare lumini vim fortificandi causam motricem, tribuis seorsim, & citra respectum rotati sui fontis?

Quia, quatenus species rotati fontis movet, semper in consequentia CIDL movet: & de hoc ejus effectus

fectu in movenda Luna jam est transactum in principio hujus loci: hæc verò vis luminis proficit ad lunam incitandam etiam in antecedentia MHN, respectu centri Solis, tunc scilicet, cum illa nobis apparet lumine vacua, seu Soli juncta. Non igitur lumen seipso conciliat motui plagam, sed per speciem MHN incitaram.

Si hæc vis inest lumini; major inerit densiori circa GH, & tunc in Vicinia Solis; minor sparsiori, circa plenam Lunam in CD, cum illa tricesima parte intervalli remotior est à Sole: celerior igitur erit novæ quàm plena, ceteris paribus?

Compensat debilitatem luminis CD, perfectior applicatio, quippe cavitatis CD, planioris, quàm GH. Cum igitur fortificatio fiat per applicationem specierum: in plena Luna sparsior lux, applicata perfectiùs, tantundem præstat; quantum in silente, densior, applicata imperfectiùs. Eadem autem sunt intervalla Lunæ & Solis, & quæ luci densitatem, & quæ circulis CD. GH curvitatem admetiuntur suam; quare perfecta fit compensatio densitatis in longum, per curvitates CD. GH. Alteram verò illam partem effectus luminis, pensat altera diversitas applicationis. Nam etsi æqualiter curvæ essent CD & GH: tamen ibi convexum OCDL se innuat cavo CD: hic convexum MGHN obvertitur ipsi GH speciei lucis, versus terram convexæ.

Si appendix ista graduum 133 ad Synodos 12 in anno siderio, est ex incitatione illa copulari motus Lunæ, oportebit & quantitatem incitationis illius respondere?

Equidem incitatur apud Tychonem Brahe motus Lunæ

Lunæ in vno gradu in copulis , minutis 1. *pr.* 26. *sec.* tantundem & retardatur in vno gradu in quadris: quare si retardatio deleatur per duplicem incitationem, erit maxima copularum incitatio 2. *pr.* 52. *sec.* Quare si omnium 90 graduum sinus quadrati portiunculas suas in vnam summam conferant, accumulabimus gradus 2. 9. *pr.* in anno igitur siderio gradus 106. 22. *pr.* non verò gradus 132. 45. *pr.*

At primò non est certissima quantitas maximæ variationis apud Tychonem, qui eam in gradu 45^{to} exhibet 40 *sem.* minorum, itaque si ea statuatur 51 *pr.* æquamus summam præscriptam, sumptâ primi gradus incitatione 3 *pr.* 34. *sec.* 40. *ter.* (seu forma Tychonis 1 *pr.* 47. *sec.* 20. *ter.* & æquali retardatione nonagesimi, seu in Quadris) colligiturque sic in vno quadrante summa, gradus 2. 41. *pr.* quæ infra, cùm de causis inæqualitatum agemus, magnam acquireret verisimilitudinem. Deinde si maximè retineamus quantitatem Tychonicam parvam in gradu 45^{to}, possent & antecedentes & sequentes aliâ formâ. quàm est Tychonica, distributæ, summam efficere optatam: aut latent nos causæ minutulæ, quæ nonnihil de illis 133 demunt in Variationis tractatione.

*Qua igitur proportionem distributum putas
motum Luna menstruum circa Terram,
inter has duas causas, speciem scilicet corporis
Telluris, & circulum illuminationis corporum?*

Videmus, dum Tellus circa suum axem revolvitur tricies, minùs quàm semisse dempto; Lunam interim circa terram redire semel, à Sole scilicet ad Solem. Ita fit vt in vno anno seu diebus 365. h. 6. 9. *pr.* 26. *sec.* Luna duodecies revertatur, & de revolutione tredecima plus quàm trientem, hoc est 132 gradus cum dodrante adijciat. Consentaneum igitur est, sic attemperatam esse densitatem materiæ in corpore Lunæ, ad illum gra-

dum Archetypicum fortitudinis in specie corporis Telluris; ut nisi illuminatio adjuvaret Telluris revolutionem diurnam, & per hanc, etiam Lunæ promotionem; ipsa Luna simplici virtute motrice Telluris paulò tardiùs, nimirum præcisè duodecies reversura fuerit. Hoc posito, sequitur, residuos & veluti supernumerarios illos gradus 132 cum dodrante, revolutionis tredecimæ inchoatæ, ferendos esse acceptos alteri causæ motrici, sc: illuminationi.

Densitatis igitur in corpore Luna temperamentum æstimas 12 revolutionibus Luna in 680 anno: quam hujus numeri causam dices Archetypicam?

Causa videtur esse composita ex pulchritudine geometrica, & ex officio planetæ hujus in mundo; in hunc modum. Est enim Luna planeta secundarius, & terræ tributus, circaque terram privatim suos cursus exercet. Iam verò Terræ destinabantur revolutiones 360, interim dum centrum Terræ semel circa Solem revertitur. Sicut igitur Lunæ orbis in superioribus, medium proportionale fieri debuit inter corpus Telluris & Orbem in quo centrum Terræ verè, Sol apparenter, circumit: sic etiam revolutiones Lunæ plures vnâ, pauciores verò quàm 360 esse debuerunt. Et medium quidem proportionale inter 1. & 361. est 19. sed quia numerus 361, non est 360, nec 19 vllam habet pulchritudinem, nec Geometricam, nec Harmonicam: duo igitur ipsi 19 proximi, qui in se ducti 360 efficerent, iidemque Geometrici & Harmonici pulcherrimi, debuerunt eligi. Proximi quidem qui 360 efficiunt, sunt 18. & 20. quia solâ vnitatem est ille minor, hic major, quàm 19. At figura 18 laterum non est demonstrabilis. Sequuntur proximi 15. & 24. qui etiam 360 efficiunt. Hi jam habent suas demonstrationes geometricas, sed viliiores; nec inter se proportionem efficiunt præ-

præstantem, sed illam, quæ est inter 5. & 8; nec in Harmonicis omnium sunt excellentissimi & primi. At hi 12.30. (nec enim propiores alij efficiunt 360.) omnibus modis excellunt: tam Geometricè, vt qui à primis figuris in circulum inscriptis gignuntur: quàm Harmonicè, quia omnes Harmoniæ duabus hisce divisionibus Chordæ repræsentantur. Ex ijs igitur, qui in se murò ducti 360 efficerent, pulchriores nulli fuerunt.

Porro minor 12 debebatur revolutionibus Lunæ, non maior 30; quia cùm Lunæ orbis quandam gerat imaginem orbis Solis, conveniebat etiam, vt sicut annus, qui est tempus periodicum Solis, divisus est in 360, numerositate multâ; sic etiam mensis, qui tempus est periodicum Lunæ, partes seu dies sortiretur numero plures, quàm toti menses in anno insunt: vtque cresceret numerositas in progressu, si primùm annus, magnū tempus, in menses 12, partes grandes, inde mensis, parvum tēpus, in dies 30, partes minutas divideretur; numerositas enim parvis apta est. Id nō eādē pulchritudine futurum erat, si triginta menses in anno, singuli duodenorum dierum fuissent.

*Vnde Verisimile facis, ab eādē causâ esse
 & illud auctarium revolutionum Telluris
 in anno, ad numerum 360, & hanc appen-
 dicem motus Luna in anno, ad revolutio-
 nes Luna menstruas duo-
 decim?*

Testimonium huic rei præbent cùm ipsæ rationes huius philosophiæ; vt quia diurna conversio globi terræ movet Lunam, plures etiam & celeriores factæ terræ conversiones, celerius moveant Lunam, sæpiusque restituant: tūm imprimis numerus dierum anni Solaris, 365. hor: 6. paulò plus, comparatus & cum Archetypico 360, & cum numero dierum anni Lunaris 354, hor: 9, paulò minùs.

Cum enim ex Archetypo debuerint esse dies in anno 360, revolventes Lunam duodecies, sint verò per accessionem causæ alterius facti 365: omnes igitur revolutiones sunt factæ celeriores, in proportionem, ut est 360 ad 365, eoque & fortiores ad movendam Lunam. Simul autem & plures sunt factæ, sc: 365. Ergo Archetypicarum 360 facultas æstimanda est numero 360: at jam harum 365 facultas æstimari debet non numero 365, quippe celeriorum, sed numero, qui est tertio loco proportionalis, sc: 370. 36 *pr.* 50 *sec.* si minutias consideremus. Quòd si facultas signata numero 360, movisset Lunam ut 12 reditus ad Solem, & eorum ultimum ad ejus locum initialem sub fixis absolvisset: ergò in eadem proportionem, facultas æstimata numero 371 faciet illam superare Solem duodecies, & insuper locum ejus initialem gradibus 127, 10 *pr.* & quia Sol post absolutos 360 dies, quot erant in Archetypo, adhuc abest ab initiali sub fixis loco, per Gr. 5. 10 *pr.* quanto spacio circulus, qui erat in Archetypo divisus inter 12 loca lunationum, factus est contractior: adjecti igitur hi Gr. 5. 10 *pr.* ad illos Gr. 127. 10 *pr.* efficiunt Gr. 132. 20. Ecce quam propè veniat hæc ratiocinatio ad veritatem in Tabulis astronomicis, ut quæ superationem Lunæ in anno siderio produnt 132. 45, tantum 25 scrupula amplius.

Idem etiam per dies anni Lunaris colligemus sic. Facultas motrix revolutionum terræ 360, restituisset Lunam Soli, in loco quidem ejus initiali, duodecimùm: ergò facultas pauciorum revolutionum, sed tantò fortiorum factarum, tantundem præstabit. Ut igitur 365 revolutiones ad 360, sic facultas archetypalium 360, ad facultatem modernarum 354 cum horis 19. 33. Tot igitur revolutiones Terræ, jam intensiores factæ, restituturae fuerunt Lunam Soli duodecimùm, siquidem spacia inter binas copulas non fuissent contracta, per augmentum numeri revolutionum. At quia inferitis in annum diebus supernumerarijs, dies 360 *mus*, ut

arche-

archetypicus, abscindit modulum contractionis de Zodiaco, de quo debentur anni Lunaris longitudini proportionaliter, Gr. 5. 6 pr. 41 sec. totidem igitur gradibus etiam Luna sublevatur, vt ijs etiam nō confectis in spacio mundano, tamen ad Solem redeat duodecimum: valent autem horas 10. m. 4: quibus ablatis ab inventis h. 19. 33. manent in appendice ad dies 354, horæ 9. 29. pro quibus astronomicæ tabulæ tradunt horas 8. 49. tantum besse vnius horæ minùs: quæ differentiola alijs minutis circumstantijs transcribi potest. Interim satis exactè comprobatur est vtrâque via, numerorum hanc aberrationem ab integris & pulchris, esse ex concursu causarum motus Lunæ: paterque causa, cur 360 sit ferè medium proportionale inter longitudes annorum, Lunaris, & Solaris siderij.

LIBRI IV

PARS III.

De motus Planetarum reali
& vera inæqualitate, & causis
ejus.

*Vnde nomen habent Planeta, quod
latine sonat Errones?*

Ab illa multiplici varietate motuum propriorum, quæ si oculorum iudicium sequaris, nullam legem, nullum certum circulum, nullum definitum tempus habet, comparatione cum stellis fixis institutâ,

Quotupliciter errare videntur Planeta?

Tripliciter. 1. In longitudinem sphaeræ fixarum, quam diximus extendi secundum Eclipticam. 2. In latitudinem,

tum, seu ad latera bina Eclipticæ, versus ejus polos.
 3. In altum, hoc est, in linea recta à centro visus in profundum ætheris porrectâ. Et si hæc varietas non solis oculis deprehenditur, sed accedit ratiocinatio ex variata magnitudine apparenti, tam corporum quàm arcuum.

Quid tenendum est de his erroribus planetarum, Serenæ errant omnem illam varietatem, an visus tantummodo fallitur?

Et si motus iste non planè sic, ut incurrit in oculos, corporibus ipsis planetarum inest: sed multa hic sese fallacia visus insinuat; tamen sublatis mente fallacijs hisce, restat etiamnum inæqualitas aliqua motuum, inestque reverâ planetis omnibus.

Qualis igitur est ille Serus planetarum motus per circumstantias?

Est constans quidem, quoad periodos integras; tenditque circa Solem, centrum mundi, in signorum consequentia perpetuò: nec unquam hæret vno loco, stanti similis, multòque minùs unquam fit retrogradus: sed tamen inæqualis est celeritatis per partes, facitque planetam in vna certâ parte circuitus longiùs à Sole excurrere, & in oppositâ proximè Solem venire; ubi quo longiùs excurrit, hoc tardior est, quo propius accedit, hoc velocior: denique in vnâ circuli parte egreditur ad septentrionem ab Ecliptica, in altera in Austrum; itaque inæqualitas illi realis adhuc triplex superest, in longum, in latum, & in altum: id quod astronomi documentis idoneis præbant, de quibus lib. VI.

I. Causæ verarum inæqualitatum.

*Dic quid de hujus inæqualitatis causis
senserint Veteres?*

Veteres hoc voluerunt esse munus Astronomi, vt causas apparentis hujus inæqualitatis tales afferat, quæ de ipso vero Planetæ vel orbium motu testimonium præbeant, quòd is sit regularissimus, æqualissimus & constantissimus, figuræ etiam simplicissimæ, scilicet circularis exactissimæ: neque audiendum esse censuerunt illum, qui aliquid inæqualitatis reverâ poneret in ipsis corporum horum realibus motibus.

Censetur retinendum esse hoc axioma?

Trifariam respondeo. I. Regulares esse motus planetarum, id est, ordinatos, adque certam & immutabilem legem descriptos, id est extra controversiam. Hoc enim nisi esset, nulla Astronomia esset, nec prædici possent motus cœlestes. II. Sequitur igitur, vt aliqua sit inter periodos integras conformitas. Nam lex illa, de qua dixi, vna atque perpetua est; vices seu emensiones curriculi cœlestis innumerabiles. Quòd si omnibus eadem lex & regula: sunt igitur omnes vices inter se similes, & decursu temporis æquales.

III. At nondum concessum est, etiâ in vniuscujusq; circuitus partibus diversis motum reverâ esse æqualem. 1. Testatur enim astronomia, si ab illa confusione planetarij motus apparenti, removeamus mente omnes visus fallacias; relinqui planetæ circuitum talem, in cuius diversis partibus, reverâ æqualibus, inæqualis sit planetæ celeritas, nō minùs, quàm in angulis ad solem, causâ temporis æqualibus, est apparens inæqualitas. Et Ptolemæus ipse, diversis centris pro regula motus eccentricorum & epicyclorum constitutis, facit illos suos circulos vno tempore moveri incitatiùs, alio remissiùs.

2. De

2. Deniq; testatur & de hoc Astronomia, subtilitate decenti tractata, planetarum itinera seu circuitiones singulas, non ordinari præcisè in perfectum circulum, sed fieri ellipticas.

*Quibus Verò argumentis Veteres suam
sententiam huic tua contrariam
stabilierunt?*

Quatuor potissimum. 1. à natura corporum mobilium. 2. à natura virtutis motricis. 3. à natura loci in quo sit iste motus. 4. à circuli perfectione.

*Dic argumentum eorum à natura
corporum?*

Sic sunt ratiocinati, corpora illa non esse composita ex elementis, nullam itaque neque generationem neque corruptionem, nullam alterationem quicquam in illa juris habere. Testari de hoc seculorum omnium experientiam: semper enim eadem spectari corpora, nihil in mole, nihil in numero, nihil in specie mutatum deprehendi. Iam verò motus corporum elementariorum, ob hoc ipsum esse varios & inconstantes, quia elementa variè misceantur ad eorum constitutionem, & in mixtis inter se pugnent. In cœlestibus igitur, ubi nulla talis mixtio, nulla in mixtis elementorum pugna, nullum etiam locum esse turbulentiae, nullum inæqualitati.

*Quid respondendum censes ad hoc
argumentum?*

Si de inordinata turbulentia motuum loquitur argumentum, talis equidem in cœlo nulla est: nulli tumultus cœlestes, quales in tonitribus.

Pugnantum inter se flamma & stillantis aqua:
quia compositio corporum mundanorum generis est diversissimi. Sin autem omni etiam regulari inæqualitati

litati opponitur; jam non omnis, non certè regularis ista motuum intensio remissioque, est ex elementorum pugna & mixtione in corporibus motis, nec ex eo, quòd illa sunt mutabilia. Oritur enim inæqualitas aliqua motuum ex hoc ipso, quia corpora sunt, tam quæ moventur, quam quæ motum inferunt, & quia suâ materia constant, sua quantitate, sua figura, tam intus quàm extrâ, & secundùm quantitates & figuras, etiam suâ potentia naturali sunt prædita, quæ minus potest in mobile longinquum, quàm in propinquum: vbi facultates inter se, moventis & moti, concedunt potiùs, quàm pugnant. Sic Magnes lapis vnâ corporis parte ferrum trahit, altera abigit, non vtique propter aliquam mixtionem elementorum, sed propter internam figuratorem rectilineam, secundùm quam habet insitam virtutem: sic idem magnes fortiùs attrahit ferrum propinquum quàm longinquum, non, quòd cùm propior est, plus ignis aut terræ habeat, sed quia virtus ejus cum ipsa elongatione extenuatur. Manent nihilominùs corpora cœlestia (hoc est, mundana) perennia & immutabilia, quoad totas moles (nam quæ in eorum superficiebus mutationes eveniunt, eæ nullum afferre momentũ possunt ad turbandos totarum molium motus) ex qua totorum globorum perennitate, & ex eo, quòd nihil est in mundo inordinatum, quod motus eorum impediat, dependet etiam illa regularitas circuituum, similitudoque perpetua, & inæqualitatis per partes singulas, constans æqualitas per vices integras.

*Recense secundum argumentum Veterum
à causa movente ductum?*

Dixerunt, Virtutes motrices corporum cœlestium esse simplicissimæ substantiæ, mentes nimirum divinas & purissimas, quæ quod agunt, constanter agant, perpetuò similes, æquabilissima contentione virium vsas, nunquam fatigatas, quia laborem nullum sentiant.

Causam

causam itaque nullam esse, cur alijs temporibus aliter moveant suos globos. Adeoque etiam figuras motui, ob hanc ipsam mentium naturam, perfectissimos esse circulos.

Quid tu contra opponis?

Etsi virtus motrix neque Deus aliquis est, neque mens: concedendum tamen est, quod vult argumentum, partim etiam de illa causa motrice, quam verior philosophia insinuat, scilicet de potentia naturali corporum: Quod ubicunque, & in quantum talis potentia est solitaria, æquabilissimè & in perfectum circulum moveat, idque sola nisus necessitate, & essentia suæ simplicitate perenni. Sic fit in convolutione corporum Solis (& forè etiã Telluris) quæ ab vna Sola causa motrice est: seu illa corporis sit qualitas, seu soboles animæ, corpori connatæ. Manet enim axis cum duobus oppositis polis: corpus verò circa axem volvitur æquabilissimè & circularissimè. Sic fieret etiam, si globus aliquis planetarius eodem semper intervallo à Sole abesset; raperetur enim à Sole perfectissimum in circulum æquabilissimè, per emissam speciem immaterialiam corporis solaris, in æquabilissimo gyrationis motu constituti: quo eodem æquabilissimo motu, species etiam ista corporis in amplitudine spacij mundani circumit, instar concitati vorticis.

At quamvis hæcenus concesserimus argumentum veterum, nondum tamen hinc sequitur omnimoda motuum æqualitas. Ad motum enim concurrunt non tantum virtus motrix & corpus mobile, sed etiam interna figuratio corporis mobilis rectilinea, quæ pro diverso situ ad Solem diversimodè etiam in motu afficitur, ex vna plaga expellitur, ex altera trahitur introrsum; concurrit axis magnetici de mobili corpore, quies in situ parallelo, ex qua quiete interna, & ex circumge-
statione ab extrà veniente, existit illa permutatio si-

us partium planetæ ad Solem: concurrit denique intervallum inter Solem & Planetam, quod per illam expulsiōem & attractiōem variatur: mutato verò intervallō, & planetâ veniente in virtutem densiorem aut rariorem, necesse est motum ejus etiam intendi vel remitti, & figuram itineris fieri ellipticam. Ita respectu concursus tot requisitorum, virtus planetam movens, non potest dici simplex, quia movet alio atq; alio gradu suæ speciei.

Quod erat Veterum argumentum à loco?

Sic collegerunt; Elementarem regionem circa centrum mundi esse, Cœlum in superficie. Corporibus igitur elementaribus competere rectum motum, qui principium & finem habeat, quique gravitatis & levitatis contrarijs principijs dispensatus, quodlibet illorum corporum in suum locum referat: indeque fieri, ut pro alia atque alia appropinquatione ad locum naturalem, seu ad scopum, alia etiam atque alia sit celeritas, & denique mera quies. At cœlestia corpora in circulari spacio mundi versari perpetuò: quod argumento esse, illa neque gravia neque levia esse: nec illa moveri causâ quietis seu loci occupandi, ut in quo semper essentur, sed idèò tantum moveri, ut moveantur: itaque & motum eorum æquabilem, & speciem motus aliam quam rectilineam, scilicet æternitatem motus, hoc est, a se redeuntem, esse oportere.

Quid respondes ad hoc tertium argumentum?

Non omnis inæqualitas motuum est ex gravitate & levitate, proprietatibus elementorum; sed aliqua etiam ex mutatione intervalli, ut patet in vecte & statera: atque hæc causa progignit motuum cœlestium intentionem

sionem & remissionem, vt hæcenus explicatum. Illud interim est cavendum, esse nihilominus aliquam cognationem inter principia gravitatis & levitatis in elementis, & inter naturalem inertiam globi planetarij ad motum, sed per quam nulla exculatur inæqualitas motus.

Quod verò figuram attinet motus, argumentum non plus concludit, quam ipsi largiri possimus; motum scilicet esse in seipsum reflexum, cuiusmodi est nō tantum circularis, sed etiam ellipticus: itaque assumpta non negantur. Verè enim corpora quæ circa suos axes volvuntur, in hoc tantum moventur, vt motu suo perenni serviant alicui necessitati globi sui, quidam etiam, vt rapiant planetas circa se in gyros perennes.

Dic quartum veterum argumentum à figura circulari petendum?

Sic philosophati sunt; ex omnibus motibus in se redeuntibus, simplicissimum esse circularem & perfectissimum, cæteris omnibus, vt ovali & similibus, rectitudinis aliquid admixtum esse: hunc igitur circularem naturæ corporum simplicissimæ, hunc divinis mentibus, motricibus (vt cuius pulchritudo & perfectio sit quippiam mentale) hunc denique cælo, quod sphericam habet figuram, esse familiarissimum.

Quomodo diluendum hoc est?

Ad hæc ego sic respondeo, primò si motus cælestes essent mentis opus, vt crediderunt illi veteres, admodum speciosè concluderetur, itinera planetarum esse perfectè circularia. Nam tunc species motus mente concepta, esset virtuti pro regula & scopo, ad quem motus referretur. At motus cælestes non sunt opus mentis, sed naturæ, hoc est, naturalis corporum potentia, aut Animæ secundum illas corporales potentias

uniformiter agentis; quod non alia re validius comprobatur, quam hac ipsa observatione astronomorum, qui fallacys visus legitimè separatis deprehendunt, relinqui in reali & verissimo motu planetæ, figuram circuitus ellipticam, quæ de potentia naturali corporea, deque ejus speciei emanatione & quantitatibus testimonium fert.

Deinde, ut largiamur illis intelligentias, nondum tamen obtinent, quod volunt, omnimodam scilicet perfectionem circuli. Si namque de sola pulchritudine circuli ageretur: circulus & mente rectissimè cerne-
retur, & corpora ipsa qualiacunque, maximè cœlestia, decoraret, quippe quantitatibus participia, quantitas pulcherrima. Sed quia præter mentem tunc opus esset etiam facultatibus naturalibus & animalibus ad movendum: illæ suum etiam sequerentur ingenium, nec omnia ex mentis dictamine, quod non perciperent, sed multa ex materiali necessitate agerent. Non mirum igitur, si facultates istæ perfectionem, inter se mixtæ, acquirere assequi penitus. Concedunt ipsi veteres itinera planetis eccentrica, quæ multò major videtur deformitas, quàm via elliptica. Et tamen mentium suarum providentia hanc deformitatem cavere non potuerunt.

Sæpe autem monui, dum nego motus cœlestes esset mentis opus; me tum non loqui de mente creatrice, quam equidem omnia decent, sive circularia sive elliptica, sive per mentes administranda & repræsentanda sive per materiale necessitatem co-

sta ex principijs semel positis.

I I. De causis inæqualitatis in longum.

Quas ergò tu causas tradis, cur quamvis omnia primariorum planetarum itinera circa Solem ordinentur, anguli tamen (quibus, quasi ex centro Solis, spectantur diversa partes itineris unius planeta) non consiciantur à planeta temporibus proportionalibus?

Causæ duæ concurrunt, altera optica, altera physica, utraque æqualis propemodum effectus. Prima causa est, quia iter planetæ non æquali intervallo undique circa Solem circumductum est, sed pars ejus una Soli propinqua est, pars opposita tantò remotior à Sole. Ex æqualibus verò propinqua majori spectantur angulo, remota minori: & quæ æquali spectantur angulo, propinqua quidem minora sunt, remota majora.

Altera causa est, quia planeta reverà tardior est in majori distantia à Sole, velocior in minori.

Compositis igitur in vnum causis duabus, facile patet, ex duobus ad visum æqualibus majori arcui per se, majus etiam tempus competere, multò verò majus tempus, propter tarditatem planetæ realem in illo arcu remotiori.

An non una causa posset sufficere, Et quia omnino planeta orbita ex una parte longius recedit à Sole, quàm ex adversa, remotionem tantam faciamus, Et tota ista inæqualitas apparens, per solam hanc inæqualem distantiam partium orbitæ excusetur?


Non patiuntur observationes, ut tantam faciamus inæqualitatem distantiarum, quanta est inæqualitas

litas temporis quo planeta æquales angulos ad Solem absolvit; sed hoc testantur, dimidio saltem hujus inæqualitatis excusando, sufficere illam intervallorum inæqualitatem: residuum igitur est a reali acceleratione & retardatione planetæ.

Quæ sunt hujus celeritatis & tarditatis leges, & exempla?

Exemplum genuinum est in statera: quemadmodum enim ibi, quando brachia sunt in æquilibrio, ponderum ex utroque brachio suspensorum ad se mutuo proportio est permutata proportionis brachiorum: majus enim pondus breviori brachio suspensum, æqualia facit minori pondere, quod est à longiori brachio suspensum: itaque sicut se habet brachium breve ad longum, sic se habet pondus longioris ad pondus brevioris: & si jam mente removeamus alterum brachium, & pro ejus pondere concipiamus qualem potentiam in ipso jugo, attollendi brachium residuum cum suo pondere; tunc apparet, potentiam anc jugi non tantum posse in pondus elongatum, quantum potest in pondus idem propinquum: sic etiam testatur astronomia de planeta, quod Sol non tantum possit ad illum movendum & circumvehendum, quando planeta longius abest à Sole in linea recta, quantum, cum intervallum minuitur: & vno verbo, si arcus æquæ longos de orbita planetæ sumpseris: quæ sit proportio inter utriusque arcus abscessus à Sole, eadem est proportio temporum quæ planeta consumit in illis arcubus. Ita centrum Solis seu mundi, representatur à jugo stateræ, ejusque potentia motrix, ab altero brachio ejusque pondere, quod jam jussi sumus assimilare, & mente in ipsum jugum redigere; planeta vero representatur in residui brachij pondere; intervallum inter Solem & Planetam, in brachio illius ponderis.

Sit statera AC, pondera D B ex C. A dependentis.
jugum FE, anguli FEC, FEA recti; erit sicut CE ad E.



sic B pondus ipsius EA ad D pondus ipsius EC. mente r
move EA, & potentia ponderis B per EA formata, sit p
tertia ipsius jugi E, hac igitur potentia jugi E, tenebit pon
dus D ex C suspensum in equilibrio Horizontis, scilicet
FEC sit rectus. At si idem pondus, à C revulsus, ingr
diatur & q₃ in G: potentia eadem ipsius E, plus poterit
hoc pondus, attolle q₃ illud supra lineam EC.

Sit jam E non jugum sed Sol, & D sit planeta, EC, E
diversa distantia planeta à Sole. Testantur igitur obser
vationes, sicut EC est ad EG, sic esse GK promotionem plan
ta propioris in G, ad GI vel CH promotionem ejus rem
sioris, in C.

Pondus ergò tribuis planeta?

Dictum est in superioribus, pro pondere consid
randam esse, naturalem illam & materialem renite
tiam seu inertiam ad deferendum locum, semel occ
patum, quæ eripit planetam velut è manibus S
lis rotati, vt illam prensantem vim
non exactè seque-

RUR.

*Qua cussa est rursus Sol non æquè fortiter
q. prenet planetam eminus atq. comminatur?*

Attenuatio ipsa speciei corporis Solaris, maior in fluxu longiori quam in breviori: quæ attenuatio uan vis sit in proportionē intervallorum duplicatā, oc est tam in longum quam in latum: operatur tamen solum in proportionē simpli, hoc est, secundum eam longitudinem: causæ supra sunt dictæ.

III. Causæ inæqualitatis in altum.

Quid vero planetam extrudit in spacia res?

motum, reducitq. versus

Solem?

Idem qui prenet planetam, Sol nempo per speciem sui corporis virtuosam, emissam per omnia multipacia. Sunt enim extrusio & attractio prenetationis ijs quædam veluti elementa. Nam extrusio & attractio fiunt lineis virtuosis ex centro Solis exeuntis, quæ lineæ cum vnâ cum Sole circumeant: planetam quoque qui truditur & trahitur, has lineas insequi esse est, pro illarum fortitudinis proportionē ad retentiam corporis planetæ. Ita extrusionis & attractionis contrarij motus componunt quodammodo prenetationem.

Corpori simplici Solis, eiusq. speciei imma-

seriata, tribuit operationes contrarias, at-

tractionem & expulsionem, & sic non

simplices?

Vna est actio seu ἐνέργεια naturalis, movendi

corpus planetæ, assimilationis causa, seu reductionis in situm primævum; videtur verò diversa, propter diversitatem objecti. Nam planetæ corpus ex vna saltem plaga familiaritatem habet ad corpus Solis, ex altera discors est. Iam verò ejusdem simplicis est operæ, amplecti similia, & respuere dissimilia. Munitur hæc sententia exemplo Magnetum, qui licet non sint corpora cœlestia, non est tamen in illis biformis ista virtus ex compositione elementorum, sed ex forma corporea simplici.

Erit ergò ipsius planeta corpus compositum ex contrarijs partibus?

Nec hoc quidem: nam id solummodò sequitur, globum planetarium esse figuratum intus rectis lineis seu fibris, quales sunt magneticæ, quibus accedit duabus contrarijs plagis terminari, in quarum vna non propter corpus ipsum, sed propter situm ejus ad Solem, regnat familiaritas cum Sole, in alterâ discordia.

Incredibile verò est, corpora cœlestia esse quosdam ingentes magnetes?

Legatur ergò Gulielmi Gilberti Angli philosophia magnetica, quo libro, quamvis non crederet author Terram inter sidera ferri, tribuit illi tamen naturam magneticam, argumentis benè multis, ejusque fibras seu filamenta magnetica docet extendi lineis rectis ab Austro in Septentrionem. Quod igitur est vnus ex primarijs, Tellus nimirum, id esse vnumquemlibet ex primarijs, absurdum nequaquam est, nec incredibile.

*Esſo Si Planetæ habeat internam figura-
tionem magneticam rectilineam; quid igitur
est, quod illum facit aliam corporis ſui
plagam poſt aliam obvertere Soli, nunc
ipſe ſibras ſuos conuer-
tit?*

Nequaquam: quin potius hoc quærendum, quid
ſit illud quod corpus planetæ retineat, quo minus il-
lud axem ſuum magneticum ſitu ſuo, quem is ſemel
acceperit, reſpectu partium mundi deferat, cùm tamen
corpus circa axem, (vt corpus Telluris) convolvatur,
ſimulque emoveatur loco ſuo, & in circulum circa So-
lem transporteretur. Nam ex hac directione magnetis in
eandem mundi plagam toto circuitu, & ex transporta-
tione corporis de loco in locum circa Solem, tanquam
ex duobus elementis, componitur hic effectus, vt glo-
bus planetæ, ſitum plagarum cum Sole permutet. Re-
ſpice ad Schem: fol. 588.

Quæ ſunt huius permutationis exempla?

Familiaſe ruruſum exemplum eſt in magnetica Py-



xide, ſcil. cujus
lingula ferrea
imbuta eſt ma-
gnete. Quam-
cunque enim
in regionem
transportetur
illa, ſemper
pyxidis lingu-
la ſeptentrio-
nes ſpectat. I-
taque ſi cir-
cumcas caſtel-
lum quodpiã,
geſtans pyxi-

em, ſit vt jam caput jam cauda lingulæ ſpectet ca-

stellum, eo ipso, quod caput semper in omni parte circuitus septentriones spectat.

Aliud exemplum astronomicum supra libro tertio fuit, quando axem convolutionis telluris, interdum circumfertur Tellus circa Solem, diximus manere in eodem perpetuo situ parallelo. fol. 248.

Quas igitur causas tradis directionis fibrarum magneticarum corporis planetarij in eandem mundi plagam toto planeta circuitu?

Easdem, quæ supra lib. I. fol. 116. indicatæ sunt, quibus axis convolutionis Telluris firmetur. Nam primò parallelus fibrarum titus identitatem quandam representat, quæ quies potius est, quam motus. Causa igitur illius non videtur aliqua potentia naturalis positiva seu activa, sed privativa potius motus omnis. Itaque videtur illa naturalis inertia materiæ ad motum,figurationem habere rectilineam internam, & secundum has fibras extensa, aut condensatione partium in rectum, fortior & insuperabilior reddita esse.

Sin minus hoc verisimile: sint ergò distinctæ *ἀδωανία*, prior materiæ omnis, siue figuratione interna consideratæ, quæ hoc præstat planetæ, ut ille non exeat è loco suo, nisi propiciatur ab extrinseco, scilicet a Sole: posterior corporis planetarij, ut illud est intus figuratum fibris rectis, quæ tutæ sunt illæ fibræ, ne à circumgestatione corporis inclinètur, aut situ suo emoveantur. Denique liberum sit philosophantibus hoc ipsum quod jã dixi, *ἀδωανία* solummodo definire, an *δωανία*.

Tu hanc seu ἀνωμαλίαν seu δρω-

αμιν definis solâ tuitione sui situs.

quid si verò subesset aliquid aliud, &

δρωαμιν ista spectaret certas aliquas

cœlestellati partes?

Suprà lib. I. fol. 116. cùm quæstio esset de axe convolutionis Telluris similiter immobili, responsum est, cur tale quid non cogitandum sit: quia scilicet causa nulla esset, cur in punctum cœli vacuum potius, quàm in stellam aliquam dirigeretur, & cur potius in hanc partem, quàm in illam: Et quia hæ fibræ planetarum non minùs quam supra axis convolutionis Telluris successu seculorum deprehenduntur parùm inclinari, & sic delerere fixas pristinas, annuete ad alias succedentes, quantum generaliter judicari potest. Nam motus iste tardissimus est, sic vt intra mille & quadringentos annos à Ptolemæo ad nos, non satis tutò de omnibus planetis hoc affirmari possit.

*Forstæn axes illi convolutionis corporum,
fibrarum quas hic introduci pro librationibus, vices sustinent?*

Axis conversionis Telluris diurnæ, de quo in sphericâ doctrinâ, tenditur causa longitudinis versus principia Cancrî & Capricorni perperuò. Nam productus hic axis vtrinque, signat polos mundi vt est lib. II. fol. 150. Atqui arcus ex polo mundi rectus in Eclipticam, transit etiam per polos Eclipticæ: est igitur is Colurus solstitiorum, signans principia dictorum signorum.

Sed fibræ quibus Terra à Sole repellitur vel allicitur, transeunt de signo in signum. Erat enim Aphelium

Telluris olim in Sagittario, nunc est in Capricorni gradu sexto. Ergo differunt inter se axis convolutionis Terræ, & Fibra intervallum mutans.

Videtur igitur Terra nihilominus in principio Capricorni longissimè distare debere. Si enim totum Terra corpus rotatur circum axem illum, rotabitur & fibra, utrumq; ab illo differat situ, scribetq; quasi duos conos Verticibus in centro terra concurrentes; nec nisi unico momento distans, spectabit in locum proprium; reliquo diei circumscribit principium Capricorni, monstratum ab axe Terra: & sic vim omnem suam in hunc axem congeret, terramq; a Sole, quadam veluti cochleatâ lineâ semper in plagam axis proluciet?

Equidem hoc pacto, & per coherentiam fibræ cum axe motus diurni consolidatam, fieret, quod dicitur, nec unquam discederet Apsis Telluris à principio Capricorni. Cogimur igitur concedere aut globum intra crustam exteriorē: ut ista rotetur motu diurno, ille fibras habens, non roretur: pertineatque vsitata virtus Magnetica ad crustam externam, quia semper ostendit polos conversionis diurnæ, non verò Absidem Solis vel Telluris.

Adjuvet hinc physicus aliquis I. C. Scaligerum, disputantem de fluminum ortu, deque maris fluxu & refluxu: videatque si laboranti illi succurrere possint hæc Telluris separata viscera. Et si mihi Luna & Anima Telluris sufficiunt.

Si globi planetarij habent internam figurationem magneticam rectilineam, quare non illis ipsis potius ascribis, quod fugiant à Sole adque Solem accedant, pro diversitate

*ante plagarum sui corporis, Et factum in
commentarijs Martis?*

1. Quia testatur Astronomia discessum à Sole, & accessum ad illum, fieri in linea quasi versus Solem extensa, quantum eam non variat intermixta circumlatio: Fibrae verò magneticæ rarè sunt versus Solem porrectæ.

2. Quia fibris istis magneticis duo diversissima tribuerentur. Nam primò, illæ dirigerent seipsas in mundi plagam eandem, quod quieti simile quid est: deinde loco moverent corpus suum jam à Sole jam ad Solem. Atqui hoc per modum expulsionis & attractionis simplicius conciliatur cum prensatione & circumvectione corporum, quam Sol præstat.

3. Quinetiam verisimilius est, speciem corporis Solaris virtuosam continuari vsque ad planetas, quam horum vsque ad Solem, vt illum fugiant repellentes, petantque trahentes. Sol enim corpus ingens est, planetarum exigua: Solis lumen & calor ad nos manifestò delabuntur; Sol planetas vehit. De Solis igitur virtutibus alijs constat nobis antea: de virtutis planetariæ prorogatione vsq; ad Solem, non habemus talia tamq; evidentia testimonia.

4. Infra patebit, fibras corporis pati à Sole levem aliquam inclinationem: est igitur verisimile, librationem etiam totius corporis, esse illi adventitiam ex Sole potius quam insitam, esse sc: passionem ab alio, non actionem seu motum à seipso.


At saltem communem statueres hanc virtutem inter Solem & planetas, mutuòq; commeantem vim expulsionis attractionisq; Et est communis inter binos Magnetes?

Immò hæc ipsa quinta ratio est, cur planetis ipsis non tribuatur ista expulsio & attractio, ne mutua sit ex ipso

ipſo creatoris inſtituto, qui nihil facit fruſtrâ, Ergo ſi porrigeretur virtus planetæ vſque ad Solem, Sol à planetis in proportionẽ corporum converſâ, ſitu ſuo, quem habet in centro mundi, emoveri, vel ſaltem citubare deberet, jam huc jam illuc protractus, prout multi planetæ ab vno latere, ſimili inter ſe facultate, in Solem ingruerint.

Videris hoc incommodum ne ſic quidem effugere: Sol enim ſpecie ſui corporis virtuoſa cen conto connixus, trudendo planetas, ſeipſum extrudet proportionaliter, trahensq; planetam ſicut Vinco, ſeipſum parumper ad planetam attrahet?

Omnibus modis hoc effugimus, negatâ mutua attractione & expulſione. Primo enim nec forma diſpo-



ſitioque corporum huc directâ erit, ſi virtus planetæ talis

talis non ad Solem prorogata est: deinde neque ipso actū tale quid sequitur, quasi citra consilium creatoris, ex sola materiali necessitate. Nam tanta est moles, tanta densitas in materia corporis Solaris, tanta ejus vis attrahendi pellendique; tanta vicissim exilitas & planeta & renitentia ejus: ut Sol de statu suo nihil periclitetur. Sic cum navis hæret in arena, potestque non nisi à ducentis equis revelli & loco moveri, centum equi, quamvis sint pars dimidia requisita virtutis, non tamen promouent dimidium solitarij; quia inter motum & non motum nulla datur dimidiatio, cum ista sint contradictoria.

*Dic hypothesin edidentem, quomodo planeta
quilibet suos circuitus conficiat, inter
terimq; trahatur & trahatur
datur?*

Incipiamus ab eo momento quando fibræ magneticæ latus præbent Soli, sic ut ab eo distent æqualiter utraq; fibrarum extrema, & sit hoc, schemate præmissio, in distantia omnium longissima A: tunc Sol nec expellit planetam, nec allicit, sed veluti dubius inter utrumque, prensat tamen illum & rotatione sui corporis emissaque speciei prensam promouet, ab A versus B, vincens renitentem, victusque vicissim ab illo, sic ut illum velut è manibus, hoc est, è radijs A antecedentibus speciei virtuosæ amittat, excipiatque sequentibus H, idq; in certâ proportionē virtutis speciei in illo intervallo. Hoc pacto promotō planeta, dum interim fibræ magneticæ, vi directionis, in eandem mundi plagam spectant: fit ut plaga Soli amica paulatim obvertatur Soli, discors abnuat à Sole: tunc igitur globus incipit à Sole trahi, parum, si parum inter se differant extremitatum à Sole distantia: quo tractu planeta ex amplitudine circuli inchoati in A, paulatim introsum ita B recipitur versus Solem, velut in angustiores ambitum inq;

virtutem prensantem fortiolem, quippe densiorem, & qua igitur se ipse minus extricat, eoque citatius abripitur. Hic attractus, initio lentissimus, proximè A, tunc est rapidissimus, quando Sol totum Hemisphaerium corporis planetarij amicum in cōspectu habet, discors verò totū post corpus planetæ occultatur, id est, quādo fibræ magneticæ rectā diriguntur in ipsum Solem, quod fit circa C, quadrantem rotius ambitus circularis: inde versus D rursus remissior fit hic attractus ad Solem, at pergit crescere velocitas provectionis in circulum; quippe adhuc decrescēte (per attractum) intervallo inter planetam & Solem. Hæc remissio attractus, initio post C penè nihil, mox magis atque magis sentitur, quò magis inimica planetæ pars sese exerit, Soliq; conspiciendam præbet, versus D, donec semis de circuitus peracto in E, rursus vtrumque globi transvolantis hemisphaerium æqualiter Solem spectet, tunc enim cessat omnis attractus, & planeta est Soli proximus, eoque & velocissimus; quippe qui cum densissima, eoque & fortissimâ virtute prensante conflictatur, exque ea circumeunte, se minimum extricat.

Statim autem globus prætervectus hunc orbitæ suæ locum E versus F, quia jam discors hemisphaerium fit Soli propius amico altero, vergitque magis atque magis ad Solem: planeta etiam incipit à Sole extrudi, velut ex angustiore & densiore speciei solaris orbe, in ampliorem ratiorem & debiliorem: vnde decremēta etiam motus ejus sequuntur, idque ordine contrario, primò lentius, post E versus F, inde vbi totum discors hemisphaerium seu plaga fibrarum rectā in Solem dirigitur, plaga verò amica à Sole averfa est: expellitur planeta citatissime, motus verò jam rursus ad mediocritatem elanguit. Id rursus fit circa G quadrantem circuitus alterum. Ultrà provecto planetā versus H, rursus remittit hæc expulsio, donec penitus evanescat, in A, planetā in pristinum locum restituto, & à Sole longissimè expulso.

*Incredibile Verò est, planetam hac libertate
permissa, absoluto reditu restitui exa-
ctissime ad idem interval-
lum?*

Nimirum hic tandem genuinus est locus illi execu-
tioni Ptolemæi supra descriptæ, admonentis nos, in
cælo nihil occurrere quod impediat motiones cuique
corpori naturales, quodque illa quasi à semitis suis ab-
errare faciat. Itaque si leges motuum tales à natura sunt
institutæ, vt planeta in seipsum redeat exactissime, fiet
etiam hoc certissime, quanquam sine compedibus or-
bium, in libero æthere. At sunt sic comparatæ leges,
quas descripsimus. Nam æquales sunt inter se semisses
circuitus, alter in quo planeta attrahitur, reliquus in
quo expellitur; æqualia deprehenduntur vtriusque sem-
plis tempora; virtus quoque Solis eadem & perpetua
est, & quæ attrahit, & quæ expellit; eademq; ejus pro-
portio ad inertiam planetæ semper eandem, in corpore
quippe perenni: igitur tantum proficit per vnum semis-
sem attrahendo, quantum per alterum expellendo.
Cur igitur diffidamus planetarij corporis ad pristinum
intervallum restitutioni intra vnam quidem temporis
eriodum?

Nonne etiam in his terrenis & violentis moti-
bus, mobilia separantur ab eo quod motus causa fuit,
ut in Scorpionibus, Ballistis, Catapultis, Bombardis,
Fundis; & tela projecta liberum tranant aërem: neque
amen illa minus destinatum locum ferunt: suntque
miraculo Sclopetarij & funditores aliqui, collimatio-
is inimitabili certitudine. Si hæc species illius motus,
cui ad momentum fuit in impellente, directus in cer-
tam plagam, impressa in mobile ad breve tempus, &
vanida, tantum potest: vt mobile, quamdiu fertur à
pecie nondum penitus elanguente, in plagam destina-
tam tendere non desinat: quanto firmioribus præfidijs
munita erit certitudo redituum cœlestium, quos gu-
bernant

bernant internæ & planè coalitæ, eoque perennes mobilis rei fibræ: cùm illic aër impactu & occurſu turbet motus: hic ætheris permeandi denſitas ad effectum vel leviffimum planè nulla ſit?

*Quare librationes diverſorum planetarum non ſunt in eadem proportionẽ ad diſtantias ſuas mediocres, hoc eſt, quare maxima eſt Mercurij eccentricitas, poſt illum Martis, poſt hunc Saturni, Ioſis, Tel-
luris, minima vero Ven-
eris?*

Inſtrumentalis cauſa eſt diverſa fibrarum fortitudo, ſeu naturâ ſeu ſitu facta: Finalis verò cauſa eſt eadem, quæ Eccentricitatum ipſarum; vt ſc: nascerentur ex his Eccentricitatibus, motus planetarum velociſſimi & tardiſſimi tantæ menſuræ, quæ ad Harmonias per eos repræſentandas ſufficeret. Huc pertinet Harmonices mea liber V.

Reſtat ſua dubitatio ſuper fibrarum directione in eandem mundi plagam: cùm enim dixeris fibrarum plagam alteram habere familiaritatem cum Sole, reliquã à Sole diſcordare, adeo quidem ut Sol ſecundum hanc vel illam, vel attrahat ipſum corpus planeta, vel expellat: Videtur Sol etiam quod minus eſt, in planetam poſſe, ut ſcilicet has fibras ſitu ſuo parallelo emoveat, inquit ſeipſum convertat, citius quam planeta in talem ſitum transportetur, ex quo fibra in Solem ſpectare poſſunt?

Nihil habet abſurdi, fieri tale aliquid, vt Sol ſic la-
cet cum directione fibrarum, ſicut luſtatur cum in-
citius

ertia corporis ad motum localem, dummodò teneamus hoc, minùs Solem proficere ad inclinandas fibras, quam ad loco movendum totum corpus: sicut etiam minùs proficit ad attrahendum planetam; quæ contemplatio pertinet ad consilium creatoris, ne planetæ cum Sole ad contactum venirent, si non transportarentur breviori tempore in oppositum semissem circuitus, quàm intervallum omne consumi directo fibræ attractu possit.

Cùm igitur præveniat circulatio planetæ circa Solem, inclinationem fibrarum: fiet, vt quavis fibræ in vno semisse circuitus nonnihil inclinentur plagâ familiari versus Solem, discorde; à Sole; quia tamen planeta citiùs transfertur in semissem alterum, quàm totalis fiat fibrarum inclinatio (vnde æquè sequitur permutatio situs plagarum inter se contrariarum, versus Solem obversarum, ac si inclinatio fibrarum nulla esset facta) in reliquo igitur semisse Sol eadem vi fibras planetarias contrariè positas, & inimica plagâ sibi obversas, reflectat in partem alteram, atque ita inclinatio ne priori contraria planetarias fibras in situm parallelum rursus restituat. Hæc inclinatio & reclinatio libro V. præcipuum fient adjumentum calculi.

Posses hujus fibrarum directionis & permixtæ inclinationis exemplum dare familiare?

Exemplum est in lingula magnetica, quæ quamvis spectet septentrionem si sit libera, tamen ab eo deflectit nonnihil, si ex obliquo accedat magnes; tunc enim nonnihil ad Magnetem annuit.

Quibus rebus indiget perfecta restitutio fibrarum in situm parallelum?

Vt Sol tantundem virium impendat in inclinando, verbi causa, per quadrantem PIN, attrahens plagam
 LII fibræ

Si ergò in hoc opere attractionis planetæ versus Solem consumitur plus quadrante orbitæ, respectu ad fixas habito; plus etiam quadrante consumendum erit planetæ, in restituendo recto angulo intra fibram & Solem apud R, inque ejus effectu, seu parte librationis residua, qua planeta ex propinquitate N A, perducitur ad propinquitatem R A, per eosdem gradus incrementorum, ordine jam contrario decrecentium.

Excessus igitur quadrantum inter se junctorum, supra semicirculum, ostendet quantitatem mutatæ in vno periodi semisse, directionis fibrarum sub fixis; seu translationis cætri orbitæ B, & Absidum P R, in signorum consequentiam; ablata igitur hac quantitate, de eo quod est plus semisse orbitæ ad fixas expensæ, restabit non plus semisse orbitæ Ellipticæ, ab Abside P putata.


Manent igitur Absides, an transferuntur de loco sub fixis in alium?

In Iove observationes veterum cum hodiernis collatæ testantur, Absides ferè consistere sub iisdem fixis, aut etiam parum admodum retrocedere. In reliquis omnibus inveniuntur sedibus suis pristinis excessisse, transitu facto in fixarum consequentiam, exemplo Apogæi Lunæ; sed illic motibus omnino tardissimis; cum Lunæ Apogæum progrediatur valdè sensibilibiter.

Qua causa est cur in primarijs fibra adeo perfecte inveniuntur restituta, post reditus integros peractos, & progressus Apsidum sit insensibilis?

Quia idem Sol est, qui & librat planetæ corpus, & fibras ejus inclinât restituitque: & quia eadem in utrôque opere fibræ, quibus ut instrumentis planeta & libretur & inclinatur: nihil igitur causæ est, quin etiam vires utriusque operi per æqualitatem temporum admetiamur. Sicut enim planeta, fibram N Q directè ten-

dens in Solem, si non exiret è linea NA: sub certo aliquo tempore jungeretur vsq; ad contactum: sic etiam



planeta idem, collocatus in eodem N, & fibram, per fictionem, tendens ad angulos rectos cum lineâ NA, converteretur cum fibra sua, sub æquali tempore plenariè, sic vt in fine fibram NQ in solem tenderet. Sicut autem librationi supervenit opus tertium, emotio sc: planetæ ex situ AN. sic vt fibra NQ non amplius in Solem tendat, eòq; non eadem fortitudine trahatur versus Solem; qua ratione cavetur, vt non

fiat contactus plenarius, adnavigatione per NA, sed præveniatur translatione ex N in R, fiatq; non major quàm BA: sic etiam hâc inclinationem fibræ prævenit eadem translatio planetæ ex N in R, vt longè citius fibra obviet Soli, quam toto quadrante à Sole converti potuisset, itaque pro quadrante conversionis, opus sit non plùs quàm arcu QM. Æstimantur autem inclinationum peractarum anguli, seu virtus in eos impensa, finibus: vt libro V. exemplis rerum naturalium clarum fiet. Quare sicut se habet tota distantia mediocris PB, (vel in ellipsi, NA) ad dimidiâ librationis quantitatem BA, vnius quadrantis opus, quæ eadem est & eccentricitas: sic etiam se habebit semidiameter globi planetarij NQ, pro sinu toto vsurpatus, ad sinum anguli inclinationis maximæ MNQ, quæ contingit eoulsque, dum translatione planetæ quadrans præcisè confectus fuit à P loco maximi intervalli PA.

Ex hac verò proportionem supposita, demonstratur, fibram NQ tunc in Solem A tendere, cum PN est quadrans sub fixis, præcisè. Sit enim AN æqualis ipsis PB,

vt in

ut in ellipsi, & B, sit centrum eccentrici, & ABN rectus, quia ejus mensura NR est quadrans: descendat etiam ex Q, termino solipetâ, recta in BN, quæ sit QM: formantur duo rectangula ABN, & QMN: & quia ponitur sic esse NQ ad QM, sicut NA, ad AB; erunt igitur N. Q. & A in vna recta, seu Q dirigetur in Solem.

Iam supra verò demonstratum est, si absoluto quadrante sub fixis PN, planetæ fibra Q dirigatur in Solem, ut sit inflexa angulo BNQ, sequi ut in alio quadrante NR sub fixis, fibra NQ restituatur, consumpto hoc inflexionis BNQ angulo, sic ut planetâ in R stante, fibra rursus sit ipsi BN parallela sicut erat in P: quæ perfecta est restitutio fibrarum post peractum semicirculum. Idem judicium esto de altero semicirculo; quo absoluto, planeta redit ad eundem locum sub fixis.

Vicissim cum testetur experientia, insensibiliter transferri apsides, nec manere sub iisdem locis inter fixas: sequitur igitur, NQ in Solem spectare, non præcisè quadrante à loco pristino apsidis P. Quæ causa est hujus aberrationis à proportionem aequalitatis jam stabilitâ.

Tarditas horum motuum inobservabilis videtur in materiali necessitate quærenda, si quicquàm aliud, sc: in aberratione dictorum duorum motuum, librationis & inclinationis, ab invicem, per intercursum motus tertij. Diffundit enim sese in quandâ temporis infinitatem, quæ nihil habet pulchritudinis, quippe velut interminata. Quænam verò sit intercurrentis causa, difficile est prodere: quia neque de re ipsa penes omnes constat, neque certa est rei quantitas in plerisque. Quantitate verò adempta, caremus examine causarum, quas quis conjecturis indagaverit. Qualis esse potest, excursus planetarum ad latera Eclipticæ. Non fit enim ille, sine inclinatione fibrarum istarum NQ, ad radium Solis AN, tantâ quidem, quantus est cujusque excursus. Ex

majori vel minori tali inclinatione, consentaneum est, nonnihil debilitari fibrarum opus; idque variè, pro varia excursuum habitudine ad Apfides. In Saturno, Marte, Venere, Mercurio, Apfides habent aliquam latitudinem, in Iove nullam: & ad hanc analogiam illorum Apfides progrediuntur, hujus stant. Cum igitur aliàs vis inclinandi fibræ planetarij corporis, sit maxima in apsidibus P. R. vbi rectis angulis fibræ Soli obijcitur; credibile est, eam vim ob latitudinem, esse paulò remissio- rem. Quò minùs idem damnum etiam in libratione sentiatur, causa est, quia ibi libratio per se penè nulla. Vicissim in N est inclinationis vis penè nulla, librationis maxima: damnum igitur in hac sentitur, in illa non, pro latitudinis modulo. Potestque fieri, vt sic plus retardetur inclinatio fibræ; quo dato, fit quod jam explicatum est, vt fibræ tardiùs, scilicet ultra metas quadrantis, in Solem spectet. Atqui tunc transferri apfides in consequentia, priùs est demonstratum. Hæc igitur dicti phænomeni possit esse causa, necessitatib. physicis seu geometricis nexa, secundùm anteposita principia.

2. At non interim rigidè negaverim, hunc effectum potius in consilij parte fuisse, vt non sit, vel non sit mera necessitatis appendix: quia hujus quantitatem adhuc ignoramus. Tunc locus erit dicendæ causæ finalis: huc tendere contemperationem inter se virum, librationis, fibrarum inclinationis, circumlationis, certa in vnoquoque proportionem: vt quia librationes quidem comparatæ sunt ad constituendas Harmonias motuum, Harmoniarum quælibet enasceretur non semper in vna aliqua binorum planetarum configuratione, sed successu sæculorum omnes omninò configurationes pervageretur: atque sic Harmoniæ motuum omnes (quæ sunt lib. V. Harmonicorum) cum Harmonijs configurationum omnibus (libri IV. Harm. materia) permiscerentur,

IV. De Motu latitudinis.

*Quibus legibus Planeta excurrunt in
latera Ecliptica?*

Rursum lege simplicissima tali, ut planum, quod
circumscribunt centro corporis sui; sit in vnaqualibet
periodo exactè rectum, & ad planum Eclipticæ incli-
atum, inclinatione constanti & invariabili; præter-
uam in Lunâ.

*Plana aquabilia, si fiat ad invicem incli-
nata, concurrunt, secantq; se mutuo in una
recta linea: quæro quæ sit illa communis li-
nea, super qua inclinatur ad Eclipticam
planeta orbita?*

Transit illa per centrum Solis, in omnibus planetis;
extenditur cujusque planetæ linea in sua propria lo-
ca Eclipticæ, invicem ex centro Solis opposita.


Vnde hoc constat?

Constant inde, quia cùm Planeta in duabus diversis
partibus sui partib⁹, ut *sch: seq:* in C & D; videtur sub Ecli-
tica, carens latitudine, duo hæc illius loca per calcu-
m inveniuntur cum Sole A in eadem recta linea CAD:
si A C M veniret in 17. Tauri, temporis intervallum
que dum planeta rursus in Ecliptica visus fuit, con-
nectum cum hypothese Eccentrici, exhibet lineam
DO, alterius loci Eccentrici, in 17. Scorpionis, scilicet
opposito 17. Tauri.

Quid hinc colligitur?

Idem scilicet, quod suprà; folio 140. Cùm enim
omnium sex Eccentricorum concurrant in vno
communi centro Solis: igitur præterquam in hoc So-
lcentro, nusquam omnia simul concurrere possunt,
quia sectionis linea non est omnibus communis, sed

cuilibet propria: lineæ verò diversæ non pluribus nisi
vno puncto concurrunt.



Quia igitur Sol est communis nodus omnium Systematum: ergò siue natura moveat planetas virtutibus corporeis, siue Mens nutibus rationalibus; omninò Sol planetis pro scopo est, ad quem omnes circuitiones respiciunt.

Quas tradis causas motus in latitudinem?

Nec Sol planetis causa est, nisi remota, hujus deviationis ab Eclipticæ plano, nec Mente planetis ad hoc opus est, nec supra refutatâ substructione solidorum orbium, quibus ceu curribus justam invehantur orbitam; multòque ad hoc minùs, quàm vel ad librationes in altum & profundum, vel ad motum in longum: sed formatio aliqua ipsorum corporum planetariorum sola sufficit ad detorquendas & retorquendas ad Eclipticam, eorum orbitas.

*Cur Sol non sit in causa, cum jam dictum
sit, sectionum lineas per ipsum Solis
corpus ire?*

Quia vnus & idem Sol, vna & eâdem specie corpo-
ris sui, quæ vniiformi & directissimo flumine, sub circu-
lo, inter polos conuolutionis Solis medio, circumit,
non potest per diversas alias vias rapere diuersos plane-
tas, nisi Planetæ ipsi causas hujus diuersæ discessionis
ad latera de suo addant.

*Cujusmodi formationem innuis corporum
Planetariorum?*

Ea potest esse vel essentialis, nimirum internæ fi-
bræ magneticæ rectilineæ; vel accidentalis, scilicet cō-
uolutio globi planetarij circa suum axem, sic compa-
rata, vt fibræ vel axis gyrationis, toto circuitu corpo-
ris, retineat situm parallelum; sicque dirigatur, vt cūm
Planeta est sub Ecliptica, tangat orbitam, & deflectat
altero termino nonnihil in plagam Boream, altero in
Austrum,

*Habes exemplum popolare hujus
deflexionis?*

Exemplum qualecumque suppeditant Remi na-
uium. Nam si navis agatur ventis proflum, sit verò re-
mus obliquè religatus ad puppim: tunc navis contra
quam fert linea venti, paulatim ad latus detruditur.


*Remus, temo vel gubernaculum, navem
semper in vnam solam plagam dirigit; quo-
modo igitur Planeta nunc ad latera Ecli-
ptica exeunt, nunc inde ad Eclipti-
cam reuertuntur?*

Si remus navis convertatur, navis quoque defleat
ad latus alterum. Planetæ etsi fibras tenent dire-
ctas, parallelo situ, & inconuersas, transportantur ta-
men ad partes circuitus sui oppositas, in quibus fibræ

pristino situ habent oppositam inclinationem ad orbem suam; quare etiam Planetæ per alterum semicirculum aguntur in oppositas plagas.

*Ut melius intelligam hunc motum, dic, in circumactu Planeta circa Solem, quam creet superficiem & nata-
lis vel fibra vel axis?*

Ponamus, cum planeta est in Ecliptica, ut hic in **C.E.** tunc fibram latitudinis **A B**, ad Solem non incli-



nari, (et si etiam aliter esse potest, eodem effectum, si situs sit æquipollens,) ad Eclipticæ verò planum sic inclinari, ut medietas **E A**, **C A** mersa sit intelligenda infra papyrum, quæ repræsentat planum Eclipticæ, reliqua medietas **E B**, **C B** extet supra papyrum; inclinationis angulus sit tantus, quanta solet fieri latitudo in limitibus, **F** supra papyrum intellecto, **D** infra. Sit etiam motus speciei solaris, veluti fluminis aut venti cujusdam, ex **E** versus **F C D**.

Cum

Cum igitur hic motus in E sit incurſurus in aduerſam fibræ medietatem A B merſam; in C verò ſimiliter incurſurus in aduerſam B C extantem, quæ ipſi A B eſt oppoſita: proinde in E quidem planetam ſurſum exelleret a papyro, quorſum tendit antecedens terminus B; in C verò deorſum, infra papyrum pellet, quorſum tendit A terminus illo loco antecedens. In remone fit contrariū, quia is creditur à vi fluminis, non agitur ab inſita aptitudine. Cum autem interim fibra A B maneat in ſitu ſibi ipſi parallelo per omnem ambitum: hinc fit, vt in F borealiſſimi planetæ, & in D merſi & auſtraliffimi, neuter terminus nec A, nec B, antecedit, ſed fibra A B velut in profundum huius fluminis, id eſt, verſus Solem, porrecta, & impetum latere rectâ obiecto excipiens, cauſam nullam præbeat ejectionis vltioris in vllam plagam: quoad in his punctis permutatio fiat; vt cum ante punctum F, terminus B antecceſſiſſet, jam poſt F, terminus A antecedit, eoque planeta ſurſum ad Eclipticam accedere incipiat, proſectu pri-
pium inſenſibili.

Hinc jam patet, qualis figura gignatur. Nam quia fibra A B ex E movetur verſus illam ipſam plagam, in quam tendit terminus B, antecedens: ſuperficies igitur, quæ ab A B creatur, in E puncto attenuata eſt in merâ lineam, quæ tamen paulatim fit ſuperficies, orta quæ ex puncto, acquirit in F latitudinem maximam, æqualem longitudini fibræ A B: inde rurſum attenuatur hæc ſuperficies, vſque in partes circuitiois C, quæ ipſis E rimò dictis ſunt oppoſitæ; vbi ſuperficies iſta rurſum in lineam vanefcit. Eadem intelligantur de oppoſito emicirculo C D E. Delata verò ſic inclinatè in F, & D, temperque ſuum ductum ſequens, creabit planum perfectum, in quantum ſc: ſitum parallelum retinet: quod planum, ſi continuetur, per centrum Solis tranſibit, quia fibra A B in Solem ſpectat, in F quidem termino A, in D verò, termino B.

Sed remotâ hac plani continuatione, ſi quod à fibre

bra creatur, solitarium consideretur: species erit talis, qualem exhibent duæ Lunulæ inter ellipses duas, exteriorem $B C A E$, & interiorem $E A C B$, se mutuò tangentes in $C E$, ut eadem linea $C E$, sit diameter, minoris quidem $E A C B$, longior seu recta, majoris verò $C B A E$ transversa.

Centrum etiam corporis planetæ circumibit in plano perfecto, quod in hac figura circulare factum est, sc: $C D E F$; quamvis etiam ipsum, ut ex superiùs dictis patet, parumper à circuli perfectione, ad ellipticam laterum castigationem desleat.

*Remus vel temo navis porrigitur à navi
prorsum in Sindas aut in Ventum: fibra
esse latent intus in rotundo Planeta corpo-
re: non est igitur ijs eadem vis, quæ
Temonibus?*

Non est necesse omnia respondere in aliqua similitudine: succedit autem loco facultatis remorum, vis alia fibrarum multò conventior; quòd sicut supra fibræ naturalem habebant inertiam contra inclinationem sui, seu potius potentiam ad retinendum situm parallelum, in transportatione corporis: sic nunc etiam insit fibris latitudinis, præter similem vim retinendi situm parallelum, etiam naturalis potetia agilitatis, seu tuendi lineam planè eandem, & secundum eam derivandi motum sibi illatum, in quantum quidem tendit motus in eandem plagam cum altero fibræ extremo.

*Compara formam hanc motus latitudinis,
cum Astronomia Veteri, exemplo
populari.*

Nos hîc planetam flumini committimus cum obliquo temone, cujus beneficio planeta ipse inter defluendum, traijciat ab vna ripa ad oppositam: Vetus astronomia solidum pontem (solidos orbes) super hoc flumen (Zodiaci latitudinem) ædificat, & planetam velut


In curru exanimem per eum transvehit. Verùm perlustrata tota machinâ, apparet hunc pontem nullas habere subleas, quibus suffulciatur, aut Telluri, quam æcelorum basin crediderunt, innitatur.

*Est tamen difficilior hac speculatio motus
latitudinis, quàm si quis solidos orbes sibi
imaginetur?*

Atqui meminisse debes lector, nos hic versari in speculatione physica causarum, ob quas quælibet Hypothesis adhibetur, vt sciamus, quid veri subsit tali Hypothesi seu fictioni astronomicæ. At infra libro V. & VI. integros circulos, eorumque inclinationes ad Eclipticam nō repudiabimus, intellectus causâ; quia æquipollent illi, profectionibus hisce fibrarum, ad Eclipticæ latera.

*Si & prior illa libratio planeta in altum,
& hic excursus in latum, haberent easdem
sub Eclipticâ metas, fibrisq; corporis perficerentur
ijsdem, Verisimiles essent causæ,
quas tradis?*

Imò quid impedit, vnum & eundem globum duplices habere fibras rectilineas, totum corpus attinentes, vt alteris in altum & profundū libretur, alteris rursum prorsumque remiget? Sic in fluminis superficie triplex cernitur motus partium, quilibet suam observas plagam, primus est decursus aquæ, secundus fluctuum, quos decursus ille continua serie transuersim ad ripas ejicit, tertius est à vento, qui si ex obliquo contrarius flet, asperat vndarum superficiem, aliamque minorum fluctuum seriē in plagam etiā suam ciet, qui prioribus imperturbatis supercurrunt. Sic suprâ lib. I. fuit
alle.



allegata substantia ventriculi, quæ trilecem quandam representat, obtinens tria genera fibrarum plagis distincta, sedes trium facultatum, attractricis, retentricis, expultricis: quanquam non vnius sed trium omnino tunicarum textura est.

Num iisdem Zodiaci locis perpetuò sunt excursus errantium longissimi, an etiam hi loca sua mutant?

Obscurior adhuc, quam Apsidum, est Limitum progressionis observatio: videntur tamen paulatim repere in antecedentia Fixarum Sphæræ, & tardiùs quidem quàm progrediuntur Apsides, vtrumque exemplo motuum Lunæ.

Si Limites retrocedunt, Apsides progrediuntur: non habebunt in texta, fibrae latitudinis administrea, fibræ longitudinis, quas & trasq; eidem globo dedisti?

Receptus hic nobis patet ad internam globorum substantiam, in quas angustias jam antea coacti sumus, in comparatione revolutionis Telluris diurnæ, cum ejus fibræ liberatorijs. Possumus igitur etiam hic querere in exteriori crusta, separatim globum velut in ovi albumine vitellum, fibræ suis instructum, & ad earum leges convertibilem, distincta etiam fortitudine virium ab exteriori crusta, si opus est: ut inflecti possint ambo ab eadem externa causa, distinctis celeritatis mensuris, si etiam hac re sit opus.

Sic enim etiam in jam introducto ventriculi exemplo, sunt tres tunicæ, extima, intima, media, quarum vna pati potest, illæsis alijs; hæc agere, vacantibus illis: quamvis hac re dissimiles, quòd ab invicem non separantur.

Vetus Astronomia solidos & planè adamantinos orbés alios alijs superinduit, qua nullum nobis corpus est conspicuum, tota regio sic perspicua, ac si vacua esset.

esset. Non indignabitur igitur, nos in globis, qui sunt corpora conspicua & palpabilia, simile quid fabricari

Nonne ille ipse, cujus jam fecisti mentionem, axis turbinationis, exterioris crustæ corporum planetariorum, munus hoc sustinere posset, declinandi motum planetarum ad latera?

Magnâ sanè verisimilitudine nititur ista causa, ut libris VI & VII. in explicatione Theoriæ Solis & Sphæræ Octavæ dicendum erit: certi tamen nihil potest afferri de omnibus; quia etsi credibile diximus, etiam reliquos primarios turbinari circa suos axes corporum; oblique tamen, in quas vergunt seu declinant hi axes, nobis sunt incognitæ: quare in sola tellure habemus exemplum. Et Luna, secundarius, non turbinatur; cum tamen conficiat suas latitudines.

Quomodo præstari hoc potest, Et limites excursuum recedant in antecedentia?

Pars aliqua hujus apparentiæ lib. VII. excusabitur t accidentaria, non ut physica vel realis. Quod verò de hoc motu residuum & reale est, id præstatur nubarum latitudinis succedaneo in antecedentia: ut maneat quidem in plano vno & eodem, in toto suo circuitu exactissimè, ipsæ verò super corporis sui globosi centro (h.e. globus ipse) latenter secundùm has fibras inclinentur retrorsum.

Quibus ex causis oritur hæc reclinatio?

Hactenus quidem causarum plerarumque allatarum evidens erat verisimilitudo: in hoc ultimo agmine rerum Astronomicarum agrè succedunt causæ, laboratque cum n. ens, tum maximè fides eorum, quæ quis comminisci possit. Dicamus tamen quantum invenire pos-

re possumus. Fibrarum latitudinis naturam consistere diximus in aptitudine ad motum prorsum, in plagam directionis suæ parallelæ: diximus etiā, dum ex loco quī planetam habet sub ecliptica, scilicet 602, ex CE, transferuntur in locū excursus longissimi in Boream vel Austrum, in D & E, interim illas manere parallelas, eāque ratione fieri, ut cum illic in CE, tangerent orbitam, hic jam in DF, in profundum versus Solem demergantur, quorsum motus ille non tenditur, ad quē inclinatæ sunt: quin potius tunc flumen motorium ex Sole, ut sic dicam, in transversas AB, angulis rectis incurrit, celerius inferius (scilicet apud A in situ F & apud B in situ D) quam superius & exteriùs. Si ergo sunt inclinatæ ad motum, quid mirum, si hæc inclinatio parte inferiori plagam motus appetens, derogat nonnihil parallelitati, idque in utroque limite. Ita sequetur retrocessus limitum quippe nulla existente compensatione. Nam apud F protruderetur A viam EAC: apud D protruderetur B viam eandem CBE: ita utrinque B inclinabitur in papyro dorsum.

Quod si hæc causa non admittitur, ergo anima motrix arceatur, quæ nucleum internum in crusta exteriori suis legibus torqueat, hoc consilio Opificis ut innexione mutua orbitarum vnus ex alia, crebrâque earum multiplicatione & condensatione, successu sculorum soliditas aliqua orbicularis permearetur: Planeta.

Quare tardior est retrocessio limitum, quam progressio Apsidum?

Et si res ipsa circa Mercurium in dubio est, etiā circa Iovem nonnihil sequamur tamen probabilitate propter exemplum Lunæ evidens, dicamusque causas hanc: quia magni motus sensibilibior necessario fit turbela, si qua sit, quam parvi, ab eadem extranea causa. Iam transpositio Apsidum oritur ex motu magno, quod est, inclinatio & reclinatio fibrarum in quolibet sem-

circulo tanta, quanta est æquatio optica, fieretque maior, & omninò totalis, si non præveniretur circumductione globi planetarij. At transpositio limitum fit per motum parvum, excursus ad latera paucorū graduum, & qui suo hoc modulo non est major, ut incusare nihil possit, quo impediatur. Quare iidem Solis radij, motum utrumque impellentes, legibus jam explicatis, evidentiores illic habēt effectus, quàm hic. Accedit, quòd illic majori cum discrimine agunt radij Solis, quàm hic, cæteris paribus. Illic enim radiorum Solis ad fibras obliquitas, quæ in latum tendit, seu angulus latitudinis, quo debilitatur ipsorum opus, sensibilis est: hic discrimen inter partes globi planetarij, & sic inter terminos fibrarum latitudinis, proximum Soli, & remotissimum ab eo, cui discrimini transcripsimus motum Limitum, valde exilis est: jure igitur etiam opus hoc ipsum minus est illo.


V. De duplicatis Lunæ inæqualitatibus, earumque causis.

Num ea, quæ hætenus disputata sunt de causis, quibus primariorum motus veri tripliciter inæquales reddantur, etiam de Luna, secundario planetâ, sunt intelligenda?

I. Omninò quidem Luna circa Terram eandem in genere formam motus æmulatur, quam observant primarij circa Solem, eoque etiam easdem in ejus corpore causas statuere debemus, fibras nempe Magneticas, tractumque earum rectilineum, & plagas hujus tractus contrarias, vnam plagam Terræ amicam, adterfam inimicam; tractum denique hunc fibrarum sibi ipsi per totum Lunæ circuitum propemodum parallelum;

lum; vt translata Lunâ in locum oppositum, fiat permutatio plagarum & secundum amicam attrahatur Luna à specie corporis Telluris, secundum inimicam verò repellatur; eâq; ratione motus ejus etiam in longum vel incitetur vel remittatur: itemque alias fibras corporis oportet concipere, quibus Lunę conficiantur digressiones ab Ecliptica.

In prasenti schemate sunt expressi situs aliquot Terra cum circumjecto cælo luna, circa Solem euntis; & in cælo



Luna, situs aliquot ipsius Luna circa terram euntis. Imago verò lingula magnetica, significat fibras in globo Luna magneticas, quibus Luna circa Terram fit eccētrica. Nam micro A.B.C.D.E.F.G. significat plagam, Terra amicam, & vergit in longitudinem mediam secundam. Itaq; Luna ad A.G. sita est medio loco inter perigeum & apogæum,
ad

ad B. Q. D. est paulo ante Apogaeum, ad C. paulo post Apogaeum, ad E. F. paulo ant perigaeum.

2. At cùm hic Lunæ motus circa Terram, vt supra est explicatum, a duobus veluti fontibus derivetur, nimirum & a volutione diurnâ Terræ, quæ est meditullium cœli parvi Lunæ, & a volutione Solis, circa suum axem, qui Sol meditullium est Orbis magni, communis Telluri & cœlo Lunæ: rationabile equidem erit, vt verus & realis Lunæ motus circa Terram (etiam in quantum mente remouetur ab ipso communis illa & toti cœlo Lunæ accidentaria circumlatio circa Solem) duos veluti fontes habeat, patiaturque omnes affectiones illas duplices, quas habet motus primariorum singulas. Atque id egregiè consonat experientiæ & scitis artificum, & vocabulis ipsis ex hac duplicatione ortis. Non tantum enim in superioribus, pro eo quod erat in primariorum aliquo, motus medius solitarius, in Luna fuit & medius & variatio semimenstrua hujus medij: sed etiam hoc loco, cùm agitur de motus hujus inæqualitate periodicâ, quæ non est semimenstrua vt variatio, sed menstrua, seu potius semestralis: deprehendimus pro simplici alicujus primarij, duplicem Lunæ intensionem & remissionem motus medij in contrarijs periodi momentis; denique pro simplici primariorum digressionem ad latera, etiam duplicem.

*Quam causam habet Luna Eccentricitas,
sua quantitatis?*

In Harmonicis demonstro, varietatem motuum Lunæ determinare præcisè diatessaron; quod affinitatem habere videtur cum Quadris & Copulis Lunæ. Vt igitur hoc intervallum representari posset composito motu: tanta est facta Eccentricitas.

Quodnam discrimen deprehenditur inter communes illas Lunæ cum planetis, & inter has Lunæ proprias inæqualitates?

1. Quemadmodum motûs Lunæ circâ terram in superioribus duo veluti elementa fuerunt, alterum ex Tellure volutâ circum axem, alterum ex applicatione luminis Solaris ad hanc Telluris speciem motricem, quorum illud liberum erat à Lunæ phasibus, hoc alligatum ad phases: sic nunc etiam duarum inæqualitatum, prior quidem illa, prioris elementi seu motus medij accidens, metas suas proprias habere deprehenditur, quas Apogæum Lunæ dicemus: habet & prima forma digressionis ad latera suas, easq; distinctas ab Apogæi metis, quas Limites & Nodos appellât: posterior verò inæqualitas, posterioris elementi, seu copularis incitationis accidens, Ptolemæo Annutus Epicycli dicta, communes cum mense lunari phasibusque metas habet; ut & secunda forma digressionis ad latera.

2. Prior illa tam longitudinis quàm latitudinis, semper constans est per omnes periodos, quantitatis sc: perpetuò ejusdem: posteriorum vtraque in vno tantum vniuscujusque semestris mense fit maxima, in reliquis minor, in quibusdam, qui annum in duas partes dirimunt, penè nulla; nimirum vbi affectiones oppositæ, hujus secundæ accelerationis & retardationis, item Borealis & Australis latitudinis, incipiunt migrare in semisses Lunationum contrarios.

3. Itaque priores illæ inæqualitates, & quantitatem & distributionis leges à suis proprijs causis habent: secundæ verò, suas accipiunt quantitates & affectiones, à præsentia primarum in vno quolibet lunationis semicirculo; solas distributionis leges separatas, adque lunationum circuitus accommodatas, prioribus tamē similes habent.

4. Cognatum & hoc est, quod deprehendimus in Lunæ motum apsidum in consequentia, limitumque

in antecedentia, multò celeriore, quàm in primarijs; non tantùm in proportionem celerioris reditus Lunæ, sed planè sensibiliter; & limitum quidem retrocessionem ampliùs quàm duplo tardiorum progressu Apfidum.

Luna non cernitur alternis nunc hanc nunc oppositam corporis partem ad terram convertere: semper enim easdem faciei Luna maculas conspiciamus. Quare hinc non poterunt peti causa accessus & recessus Luna à Terrâ?

1. Non est necesse, ut fibræ magneticæ lunares in duobus oppositis periodi temporibus rectâ dirigantur versus Terram: sufficit ut ijs momentis saltem inclinatae sint alternis plagis versus terram, isque fibræ situs toto Lunæ circuitu maneat parallelus. Nam etiam sic fieri potest, ut nunc vna fibræ plaga propiùs ad Terram annuat, nunc opposita. Hæc verò inclinatio si parva sit; jam visus noster non est tam accuratus, ut in disco Lunæ exactissimè possit observare, nunquàmne in marginibus globi Lunaris, qui spectant versus polos Eclipticæ, particulæ aliquæ minutæ sese conspiciendas exhibeant, quæ alio tempore non videantur. Nam & devexæ sunt illæ partes globi, & tenuissimæ apparentiæ, & deficit crebrò marginis nunc hujus, nunc illius illuminatio, propter vultus lunaris inconstantiam.

2. Iam dudum reliquimus in incerto, annon sit globus intra globum, ut nucleus intra corticem, diversæ ab illo conversionis; quod cum exempla Telluris, tum etiam ipsius latitudinis motus suggerunt. Itaque posset talis interior globus varias alternis plagas ad Terram tendere; non obstante, quòd exterior crusta maculas semper easdem ad Terram vertit. Inter hæc enim & similia incertum, quis omninò modus sit hujus motionis; solùm illud est certissimum, quicumque modus est, accommodatum esse ad causas physicas &

magneticas, hoc est corporeas & sic geometricas : quæ
 luum exempla hîc utrobique proposuimus.

*Num igitur secunda ista longitudinis ina-
 qualitas verè est à secunda aliqua Eccen-
 tricitate, seu digressione Lunæ à Terra, non
 minus quàm prima suam à mutatione in-
 tervalli causam habet?*

Non : repugnat observatio parallaxium Lunæ,
 junctâ contemplatione Eclipsium; & conspirant ratio-
 nes proportionis corporû à priori, primâ hujus quarti
 libri parte propositæ. Sed & hoc arguere possit, planè
 nullam fieri mutationem intervalli ad phases alliga-
 tam; quòd, dum Artifices alij alios circa hanc hypothe-
 sin corrigunt, semper minor minorq; quantitas est ef-
 fecta hujus mutationis. Ptolemæus enormem statue-
 bat; quam redarguit Regiomontanus; dimidiavit Co-
 pernicus, exque forma Eccentrici, in formam Epicycli
 secundi transposuit: hanc rursus corripuit Tycho Bra-
 heus, parte æquanti circulo vindicatâ, quem ipse cum
 Copernico per Epicyclium duplicati motus excusare
 est solitus : Ego intervalla Copularia permutavi cum
 quadrarijs, circuitus ex mense in annum transposui:
 posterioribus verò temporibus his inventionibus inni-
 xus, tandem deprehendi, mutationem intervallis, per
 phasium quidem circuitiones, omninò nullam fieri.

*Vnde igitur est secunda illa & ad phases
 alligata acceleratio & retardatio.*

Ex diversa habitudine eccentrici Lunæ ad phases.
 Dum enim simplici & perpetuò vniiformi Eccentrici-
 tatis lege circumit Terram, motorem suum, quo modo
 quilibet primariorum Solem circumit; fit per accidens,
 ut ab altero sui motus promotore, qui accelerat illam
 in copulis, distet aliâs aliter. Nam si longius ejus inter-
 vallum à Terra, incidit in Copulas, vbi maxima est ac-
 celeratio; tunc species telluris diffusiori orbe explicata

in

in vna copularum debilitatur, non tantum in nativo suo & archetypico vigore, sed etiam in ascititia illa sui confortatione ex Sole. Vicissim, si longius hoc intervallum Lunæ & Terræ competit in quadras, vbi nulla est acceleratio; tunc nullius vigoris ascititij, nullum etiam est damnum, nullum in brevi intervallo perigæo lucrum.

In Sch. fol. 610. depicti sunt in globis Terra & Luna, circuli illuminationis, & videntes partem illuminatam ab obscurâ. Cùm autem Apogæum Luna, per totum annum, & sic per omnes situs cæli Luna, hæreat in eodem signo, hoc est, fibra VV. F. maneant ferè parallela sibi ipsis toto circuitu: Terra verò cum cælo Luna, transeat de signo in signum, fit & fibra ad circulos illuminationis (qui sunt extensi secundum circulum Soli concentricum, representantem lucis densitatem in longum) applicentur aliàs aliter, & vides in arcubus D T. EV. FVV. GX. AO. BP. Idem igitur fit etiam punctis apogæi & perigæi Luna, & quæ semper vergunt in loca, quadrante distantia a loco vel plagâ mucronis A, B, Q & c.


Quid si longius intervallum versus Solem tendatur? Num etiam sic debilitabitur motus? Atqui tunc Luna in densiori luce decurrit,

Nimirum, hoc est, quod suprà cavimus. Lumen enim Solis non movet seipso, sed per speciem corporis Telluris, cui leges & modos operis sui transmittit. Quemadmodum igitur plagam motus suprà non lux dedit, sed species corporis Telluris, alicubi planè contrariam plagæ, in quam Sol movetur circa suum axem: sic nunc etiam confortatur motrix ex Terra species, secundum proportionem suæ nativæ fortitudinis, tenuiter, qua tenuis est, in longiore sc: sui distantia à Tellure ut fonte; fortiter qua fortis, in breviori distantia à Terra: quæcunque jam sit varietas distantiae Lunæ à Sole:

vt de cuius compensationibus suprà dictum est in *Variationis* causis.

*Quis est modus huius æquationis menstrua,
cùm est maxima, & quæ ejus modi
causa?*

Tycho Braheus facit eam æqualem parti physicæ æquationis periodicæ solutæ, secundùm meâ formam: quia cùm periodica tota sit Grad: 5. ferè, dimidium ego vindico causæ physicæ, omnibus planetis vñitata, sc: Grad. 2. 30 *pr.* tantam igitur etiam Synodicam exhibet Braheus; quasi species motrix corporis Telluris præcisè duplo fortior in propinquo, debilior in longinquo,



fieret, per hanc à lumine corroboracionem, atque tunc est, cùm est sine ea. Id, si quæsitum quid est, causam nul-
lam

iam habere posse videtur, quàm hunc ipsum respectum æqualitatis, vt simplicissimæ proportionis, eòq; & pulcherrimæ.

Ptolemæus verò modum exhibet paulò maiorem, & omninò tantum, quantam nos suprà ex appendice Gr: 132. 45 *pr.* ad Synodos 12, colligebamus vnus quadrantis Variationem, sc: Gr. 2. 41 *pr.* Quòd si tenendus est modus & quantitas ista vtròque; tunc causa à consilio ad necessitatem geometricam transferenda videtur: quòd scilicet augmentum intervalli, hoc est, Eccentricitas, penitus exhauriat, quod incitatio ex lumine in illa copula dederat; vicissim verò in copula alterâ, detracta de intervallo Eccentricitas, tantundem adjiciat celeritati, quantum etiam illa lucis incitatio effecit.

Ita in mense, qui caret æquatione Synodica, quando scilicet in hoc Schemate Apogæum est in EF, perig: in IK. partes incitationis luminaris in vtraq; copula sunt æquales, quia & intervalla Lunæ & Terræ in vtraque copula, vt AC. AH. sunt illo mense equalia: in succedentibus mensibus, oriente paulatim inæqualitate intervallorum in copulis (vt si L Apogæum esset, N perigæum, tunc certè AC distantia major esset, quàm AH) oritur etiam aliqua æquatio menstrua, quæ semper in EF, IK fit toto illo mense maxima: deniq; in illo mense, in quo est plena æquatio synodica (vt si Apogæum in CD) incitatio in CD copula est nulla, in alterâ GH, dupla, incitationis in mense prius dicto: tunc in F. K. quadris, maxima est omnium, quæ toto anno esse possunt, æquatio: at in G proximè perigæum, æquatiuncula minimæ partes fiunt quatuor, 1. Optica, vt in planetis. 2. Physica vt in Planetis. 3. Variatio ex lumine. 4. Ejusdem intensio ob diminutum intervallum: quarum partium inter se proportio est necessitatis geometricæ: at summa ex omnibus quatuor conflata, sic est attemperata consilio, vt motus iste Lunæ perigæus GH in copula, ad motum Lunæ apogæum CD in quadra, se haberet vt 4 ad 3, essetque Harmonia Diatessaron.

Mmm s

Quam

Quam verò ob causam fiat, vt cum sint inter se nulla necessitudine deuineta duo ista. 1. modus incitationis copularis. 2. modus eccentricitatis; eccentricitas tamen præcisè deleat incitationem, in copula apogæa, dupliciter in perigeæid inquam ad huc dum non potui investigare.

Quam tradis causam probabilem tanta celeritatis Apfidum, limitumq; Luna: si priorum planetarum Apfides & limites sunt incomparabiliter tardiores?

Nimirum hic quoque conspicuus redditur effectus compositionis virtutum motoriarum Lunæ. Sicut enim in superioribus vim simplicem Telluris attemperatam esse diximus ad numeros Harmonicos, in revolviendo quidem corpore Terræ circum axem, ad 360. dies perfectos; in circumagenda verò Luna circa terram, ad 12 præcisè menses in vno anno, seu reversione centri Terræ circa Solem: sic nunc etiam dicamus in inclinatione & restitutione fibrarum Lunæ, & quibus libratio, & quibus latitudinis deflexiones perficiuntur, proportionem eadem attemperatas esse vires earum simplices ad prolixitatem temporis Lunæ periodici; quæ observata fuit in planetis cæteris. Sicut verò supra propter accessionem adiumenti ex Sole tam ad globum Terræ turbinandum, quàm ad Lunam circumagendam, turbati fuerunt in effectu ultimo, numeri Archetypici: vt pro 360 fieret 365 cum quadrante, & pro 12. Lunationibus in anno, 12 cum triente circiter: sic nunc etiam propter ejusdem accelerationis Lunæ auctarium hoc ex illuminatione Solari, fit, vt prius Luna veniat ad latera media circuitus sui, quàm fibræ justo modulo inclinatae sunt; itaque loco profundiori, quàm quanta est quarta pars ab Apfide, fibra in Solem spectet: quo facto, transpositionem Apfidum fieri supra inculcavimus. Sensibilem verò admodum par est esse transpositionem hanc Apfidum, quia sensibile est illud auctarium

rium, sc. ferè 11. graduum: minorem tamen hanc, id est trium graduum, paulò plus, in mense. 1. quia illi gradus porissima parte accumulatur in copulis; fibræ verò sine copularum respectu plurimum inclinatur & reclinatur in longitudinibus medijs: itaque vt plurimum ab invicem aberrant æqualiū numeratione graduum affectiones (quo in nodo verisimile est adhuc aliquid abditum hæere, cuius ignoratione fiat, vt Lunæ motus nondum ad scrupulum exacti sint, ne in Tycho- nis quidem calculo.) 2. quia inclinatio fibrarum, non tantum prævenitur loco & tempore, sed etiam quantitate ob id ipsum multatur. Si enim tardius incessisset Luna, vel si tanta fieret etiamnum fibrarum inclinatio in Luna accelerata, quanta futura fuisset in tarda; longius etiam Apfides transponderentur. At fit acceleratione Lunæ, vt fibra obviet Soli prius, quam ad justum inclinationis modulum, originaliter sibi tributum, pertingat: quarum rerum permixtione fit, vt inter nihil vel insensibile, quod esset sine acceleratione Lunæ, & inter Gr. 11. quos causatur acceleratio, medium aliquid, scil. 3. Gr. cum quadrante in Apfidum motum reducet. Eadem dicta sunt de fibrarum latitudinis impulsione seu reclinatione: debuit enim ea esse insensibilis, vt in planetis primarijs, si Luna, vt primarij, simplici vi incessura fuisset. At quia acceleratoria vis, superveniens Lunæ, æstimata est 11. ferè graduum longitudinis effectui, quæ, si toto ambitu fibræ latitudinis incumberet, illas, vt contra se non munitas, totis 11. gradibus reclinaret; illa fibras nata tantum in Limitibus sibi obnoxias, vno tamen gradu cū semisse reclinat in vna periodo: quam reclinationem sequitur præcessio limitum.

Veruntamen cū de quantitativis & proportionibus binorum istorum motuum, altero apsidū, altero limitum Lunæ, constet exactè ex observatione tot jam sæculorum: superest etiamnum locus ingenio. Nam qui causas harum rerum tales attulerit, vt ex ijs sequatur hæc ipsa quantitas, is currū circa metam agat. Id tanto magis

magis anniti debent Philosophi, quòd Luna præter tot alia experimenta, etiam in hac quæstione, nostra magistra est ad cognitionem cœlestium acquirendam, præluceque exemplo sui, naturæ planetarum omnium.

Quaratione fit, ut Luna præter consuetas latitudines periodicas, excursus etiam synodicos in Boream & Austrum faciat?

Vis illa luminis, confortans speciem Telluris, Lunæ motricem, sicut plagam motus & proportionem operis sui mutuatur ab ipsa, quam cõfortat: sicut etiam transit in ipsius orbitæ ingenium, causâ longitudinis, pro mutæ applicationis modulo; sic idem etiam facere statuenda est, causâ latitudinis. Facilitabat motum in longum, quia extenditur ipsa in longum: facilitabit igitur etiam motum in latum, quia & alteram latitudinis extensionem habet, hoc est, quia lux superficies est, densitatis particeps, ut sæpè ex opticis allegavimus. In copulis igitur fibrâ latitudinis orbitam tangente, & inclinata secûdum latitudinem speciei telluris, luminis ista latitudo sese speciei telluris applicans, faciliat excursus, ut fiant angulo majori, quàm quantum fibra cum plano Eclipticæ facit, eaque ratione sidus perveniat, in quadris, ad limites remotiores in Boream & Austrum, quàm quos monstrabat fibra ex copulis. Vicissim alio anni quadrante fibra latitudinis orbitam tangens in quadris, non accommodat se ad extensionem speciei lucis in latum, sed tenditur obvia Soli ferè, quemadmodum & ipsa orbita Lunæ. Sicut igitur ibi loci nihil facilitatur motus longitudinis à lumine, sed quasi asperatur: sic idem etiam redundat in excursum latitudinis, ut is non fiat major, quàm quo angulo fibra latitudinis inclinatur ad Eclipticam; ita non pervenit Luna in copulis ad limites remotiores, quàm quos monstrabat fibra è quadris. In limitibus verò versanti Lunæ quid accidat, aut quo vultu illam lumen Solis aspiciat quando

sc: fibra

sc: fibra latitudinis in Terram tenditur, nihil interest latitudinis. Nam nulla tunc est actio fibrarum latitudinis, in permutatione excursus cum recurſu: nulla igitur neque confortatio ejus à lumine: vt quod leges ſui objecti ſeq ui diximus.

Cum omnia in fibras globorum corporeas, inq, ſpecies immateriatas Solis & Terra corporum turbinatorum, deniq, in lumen Solis & confortantem cauſam, conſeras, animalibus facultatibus nihil relinquas: perinde videris philoſophari, ac ſi quis conſenderet, ſufficere Ventriculo fibras ſuas triplices, ad munia ſua, nec opus eſſe facultate animali?

Imò in corpore Solis admitto Animam, præfectam turbinationi Solis, totiusque motus Mundani diſpenſatricem: nec ſimpliciter libro I. negavi ne de corporibus quidem planetarum animas ſingulas, turbinationi quidem corporum præfectas. At quemadmodum necceſſe non eſt, animam peculiarem inducere in fibras ventriculi: ſufficit enim, vnā communem animam ex corde vel epate, per ſpeciem ſui, vel per calorem, excurre in ventriculum, ejusque fibrarum facultatibus vti: ſic etiam in mundo ſufficere videtur ſpecies iſta (vt lucis, vt caloris, ſic etiam, ſi placet) animæ Solaris, vnā cum luce & calore emiſſa, & penetrans eò etiam, vnde lux & calor excluduntur, ſc: in fibras corporum internas: vt ſicut anima in corpore, ſine ventriculi organo, ſic etiam iſta mundi anima, ſine his legibus & diſpoſitione corporum Geometricā, nihil poſſit.

Obſeruetur igitur ſtatus controverſiæ: longè namq; eſt aliud, omnem motus cœleſtis diſpēſandi rationem, quamvis contradictiones involventem, eòque impoſſibilem, revocare ſimpliciter ad vires occultas alicujus animæ, repudiatis inſtrumentis corporeis & modis omnibus, quos humana mens poſſit comminiſci; quod eſt

est omnis igvorantiæ κρησφύγεται, mors me-
 ra omnis philosophiæ, plerisque tamen qui de Astrono-
 micis scribunt vel loquuntur, vñtatissimum, partim et-
 iam in ipso Ptolemæo supra notatum : aliud etiam,
 prius omnia dispicere in corporibus, aptata ad motum,
 vt appareat possibilitas motuum, exemplis etiam po-
 pularibus; postea demum istis omnibus, veluti huma-
 no corpore ex omnibus suis musculis & nervis compa-
 ginato, superfunderè motricem Animam; quæ si qua
 munia corporeis instrumentis expedire potest; ad ea
 non opus habebit consilio & discursu, operibus intel-
 ligentis animæ proprijs: quemadmodum è contrario,
 si omnia consilio & discursu perficeret, corporeis istis
 instrumentis non indigeret.

Breviter, philosophi commenti sunt intelligentias,
 quæ motus cœlorum ex seipsis, velut ex commentario,
 depromant, quæ consensu, voluntate, amore, intel-
 lectione sui, denique iussu vtantur; mihi anima vel ani-
 mæ motrices sunt ex inferiori genere, quæ solum im-
 petum (veluti quandam motus materiam) afferant, v-
 niformi contentione virium, sine mentis ope; leges ve-
 rò (seu formam) motuum in ipsis inveniunt corpori-
 bus; mente quidem, at eâ non suâ sed Creatoris, in ipso
 mundi principio, semel conformatis, & ad tales
 motus efficiendos attempe-
 ratis.

LIBRI IV

Doctrinæ Theoricæ PRIMÆ
 seu Physicæ cœlestis

F I N I S.

Errata.

Folio 593. l. 12. 14. 18. pro semisse substitue Quadrantein. Fol. 595 596. Textum antiquum & optime delibatum pervertit nova & properata correctio: 1. Principium petitur. 2. Non est consiliū, quod fol. 594 lin. Sic fuit necessitatis: consensus librationis cum inclinatione. 3. Idem, causa non causa. 4. Aliud propositum lin. 3. à fine, aliud folio 597. demonstratum; illic ad Fixas respectum, hic ad Apfides. Causa vera restitutionis penè perfectæ, est necessitatis physicæ. Sive enim parallelæ maneat fibræ: sive inclinentur in vno semisse ab Apfide, deorsum, vt NQ, in altero, sursum; cum vtrunque perfecta sit compensatio, vt fol. 594. dictum; etiam sic fibræ in vtraque Apfide sunt invicem parallelæ; restitutio igitur perfecta.

Ergo fol. 597. falsum & contradictorium proponitur, aberratio librationis ab inclinatione: Potius causa hac fuit dicenda, qua sine fol. 593. insinuat. Sol enim in superiori quadrante PN paulo minus inclinat, in inferiori NR paulo plus reclinat; si quidem fixæ terminos figant quadrantibus. Cum igitur in R. puncto fixarum, terminus Solis per A G, iam sit supra ST, Vicinior igitur adhuc Soli, adhuc igitur planeta adnavigat: quare ultra R. fixarum, erit R. apsis perigæa Si latitudo planeta huius res causa est: aliter illa explicanda erit, quam fol. 598 & bi lin: 4. pro apfides æge, longitudes mediæ, quia in l. 6e, P non est Nodus sed Limes. Nec sufficit in locum respicere, causamq, stans Apfideis hanc dicere; quia Apfis in Limite: oportet & hoc explicare: quare progressus Apfidum in planetis ceteris inæqualissimarum periodorum sit propemodum aqualis sub fixis. Rectius igitur a l. 7. in 17. vna liturâ facta, duas alteras Romana curia N. L. transmittimus ad posteros.



Epitomes
ASTRONOMIÆ
COPERNI-
CANÆ

*Vsitatâ formâ Quæstionum & Respon-
sionum conscriptæ,*

LIBRI V. VI. VII.


Quibus propriè

DOCTRINA THEORICA
(post principia libro IV. præmissa)
comprehenditur.

AUTHORE

IOANNE KEPLERO.

Cum priuilegio Cæsareo ad Annos XV.



FRANCOFVRTI,
Sumptibus Godefridi Tampachij.

ANNO M. DC. XXI.

THE

LIBRARY

OF THE

UNIVERSITY OF CHICAGO

1891



A D M O D V M

REVERENDIS; ILLUSTRIBVS, GENEROSIS; NOBILISSIMIS STRENUIS; &c. Dominis, Archiducatus Austriae supr-Anisanæ Ordinibus, &c.

Dominis meis gratiosissimis.



OST quadriennium ab editione primæ partis Astronomiæ Copernicana, quæ doctrinam sphericam libris tribus explicatam continet; post annum ab edito libro quarto, quo physicam cœlestem, seu Principia Doctrinæ Theoricæ de motibus planetarum tradidi: sequitur tandem aliquando Pars Theorica, speculatiua; sic dicta à Theoriis, hoc est instrumentis manuariis, in quibus ceu speculis motus singulorum planetarum representantur.

E P I S T O L A

Si temporis circumstantias respicio, sera est oppido proh dolor editio ista postquam bello coorto perniciosissimo cætus discentium quibus ista scribuntur, vel dissipati sunt turbis bellicis, vel attenuati emaciatique belli expectatione: postquam Austria, hætenusATRIX & benefactrix mea, durissimum in scopulum illisa, à decorum istorum tutela, ad seriam salutis suæ curam auocari videtur: postquam ipse quoque priuati meorum hostis atrocitate, domicilio meo Linciano excitus annum pene totum foris discursito.

*Si causæ tantarum morarum sunt dicendæ: non ego Curatoris supinitatem, quæ inde ab editione spherica doctrina tenet hucusque, non belli vel incumbentis incommoda, vel imminentis metus allegabo: beneficium est non culpa, quod hætenus impedita fuit hæc editio. Quid igitur causæ dicam, quo tuear existimationem meam, crimenq; negligentia diluam? Nosti mores mulierum, inquit Comicus, dum moliuntur, dum comuntur, annus est. Atqui si cui noti sunt mores Astronomiæ, dicere is poterit, nullam se vnquam nouisse neque cunctantio-
Quod*

D E D I C A T O R I A.

Quod nisi hoc temporis fuisset interpositum, quo consilia mea maturitatem suam consequuta essent: in periculo res versabatur, ne delictula illa, fastidito omni mundo, novos sumptus, nouum ornatum efflagitaret. Multa scilicet monuit computatio Ephemeridum, multa editio librorum Harmonicorum, intermedii temporis opera: ut quamuis pleraque quæ ad sex planetas pertinent, iam ante annos duodecim in Commentariis Martis vel constituta, vel saltem affecta essent; quamuis inde transsumpta, inque formam institutionis composita iam à septem annis haberent in scriniis meis, operas expectantia Curatoris & Chalcographi: quotiescunque tamen illa relegeram, vel augmentationibus, vel dilucidationibus, vel transpositionibus textus, necessitas imponeretur nouæ descriptionis. Ita factum, ut de primo exemplari, ne vestigium quidem superesset in eo, quod exhibitum est Chalcographo. Iam quod lunam, planetarum ultimum, attinet; quando primum ego animum ad editionem huius Epitomes adieci; nullâ illius singulari curâ tenebar, propterea, quod iam extarent Tythonis Brahei suppositiones de Luna; quæ verò

E P I S T O L A

in genere poterant inueniri equipollentia, quibus etiam huius planetae motus adeò multiplices, ad causas meas physicas traducerentur; illa quoque extabant adumbrata in Commentariis Martis; & perculsa ulterius in Hipparcho meo. Erant autem eiusmodi, ut duplicem in Luna circulum, Eccentricum utrunque, supponerent rem physicis speculationibus inimicissimam, adeoque intolerabilem. His fundamentis innixa est computatio Ephemeridum; è quarum Præloquiis apparet, semel atque iterum mutata esse formam calculi; quippe fluctuante, passimque impingente assensu.

Hac cruce denique liberauit Astronomiam præcipua speculationum mearum felicitas mense Aprili Anni 1620. cum cōsideratis attentius causis physicis, appareret, superuacuum esse alterum Lunæ Eccentricum, adeò ut ne quidem imaginatione illius, quantum ad longitudinis motus, opus esset amplius. Iamque tempus erat, ultimum colophonem imponendi libro quarto Epitomes, qui est de principiis doctrinæ Theoricæ; quo factò ad editionem illius operam transtuli, media inter arma Bauarica, crebrosque morbos & mortes tam militum quam

D E D I C A T O R I A.

quam ciuium. Quin etiam Ephemeris in annum 1621. computata statim fuit ex hoc simplici Luna Eccentrico, iussusque prologus, more cæterarum mearum Ephemeridum, significare gaudium meum publice super triumphato altero Luna Eccentrico. Verum itineris mei necessitate prohibitus Ephemeridem illam hæcenus edere non potui.

Iam quod hanc ultimam Epitomes partem, tribus libris comprehensam, attinet: etsi post editum librum IV. domo absum, nec parum temporis itineribus, curisque forensibus infuso: potiori tamen temporis parte mihi licuit interquiescere: atque illam omnem ego in curam huius editionis impendi. Tubingam ut veni exeunte anno 1620. nouam Hypothesium lunarium rationem expositurus Mæstlino, cæpi quæstiones, ut de cæteris planetis, sic etiam de luna ex hypothesi physicâ, tandem inuentâ, conscribere.

Mox ut Ratisponam ad familiam redii: easdem reuidi, describendasq; dedi. Interim libri VI. partem ultimam, hæcenus dilatam (quod speraretur facilis, interq; correctiones typi concinnari posse videretur) nunc aggressus, & ipsam

E P I S T O L A

deprehendi laboriosam, non tam difficultate, quàm multitudine & varietate quæstionum, & curâ methodi. Monachii breue mihi tempus constitutione antiquarum Epocharum & computatione Eclipsium intercessit. Statimque, ut Tubingam redii, etiam partem libri VI. quartam, de Luna, repetito labore interpolandam vidi; proptereà, quòd definitiones verbis conceptæ, vim Hypotheseos meæ physicæ nondum exacte repræsenterent.

Postremis mensibus Maio & Iunio Stuccardia postremum libellum dedit: qui quidem etiam in postremâ curarum parte habebatur hætenus: proptereà quòd parum Astronomis liqueret de motibus octauæ spheræ: quæ verò dici de hac materia possent, pleraque in Commentariis Martis, in Epitomes libro III. dudum edito, inque Chartis aliis essent à me conceptæ. Multa tamen, occasione conuersationis cum Mæstlino, veteri duce meo ad capeßendum hoc iter Astronomia Copernicana, multa per lectionem librorum, quos hætenus in Austria nancisci non poteram, inciderunt; quæ nisi hucusque dilata fuisset editio, necessariò prætermittenda fuerunt.

Interim

D E D I C A T O R I A.

Interim & litore conspecto navigationis huius, sine scilicet operis, & submissa Lincio pecuniâ recreatus, tuæ Ad. Reuerende D. D. Antoni Prasul in Krembsmunster benignitatis, & fidei argumento, & denique induciis fori, magno quidem meo dolore, interpositis, Iunium itineri Francofurtano & curæ typi dedi. Atque hic rursum dum moliuntur operæ, dum commun- tur pagellæ, diagrammata, formæ; mensis est: & hac sideria Matrona, quam hætenus vul- tu & nutibus, morositatem est testata; eam nunc demum postquam ad typum ventum, iurgiis, & probris verborum, & tantum non manibus telisque sancit exercetque.

Hanc igitur vobis Ad. Reuerendi, Illustres Generosi Domini, aduocatam sisto causa, quæ mihi ex dilationibus editionis huius tam diu- turnis nasci posset; cum hac transigite: huius di- cacitatem si vos experti fueritis audiendo, non facile ab eo, qui rem sibi cum illa probat esse, temporis rationes scrupulosius exigetis, præser- tim si temporis & operæ precium demonstrare possit.

Atq; ipse quoq; vestigia diuinæ prouidentia, cui equidem artes istas (diuinorum scilicet Ope-

E P I S T O L A

rum praconia) cura esse credo, in defessa prosecutus indagine, postquam, quid utilitatis hauserit libellus ex morâ istâ temporis ad mentem reuoco; non terreor aduersitatibus vestris, Proceres, quæ interea vos & prouinciam miseram vel sunt adorta, vel imminere porrò videntur: quo minus & pensum meum absoluam & promissum vobis in dedicatione Sphærici libelli impleam, & debitum reddam, quippe de vestro salario hætenus victitās: spero namq; superesse tantum de misericordiae diuinæ thesauris; ut sedata hac horribili procella, dissipatis nubibus, solem seriò pœnitentibus iterum lucere, pacem reducere, locumq; aliquem his pacis artibus ut quarum elaborationem procurare non desinit, in Austria quoq; superesse, & in illa numerum aliquem eorum qui ex his artibus laudes Dei Creatoris sui addiscant colligi porrò quoq; velit: quibus libellum hunc profuturum spero: continet enim primam velut adumbrationem tabularum Rudolphi, numerosq; vero propinquos, in quibus pro veris suppositis disciplinæ huius amâtes sese interim exerceant, dum Rudolphinæ ipse, limatis omnibus, inq; abacum coniectis & ad vsum promptis instructæ prodeant. Quin etiam

D E D I C A T O R I A. ¹

iam ad externos si qua ex meis libris redibit utilitas, uti sunt quidē non in Germania tantum, sed etiam in Regnis & Prouinciis circumiacentibus plurimi, qui eos Francofurto petunt: illos par est ex hac meā dedicatiōe intelligere se quicquid huius est, vestra quoq₃, Procere liberalitati, qua non interruptā me per hac difficilima tēpora fouistis, acceptum ferre debere: quo intellecto, ut quisq₃ est in Mathematicas artes propensissimus, in Deū deuotissimus, in gratitudinem, virtutum Coronam, studiosissimus: ita frequentissimē vota sua ad Deum misericordissimum cum meis coniunget: ut sedatis bellorū tumultibus, resarcita vastitate, extinctis odiis, pax aurea reuersa, Serenissimi Potentissimique D. Ferd. II. Roman. Imperatoris Augusti Domini nostri, Imperium serenet, prouincias Maiest. S. omnes, imprimis Austriam supr-Anisanam, fecundo Gratiae suae imbre refocillet: vobis deniq₃ Ad. Reuerēdi, Illustres, Generosi, Nobiles, Strenui Procere, incolumitatem, valetudinē, opes, dignitates, ad suam gloriam, ad Ecclesiae conseruationem, ad Imperatoris gloriosissimi imperiū exornandum ad patriae salutē, ad artium deniq₃ quibus diuini Nominis bonos continetur, cul-

tur am

EPIST. DEDIC.

*turam necessariam, in multos annos proferat
atq; firmet. Valete, Proceres vestrumq; Clie-
ntulum, corpore diutiusculè absentem, animo ad
quævis obsequia præsentissimum, commenda-
tum habete. Francofurti Calendis Iulii Anno
M. DC. XXI.*

Reu. & Ill. DD. VV.

deuotissimus Ma-
thematicus

IOANNES KEPLERVS.

EPITO.



EPITOMES ASTRONOMIÆ COPERNICANÆ LIBER V.

Theorica Doctrina secundus.

DE CIRCVLIS ECCENTRICIS, seu Theoriis Planetarum.

*Si nullos statuis in cælo solidos orbes, etsi omnes Planetarum motus administrantur facultatibus naturalibus, qua sunt ipsis Planetarum corporibus insita: quero igitur, qua futura sit astronomiæ ratio: videtur enim illa circulatorum & Orbium imaginatio-
ne carere non posse?*



LECTORVM illa circulatorum & orbium inutili suppellectili carere facile potest: at verarum figurarum, in quas ordinantur itinera planetarum, imaginatione tantum abest, vt priuemus Astronomiam: vt veri astronomi præcipuum opus & labor sit, demonstrare, ex obseruationibus, quas figuras obtineant Orbitæ planetariæ; talesque comminisci Hypotheses, seu principia physica, vt ex

iis figuræ demonstrari possint, consentientes cum deductis ex obseruationibus. Semel igitur stabilita figura Orbitæ Planetariæ, in posterum secunda iam & magis popularis erit astronomi exercitatio; calculum astronomicum per hanc genuinam figuram informare, & regere, vel etiam illa figura in materialibus instrumentis expressa non secus, quam solidis antiquorum Orbibus uti, planetarumq; cursus per has figuras oculis subiicere.

Quam igitur tradis materiam libri quinti, seu Theorica doctrina secundi, & quo discrimine illam separas à præcedentis quarti & sequentis sexti materiis?

Haftenus, libro quarto, Principia physica motuum (inter cætera) sunt demonstrata rationibus & experimentis: Quintus ex hisce principiis phycis formabit figuras Orbitalium planetariorum, earumque figurarum potestates explicabit; ubi erunt excutiendi reconditissimi Geometriæ penus. Sextus vero vsum harum figurarum in Theoriis singulorum Planetarum docebit, & in opus producet. Quartus igitur theoriam habet, Quintus organum, Sextus Praxin: Quartus phycus erat, Quintus est Geometricus, Sextus erit proprie Astronomicus.

Quot sunt partes libri V.

Duæ, in prima Eccentricus cum suo Plano, connectuntur cum causis phycis: in secunda traduntur Definitiones terminorum Astronomicorum qui occurrunt communiter in omnibus planetis, circa eccentricum hunc, & explicatur ratio calculi quoad hanc partem.

Qualis igitur formatur figura orbita planetaria ex principiis quarti libri phycis?

Si planetæ corpus non haberet fibras Magneticas,

vt secundum plagam illarum vnâ in Boream eliceretur, secundum alteram in Austrum; secundum vnâ plagam traheretur versus Solem, secundum reliquam expelleretur: tunc Sol gyratione corporis sui circa suū axem circumferens speciem sui corporis immateria- tam per amplissima Mundi spacia, Planetam illâ ap- prehensum vnâ circumferret, & 1. siquidem ille ini- tio constitisset sub Ecliptica, totum eius itēr exactissi- me in planum Eclipticæ ordinaret. 2. eoque in id- ipsum punctum, vnde factum est initium, semper re- stitueret. 3. idem esset & corporis Solis, & orbitæ planetariæ centrum. 4. Ipsa figura orbitæ, circulus esset absolutissimus. 5. planeta in æqualibus huius circuli portionibus omnibus, æqualissimâ celeritate veleretur.

Sed quia posuimus, in cuiuslibet planetæ corpore duplices inesse fibras: fit igitur permixtione faculta- rum corporis planetarii & virtutis motricis solaris, vt 1. planeta describat Orbitam ad Eclipticam obli- quam: & quia fibræ latitudinis fere quidem in paral- lelo situ manent toto circuitu, non tamen omnino, quin potius paulatim post multas gyrationes infle- ctuntur: ideo 2. planum comprehensum orbitâ pla- netæ, proxime quidem est planum perfectum, non ta- men omnino; quin potius peracto vno reditu cen- trum planetarii globi non exacte restituitur ad suum initium, sed nouum circulum decurso & absoluto cō- nectit, in modum circulorum dierum naturalium, de quibus libro tertio, fol. 291. vel in modum fili, quod vermis sericus fundit domunculam sibi circumiiciens & struens, ex plurimorum circulorum connexorum implexione: Qua etiam ratione efficitur vt longissimi excursus ad latera, non omnibus sæculis sub iisdem locis Zodiaci fiant. Et quia fibræ libratorix planetam faciunt altrinsecus à Sole trahi, è regione verò pelli; ideo planeta 3. describit orbitam circa solem qui- dem, at non vt circa suum centrum, hoc est à Spole Ec-

centricam: efficiturque hac ratione 4. non perfectus circulus, sed à lateribus, paulo angustior & compressior nimirum figuræ ellipticæ. 5. Ob eandem causam, & quia species corporis solaris, motum planetæ concilians in ampliori circulo tenuior & imbecillior est, planeta neque eiusdem celeritatis esse potest in omnibus orbitæ partibus, sed tardus in longâ distantia à sole, velox in parua. Deniq; quia etiam fibræ librationis situ suo parallelo, plurimarum reuolutionum successione mouentur, ideo etiam loca sub zodiaco, quibus planetæ fiunt altissimi tardissimique, non semper manent, sed paulatim succedunt in consequentia.

Perplexam descripsisti figuram itineris Planetarii, nec aptam quæ oculis, præsertim in plano subiiciatur?

Et si hoc verum est, non nouum tamen est in Astronomia aut priuatum Copernici, nec opus est omnia simul in eodem plano repræsentari, sed possunt perplexiones illæ, ortæ à tardissimâ translatione metarum latitudinis & altitudinis, eadem dexteritate secerni, qua vsi sunt veteres Astronomi, minori tamen apparatu.

Quomodo veteres se creuerunt istas translationes, latitudinum & altitudinum?

Commenti sunt pro latitudinibus Orbem vnum, deferentem Nodos, extremum totius Theoriæ planetariæ; pro altitudinibus verò orbes duos, inæqualis crassitudinis vtrumque, quibus nomen dederunt Deferentium Auges.

Quare iis vtendum non censet?

Quia magis ad physicas rationes motuum imaginationi subiiciendas comparati fuerunt, quam ad Astronomicas. Itaque eorum vsurpatione stabilirentur illæ

illæ physicae opiniones falsæ, de soliditate orbium, vicissim obscurarentur iis sententiæ veræ de causis libro 4. demonstratis, harum inæqualitatum, earumque transpositionis tardissimæ.

Quid ergò tu his tribus veterum orbibus substituis ad subiiciendas imaginationi rationes Astro-nomicas?

Sufficit, vt duas lineas rectas ex centro Solis educa-
mus, alteram per sectiones orbitæ planetæ cum eclip-
tica, reliquam per centrum orbitæ planetæ propri-
um, vtramque vtrinque vsque sub fixas, & illius mo-
tum sub ecliptica in antecedentia signa, huius sub cir-
culo, qui in sphaera fixarum superstat orbitæ, motum
in consequentia doceamus, æquabilissimum vtrum-
que illum ab æquinoctiali puncto medio, hunc à lineâ
illâ intersectionum. Nisi hic excipiendum fuerit ali-
quid libro 7. ex eo fundamento, quod etiam ecliptica
luxatilis est, nec semper per easdem omnino fixas ten-
ditur.

*Separatione hac facta, quid remanet imaginationi no-
stræ, de figura itineris planetæ?*

Remanet orbita perfecte elliptica plano mero re-
gularissimo ad eclipticæ planum constantibus angu-
lis inclinato, à quo Eclipticæ plano hæc orbita seca-
tur lineâ per cœtrum corporis solaris ductâ vt fol. 599.
libr. 4. præmissum. In hac orbitâ planetâ vehitur, in-
æquali per partes celeritate, restituitur verò ad sectio-
nes, adeoque etiam ad æquinoctialia puncta, quin et-
iam ad fixas, adque lineam per centra, æqualissimis
temporum periodicorum mensuris, quantum in se.

*Nihilne peccat hac imaginatio in causas & mensuras
motuum vnius periodi physicas?*

Nihil penitus, dummodò memoria teneamus, ea
quæ à reali implexione & connexionem plurium Orbi-

tarum sunt ablata per dictas duas lineas, physice non per illas ipsas, sed per inclinationem fibrarum realium corporis planetarii præstari.

Quo iure hanc quoque partem facis Copernicana Astronomia; cum tamen is author manserit in sententia veterum, de perfectis circulis?

Fateor formam hanc hypothesium non esse Copernicanam. At quia pars ista de Eccentrico seruit Hypothesi vniuersali, quæ motu Telluris annuo, & quiete solis vitur: fit igitur à potiori denominatio. Adde quòd ista particula Hypotheseos, necessariis argumentis physicis ex illa quiete Solis & motu terræ, dogmatibus Copernicanis, nectitur; itaque bono titulo etiam hæc ad Copernicum referri possunt.

Qua methodo incedendum: ut demonstretur, ex causis physicis libro IV. stabilitis oriri talem figuram Orbitæ, tantamque, per partes eius, celeritatem planetæ?

Incipiendum nobis est ab Accessu & Recessu Planetæ à sole, primumq; constituenda est mensura geometrica fortitudinis virium, quæ exseritur in planetam librandum in quolibet situ fibrarum: secundò expedienda est etiam mensura geometrica compèdiosa effectus attractionis vel expulsionis, qui toto aliquo arcu Orbitæ per omnia virium incrementa fuit accumulatus. Tertio demonstrandum est, ex tali libratione inter circumeundum peracta, oriri figuram orbitæ ellipticam. Quarto ostendendum est, planum Ellipsis exhibere mensuras temporis & morarum, quas planeta consumit in quolibet arcu figuræ suæ Ellipticæ. Quinto docenda est æquipollentia inter planum circuli & planum ellipsis, quoad hanc temporis mensurationem. Vltimo denique demonstrandum erit, circumductione fibrarum latitudinis sic comparata, vt
libro

libro 4. positum est, inniti æquabilitatem plani orbitæ. Quibus demonstratis, securus redditur curiosus Astronomus (popularibus enim non est opus libro nec 4. nec prima hac parte quinti) de hac parte calculi motuum, quam pars altera 5. expedire, & liber 6. applicatione huius orbitæ ellipticæ eiusque plani ad orbem magnum in vsum proferre docebit.

I.

DE INCREMENTO LIBRATIONIS.

Incipe à primo, & dic, quibus principiis formetur seu determinetur modus incrementi librationis in omni situ planeta?

DVæ causæ concurrunt, ad formationem huius incrementi, Actiua, & Passiua. Actiua, est modulus virium libratoriarū, respectu sui ipsarū, quantus is inuenitur in vnâ qualibet particularum æqualium orbitæ eccentricæ. Passiua, est dispositio corporis planetarii ad solem alia atque alia; quæ non omnis recipit seu admittit totum illum modulum virium, sed quælibet suam propriam portionem.

Quid metitur igitur modulum ipsum virium ad librandum planetam?

Tria ista: primo distantia arcus orbitæ à sole, secundo quantitas huius arcus; tertio tempus, quod planeta consumit, dum versatur in illâ particulâ.

Quid confert viribus libratoriis, distantia arcus & in eo planeta, à sole?

Quæ est proportio distantiarum, contraria est proportio tenuitatis speciei solis, quæ vna & eadem & circumfert, & librat planetam, nunc attrahens illum nunc repellens, vt lib. 4. dictum fol. 526. Itaque quanto longius distat particula à Sole, tantò imbecillius quouis temporis momento planeta in eâ versans libratur. Hoc nomine solo, sol absumeret in diuersos interque se æquales arcus eccentrici, vires inæquales.

Quid efficit quantitas particula seu arcus Orbitæ?

Quia in longum arcum profunditur multum virium, parum in breuem: æqualibus igitur arcubus positis, hoc quidem solo respectu vires debentur æquales.


*Quid præstat tempus ad augmentum virium seorsim,
& quid omnes tres causa iunctim?*

Cum planeta, vt lib. I V. fol. 527. 533. ostensum quo longius à sole distat, hoc diutiùs moretur in æqualibus Orbitæ particulis, hoc diutiùs etiam sentiat vim morricem solis, quanta est in illius particulæ distantia: & verò iam dictum sit, quo longius à sole distet vna quælibet particularum æqualium orbitæ, hoc imbecillius etiam in illâ planetam librari: quare quo imbecillius libratur in vno momento temporis, in quavis æqualium orbitæ particularum: tantò diutiùs etiam & versatur & libratur in illâ. Cum ergò compenfet virium imbecillitatem prolixitas temporis, quo planeta vires illas in se experitur, idque in eâdem vtrinque proportionem, earundem scilicet distantiarum à sole: hinc tandem efficitur, vt in particulas Eccentrici æquales, modulus etiam virium libratoriarum exferatur à sole quidem, & respectu ipsius, vt Agentis, æqualis penitus. Vide fol. 527. 580. schemata.

*Iam igitur dic mensuram portionis, quam de modulo
solarium virium admittit in se planeta in quouis situ suo ad
solem.*

Attendendus est angulus, quem solis radii faciunt cum fibris globi planetarii Magneticis. Huius enim anguli sinus complementi metitur hanc virium portionem admissam. Cum enim causæ librationis effectrices sint, solis radius, & fibræ magneticæ corporis planetarii, duæ lineæ physicæ; mensuram quoq; fortitudinis librationis ab angulo inter has lineas, eiusq; sinu peti par est.

Vt si sit *A* Sol, *I. E.* centrum corporis planeta, *R. P.* linea ducta per *A.* Solem & centrum Orbita *B.* erunt *EG. IH.* fibra magnetica in *RP.* propemodum perpendicularares (saltem compensatione semicircularum considerata) & *H. G.* termini Solipeta. Positum est exim libro quarto folio 583. Fibras in circumlacione corporis manere sibiipsis propemodum parallelas & in *P. R.* nullam occasionem exhibere tractus vel repulsa, quia ibi loci utriusque termini,



& solipetis & solifugis aequaliter ab *A.* Sole distant; in locis verò intermediis, ubi termini solipeta vel solifuga rectâ in solem spectant, librationis vigorem esse omnium maximum. *AE.* & *AI.* sunt solis radii. Ducantur *ED.* & *IO.* linea ipsi *RP.* parallela, & in illas perpendicularares ex *F* & *C.* punctis, in quibus radii solis secant circulos globi planetarii medios, sintque *CL.* & *FK.* Hic anguli radiorum solis cum fibris sunt *AEG.* *AIH.* angulorum complementa *CED.* *FIO.* seu arcus *CD.* *FO.* & horum sinus *CL.* *FK.* qualium *IH.* vel *EG.* est sinus totus 100000. Statuitur igitur, sicut se habent *EG. IH.* ad *LC. KF.* sic esse totum modulum virium ex sole in *I.* vel *E.* presentium, ad portionem, quam admittit planeta in sitibus fibrarum *EG.* & *IH.*

Quare sinum potius mensuram statuis, quàm anguli vel arcus complementum ipsum?

Quia fibra quaelibet magnetica quamvis in globo corpore insit, non est tamen circulus, sed recta linea physica; q̄ fortissimè operatur (vel ad patiendū tractum seu ad vires radii solis in se admittendas fortissimè est disposita.) cum rectâ in solem dirigitur: vel quod idem est, cū est in planum illuminationis circuli (quo finitur pars globi soli obuerfa,) perpendicularis: cū verò

in illud planum est obliqua, æquipollet perpendiculari à sui termino in illud ductæ, vt breuiori. Sic solis radius, secundùm calefactionis opus consideratus, quando recto angulo ferit planitiem, fortissimè calefacit: quando verò obliquis, iam calefacit minus, in eâ mensurâ, quantò quâ oblique radius minor est ducta ex sole perpèdicularis in idem planû (continuatû.)

Pulchrior erit consideratio ista: si perpendas, totum globum ex meris fibris constare, quarum longissimæ sunt, quæ insunt in circulo globi maximo, breuiores, quæ in lateralibus. Hoc pacto non tantum EG. vt IH. fibra erit; sed etiam quos tetigimus sinus, LC. & KF. signatos à radio solis AE. & AI. in terminis suis C.F. ii sunt fibræ laterales. Quantò ergò minores sunt CL.FK. quàm GE.HI. tanto minus virium ex radio solari, admittit in se vna quælibet fibra totius corporis, ob hanc ipsam obliquitatem radii solis in se. Ita radius ipse solis, designando fibram lateralem, designat sinum, qui est mensura portionis, suæ virtutis, in eas receptæ.


Præterea omnis motus naturalis vel artificialis, in quem vel eadem vel analoga concurrunt principia, dispensatur per sinus angulorum: præcipue verò & euidentissimè, motus vel nisus brachiorum in libra & staterâ. Cùm igitur etiam hæc libratio sit inter motus naturales latiori significatu (quippe potentia librans speciei solaris, est dimensionum particeps & quodammodo, sine tamen materiâ, corporalis; dispositio verò fibrarum in planetâ, rursus est corporalis) non est absurdum, etiam hanc librationem accipere leges easdem cum librâ & staterâ. Id tantò magis verisimile, de libratione versus solem, quòd ipsa etiam promotio planetæ in longum suæ orbitæ, causâ intensiōis & remissionis, velocitatis scilicet & tarditatis, eiusdem libræ vel stateræ leges imitatur: vt lib. I V. dictum

folio 533. & 500. infraque pluribus
fiet euident.

*Compara hanc librationis velocitatem cum
rationibus libra?*

Linea ex Sole in fibras, habet se instar manubrii in libra, fibræ instar brachii libræ; plagæ fibrarum, instar lancium: & quod sunt in lancibus pondera, hoc sunt in Planetâ, Attractus ad Solem, vel repulsio ab eodem, & vtrumque quidem ex eodem rerum genere. Nam vt sol trahit planetam: sic terra trahit corpora, ob quem tractum, corpora dicuntur grauia. Sol quidem planetam trahit ex vnâ plagâ, pellit ex alterâ, & hoc secundum magis & minus: terra verò sine discrimine situs, trahit pondera. Quod igitur est in librâ ponderum inæqualitas: id est in planeta, situs fibrarum ad solem diuersitas: Vbi, planeta idem repræsentat vtrumq; libræ pondus. Et quemadmodum in librâ, pondus grauius descendit ad terram, leuius ab eâ discedit, ascendens: sic in hoc negocio, totus planetæ globus sequitur affectionem

plagæ præpollentis. Vt, si plaga familiaris plus trahitur à Sole, planeta totus accedit ad Solem: sin plaga inimica plus pellitur: totus planetæ globus à sole expellitur. Igitur etiam mensura, quâ pugnant inter se pondera libræ, dominabitur in huius attractionis & expulsionis dispēlatione. Iam verò in librâ, ponderum victoria æ-



stima.

stimatur sinu complementi anguli, qui est inter manubrium & brachium ponderis leuioris, vt probabitur. Quare etiam in libratione corporis Planetæ versus solem, passio plagæ de fibra, soli propioris, vincet passionem plagæ aduersæ, in proportionem sinus complementi anguli, qui est inter radium solis & fibram. Victoriæ verò effectus, in motu quidem Planetarum, est fortitudo librationis, cuique loco competens. Hęc igitur fortitudo, seu natum ex illâ librationis incrementum, æstimabitur similiter sinu complementi anguli ad fibras. Sit AD . manubrium seu iugum, eique æqualia AB , AC , brachia in eadem rectâ BC . H . sit pondus leuius, dependens à B , I , pondus grauius, à C dependens. Quanta igitur est longitudo brachiorum BC . tantam habent altitudinem pondera (qua potestate sunt in B . C . punctis) de quâ inter se contendunt: Sit ea DE . Nam si pondus maius totum assem vinceret; brachium BA iungeretur manubrio DA , & maius pondus C , esset in loco altitudinis E . eleuaretque minus ad vsque summum fastigium D . sed quia non totum assem vincit, ducta igitur à fine brachii B . in manubrium DA . perpendicularis BF . ostendit, quod pondus B . tollatur per partem altitudinis FA . & tantum etiam C . pondus deprimitur, scilicet per AG . Vt igitur est DF . ad FE . sic est pondus H . ad pondus I . & vt FE . ad FG . sic pondus I . ad excessum suum super H ; & vt DE . ad FG . vel DA ad FA . sic summa ponderum ad excessum. At si BA . statuitur esse sinus totus, FA . erit sinus anguli FBA . qui est complementum anguli FAB .

Eodem modo si EA . sit radius solis, BC . fibra magnetica corporis planetarii. H . vel B . vigor expulsionis minor, I . vel C . Vigor attractionis maior, quippe C . soli propius accipitur quàm B . tunc si BA . refert attractionem valentissimam, angulo BAD . nullo; AF . representabit tractionem, angulo BAF . vel GAC . existente.

Applica hac etiam ad rationes statere?

Statera ratio est eadem, hâc solummodò diuersitate, quod

te, quòd in librâ quidem iugum A. est medium inter extremitates brachiorum B. C. ac proinde pondera inæqualia effecerunt, vt BC. non maneret parallela Horizonti: in staterâ verò ponderum linea manet Horizonti parallela, sed iugum diuidit longitudinem brachiorum non in medio sed propius grauiori ponderi, sic vt brachia permutatam habeant proportionem ponderum.

Vt si manubrium libra DA. sit æquale brachiis BA. AC. statera sic formabitur, pondera ista ex B. C. dependentia suspensura ad æquilibrium Horizontis. Ex D perpendicularis in BC. ducta, qua sit DK. erit manubrium: & brachia BK. KC; & vt DF prius ad FE. sic hic BK. ad KC. Tunc vt BC. minus brachium ad KC. maius, sic pondus H. minus ex C. suspendendum, ad pondus I. maius ex B. suspendendum.

Monendus est lector, difficilem esse experimentationem mechanicam; quia mechanicè caueri non potest pondus & crassitudo ipsorum brachiorum: debent autem geometricè constituere meram lineam sine pondere & latitudine. Cui impedimento, quomodo ex parte occurrendum, videatur in Archimede.

Teneo mensuram fortitudinis, seu incrementi librationis in quolibet situ fibrarum corporis planeta, petendam à complemento anguli fibra cum radio solis; quia verò difficulter patescere videtur hic angulus, eò quòd non tantum corpus continue transfertur de loco in locum, sed etiam eius fibra inclinantur; mensura hac incerta eoq; inepta videtur ad vsum?

Imò propter hanc ipsam inclinationem fibrarum, angulus iste in arcum orbitę potest conuerti, vt ex hoc arcu prodeat idem sinus eadem scilicet mensura; quâ ratione ad vsum illa fit accommodatissima.

Doce & demonstra hanc conuersionem anguli dicti in Orbitam?

Memineris initio, cum planeta est in Apfidibus, hoc

II.

DE SVMMA LIBRATIONIS

PERACTÆ.

Teneo mensuram incrementi, vel vigoris librationis ad quoduis momentum: velim verò scire mensuram partis de libratione peracta à principio, usque ad illud momentum.

EA habetur ex eiusdem arcus de orbitâ confecti sinu verso. Nam sicut se habet tota longior diameter Ellipsis ad librationem totam, seu quod eodem redit, semidiameter orbitæ ad Eccentricitatem, sic etiam se habet sinus versus cuiusque arcus de orbita ab Apfide incipientis, ad partem librationis quæ interim conficitur dum planeta percurrit arcum illum.


Quo medio demonstratur hoc?

Mediante illâ ipsâ mensurâ incrementorum librationis, iam modò suâ demonstratione munitâ.

Sit enim circulus perfectus PD. cuius centrum B. sitque A. sol, linea Apfidum PB. AR. & P. R. summa & ima Apfis & AB. Eccentricitas, eiusque duplum PB. sit libratio tota. Diuidatur iam circulus in partes æquales minimas, initio à P. factò: sintque PK. KG. GD. DN. NS. SR. & à diuisionibus hisce ducantur ipsi P R. perpendiculares KX. GF. DB. NA. ST.

Igitur per præmissa ut sinus KX. ad GF. DB. NA. ST. RR. (punctum vice linea.) sic sunt inter se librationis incrementa, ipsis arcubus PK. KG. &c. respondentia; puta PM. ad MI. IF. FQ. QV. YB. quod verum est eo respectu, quo respectu intelligitur fieri diuisionis infinita, quando KX. & RR. æquales intelliguntur esse. Cum igitur puncta P. M. I. F. Q. V. B. ponantur discriminare dicta librationis incrementa; transponantur ea in suas quaque distantias planeta à sole A Centro scilicet A. intervallis AM. AI. AF. AQ. AV. scribantur arcus: ML. IH. FE. QO. VT. ut sic Orbita planeta

planeta Elliptica descendere intelligatur ex P. per L. H. E.
O. T. in R. erunt distantia planeta à sole AP. AL. AH. AE.



AO. AT. AR. arcuum verò dictorum PK. PG. &c. sinus
verserunt PX. PF. PB. PA. PY. PR. Dico totam Diametrum
PR. ut sagittam arcus PDR. se habere ad totam libratio-
nem PB. sicut sagitta singulorum arcuum, se habent ad in-
crementa librationis singula, scilicet PX. ad PM. sic PF. ad
PI. sic PB. ad PF. sic PA. ad PQ. sic PY. ad PV.

Nam positum est librationis partes PM. PI. &c. esse in
proportionibus sinuum KX. GF. &c. Iam verò etiam totius sa-
gitta PR. partes PX. PF. &c. sunt in eadem proportionibus si-
nuum KX. GF. &c. & cum eadem conditione divisionis in-
finita: ubi (non minus, quàm prius) punctum R. sustinet vi-
cem lineæ RR.

Ergo permutatim partes librationis in eadem proportio-
ne respondent partibus sagitta: & per consequens, qualibet
portio librationis tota à principio P. respondet sagitta sua to-
ti, in eadem proportionem.

Vnde

Vnde scimus partes PX. XF. diametri PR. ut sagitta considerate, esse in proportionem sinuum KX. GF. qui eas determinant?

Demonstrauit Pappus, Mathematicarum collectionum libro V. Prop. XXXVI. Si sphaericum, quod intelligatur sub PGZ. planis parallelis quocunque vt KW. GZ. &c. secetur, superficiei sphaerici & axem sectionum, vt PR. secari in proportionem semper eadem: vt sicut est superficies sphaerica KPW. ad portionem axis PX. sic etiam sit superficies KW. ZG. ad portionem XF. & sic de cæteris.


Atqui si sphaerica superficies intelligatur diuisa in zonas infinitas aequalatas, erit qualibet zona puta KW. vel GZ. ut circulus aliquis latitudine carēs. Sed circuli KXW. GFZ. sunt inter se, causâ longitudinis, ut eorum semidiametri KX. GF. &c. quare etiam portiones axis PR. respondentes, puta PX. XF. tuebuntur proportionem sinuum KX. GF. quibus determinantur.

Demonstrationem eiusdem theorematis per numeros & anatomiam circuli, vide tentatam in Comment. Martis, capite LVII. Ibi loci videbatur hæc proportio nonnihil deficere, quia Pappum nondum legeram. Sed causa fuit, quia primam sagittam sumpsi arcus non satis parui; quod perinde est, ac si in Pappo diuideres superficiem sphaericam in partes non minutiores, quam vnius gradus latitudine. Tunc enim minimæ zonæ latitudo necessariò prodiret dupla eius, quod verum esset.

Et si arcus circuli PK. KG. & reliqui sumpti sunt aequales, at arcus vera orbita PL. LH. &c. aequales esse, non videntur, sed versus E. maiores: nihilne hoc turbat demonstrationis certitudinem?

Nihil. Nam quod arcus versus E. sunt maiores, id

tribuendum est his ipsis librationibus, vt infra apparebit: idē verò sibi ipsi nec causa solitaria nec concur-



rens causa esse potest: vt omittam, quod turbela, si qua etiam esset admittenda, plane futura esset insensibilis.

III.

DE FIGVRA ORBITÆ.

Video mensuram librationis inesse in sinibus versis arcuum orbita ab Apside inceptorum, ex principijs & causis motuum assumptis: superest, vt probes: hac librationis formā constitui orbitam ellipticam, de qua dixisti testari observationes?

Ellipsin fieri orbitam planetæ PLHEOTR & oppositam, demonstratur à proprietatibus identicis huius figuræ; quas proprietates exprimit libratio hætenus tradita.

Quæ sunt Ellipseos Identica Proprietates?

1. Constat ex Apollonii Pergæi Conicis, Ellipsin, cui

huius circulus est circumscriptus, communi diametro, qui est ellipseos longior, secare ordinatim applicatas ad illam Diametrum, in eadem omnes proportionem segmentorum:

Ut si sint ordinatim applicata ad PR. lineæ KX. GF. DB. NA. SY. siquidem linea curva PLHEOTR est ellipsis, oportet esse ut DB. ad BE. sic GF. ad FH. & KX. ad XL. sic etiam NA. ad AO. & SY. ad YT.

2. Habet ellipsis duo puncta, ex quibus illa veluti centris describitur, quæ Focos appellare soleo. Lineæ igitur ex binis Focis ad quodcunque punctum ellipsis aut etiam ex vno foco ad opposita ex centro ellipsis puncta ductæ, semper iunctæ sunt æquales diametro longiori: Vnde fit, ut cum ducuntur ad illa puncta ellipsis, quæ sunt in Diametro breuiore media inter vertices, quælibet illarum æquat semidiametrum circuli:


Ut si sit A. focus, B. centrum circuli. AB. BF. æquales erit F. focus alter: Et AH. HF. iuncta erunt æquales Diametro PR. Sic etiam AL. LF. & AO. OF. quare cum BE. sit semidiameter breuior, & E. punctum in ea; erunt AE. EF. æquales, & utræque æqualis semidiametro BP. BR. vel BD.

Hoc sic applicatur ad planetas; quod obseruationes testari diximus, planetas, tunc distare à Sole (Foco altero huius ellipsis) semidiametro circuli Eccentrici; cum Quadrantem orbitæ ab Apfide P. præcisè conferunt:

Demonstra, quod represententur hæ Elliptica proprietates in orbita planeta, qua ex illis librationibus nascitur?

Describatur igitur legibus hæcenus traditis noua figura, centro scilicet B. circulus PDR. quem tangere debeat ellipsis; cuius sit longior Diameter PR. & in eâ A. focus seu locus Solis: Agatur ipsi PR. perpendicularis per B. qua sit DT. erit in eâ diameter breuior. Et quia BA. eccentricitas est dimidium librationis, tanta igitur competet perfecto quadranti, Planeta igitur in lineam DB. incidens, distabit à sole

minus quàm in P. differentiâ BA. distabit igitur quâtitate BP. quare intervallum aequale ipsi BP. ex A. extendatur in



DB. sitque terminus eius E. Planeta igitur orbita secabit DB. in E. Rursum assumatur arcus circuli PG. eiusque sinus, seu ordinatim applicata GFZ. & sinus versus PF. Fac igitur ut BP. ad PF. sic BA. dimidiam librationem ad partem ipsi PG. competentem, qua ablata ab AP. residuum ex A. in G. F. extendatur, incidatque terminus in H. Dico ut DB. est ad BE. sic etiam esse GF. ad FH. Scribantur enim quadrata, super GF. quidem GIOF. super HF. verò HK. ut sit Gnomon HIK. deinde G. cum A. & cum B. connectatur.

Et ex *A*. perpendicularis in *GB*. continuatam exeat, quæ sit *AC*.

Dico initio, quadratum ab *AC*. æquale esse Gnomoni *HIK*.

Nam quia factum est, ut *BP*. ad *PF*. sic *BA*. ad differentiam linearum *AP*. *AH* quare etiam ut *PB*. ad *BF*. sic *BA*. ad excessum, quo *AH*. adhuc superat *BP*. At etiam ut *PB*. seu *GB* ad *BF* sic *AB*. ad *BC*. quia *GFB*. & *ACB*. rectangula æquales habent angulos *GBF* & *ABC* ad verticem. Ergo *BC* æquat portionem, qua *AH*. superat *BP*. at & *CG*. superat *BP*. hoc est *BG*. eadem portione *BC*. quare æquales sunt *GC*. & *HA*. Sed quadratum rectæ *GC*. unâ cum quadrato perpendicularis *AC*. iuncta æquant quadratum rectæ *GA*. Ex alterâ verò parte quadratum ab *AF*. cum quadrato ab *FG* iunctum æquant quadratum eiusdem *GA*. Ergo æqualia sunt duo quadrata, à *GF*. & ab *FA*. iuncta, iunctis quadratis à *GC*. & à *CA*. Æqualia igitur auferantur hinc quadratum ab *GC*. inde quadratum ab æquali lineæ *AH*. id est duo quadrata, & ab *AF*. & ab *FH*. scilicet *HK*. restat hic quadratum ab *AC* illic Gnomon *HIK*.

Hinc iam facile pertexitur reliquum demonstrationis propositæ.

Nam ut unus sinus *GF*. ad suam perpendicularem *AC*. sic omnes alii ad suas ex *A*. Ut igitur quadratum sinus *GO*. ad quadratum ab *AC*. id est ad Gnomonem *HIK*. ita omnium sinuum quadrata ad suos Gnomones: quare etiam ablati Gnomonibus ut unius sinus *GF*. quadratum *GO*. ad quadratum *HK*. ipsius *FH*. à distantia *HA*. planeta à sole, determinata, ita uniuscuiusque sinus quadratum ad minoris à sua distantia determinata quadratum. Quorum verò quadrata sunt inter se proportionalia, illa ipsa ut latera sunt proportionalia inter se. Ut igitur *GF*. ad *FH* portionem ab *AH*. terminatam, sic quilibet sinus, ut *DB*. ad *BE*. portionem à sua *AE*. determinatam: qua ratio est genuina ellipseos.

Alterâ proprietâ Ellipsis per se patet.

Ad præscriptum enim legum librationis (quia scilicet in

dicularis, vt AC. est medium proportionale inter GH. & HZ. residuum subtenſæ.

Nam Rectangulum sub GH. & HZ. æquale est Gnomoni HIK. Sed hic Gnomon est æqualis quadrato AC. Ergo & rectangulum GHZ. est eidem AC. quadrato æquale. Sunt ergo continuè proportionales GH. AC. HZ.

De longitudine huius Orbita Elliptica eiusque partium quid tenebo?

ſectis figuris circuli & ellipſis, per infinitas GF. DB. ordinatim applicatas, primæ portiones in P. deſinentes, (vt GP. ad PH.) erunt vt GF. ad FH. vltimæ in D. E. deſinentes vt GD. ad HE.) erunt inter ſe æquales; ita proportio DB. ad BE. incepta a P. paulatim obliteratur, inque D. E. in meram æqualitatis proportionem vanefcit. Integri verò arcus a P. incepti proportionem inter ſe habent compositam ex omnium minimarum particularum proportionibus omnibus, eoque nunquam penitus exuunt totam proportionem DB. ad BE. Nam quadrantes DP. ad PE. & ſic etiam tota circularis linea ad totam Ellipticam eſt vt DB. ad medium arithmeticum inter DB. BE. quod eſt paulo longius, quam medium proportionale.

Quia etiam plani Elliptici vſus erit; quero, in quâ proportionem ſit planum Ellipſis ad planum circuli; adeoque planum ſegmenti cuiusque de ſemicirculo, ad planum ſegmenti de ſemiellipſi ab eâdem ordinatim applicatâ facti?

Demonſtrat Apollonius in conicis, vbique obtinere proportionem diametri longioris ad breuiorem. Vt ſi ſint ordinatim applicatæ DB. GF. vt eſt DB. ad BE. ſic eſt area ſemicirculi PDR. ad aream ſemiellipſeos PER. & ſicut GF. ad FH. hoc eſt, DB. ad BE. ſic eſſe & ſegmentum ſemicirculi GPF. ad ſegmentum ſemiellipſis HPF. ſic etiam maius ſemicirculi ſegmentum GRF. ad maius ſemiellipſis ſegmentum HRF,

Secetur iam semicirculus per rectam GA semiellipsis vero per rectam HA . erunt triangula HAF . GAF . eiusdem altitudinis FA quare ut Basis GF . ad FH . basin: sic area GAF . ad aream FAH . Atqui ut GF . ad FH . sic etiam area GPF . ad aream FPH . Quare ut GF . ad FH . vel ut DB . ad BE . sic etiam composita area PGA . ad compositam PHA .

Velim denique scire etiam proportionem linearum ex centro figura in circumferentiam Ellipticam ad semidiametrum circuli?


Breuissima quidem, ut BE . minor est semidiametro BD . latitudine tota lunulæ DE . At reliquæ omnes, ut BH . minus a BG . semidiametro absunt, quàm est quouis loco latitudo lunulæ, ut GH .

Trianguli enim GH . BH . iuncta oportet superare tertium GB . Maior est igitur proportio defectus in E . ad defectum in H . quàm DE . ad GH ; hæc verò est sinuum DB . ad GF . Maior igitur est proportio defectus in E . ad defectum in H . quàm sinuum DB . ad GF .

Vicissim quadratorum GF . & HF . proportio est. Additis vero BF . quadratis dupla ipsarum GF . ad FH . ad quadrata GF . & HF . summa quadratorum constituunt proportionem minorem: quare & eorum latera GB . BH . minorem constituent proportionem quàm GF . FH . Quo maior igitur BF . hoc magis minuitur proportio GB . ad BH . ut non æquet GF . ad FH . Et vicissim, quo magis crescit PF . hoc magis etiam crescit proportio GB . BH . appropinquans proportioni GF . FH . Sed PF . crescit à P . tardè, propè DB . velociter. Ergo si GH . ubique maneret eiusdem quantitatis: tardè variaret defectum HB . circa P . velociter circa D . At non manet GH . sed crescit circa P . velociter; circa D . tardè, scilicet cum ipsis sinibus GF . DB . Rursum igitur defectus HB . crescit circa P . velociter, circa E . tardè. Minor igitur est proportio defectus EB . ad defectum HB . quàm sagitta PB . ad PF . sagittam Atque etiam arcus DP . ad PG . proportio maior quidem est, quàm sinus DB . ad sinum GF . minor vero, quàm sagitta BP . ad sagittam FP . Ergo proportio defectus linearum BH .

appro-

appropinquat proportioni graduum PG. Vergit tamen ver-
sus D. quidem ad proportionem sinuum DB. ad GF. at ver-
sus P. ad proportionem sagittarum BP. ad FP.



IV.

DE MENSURA TEMPORIS, SEV MO-
RÆ PLANETÆ IN QVOLIBET ARCV
orbitæ.


*Qua ratione planum Elliptici segmenti fit aptum ad
mensurandam planetae moram in illius
segmenti arcu?*

Non aliter, quàm si diuisione circuli in partes æ-
quales, constituantur arcus ellipseos inæquales,
& parui circa Apſidas, maiusculi circa longitudines
medias, in hunc modum.

Centro B. intervall. BP. scribatur circulus PDET. cuius diameter PBR. & in eo, ut in lineâ Apſidum, A. Sol,

fons motus versus R. AB. Eccentricitas, eique æqualis BV. versus P. ut P. R. sint Apfides.

Iam punctis A V. focus existentibus, scribatur Ellipsis, tangens circulum in P. R. quæ sit PERI. representans orbitam planeta: & sit diameter breuior E. I. circuli verò DT. ere Aa ad PR. ad angulos rectos.



Diuidatur iam semicirculus PDR. in partes æquales minutas, & sint P. O. N. D. R. T. signa inter diuisiones, ex quibus ducantur ipsi lineæ apsidum PR. perpendiculares, ut OM. NK. secantes Ellipsin in C. K. punctis. Connexis igitur punctis C. K. E. I. sectionum cum A. Sole, dico moram Planeta in arcu PC. mensurari ab area PCA. sic mora in arcu PCK. mensuram esse penes aream PCKA. & mora in PE. mensuram penes aream PEa. denique mora in PER. semisse Orbitæ ab Apfide P. ad apsidem R. mensuram esse aream PERP. quæ itidem semissis est area totius Ellipsis PERIP.

Ostende

Ostende quam in proportionem per hanc sectionem orbitæ planeta partes mediæ fiant maiores partibus circa apsidas?

In proportionem semidiametri longioris ad breuiorem.

Sint enim in circulo partes æquales PO. & ND. illa apud Apfidem P. hæc apud longitudinem mediæ D. Cum igitur eis respondeant de secta ellipsi, arcus PC. KE. iam supra dictum est, KE. esse æqualem ipsi ND (supposita diuisione minutissima) erit igitur KE. etiam æqualis ipsi PO. Amplius dictum est, sicut se habeat OM. ad MC. hoc est DB. ad BE. seu semidiameter longior PB. ad breuiorem BE sic se habere PO. arcum circuli, ad PC. arcum ellipsi: ut igitur PB. ad BE. sic etiam erit KE. arcus ellipsi in mediâ longitudine ad PC. arcum in Apside.

Quid sequitur ad hanc sectionem orbitæ ellipticæ in arcus inæquales?

Hoc sequitur, ut arcus orbitæ circa ambas Apfidas simul sumptis, minoribus existentibus, & arcus circa utramque longitudinem mediæ simul sumptis, maioribus existentibus, attribuantur pro mensuris morarum in iis, areæ æquales: cum tamen illi simul sumpti distent æqualiter à sole cum his simul scriptis.

Sint enim æquales ut supra, PC. & RG. erunt etiam æquales area PCB. & RGB. Sint itorum æquales KE. & LI. inter se, maiores verò prioribus ut iam demonstratum est; erunt etiam æquales area KEB. & LIB.

Iam verò demonstratum est, ut se habet PB. ad BE. sic se habere (in traditâ sectione orbitæ) KE. ad PC. Sunt igitur triangula BPC. & BEK. (rectilinea vel quasi: ut iam ostendimus, quia ut altitudo unius BP. ad altitudinem alterius BE. sic basis huius KE. ad basin illius PC. Quare area BEK. & BPC. sunt inter se æquales. Igitur & iunctorum BEK BIL. area sunt æquales areis iunctorum BPC. BRG. Sed BPC. BRG. iuncta sunt æquales iunctis APC. ARG. quia altitudines

dines BP. BR. æquales sunt iunctæ, altitudinibus iunctis AP. AR. Et BEK. BIL. iunctæ areae sunt æquales iunctis AEK AIL; quia super basibus EK. IL. seu earum continuentibus in E. I. triangula BEK AEK. item BIL. AIL. habent easdem altitudines BE. BI. & bases easdem, illa EK. hac IL. Igitur hîc area EAK. IAL. tribuuntur longis arcibus KE. LI. iisque æquales areae APC. ARG. tribuuntur brevioribus arcibus PC. RG. iunctis: cum tamen illorum distantia à Sole EA. AI. iuncta, sint æquales iunctis horum PA. AR. ut prius est demonstratum.

Si inequalibus æqualiter à Sole distantibus assignantur æquales areae: tempora vero seu mora inequalium, æqualiter à Sole distantium etiam inequalia esse debent, per axioma superius usurpatum: quomodo igitur areae æquales metientur moras inequales?

Et si hoc pacto bigæ arcuum sunt inter se reverâ inequales, æquipollent tamen æqualibus in participando tempore periodico.

Dictum quidem est in superioribus, diuisâ orbitâ in particulas minutissimas æquales: accrescere iis moras planetæ per eas, in proportionem interuallorum inter eas & Solem. Id verò intelligendum est non de omnimoda portionum æqualitate, sed de iis potissimum, quæ rectâ obiiiciuntur soli, ut de PC. RG. ubi recti sunt anguli APC. ARG. in cæteris verò obliquè obiectis intelligendum est hoc de eo solùm, quod de qualibet illarum portionum competit motui circa Solem. Nam quia orbita planetæ est eccentrica, miscentur igitur ad eam efformandam duo motûs elementa, ut hactenus fuit demonstratum, alterum est circumlationis circa Solem virtute Solis, vna reliquum librationis versus Solem virtute Solis aliâ distincta â priori. Ut in IL. termini I. & L. inæquales habent distantias ab A. fonte motus, continuata igitur AL. in Q. ut AQ. sit quantitate media inter AL. & AI. & centro A. interual-

lo AQ. scripto arcu QS. secante longiorem AI. in S. arcus quidem QS. est de priore motus compositi elemento, differentia verò inter AL. AI. seu LQ. & SI. iunctæ portiones, sunt de posteriore motus elemento, quod iam mente separandum est: nihil enim ei debetur de tempore periodico, cum iam in superioribus suam portionem acceperit, ubi de libratione agebatur, legibus aliis. Atqui nō aliā viā separari potest hoc alterum motus elementum, quàm sectione illa orbitæ in partes inæquales, quam supra tradidimus. Quantum enim excedunt iunctæ KE. LI. iunctas PC. RG. totum, id est, de posteriori motus elemento; & illo excessu separato, relinquitur de priori elemento aliquid quod est æquale iunctis PC. RG. quod sic demonstrō.

Quia enim AE. AI. per superius demonstrata sunt æquales ipsis BP. BR. quare scriptis arcibus per E. I. signa, quorū ill de areā AEK. tantundem absecat & excludit versus K. quantum iste ad AIL. adsciscit supra L. ut ita triangula (sectores verius) nouas has bases rectas nanciscantur loco basium obliquarum KE. LI. fiet ut areā, iunctis PCB. RGB. aquali, ad AE. AI. applicata, bases etiam seu arcus per E. I. scripti, fiant æquales basibus per PR. scriptis. Atqui prius est demonstratum iunctas areas KEA. LIA. esse æquales iunctis PCB. RGB. Quod igitur de obliquis basibus KE. LI. pertinet ad circumlationem circa Solem, id æquale est arcibus PC. RG. iunctis, ubi nulla fere miscetur ei libratio versus Solem, quia AP. AC. sunt in differentia insensibili, sic & AR. AG.

Eadem demonstrabuntur etiam de aliis particulis orbitæ: ut si sumatur CF. & continuatis CB. FB. in G. & H. adiungatur respondensei GH. punctaq; quatuor cum A. fonte motus connectantur. Nam demonstratū est in superioribus, iunctas CA. AG. necnon & iunctas FA. AH. æquales esse iunctis PA. AR. seu PR. diametro longiori; quare etiā, ut prius area ACF. AGH. iuncta erūt æquales iunctis BCF. BGH. & per has, iunctis APC. ARG. quavis CF. per institutā sectionis
rationem

rationem euaserit paulo longior, quam PC . & GH . longior
quàm RG . Arcus enim noui. centro A . interuallis AC . AG .
scripti, & secantes ipsas AF . AH . iuncti aquabunt arcus
 PC . RG . quia quanto ille maioris circuli arcus est quam
iste, tanto minorem ille angulum CAF . metitur, tanto hic
maiorem GAH . ut sic semper iuncti anguli CAF . GAH .
maneant æquales iunctis PAC . RAG .

Cum igitur æqualitas alterius elementi in motu
planetæ, scilicet promotionis circa solem, consistat in
æqualitate angulorum circa A . Solem, binorum puta
iunctorum inuicem: sit verò inter arcus, qui subten-
dunt hos angulos, distributa Ellipseos area æqualiter,
binæ scilicet areæ, binis aliis semper sint æquales: Re-
cte igitur (hactenus quidem & in quantum de bigis
arcuum agimus) area pro mensura temporis constitui-
tur: quippe etiam moræ temporis æqualibus, non o-
mnimodis arcubus, sed eorum promotionibus circa
solem, in eadem à sole distantia, debentur æquales.

Sit igitur hoc pacto recte distributa area ellipseos inter bigas
oppositorum arcuum: demonstra nunc, singula triangu-
la seorsim singularum morarum esse mensuras
iustissimas?

Demonstratio facilis est ex præmissis.

Nam quia secundum axioma nostrum mora planeta in
arcu PC . est ad moram in arcu æquali RG . sicut distantia
illius à fonte motus AP . ad distantiam huius AR . Est verò
etiam area trianguli PCA . ad aream trianguli RGA . (quod
basin RG . habet æqualem basi prioris PC .) ut altitudo illius
 PA ad altitudinem huius RA . quare mora planeta in arcu
 PC . est ad moram in æquali arcu RG . sicut area trianguli
 PCA . ad aream trianguli RGA .

Eodem modo demonstrabitur etiam mora planeta in CF .
potestate æquali ipsi CP . esse ad moram eiusdem in GH . sicut
est area ACF . ad aream AGH . ubi summa utriusque area,
æqualis est summa priorum, & sic consequenter. Tota igi-
tur area Ellipseos secta ex A . in triangu-
la, eadem proportio-

ne distribuitur inter arcus, qua etiam totum periodicum tempus inter eos est distributum. Triangula igitur singula iustissima sunt in proportionem mensura singulorum suorum arcuum.

Demonstratio huius plenaria aequipollentia traditur in Commentariis Martis Cap. LIX fol. 291. cuius folii linea Pfs longiorem unica uocula erit obscuritatem magnam induxit, quam si mutaueris in computaretur; omnia erunt planiora. Quanquam fateor, obscurius ibi traditam, plusque opera natum ex eo, quod distantia ibi non ut Triangula considerata sunt, sed ut numeri & linea.

V.

DE AEQUIPOLLENTIA PLANI CIRCULARIS ET PLANI ELLIPTICI IN
mensurandis moris arcuum.

Durum & insolens quinetiam intricatum esse videtur negotium, ut calculator in computatione temporis redigatur ad planitiem figurae Ellipticae?

IMò usurpatione plani circularis loco Elliptici, fit omnium opinione facilius; aded ut vetus calculus huic nouo in facilitate nequaquam comparandus sit.

Demonstra planorum aequipollentiam, causa mensurandi temporis?

Repetatur igitur figura pag. 662. exhibita, qua generationem plani Elliptici demonstrauiamus.

Es quia haecenus hoc est demonstratum, quod sicut se habet semissis temporis periodici; quo planeta peragrat semissem orbita PER. ad tempus quod planeta consumit in PH. vel in PE; sic etiam se habeat ad unguem area PER. ad aream PHA. vel PEA. supra verò hoc etiam est demonstratum, quod area PDR. sit ad PER, ut PGA. ad PHA. & ut PDA. ad PEA. omnium enim erat proportio eadem, qua

DB. ad

DB. ad BE. eoque etiam permutatim sicut se habet area PER. ad PHA. vel PEA. sic etiam se habeat area PDR. ad PGA. vel PDA. sicut igitur se habet semissis temporis periodici arcus PER. ad tempora arcus PH. vel PE. sic se habet area PDR. ad PGA. vel PDA. Quare in his segmentis plani semicircularis inest exactissima mensura Morarum, quas planeta necit in uno quolibet arcui Ellipsis.

Ostende nunc etiam commoditatem huius mensurationis.

Assumpto segmento PGA. ducatur ex G. recta in cētrum B. Datur igitur proportio sectoris GBP. ad totum circuli planum, ex quantitate arcus PG. datâ, ut non sit opus computatione. Totum enim tempus periodicum, totumque planum circuli, diuiditur in 360. partes, more Astronomico. Restat igitur altera pars segmenti GBA. Atqui huius computatio facilis est. Ut enim DB. sinus totus ad GF. sinū arcus PG. dati, sic est DBA. ad aream GBA. Semel itaq; constituta area trianguli DBA. maximi, multiplicatâ scilicet dimidiâ Eccentricitate in sinum totum, & facto in denominationes astronomicas conuerso, postea semper erit utilis.

Num insuper etiam alius vsus est plani circularis?

Est in Theoria Lunæ peculiaris eius vsus ad demonstrandam eius inæqualitatū vnā quam illa singulariter habet, præ cæteris planetis. Sed quia hic liber V. datus est iis tantum proprietatibus, quæ communiter insunt planetis omnibus; igitur, quod restat apparatus geometrici ad absoluendam huius singularis vsus demonstrationem, id differtur rectè in libri VI. partem IV. scilicet in ipsam Theoriam Lunæ.

Qua ratione vetus Ptolemaica Astronomia metitur moras planeta in quolibet arcu sui Eccentrici. seu quid habet illa loco plani circularis?

Vtitur ad hoc circulo peculiari, cui Æquantis nomen

men est positum, cuius centrum esset in figuris nostris, alter focorum, in proximo schemate F. in antepenultimo V. quia tantum distat à centro Eccentrici B. versus summam Apfidem P. quantum A. Sol ab eodem centro Eccentrici distat versus imam R. Nam eiectâ lineâ ex centro æquantis V. per corpus planetæ, arcus huius æquantis interceptus inter hanc lineam & inter VP. lineam apsidum statuitur mensura temporis, quod Planeta consumit in arcu suæ orbitæ.

Videtur hypothesis ista commodior esse ad manuarias ostensiones per instrumenta Theorias dictæ: cur istam non retines, cum iam bis adhibueris & ipse vicarias quantitates loco verarum?

1. Quia æquans nunquam perfectè verum dicit, nisi velimus centrum eius inæquali motu libratile facere; quâ ratione recederemus à simplicitate Hypothesium, multoq; perplexiorem & operosiores constitueremus Astronomiam in vsu, quam illa est his duobus libris; quarto & quinto in causarum explicatione: cum hisce causis semel perceptis, imò etiam non creditis, sed saltem positis, vsus postea, parte altera libri V. & libro VI. facilis sit.

2. Quia æquantis huius ratio penes Ptolemæum alia est in Planetis superioribus, alia in inferioribus duobus, alia in Luna, essetque nunc etiam alia in Sole: at planum circuli Eccentrici penes nos, in omnibus planetis, eidem vsui seruit, eodem modo.

3. Quia circulus æquans à causis genuinis motuum recedit longissimè; quas planum circuli de propinquo repræsentat, quippe quod est cum plano Ellipsis sub eodem genere.

Eadem intelligantur dicta etiam contra alias æquipollentias, quas mira vis humani ingenii proferre solet, ut quod David Fabricius vnicâ (quanquam duorum æqualium circulorum contrariis motionibus in-

digente) libratione centri Eccentrici in Ellipsis nostræ breuiori diametro, & saluat ingressus Planetæ à lateribus nostri Eccentrici circuli immobilis, & simul librat Apfida, sic vt iam ipse circulus Eccentricus, numeratione ab Apfide libratili vsque ad corpus planetæ continuatâ præstet nobis mensuram temporis. Nec enim mera æquabilitas motuum, nec præcisio omnimoda obtinetur, nec operæ compendium fit: & causæ motuum occultantur, abneganturque.

Omnibus verò modis repudiatur Copernicana machinatio, qui duos Epicyclos proportionem motuum duplâ circumfert in Concentrico: cum enim Observationes testentur, ingredi planetam ad latera, locis mediis inter apfidas; hæc Copernicana Hypothesis facit ipsum contraria potius ratione euagari extrorsum. Hæc particula Hypothesium Copernici emendanda omnino est; salua tamen eius vniuersali hypothesi, Motus Telluris annui, vnde huic doctrinæ nomen est.

VI.

DE REGVLARITATE EXCVRSVVM

A D L A T E R A.

Num etiam latitudinis calculus certus est, si nulli sunt solidi orbes, et si etiam has præstant peculiariora in corpore planeta filamenta?

Positis quæ libro IV. fol. 603. sunt posita, quæq; sunt omnino & possibilia & consentanea: necesse est omnino, nasci planum ellipsis perfectum.


Sit enim in præsentis schemate TZX. circulus per polos elliptica, A. vel Sol sit si TZX. est planum, vel si TAX. Hemispharium, sit A. locus primùm inferioris in cauo sectionis Ellipticae TX, cum EG. orbita planeta, vt eius poli sint sub ZW. Dirigantur fibra latitudinis secundum GA. habeantque facultatem deflectendi motum XAT. à Sole illatum, angulo GAX; & maneant fibra toto ambitu parallela Ma-

LIBRI V.

PARS ALTERA.

DE TERMINIS ASTRONOMICIS
ET CALCULO, EX ORBITA EC-
centrica orientibus.*Quomodo appellatur Orbita cuiusque Planeta?*

Appellatur veteri voce Eccentricus subaudi,
Circulus. Et si enim orbitæ sunt Ellipticæ, vt
hic PERI. quæ habent duo quasi centra A. L.
quæ physicè Focos dicimus; & in eorum al-
tero A. Sol ipse vt centrum mundi, inest: tamen etiam



punctum inter focos medium, vt B. à scriptoribus Co-
nicis centrum figuræ, peculiari iure dicitur; & præter-

ea ipsi figuræ circulus perfectus PDR. metienti causâ
circumscribitur, centro B. diuerso à centro mundi A.

Quod nomen habet in Astronomia diameter Ellipseos longior PR?

Dicitur linea Apfidum, quia cum ducatur per centra A. mundi & B. orbitæ, sectionibus cum orbitâ monstrat P. summam apsidem, & R. imam.

Vnde dicuntur summa & ima Apfis, & quod aliud habent nomen?

Vox Apfis est à rotis ducta, sunt enim puncta Eccentrici, illud P. remotissimum ab A. Sole, hoc R. proximum illi. Sed in Geometria, ratio significationis fit euidentior. Vox enim Apfis à tangendo est nuncupata, & verò in P. R. punctis circulus mensor tangit Orbitam Ellipticam.

Græcam vocem Apfis Apfides latinæ versiones Arabicorum librorum exprimunt per voces Aux, Auges; quasi Arabes Græcum Psi in Xi conuertissent. Affirmauit tamen mihi quidam Arabicæ linguæ cognitionem iactans, voce Augh significari altitudinem.

Libro sexto, puncta ista in planetis primariis Aphelium dicuntur & Perihelium, in Luna Apogæum & Perigæum.

Qua necessitas nos cogit, pro circulari itinere planeta, à veteribus credito; supponere Ellipticum, id est, deficiens à circulo, & in eo longiorem diametrum; inq̃ illa ipsa Solem statuere.

Vtrumque horum demonstratum est obseruationibus & demonstratione certissimâ, in Comm. de motibus stellæ Martis; vsurpatumque libro IV. fol. 453. 454. in schematibus, & fol. 540. 577. etiamque libro hoc quinto parte primâ. Nisi ergò supponeremus ista, nunquam repræsentaremus Obseruationes.

Qua sunt insigniores ex his longitudinibus?

Longitudo longior in Arabicis, seu distantia Aphelia vel Apogæa AP. longitudo breuior seu distantia Perihelia, aut in lunâ Perigæa AR. & longitudo media, quæ est medium Arithmeticum inter longiorem & breuiorem; quarum quæ est in semicirculo descendenti, puta AE. Prima longitudo media dicitur, quæ in ascendenti, vt AI. secunda.

Quid præterea significat longitudo media?

Metonymicè sumitur pro illis punctis Orbitæ, quæ obtinent mediocrem à Sole distantiam, vt E. I. quæ scilicet quadrante, seu 90. gradibus ab Apfidibus distant, ante vel retrò.

Quandoque etiam sumitur pro puncto ipsius Zodiaci, quod quadrante abest ante vel retrò, à loco Zodiaci, in quem linea apsidum producta incidit.

Vbi notandum & cauendum quod in hunc gradum Zodiaci qui longitudo media dicitur, non ipsa linea AE. eiusdem nominis, producta incidat, sed potius BE. ex centro, vel ei parallela AM. utpote qua cum PR. apsidum lineâ rectos angulos formant.

Quod nomen est differentia inter longitudinem, seu distantiam mediam, & quamcunque aliam?

Differentia hæc libratio planetæ dicetur, quia tota libratio, vt in motu lancium libræ, tarda est ab initio cum planeta distat à sole longissimè, & in fine cum fit soli proximus; velox in medio?

In schemate, quia AP. est longissima distantia, AR. breuissima; transferatur igitur AR. in lineam AP. extendaturque ex A. in G. vt tota libratio in unica linea AP. veluti quiescente, ob oculos poni possit, qua erit PG. dupla eccentricitatis BA. Tanta igitur est hæc libratio circa P. & G.

quando scilicet planeta est vel in P. vel in R. velox circa H.
quando planeta seu linea AH. est in AE. vel AI translata.

Dixisti, circulum circumscribi Orbita, mediendi causa,
dic, quod nominibus ille conducatur ad metien-
dam hanc Orbitam?

Quatuor nominibus.

1. Circulus hic denominat & discernit arcus orbi-
tæ Ellipticæ. Vt PC. arcus accipit & nomen & determi-
nationem suam ab arcu PK.

2. Circulus prodit mensuras librationum plane-
tæ: & sic format longitudes interuallorum planetæ
& solis. Vt AC. vel AO. determinatur arcu PK. seu eius
complemento KD. Quia is docet quantitatem librationis
HO. addendam ad semidiametrum AH.

3. Circulus exhibet etiam mensuram temporis,
quod planeta consumit in quolibet arcu suæ orbitæ
ellipticæ. Vt per arcum PK. discimus, quamdiu planeta
moretur in PC arcu.

4. His inuentis potest etiam indagari angulus ad
solem, quem arcus orbitæ subtendit. Vt sine arcu PK.
noto, ignorata AC. nequit inueniri angulus CAP.

I.

DE NOMINATIONE.

Quomodo circulus denominat & discernit arcus Elli-
pseos, & quibus mediis, & quare?

Cum Elliptica circumferentia seipsâ geometricè
nequeat in partes æquales diuidi, partesve con-
stitutæ, a numero denominari: circulus igitur, Ellipsis
loco, diuiditur in partes æquales, ab Apfidibus initio
facto: & à diuisionum punctis ducuntur perpendicu-
lares in lineam Apfidum, secantes Ellipsin. Arcus igi-
tur circuli, aphelium inter & vnâquamque perpen-
dicularem, nomen dat arcui Elliptico, inter eosdem
terminos intercepti, accommodans illi suum nume-
rum graduum & minutorum.

Sit PK. Gr. 50. 0. pr. KL. perpendicularis in PR. secans Ellipsin in C. Ergo & arcus Ellipseos PC. dicitur esse Graduum 50. 0. pr.

Atqui falsum est nomen, cum non sit tantus arcus Ellipseos, neque respectu circuli, neque respectu sua totius orbis Elliptica?

Nihil hoc turbat, nihil est enim, in præsentia quidem, nisi nomen: & nomen quidem non mensuræ apparentis, sed determinationis & resectionis Geometricæ: nec opus est sciri genuinam longitudinem ipsius arcus Elliptici, vel uti ad mensam ad decempedam: dummodò postea sciamus, hic ipse arcus Ellipseos sic determinatus, quantum angulum faciat apud centrum Solis, & quamdiu planeta commoretur in eo. Quid? quod prima huius libri V. parte demonstro, arcum hunc Ellipseos, si non longitudine, at saltem potestate, tantum esse.

Quomodo perpendiculares ista, secatrices Ellipseos appellantur?

In circulo, dicuntur sinus arcuum circuli, inceptorum ab Aphelio: in Ellipsi, generis voce dicuntur, ordinatim applicatæ, puta ad axem. *Vt hic KL. est sinus arcus KP. CL est ordinatim applicata.*

In specie verò, illa quæ per centrum figuræ ducitur, ut EBI. diameter breuior, seu figuræ latus rectum dicitur. Possumus uti Græcâ voce Diacentros. Quæ denique per centrum solis traicitur ut MAN. nomine caret, licet sit inter præcipuas. Dicatur nouo vocabulo Dihelios.

Quodnam est officium illarum perpendicularium, Diacentri & Dihelii?

Diuidunt orbitam in partes, superiorem & inferiorem, illa quidem inæquales, sed temporis & apparentiæ inæqualis: hæc in partes quidem inæquales & tem-

pore & longitudine, sed quæ tamen, velut ex sole, apparent æquales.

Vt EPI. qua constituitur ab EBI. est quidem 180. Graduum, sed apparet angulo EAI. minore, quàm 180. Graduum. At MPN. segmentum maius, absectum linea MAN. & MRN. segmentum minus, utrumq; apparet æquale quantitate 180. Graduum.

II.

DE LIBRATIONE.

Doce metiri & computare librationes, & determinare interualla?

SIt PK. arcus Eccentrici minor quadrante verbi causa Gr. 46. 18. pr. 51. sec. eius ergò complementum KD. erit Gr. 43. 41. pr. 9. sec. eiusque sinus BL. 69070. & sit Eccentricitas AB. seu dimidia libratio PH. 9265. qualium BP. est 100000. Multiplicatis igitur 69070. in 9265. & absectis 5. ultimis, prodit libratio OH. 6399. addenda ad BP. vel AH. in superiori semicirculo EPI. eritque AO. vel ei æqualis AC. distantia scilicet planeta à Sole 106399. competens arcui PK, vel PC. qualium quidem semidiameter est 100000.

Si arcus Eccentri fuerit Gr. 313. 41. pr. 9. sec. excessus super tres Quadrantes seu 270. Gr. erit etiam Gr. 43. 41. pr. 9. sec. dans sinum eundem multiplicandum; quo cum extruitur libratio 6399. itidem addenda quippe in superiori semicirculo, sed ascendenti.

Quod si semidiameter BP. acceperit aliam dimensionem, verbi causa 152342. multiplicabimus, & hanc in AC. 106399. absectis 5. ultimis, & prodibit AC. in hac dimensione 162090.

Artificio Neperiano conficitur tota hæc operatio expeditissime per unicam additionem. Nam sinus arcus KD. logarithmus additur logarithmis Eccentricitatis 9265. & Dimensionis proposita 152343. summa quesita ut Logarithmus, exhibet librationem 9748. addendam ad Dimensionem 152342.

Sit deinde arcus PW. maior quadrante, scilicet,
Graduum

Graduum 133. 39. pr. 7. sec. Excessus super quadrantem DW. Gr. 43. 39. pr. 7. sec. eiusque vel sinus vel logarithmus cum dictis duobus principiis, prodit librationem 9777. subtrahendam ab 152342. quippe in inferiori Diacentri semicirculo, ut prodent interuallum respondens AS. 142565.

Idem erit, si arcus Eccentrici habuerit gr. 226. 20. pr. 53. sec. Nam complementum eius ad tres quadrantes, erit Gr. 43. 39. pr. 7. sec. tantus in ascendenti, quantus DW. in descendenti semicirculo.

Recense præcipuos librationis casus?

1. Quando planeta incipit discedere ab Apfide: tunc simul libratio incipit, planeta scilicet incipit descendere versus solem; qui discessum à sole paulò prius finiuerat.

2. Quando planeta habet gradus 60. ab Apfide; tunc libratio æquat semissem Eccentricitatis.

3. Quando planeta quadrantem orbitæ confecit ab Apfide, tunc librationis dimidium est peractum, sic ut planeta distet à sole, semidiametro Eccentrici. *Ut si PD. est 90. tunc AE. æquat BD.*

4. Quando planeta confecit gradus 120. ab Apfide; tres quadrantes librationis sunt peracti.

5. Quando planeta est in ima Apfide: tunc proximus soli factus, totam librationem absoluit. Contrarius est ordo per semissem Ascendentem.

6. Binæ quæque distantiae à sole, planetâ æqualibus Eccentri arcubus, illic ab Aphelio, hic à Perihelio remoto, iunctæ æquant Diametrum. *Ut si ex C. ducatur recta per B. in Q. CA. & AQ. iunctæ æquant RC.*

III.

DE MORA PLANETÆ IN ARCV

QVOLIBET.

Quid sonat vox Anomalia?

ET si propriè Anomalia (inæqualitas) est affectio motûs Planetæ: astronomi tamen sumunt hanc vocem

vocem pro motu ipso, cui inest hæc inæqualitas. Cumque ad motum hæc tria mensurabilia concurrant, spacium traiciendum, mora temporis in spacio, & apparens magnitudo spacii: vox Anomalia omnibus tribus est accommodanda. Et causâ quidem temporis, rursus duplex usus est vocis. Nam primò, Ptolemæus eâ utitur pro tempore toto, quod planeta consumit interim, dum restituitur omnis eius inæqualitas ad suum principium; totidem numerans Anomalias, quoties hoc fit.

Secundò, partes huius temporis totius, vulgariter Anomalix dicuntur, pro eo, quòd Ptolemæus dixit motum Anomalix, subintellige, integræ partem confectam.

Quot sunt igitur Anomalia sumpta ut pars totius?

Tres nuncupantur Anomalix in vno quolibet situ planetæ; 1. Anomalia media. 2. Anomalia Eccentri, & 3. Anomalia coæquata.

Quid est Anomalia Media?

Est spacium temporis, quòd planeta consumit in quolibet arcu suæ orbitæ, ab apside incepto, redactum in partes & minuta, qualium anomalia tota valet Gr. 360. numerationis logistica vel Astronomica.

Vnde dicitur Media?

Non ab eo, quasi sit quantitate media inter socias; ut paulò post cauebitur: sed Media dicitur imitatione veteris astronomiæ, quæ Anomaliæ mediam nuncupare solet pro motu Anomalix medio, id est, æquabili; quia tempus sic redactum in denominationem logisticam, indicat cum suo graduum & scrupulorum numero, quantum arcum circuli planeta confecturus fuisset, si toto isto tempore, quod dicimus Anomaliæ mediam, incessisset motu æquabili & medio inter tardissimum & velocissimum.

Quomodo

Quomodo definienda vel mensuranda esset Anomalia media in his schematibus secundum astronomiam veterem?

Constitutâ lineâ BL. quæ sit ipsi AB. Eccentricitati æqualis, in lineâ Apſidum BP. vt primâ huius V. libri parte dictum: Anomalia media, more veteris astronomiæ esset arcus circuli æquantis ex L. descripti, in signorum consequentia, comprehensus inter duas lineas ex L. alteram per Apſidem P. reliquam per corpus planetæ C. tractas. Vel esset illarum linearum angulus ad L. eiusve complementum ad 4. rectos. *Vt hic si C. esset planeta, PLC. angulus esse posset loco anomalia media ferè.*

Defini lineam mediæ motus, & locum medium planeta, secundum hanc veterem æquantis Hypothesin.

Esset linea ex centro solis in sphaeram fixarum educta, parallela lineæ, quæ ex centro Æquantis, seu ex altero foco Ellipsis, per corpus Planetæ ducta est: & harum vtriusque sub fixis monstraret locum planetæ medium. *In schemate, si C. Planeta, & AM. parallela ipsi LC. AM. esset linea motus eius mediæ.*

Si ergo in hac astronomia formâ novâ nullus exprimitur circulus Æquans, qua igitur in aliâ quantitate numerabitur, seu mensurabitur Anomalia mediæ?

In arcu comprehensâ inter arcum circuli qui denominat & determinat arcum orbitæ propositum, & inter duas rectas, quæ terminos arcus cum centro solis connectunt. *Vt si propositus sit locus planeta C. ducta ex C. ipsi PR. perpendiculari, qua secet circulum PD. in K. & connexis P.K. cum A. area PKA. est mensura anomalia mediæ, qualium arearum totius circuli valet gr. 360.*

*Doce computare Anomaliam mediam, seu temporis
moram, quam planeta consumit in arcu
proposito?*

Sit rursum AB. Eccentricitas 9265. qualium semidiameter BP. est 100000. Ante omnia quærenda est area trianguli maximi, quod habet angulum ad B. re-
ctum, altitudinem BD. multiplicata hac in ipsius AB.
dimidium; *prodit igitur 463250000.* Huius areae DAB.
valor est exprimendus numero secundorum scrupulo-
rum, qualium area tota circuli PDT. est Partium Gr.
360. vel primorum 21600. vel secundorum 1296000. *Quia
igitur existente BP. 100000. area circuli à Geometris pro-
ditur 31415926536. fiet area DAB. 19110. secundorum.*

Detur iam arcus PC. per denominatorem suum PK. qui
sit Gr. 46. 18. pr. 51. sec. Sinus igitur ipsius PK. scilicet KL. al-
titude trianguli BKA. multiplicatus in valorem trianguli
maximi, reiectis in fine à facto quinque figuris, conficiet va-
lorem trianguli AKB. 3819. secunda, qua sunt Gr. 3. 50 pr.
19. sec. Et verò sector KBP. valet gradus totidem, quot dati
sunt in arcu PK. scilicet Gr. 46. 18. pr. 51. sec. additis igitur
areis, sit PKA. Gr. 50. 9. pr. 10. sec. tanta est Anomalia Me-
dia.

Hoc pacto addenda est area Trianguli æquatorii,
quam diu sector vel arcus est minor semicirculo; qui si
superet semicirculum, subtrahenda est illa.

*Dic regulam de affectione horum Triangulo-
rum inter se?*

Bina quæque triangula, æqualiter remota vertici-
bus, alterum à summa Apfide, alterum ab imâ magni-
tudine sunt æquali. *Vt si arcus PK. & RW. æquales: area
BKA. BWA. erunt etiam æquales.*

Quid est Anomalia Eccentri?

Est arcus circuli Eccentrici in consequentia nume-
ratus; interceptusque inter lineam Apfidum & inter
perpendicularem illi, per corpus planetæ, siue per pun-
ctum

etum quodcunque Orbitæ propositum eductam. *Ve proposito puncto orbitæ C. aut planetâ in illo versante, si per C. ducatur in P.A.R. perpendicularis KCL. secans circulum in K. PK. arcus, erit Anomalia Eccentri.*

Quo sensu dicitur Anomalia Eccentri?

Subintelligitur & hic vocula Motus. Nam etsi in arcu ipso circuli PK. secundum figuram, nulla apparet inæqualitas vel Anomalia: motus tamen planetæ in Orbita PC. verè est Anomalos inæqualis, tribus nominibus, primò ratione suæ figuræ Ellipticæ, quæ secundum diuersas sui partes flectitur inæquali curuitate, distatque à centro figuræ inæqualiter; deinde ratione celeritatis, quæ non est eadem in omnibus orbitæ particulis: tertio ratione apparentiæ tanquam ex sole, quia partes Orbitæ æquales, subtendunt apud solem angulos inæquales. Cùm igitur arcus PK. ad omnia ista determinanda concurrat, vt prius dictum: quare quo iure vetus Astronomia circulum Æquantem introduxit: inque eo numerauit Anomaliam mediam: non deteriori iure nos orbitæ reali PC. circumscribimus circulum Eccentricum, PK. inque eo numeramus Anomaliam Eccentri, vsurpantes æquabile aliquid, ad mensurandum id quod est inæquabile.

Et in veteri quidem Astronomiâ, circulus æquans seduxit physicos, vt imaginarentur sibi realem vel circulum vel certè motum: at hic seduci nemo potest, cùm appareat ad oculum, veram planetæ orbitam PC. in solis duobus Apfidum punctis P.R. cum hoc technico circulo PK. concurrere; toto reliquo tractu sese intra illius complexum versus centrum figuræ recipere.

Quid est Anomalia coaquata?

Est arcus circuli magni in latitudine Zodiaci per continuationem plani orbitæ planetariæ designati, in consequentia signorum numeratus à loco Apfidis vsque

que ad locum ipsum planetæ vel cuiuscunque puncti orbitæ apparentem. Vel quod eodem redit, est angulus, quem arcus quilibet veræ orbitæ planetariæ subtendit, aut dictæ duæ lineæ formant, apud centrum solis; eiusve anguli complementum, ad 4. rectos.

Vt si planeta in C. coaquata Anomalia, est angulus PAC. etsi planeta in Q. tunc Anomalia coaquata constat his partibus, PAM MAR. duobus rectis, & insuper angulo RAQ. Quod si centro A. scribatur, circulus quantuscunque, & sic etiam circulus in sphaera fixarum, circuli huius arcus numeratus ab AP. in signorum consequenti, v/que ad AC. vel AQ. continuatas, dicetur etiam Anomalia coaquata.

Quare coaquata dicitur?

Motum Anomaliæ coæquatam (vel simpliciter Anomaliæ coæquatam) dicere consueverunt auctores; non quasi ex proposito motu inæquali fuerit elicitus motus æqualis: sed ratione planè contrariâ; quòd cùm proponatur initio tempus seu portio temporis periodici, & cùm hoc tempus (reductum in denominationem astronomicam) indicet, quantum arcum circuli planeta si incessisset motu æquabili, fuerit confecturus intra hoc temporis spaciū; iam porro munus sit Astronomi ostendere quantum de motu planetæ verè in æquali apparenti, respondeat huic tempori, fictoque motui æquabili. Sonat igitur motus coæquatus idem, quod, motus æquatione affectus & conuersus in apparentem, indutus scilicet illam inæqualitatem, quam ei conciliat apparentia; à qua inæqualitate tota periodus Anomalia dicitur.

Cum igitur Anomalias hasce tres & distinxeris & formaueris per fictitium circulum Eccentricum orbita circumscriptum: quaro an non possit eidem v/uisse vera planeta orbita?

Etsi non est opus, potest tamen per æquipollentiam

tiām. Nam vt primâ huius V. libri parte dictum, tem-
pus, & sic Anomaliā mediam metitur etiā area
PCA. & anomaliā Eccentri potest, qui vult, intelli-
gere etiā per arcum PC. Angulus verò PAC. etiā
prius dictus fuit Anomalia coæquata.


*Quomodo quantitate discernuntur tres hæ so-
ciæ Anomaliæ?*

Numerus graduum & minutorum Anomaliæ Ec-
centri, semper est medius inter ceteros. Quæ vero
Media dicitur, ea antequam impleat semicirculum,
semper est maxima de tribus coæquata minima: post
semicirculum verò, Media dicta, est quantitate mini-
ma, coæquata maximâ.

IV.

DE ANGVLO AD SOLEM.

*Doce computare Anomaliā coæquatam seu an-
gulum ad Solem?*



Varij sunt modi, sed compendiosissimus est, qui v-
titur

titur interuallo planetæ & solis. Nam illo etiam ad alios vsus indigemus.

Sunt autem huius modi casus tres; aut enim est planeta supra Diacentron, aut infra Dihelion, aut inter diacentron & Dihelion.

1. Sit igitur initio planeta supra Diacentron DBT. puta in C. & Anomalia Eccentri PK. Gr. 47. 42. pr. 20 sec. & sit per eius complementi KD. sinum LB. 67. 277. inuestigata planeta libratio 6233. eaque addita ad BP. sit constitutum AC. interuallum planeta & Solis iustum 106233. in dimensione, qualium BP. est 100000. Idem igitur LB. sinus complementi apponatur ad BA. Eccentricitatem 9265. ut habeatur trianguli CAL. rectanguli latus alterum LA. 76542. Diuisa igitur LA appositis 5. Cyphris, per CA. quotiens 72051. ut sinus, ostendit arcum Gr. 46. 5 pr. 48. sec qui est angulus LCA. cuius complementum Gr. 43. 54. pr. 12. sec. est angulus quesitus LAC. vel PAC.

Si Logarithmum dimidiati diuisoris abstuleris à logarithmo dimidiati diuidendi, relinquitur logarithmus eiusdem siue sinus, siue arcus.

2. Sit secundò planeta infra Dihelion MAN. puta in S. & Anomalia Eccentri PW. eiusque excessus supra quadrantem DW. Quemadmodum igitur supra, libratio per BZ. sinum illius arcus quesita fuit à radio subtrahenda, ut existeret interuallum iustum AS. sic etiam Eccentricitas BA. subtrahenda nunc est à BZ sinu, ut relinquatur AZ. latus trianguli rectanguli alterum. Rursum igitur diuiso numero lateris AZ. per 5. cyphras prolongato, per latus AS. prodit sinus anguli ASZ. cui æqualis est MAS. excessus ipsius quesiti PAS. super rectum PAM. seu quadrantem.

3. Sit tertio planeta inter DBT. & MAN. ut si sit anomalia Eccentri PX. eiusque excessus supra quadrantem DX. sinus BY. quo libratio quidem subtractoria computatur, cum sit tensus infra B. at cum ipse sit minor Eccentricitate BA ipse iam ab hac auferendus est, ut restet YA.

Cum hoc igitur & cum intervallo iusto agendum, ut in primo casu.

Quid appellas locum Planetæ Eccentricum?

Punctum illud in Zodiaco, in quod incidit recta ex centro solis per corpus planetæeducta.

Quid est Æquatio vel Prostapharesis, & quæ causa nominis?

Est differentia numeri Graduum & minutorum anomalix mediæ, à Gradibus & minutis anomalix coæquatæ. Vel, secundum Astronomiæ formam veterem, est angulus in centro solis, eiusq; mensura, arcus circuli magni sub fixis, interceptus inter lineas mediæ & lineas eccentrici motus planetæ. Hic cum sit auferendus in vno semicirculo, addendus in altero ad mediam, ut fiat coæquata: ex eo compositâ voce *πρόσταψήσις* est dicta: Æquatio verò inde; quia eius additione vel subtractione ex Anomaliâ coæquatâ, quæ inæquales sortitur arcus & tempora in portiones æquales, fit Anomalia media æquabilis.

Quod appellas nomen vel titulum æquationis?

Duo vocabula, vel eorum indices syllabas vel literas A. Add. S. Subt.

Quot sunt partes æquationis, & quæ cuiusque mensura?

Dux sunt partes, altera physica, altera Optica, dictæ: Illa enim est ob inæqualitatem quæ verè planetario motui accidit ob causas physicas: hæc verò ob inæqualitatem tantummodo apparentem vel quasi apparentem, hoc est, propter maiorem vel minorem remotionem arcus veræ orbitæ à sole. Vtraq; quodammodo in eodem triangulo discernitur, quod hinc æquatorium dicitur.

Connexis enim terminis eccentricitatis A. B. cum

Dddd 2 corpore


691. EPITOMES ASTRONOMIÆ

Corpore planeta C. pars æquationis physica quidē mensuram inuenit in area BAC. (vel per æquipollentiam, in area BAK.) optica verò pars æquationis æqualis esset angulo ECA. si is computaretur; quo semper exiguo minor est angulus BKA. cuius esset facilior computatio.

Quis est vsus huius æquationis, etiam titulorum eius?

In hac Astronomiæ formâ renouatâ, totius æquationis ex utroq; elemento compositæ vsus est non necessarius nec valde magnus. Nō enim per hanc æquationem, constituuntur Anomaliæ; sed contrâ per comparisonem anomalix coæquatæ; (quam prius computamus) cum Anomaliâ mediâ, elicimus æquationem, si quando eâ volumus uti.

In tabulis verò ponuntur tres Anomaliæ distinctæ



primò enim Anomalia eccentrici ponitur ad sinistram, secundum gradus integros ab 1. ad 180. ordine; idque propter

propterea, quia ab hac datâ fit initium computandi reliquas, ipsamque etiam Distantiam seu interuallum planetæ & solis: secundo huic anomalix Eccentri subiicitur in eadem columna pars æquationis physica seu valor areæ trianguli æquatorii in gradibus minutis & secundis: ex qua conclusione Anomalix Eccentri cum parte æquationis physica in eandem cellulam, intelligimus, additas inuicem constituere Anomaliâ mediam respondentem. Tertio ad latus huius in peculiari columna ponitur Anomalia coæquata, respondens arcui. Si quis iam vult scire æquationem compositam, is Anomaliâ coæquatam à iuxta positâ mediâ, seu a summâ Anomalix Eccentri & partis æquationis physicæ subtrahat: remanebitq; æquatio quæsitâ, quæ in semicirculo quidem descendente habet titulum Subtractorix, in ascendente, Adiectoriæ.

Dic tamen quomodo partes hæ æquationis inter se mutuo comparatæ, se habeant ad inuicem?

Quo minor est Eccentricitas, hoc magis accedunt ad æqualitatem inter se: in superiori tamen semicirculo, supra diacentron, paulo minor est pars optica, parte physicâ, in inferiore, infra diacentron, paulò maior.

Vt in adiecto schemate, si A. Sol, PAR. linea Apſidum, ei ad rectos DBT. MAN. superior semicirculus vel quasi, DPT. inferior DRT. Sint triângula æquatoria in superiori BCA. BFA. in inferiori BSA. BQA. Cum igitur area triângulorum sint mensura partis æquationis physica, anguli verò ad C. F. S. Q. partis optica: area certè superiores sunt de area totius circuli 360 portiones maiores inferiores verò minores quam earum anguli de quatuor rectis seu 360. Centris enim C. S. diastematibus CB. SB. semidiametris, scribantur arcus BL. BH. terminati in CA. & SA. continuatam, qui arcus metientur angulos C. & S. æque valant verò iisdem arcibus & area CBL. SBH. Sic igitur hæ area essent

tur pars æquationis opticae est inter M. & D. sic inter N. & T. Primum enim ipse angulus BMA. maior est angulo ADB. quia triangulum utrumque est rectangulum, basi eadem; & verò DB. altitudo maior est altitudine MA. breuior scilicet diameter, quacunque ordinatim applicatâ. Deinde factus E. I. signis in medio arcuum DM. & TN. vel circiter; anguli AEB. AIB sunt iterum maiores ipsis AMB. ANB. Est enim omnium ex centro B. in orbitam breuissima BD. cetera quo remotiores, hoc longiores, longior igitur BM. quam BE. sensibilibiter: at non sensibilibiter longior perpendicularis ex B. in AM. quam qua ex BE. in AE. Maior igitur est proportio MB. ad BA. quam EB. ad perpendicularem suam. Itaque maior etiam angulus BEA. quam BMA. Ergo bisectâ BA. in G. ductâque perpendiculari EGI. erit maxima optica æquatio circa E. I. Sed maxima physica fuit circa D. T. maxima igitur composita cadet medio loco inter DE. & TI.

Docuisti computare expropositâ anomaliam Eccentri, Anomaliâ mediam & Anomaliâ coaquatam: at crebrior vsus exigit, datâ mediâ, quippe ex dato tempore, inuenire reliquas; doce & hoc?

Hic via directa nulla est; sed adhibenda est ei, qui sine tabulis hoc vult computare, regula Positionum: ponendo scilicet Anomaliâ Eccentri (in schemate antepenultimo) PK. tantam vel tantam, eique sic sumptæ computando suam Anomaliâ mediam PKA. Nam si ea tanta prodit, quanta proposita fuit, benè erit posita Anomalia Eccentri PK. At si non tanta prodit; ex eo quòd prodit, emendanda erit positio, laborque repetendus.

Posses exemplo docere Methodum commodam, ne inassuetus nimium erret vagis positionibus?

Resumatur igitur superius exemplū & sit iâ data anomalia

lia media, seu area PKA. Gr. 50.9.pr.10.sec. manifestum est, si sciretur area trianguli KBA. residuam aream KBP. habituram eundem numerum graduum cum arcu suo PK. ac proinde ablato valore ipsius KBA. à PKA. relictum iri Anomalia Eccentri PK. Cum igitur PKA. maior sit quàm PKB. erit arcus PK. sinus minor; quam sinus Gr. 50.9.pr.10.sec. minor igitur quàm 76775. Sit hic sinus in prima positione 70000. propter facilitatem multiplicationis. Ductus igitur hic in valorem DBA. trianguli, qui fuit in superiori exemplo 11910.sec. abiectis 5. creat BKA. 8337 sec. seu Gr. 2.18.pr.57.sec. quæ adde ad sinus 70000. arcum Gr. 44.25. fiet area PKA. Gr. 46.44.pr. hac nimio parua est, deficit enim per Gr. 3.25.pr. cum debuerit prodire Gr. 50.9.pr. quanta est data. Maior igitur ponatur sinus in positione secundâ addito defectu Grad. 3.25.pr. ad arcum prius positum 44.25. ut fiat PC. circiter Gr. 47.50.pr. cuius sinus est proxime 74000. quem rursus eligo propter facilitatem calculi. Hic in 11910. multiplicatus facit BKA. iam per 7.pr.56.sec. auctius, scilicet Gr. 2.26.pr.53.sec. quod adde ad PK. secundò positum, scilicet ad PKB. Gr. 47.44.pr.6.sec. creatur PKA. Grad. 50.10.pr.59.sec. & abundamus supra debitum Gr. 50.9.pr.10.sec. per 1.pr.49.sec. Itaq; intelligimus, hunc excessum paruulum auferendum à secundâ positione ipsius PK. fietque Anomalia Eccentri quæ sita, seu PK. Gr. 47.42.pr.17.sec. Id licet comprobare. Est enim sinus huius arcus 73959. qui de 11910.sec. vindicat Gr. 2.26.pr.50.sec. pro KBA. itaque hoc addito creatur Gr. 50.9.pr.7.sec. quod inensibili abest à debito Gr. 50.9.pr.10.sec.


DE DEFLEXIONE PLANETARVM AB ECLIPTICA.

Quid intelligitur sub nomine Orbita?

Propriè quidem illa linea, quam planeta verè circa solem describit, centro sui corporis. Ut in schemate, si ECGD. sit pars plani Ecliptica, HCFD. erit Orbita.

Secundariò verò intelligitur etiam circulus ille
maxi-

maximus quo planum Orbitæ continuatum secat



Sphæram fixarum. Vt hic MN. sectio, facta à plano CAK. continuato.


Quid appellas Inclinationem Planeta vel cuiusq; puncti in Orbita eius, & quid circulum Inclinationis?

Inclinatio propriè competit non planetis vel punctis, sed lineis vel planis inter se; at quia plana illa circumscribuntur Orbitis planetarum, & quia in planis, lineæ motus planetarum intelliguntur descriptæ: vsu receptum est, vt hæ voces simpliciter ad planetas ipsos transferantur, causâ breuitatis in loquendo.

Cum igitur id quod infra libro VI. Latitudo dicitur, participet etiam de aduentitiâ seu opticâ inæqualitate, quam secundam indigetamus: quare, vt res diuersæ, nominibus etiam distinguantur, euagatio planetæ vera ab Eclipticâ, dicatur, non Latitudo, sed Inclination: definitur autem sic; quòd sit arcus circuli in fixarum sphæra maximi, ex centro solis descripti, ad e-

clipticam recti, qui circulus Inclinationis dicatur, interceptus inter eclipticam, & locum planetæ eccentricum. Vel, est angulus ad solem, quem hic arcus metitur.

In schemate si A. Sol, FK DHC. Orbita, MLO. ecliptica, puncti K. inclinatio erit angulus KAL. vel NAL. vel eius arcus NL. ex A. sole descriptus.



Quid appellas Nodos, quid limites?

Nodi sunt duo puncta eclipticæ, in quibus illa secatur ab Orbitæ continuatæ plano. Græcè *συνόδοι*, quod iis itinera diuersa, solis apparens, & planetæ, connexa sint; Ascendens alter, in quo planeta deserto Hemisphærio Australi deflectit in Boream: alter descendens qui planetam in Austrum transponit; vocibus Ascendens & descendens ad nostrum Hemisphærium accommodatis, ut in quo primi vixerunt inuentores Astronomiæ. *Vt si planum orbitæ & planum eclipticæ concurrant lineâ CAD. sectionem monstrante continuata illa sub eclipticam, monstrabit M. O. Nodos.*

Limites

Limites vero appellantur puncta eclipticæ quæ quadrantibus à Nodis distant : Boreus à quo planeta distat in Boream, Austrinus, à quo in Austrum. Dicuntur limites ex eo, quia planeta deueniens ad illa puncta, non euagetur vltcrius in plagas, sed inde sese conuertens, incipiat ad eclipticam reuerti. *Vt in schemate E. G. puncta eclipticæ dicuntur limites. Sed & H. F. puncta vera Orbita, & puncta iis superstantia in sphaera fixarum, veniunt eodem nomine, & hoc crebrius.*

Quid appellas argumentum Inclinationis?

Est arcus Orbitæ planetæ sub fixis, interceptus inter Nodum Ascendentem & locum Eccentricum planetæ, numeratus in consequentia. *Vt si O. Nodus Ascendens, N. locus planeta Eccentricus, OMN. erit Argumentum inclinationis LN. Copernicus pro Nodo Ascendente sumit limitem Boreum.*

Num eadem est omnibus sæculis Inclination maxima limitis in quouis planeta?

Secundùm principia physica libro IV. vsurpata, per se quidem immutabilis est : at propter ipsius eclipticæ luxationem, de qua libro VII. per accidens potest mutari.

Quomodo computatur Inclination Planeta?

Non aliter, quàm libro III. Declinatio puncti eclipticæ ; Multiplicato sinu inclinationis maximæ, in sinum Argumenti Inclinationis, & à facto resectis 5. vltimis, apparet sinus Inclinationis. Vide processum fol. 245. & seqq. Si pro sinibus arcuum vtariis eorum Logarithmis, multiplicatio conuertetur in simplicem additionem.

Quis est locus planeta Eccentricus in Eclipticæ?

Punctum illud Eclipticæ, in quo secatur illa à circulo inclinationis, per locum Eccentricum simpliciter

pliciter dictum traductus. *Vt si planeta in K. locus eius eccentricus (sic simpliciter dictus) sit N & NL. circulus inclinationis, angulis NLM. NLO. rectis, erit L. locus planetae eccentricus in ecliptica.* Non dicitur locus eclipticus simpliciter, quia hic inuoluit etiam inæqualitatem secundam, libri VI. materiam: sed additur vox, *eccentricus*, ut intelligamus, de illo loco agi, qui determinatur sub eclipticâ per solum eccentricum, remoto iam concursu Orbis magni, de quo lib. VI.

Quæ censetur planeta longitudo eccentrica?

Arcus eclipticæ in consequentia numeratus à principio Arietis usque ad circulum inclinationis planetæ, seu locum eccentricum in ecliptica. Dicitur *eccentrica*, non quod numeretur in eccentrico, sed quia *eccentricus* causatur illam.

Quæ dicitur reductio ad Eclipticam?

Arcus parvus quo differunt inter se argumentum inclinationis & longitudo eccentrica, hoc est, bini arcus, alter Orbitæ, alter eclipticæ, à communi nodo incepti, & ad circulum Inclinationis terminati. *Vt hic differentia inter MN. & ML.*

Quomodo computatur?


Non aliter quàm libro III. fol. 255. Differentia Ascensionis Rectæ, & arcus Eclipticæ respondentis. Multiplicatur sinus complementi Inclinationis maximæ in tangentem argumenti Inclinationis, & abscissis à facto, s. postremis, apparet tangens argumenti reducti.

Vel, Inclinationis maximæ Antilogarithmus additur Mesologarithmo argumenti, acervaturque hoc modo Mesologarithmus arg. reducti.

Compendium vtilius, etiam pro Ascensione, sit hoc. Maxima reductio circa gradum Gr. 45. à Nodo, ducta in sinum arcus cuiusque duplicati, abscissis s. ultimis, constituit reductionē arcui proposito simplo debitam.

Quomodo utendum hac reductione. & ad quid?

Quando planeta pergit à Nodis ad Limites auferenda est reductio ab Inclinationis argumēto; addenda, cū à limitibus ad Nodos: quod que hoc pacto conficitur, additum loco Nodi Ascendentis, constituit longitudinem loci planetæ Eccentricam.



Quid appellas Curationem?

Est portiuncula distantiae planetæ à centro solis, respondens sagittæ Inclinationis planetæ: in ea proportionem, in qua totum intervallum respondet sinui toto.

Sit A . Sol, P . \odot . poli ecliptica, TAX . repraesentet planum
ecliptica EAG planum Orbita; sit planeta iam in E . vel G .
& centro A . intervallis AE . AG . scribantur arcus QH .
 GF . & ex E . G . demittantur perpendiculares in TX . quae sint
 ER . GS . erunt HR . & SF . curtationes.

Quid est distantia curvata?

Est recta in plano eclipticæ, inter centrum solis & perpendiculararem ex centro corporis planetæ. *In hoc schemate, planeta in E. vel G. versante, est AR. vel AS. distantia curtata.*

Quomodo computatur distantia curvata?

Distantia proposita expressa numeris dimensionis cuique Planetæ propriæ, multiplicatur in sinum complementi Inclinationis distantiae propositæ competentis, & abiiciuntur à facto 5. postremæ. Seu, Logarithmus

rithmus distantiae additur Antilogarithmis Inclinationis competentis, & fit Logarithmus, Curtatæ distantiae index.

Vbi plurimum curtatur distantia?

Circa limites, & plus circa illum, qui vicinior est Aphelio. *Vt si V. Y. sint limites, itaque ZW. poli orbita, & V. vicinior Aphelio, quam Y. erit HR. longior, quam FS. & longissima omnium.*

DE MOTV APSIDVM ET NO- DORVM.

*Quomodo definis motum Apſidis in planetis
primariis?*

EST arcus Orbitæ sub fixis, interceptus inter id eius punctum, quod cum certo eclipticæ puncto (puta cum principio Arietis, vel etiam cum primâ stellâ Arietis) æqualiter à Nodo euehente distat, & inter locum summæ Apſidis, numeratus in consequentia signorum.

Qualis est iste motus Apſidis?

Statuitur æquabilis, 1. propter inexpectabilem tarditatem, qua impediuntur astronomi, vt motum hunc per partes singulas exactius considerare non possint. 2. quia habemus exemplum æqualitatis in vno, in quo brevis est Apſidis periodus, scilicet in Lunâ. Itaq; principia huius motus physica, quæ libro IV. fol. 598. delibauimus, vt meris innixa coniecturis, nihil huic æquabilitati præiudicare possunt, quamuis per ea motus iste videatur inæquabilis effici posse. Sed de hoc plura lib. VI. penes planetas singulos.

*Quid intelligendum est per motum Nodorum in pri-
mariis, seu quid est Nodi longi-
tudo?*

Motus Nodi est arcus eclipticæ, numeratus in anteceden-

recedentia signorum à certo eius puncto (puta vel à principio Arietis, vel à loco primæ stellæ Arietis) vsque ad locum Nodi Ascendentis. Quod si fiat numeratio in consequentia, tunc arcus hic etiam longitudo Nodi dici potest.

Qualis est hic Nodorum motus?


Et si rationabile est, etiam huius puncti motum in seipso æquabilem esse: videtur ei tamen inæqualitas inesse nonnulla ex accidenti, propter luxationem eclipticæ, de quâ lib. VII.

Quas figuras describunt Nodi & Limites, motibus suis?

Nodi quidem sub circulo magno eclipticæ incedunt, Limites verò Orbitæ in quantum eorum Inclinationo permanere ponitur immutabilis; incedunt in circulis, parallelis Eclipticæ, vel ei circulo, respectu cuius Inclinationo est immutabilis.

Ad captum iuuandum, potest eorum motus imaginatione non inepta

Polorum proponi: dummodò teneamus hoc, physicè loquendo, polis haud opus esse. Vt in schemate proximo, sit orbita VT. continuatione plani transposita sub fixas) eius poli Z. W. moueantur in paruis circellis, circa eclipticæ TX.



polos P. Q. In quâ igitur plagam Z. vergit à P. quouis tempore: in eandem & limes V. vergat ab ecliptica parte T. & limes T. ab ecliptica parte X. & ad circuitum ipsius Z. in paruo

*paruo circello, qui sit ipsi TX. parallelus in eandem plagam
 sequetur etiam limes V. in parallelo septentrionali, tanto
 maiori, quanto propior est ipsi TX. & sic Y. in parallelo Au-
 strali. Semper enim erunt in eodem circulo magno Inclina-
 tionis, puncta ista sex, Poli orbis Z. W. poli Ecliptica P. Q.
 & limites Orbitæ V. X.*

Hactenus igitur de definitionibus Terminorum
 Orbitæ Planetariæ, eique circumscripti circuli Ec-
 centrici: quæ quia communia sunt omnibus Plane-
 tis, libro hoc V. præmittenda fuerunt. Cæterum vsus
 horum in Planetis singulis, trademus libro sequenti
 VI.

FINIS LIBRI V. THEORIÆ
Doctrina II.



EPITOMES ASTRO- NOMIÆ COPERNI- CANÆ

Liber VI.

THEORICÆ DOCTRINÆ TER-
tius de apparentibus motibus Planetarum,
seu ipsa Doctrina Theo-
rica.

Quot partibus absolvitur Liber VI.

QUINQUE: primæ quatuor, de singulorum
planetarum motibus agunt; quinta specu-
lationem totam ad varios usus aptat.

Primæ enim solis, secundæ trium superi-
orum, tertiæ duorum inferiorum, quartæ secundarii
planetæ, scilicet, lunæ, motuum leges explicant: quin-
ta situs planetarum apparentes inter se comparat, &
suum accidentia persequitur.

LIBRI VI.

Pars Prima.

DE SOLIS THEORIA.

Quare sit initium à Theoria Solis?

Primum, quia motus solis apparens, secundum
placita Copernici non inest ipsi soli, sed inest terræ,
nostro domicilio: æquum igitur est, ut à nobis ipsis
Eccc noscendie

noscendis exordio sumpto, postea demum ad cæteros planetas noscendos progrediamur.

Secundò, quia hic solis motus apparens, est multo simplicior & æquabilior, quàm motus reliquorum planetarum. Nam & latitudinis motu caret, quoad motus solis apparentias solitarias, vt libro II. fol. 159. dictum; & motus longitudinis vnâ solâ constat inæqualitate; cùm in cæteris duæ, in Lunâ plures apparentes inter se permisceantur. Itaque ad solis motus demonstrandos, vnico circulo contenti sumus.

Tertiò, cæterorum planetarum motus nequeunt explicari sine apparente motu solis, exactissimè cognito. Nam secunda illa inæqualitas, quæ se immisce primæ in planetis cæteris, non tantum initium habet ab illo temporis puncto, cùm tellus & planeta veri suis motibus iuncti apparent; sed etiam in quinque primariis, tota originem & causas suas habet ex telluris circulo, quo solis motus demonstrantur. Quæ etiam ipsæ digressiones planetarum in latum, quæ fiunt ratione ipsorum primæ inæqualitatis, ad circum illum referuntur, quem sol conficere videtur fixis.

Cuiusmodi apparentias motus solis deprehendunt diligentes Astronomi & quomodo?

1. Quando explorant altitudines solis Meridiani quadrantibus per omnes anni dies (de quibus etiam lib. I. fol. 13. & lib. III. fol. 317.) deprehendunt, Solem die Brumæ paulatim fieri altiores in Meridiebus frequentibus, vsque ad diem solstitii: idque initio, circa Brumalem, & in fine, circa solstitialem diem, planè insensibiliter; in medio, præsertim circa æquinoctia, fitis euidenter. Eadem ratione etiam à die solstitii, diem Brumæ, fit humilior in meridiebus.

2. Interim verò dum sol ab imo ad summum solstitium venit, dimidia etiam pars astrorum ex solis radie emergit: & vicissim, dum sol in meridiebus ex alti-

mo rursus fit humillimus: reliquus etiam Astrorum semicirculus enascitur. Itaque hinc collegerunt Astronomi, diuersitatem illam altitudinum solis meridianarum spargi per totum fixarum ambitum; sc. in cedere solem sub fixis in circulo perfecto, ad æquatorem obliquo, qui ecliptica dicitur: non scilicet moueri illum velut in vno aliquo Declinationis circulo, ad sphaeram fixarum immobiliter affixo, rectâ sursum deorsum, motu proprio, velut in libri, sed simul & sursum & ad sinistram, nobis in septentrionali Hemisphaerio versantibus.

*At qui putabam ego, fixas ex solis radiis emergere, &
sub eos condi, motu suo, non motu alieno
solis vel Terra?*


Est & hæc vna ex apparentiis fallacibus, de quibus Astronomi cum vulgo quidem loquuntur, visum verò deceptionis arguunt, detectis causis. Non enim astra ex solis radiis (seu è loco, quem claritas circa solem diffusa occupat) motu emergunt; sed sol discedens, vt Ptolemæus vult, vel discedere visus, vt Copernicus, illa immota detegit; nec se ipsa condunt astra sub solis radios, sed sol aduentans, seu aduentare visus, illa operit. Quod cum ita habeat circa ortus & occasus siderum Heliacos, omnibus Astronomis fatentibus; mirum, cur turbent illi, si ad eundem modum etiam de primo motu (qui multò celerior est multoque credibilius astris ipsis tribuitur) disputemus, quod non emergant astra ex montibus seu Horizonte, sed quòd montes deflexione seu discessu suo detegant astra.

*Proba ex opticis, motu terra id praestari posse, vt sidera
fixa videantur ex solis radiis exire?*

Demonstrat Euclides Opticorum propositione VIII. oculo translato quiescentium illa, quæ longius distantur προηγούμεναι, præcedere videri, quæ propius, μεταγενέστεραι, destitui, relinqui. Sic enim est inte-

Eccc 2 granda

granda hæc propositio in editione Campani: Iam verò
 subsumit Copernicus: Atqui tellure circa solem lata,
 motu annuo, transfertur oculus noster, motu eodem:
 & fixæ quæ spectantur, longiùs à terrâ absunt, sol pro-
 piùs; quorum & illas & huic Copernicus facit quies-
 cere. Quare his positis, necesse est, fixas videri prodire
 ex sole, solem verò relinqui à fixis, quasi post illas.



Sit terra in P. sol in O. latebit fixa M. post solem
 transeat terra ex P. in G. Iam non M. sed A. latebit po-
 solem, & videtur fixa M. velut ex loco A. progressa esse
 spacio AM. sol verò O. qui existimatur esse in A.
 cum prius existimaretur in M. videtur reli-
 ctus esse ab M. progressa ex
 Sole.

Quomodo has digressiones solis ab aliqua fixâ exactè in partibus minutissimis deprehendimus, cum non simul in conspectum veniant Sol & fixa?

Id supra lib. III. fol. 342. est explicatum, cum de longitudine anni siderii ageremus, seu de emersione fixarum ex solis radiis. Varios enim modos Astronomi tentant. Si tamen Horologium in promptu esset, indicans Horas, Minuta & secunda, & motum habens æquabilissimum; tunc facilimus modus esset iste: vt de nocte notaremus illam Horam, Minutum, & secundum Indicis in Horologio, quando fixa aliqua (cuius est nota Asc. Recta, Declinatio, & per eam longitudo) exactè in Meridiano est; sequenti verò die rursum attenderemus situm indicis, quando ipsum solis centrum ad eundem meridianum venit; idem tertio fieret nocte sequenti, cum fixa reuertitur eodem. Nam quæ est proportio temporis inter binos appulsus fixæ, ad tempus inter primum fixæ, & inter solis appulsus: eadem est proportio graduum 360. æquatoris, ad arcum inter binos circulos declinationum, fixæ & solis. Ita constitutâ solis Ascensione rectâ, & exploratâ eiusdem declinatione ex altitudine meridianâ, faciliè longitudo solis in ecliptica, distantiaq; eius à fixâ secundum hanc longitudinem computatur, per doctrinam primi mobilis.

Quid igitur facit solem videri absoluto curriculo ad principium redire; cum positum sit, solem in centro mundi stare immotum?

Idem qui iam modo, motus telluris, & in ea oculorum circa solem, sub eclipticâ. Vide lib. II. fol. 159. Nam si tellus est inter O. solem, & constellationem Capricorni, puta in G. sol è diametro reputabitur quasi sub ipsis fixis, & constellatione cancri in A. Oculum enim, (quem ratio popularis sequitur) non animaduertit di-

stantiam inter fixas remotissima A. & solem O. propior, inque centro versantem, in eâdem rectâ lineâ G. OA. cum oculo G. constitutos : sed putat O. solem attingere fixas A.

*Dic exemplum huius phantasia popolare
& facile?*

Finge esse templum seu Basilicam aliquam amplam, rotundam, non impeditam sedilibus ; in eius medio Baptisterium cum operculo in sublime assurgenti: circumbeat spectator Baptisterium eminus, conuersis ad id oculis : Baptisterium cum operculo videbitur illi omnes ordine parietes Basilicæ perreptare, donec redeant, & spectator in primum suum locum & Baptisterium ad illam partem parietis, quam initio tegere videbatur. Hic per parietes repræsentantur stellæ fixæ BMA. in Zodiaco, per Baptisterium sol O, per spectatorem eundem, tellus domicilium nostrum circa solem delata, ex F. in P. & G. &c.

Vnde constare potuit Astronomis, circulum apparentis motus solis per fixas, esse perfectum, non vero tortuosum?

Quia deprehenderunt, altitudines solis meridianas respondere digressionibus eius ab aliquâ stellâ fixâ, ex lege perfecti circuli ad æquatorem obliqui.

Deprehenditur igitur sol circulum hunc sub fixis perfectum motu inæqualiter celeri absolvere?

Omnino inæquali ; quippe non respondent æquales huius circuli arcus, temporibus æqualibus.

Quibus argumentis hoc patet?

I. Cum enim bifecetur hic circulus ab æquatore, ut libro II. dictum est: Sol tamen in illo semicirculo, qui nobis superior, moratur diebus $186\frac{3}{4}$. in inferiori diebus

bus 178 $\frac{1}{2}$; quod certum habemus ex diebus & horis, in quibus obseruamus æquinoctium vtrumque, attento temporis interuallo, quod labitur à vernali ad autumnale, & vicissim.

2. Sic cum puncta solstitialia diuidant semicirculos in duo æqualia segmenta, diutius tamen in vno moratur sol, quam in altero. Idem etiam patescit quibuscunque aliis solis digressionibus à fixa quacunque, vt plus proficiat in itinere suo in vna anni parte, quam in æquali alterâ.

Qua causa efficit vt sol perfectum circulum, eclipticam, inæquali celeritate videatur decurrere?

Quia tellus, cum non sub fixis ipsis, sed longissimè inferius, & proximè circa solem incedat, verum circulum suum F.P.G. decurrit à sole O. Eccentricum; sic vt linea per centrum solis, perpendicularis ad lineam FG. Apfidum telluris (esto iam ED.) diuidat Orbitam telluris in partes inæquales, cum diuidat Eclipticam in partes æquales. Ergò secundum doctrinam libri quinti, tellus duobus nominibus diutius versatur sub vno eclipticæ semicirculo $\text{—} \text{P} \text{—}$; vno, quia EGD. pars orbitæ suæ est maior semicirculo; altero, quia remotior ab O. sole, fonte motus; itaque & tardior est tellus verè, per illam incedens. Quare etiam sol sub opposito Eclipticæ semicirculo $\text{V} \text{—} \text{—}$ videtur diutius morari, scilicet tamdiu, quàm diu terra moratur in parte suæ Orbitæ EGD. maiori.

Quid est in Astronomiâ Copernici Orbis magnus?

Sic appellat Copernicus hanc ipsam Orbitam veram telluris circa solem, sitam medio loco inter Orbitas Martis exteriorem, & Veneris interiorem: & Magnum appellat non ob quantitatem cum superiorum Orbitæ circulares sint multo ampliores: sed propter vsum eximium, quem habet in saluandis motibus ap-

Eeee 4 parenti-

parentibus, non solis tantum, sed omnium planetarum primariorum.

Quæ est huius Orbis proportio ad spheram fixarum?

Copernicus ponit eam planè insensibilem, ob planetas reliquos. Itaque supra lib. IV. fol. 490. proportio probabiliter introducta, quia & ipsa insensibilis, & inobseruabilis est, cum Copernici positione benè stat.

Habes aliquod euidens argumentum, verissimam esse Hypothesin Eccentrici, seu variabilis distantia terre à Sole?

Omninò hoc ad oculum potest ostendi, solis diametrum æstate apparere minorem, quam hyeme, si utroque tempore idem instrumentum vsurpemus. Ex hoc enim certum est, distantiam terræ à sole OG. circa solstitium esse maiorem, quam OF. circa Brumam. Sic enim sonat in Euclidis opticis propositio LVI. oculo prope spectatum accedente, id augeri putabitur.

Cur non statuis, motum telluris in suâ Orbitâ verè æquabilem, causamque inæqualitatis apparentis in solam Eccentricitatem, simpliciter & primo modo consideratam, coniciis; ut veteres fecerunt in Theoriâ Solis?

1. Quia Eccentricitatis OC. quantitas, quæ elicitur ex apparenti augmentatione & diminutione diametri solis, non sufficit ad exprimendam quantitatem apparentis inæqualitatis in motu, nisi saltem ex dimidio.

2. Quia etiam planetæ cæteri seu eorum secundæ inæqualitates, non ferunt tantam telluris eccentricitatem, quanta (scilicet OQ.) requiretur ad solis inæqualitatem, more veterum saluandam, sed ferunt tantum eius dimidium OC. nisi velimus frustra Orbes multiplicare, & in singulis planetis, novos circellos sta-

statuere, qui excessum hunc, ex vnica telluris eccentricitate nimia vsurpatâ, vltro pullulantem, compēset,

3. Quia est contra causas physicas lib. IV. explicatas, cursum telluris eccentricum à sole, in ipsâ suâ orbitâ æqualem statuere; cum tamen inæqualiter partes orbitæ distent, à sole, fonte motus. At nunc bisectâ Brahei eccentricitate solis, vel telluris OQ. secundum Copernicum: Tellus ad vnguem iisdem mouetur legibus à sole, quibus ab eodem mouentur & cæteri primarii; & sic omnia omnibus consentiunt. Vide Comment. Martis, parte III.

4. Quia postulant etiam Eclipses Lunæ, vt vmbra telluris varietur minus, quam apud veteres; de quo infra parte 4.

At cur motum annuum potius telluri tribuis: cum veteres ipsi soli hunc motum transscribentes, idem effecerint circa apparentias Solis?

1. Quia Copernicus in motibus solis apparentibus saluandis, non tantum ad solem respicit, sed etiam ad planetas reliquos; quibus idem motus telluris utilis fit, ad demonstrandas eorum secundas inæqualitates. Nisi ergo tellurem diceremus moueri loco solis: oporteret singulos planetas, præter suos proprios motus, etiam hunc ipsum solis motum, vel similem, reuera moueri, vt fit in Astronomia veteri: quam orbium superfluitatem Copernicus nititur refecare.

2. Quia repugnat causis motuum physicis, lib. IV. explicatis, vt sol moueatur (præsertim motu reuera inæquali) pro ratione distantiae suæ à terrâ. Nam cur alligaretur celeritas motus solaris, ad distantiam solis à terrâ; cum tamen tellus soli non possit esse causa motus. At si telluri tribuamus hunc motum annuum, vt eo motu feratur circa solem: tunc idem contingit telluri, quod planetis cæteris primariis, vt sol omnium illorum, & sic etiam telluris motor existat; singulos, &

fic etiam tellurem, incitet, celerius vel tardius, pro ratione distantiae illorum à centro sui corporis, quæ est quouis loco.

In quam plagam mouetur centrum telluris circa Solem?

In eandem plagam, in quam & cæteri planetæ; inter quos tellus medio loco suam designat orbitam; in medio cursus constituta, inquit Aristarchus apud Archimedem: in eandem plagam sub vnâ parte Zodiaci, in quam plagam sol videtur moueri, sub parte Zodiaci opposita: denique in eandem plagam mouetur telluris centrum, in quâ etiam voluitur motu diurno, superficies telluris, parte à sole auersâ; sc. in plagam quæ respectu motus diurni, oriētis plaga dicitur.

Quanta est centri telluris periodus, sub fixis quanta promotio eius in vna die, seu motus diurnus medius?

Vna periodus habet dies 365. Horas 6. Sc. 9. pr. 26. sec. 43 $\frac{1}{2}$ ter. sub fixis, secundum Tychonem: Hinc diurnus cētri fit Gr. 0. 59. pr. 8. sec. 11. ter. 27. quar. 14. quin. sed sub Ecliptica, cuius principium seu sectio cum æquatore obuiat telluri (ob causas libro VII. dicendas) periodus media est dierum 365. H. 5. Gr. 49. pr. 15. sec. 46. ter. Hinc diurnus Gr. 0. 59. pr. 8. sec. 19. ter. 37. quar. 24. quint. Vide lib. III. fol. 275. & 341.

Caue hic ambiguitatem; aliusest motus seu promotio diurna centri telluris, in circulo circa solem; alius motus seu integra Reuolutio diurna corporis circa axem suum, veluti si is axis esset immobilis, de qua in doctrinâ sphericâ actū. Centri motū diurnum exquirimus hîc mensurandi causa: corporis diurnus circa suum axem, erat integra reuolutio, ipse sui mensura.

Vide libr. VII. de Anno tam tropico quâ siderio plura; deq; eius incepti à positiuo principio inæqualitate.

*Quomodo appellantur Apfides in hoc planeta,
& ubi sunt?*


Si de vero telluris motu agimus, dicuntur Aphelium &

um & perihelium, vt in planetis cæteris primariis : & tunc Aphelium telluris hodie est in $\delta\phi$ sin auem, vt de solis apparenti motu, loquimur, manent iis, eadem nomina, quæ in Astronomiâ veteri; dicunturq; Apogæum & Perigæum; & tunc Apogæum Solis est in $\delta\sigma$.

In schemate G. est Aphelium telluris, eius locus sub fixis B. & A. est locus Apogai Solis.

Quomodo hic ducuntur Lineæ motuum?

Si de vero telluris motu agimus, ducuntur lineæ, vt in cæteris primariis, ex centro solis ^{per} centrum terræ, in fixas: sin de apparente motu solis, quod vsus loquendi etiam apud Copernicum obtinuit, ducuntur è contrario ex terrâ per centrum solis prorsum, vsque ad fixas, scilicet in puncta fixarum, locis terrę sub fixis opposita.



Hic in sch. OPI. est lineæ veri motus telluris in P. cõstituta POM. lineæ respõdētis veri motus solis. Et quia C. est centrũ eccen.

eccentriciterra, O. Q. duo foci ellipseos FG. ideo ipsius Q. P. per planetam ducta, parallela OH. est proxime linea medii motus telluris; sed OK. ipsi OH. ad eandem rectam, est linea medii motus solis, ferè inquam, & ad formam astronomiæ veteris. At in hac astronomiæ reformatione secundum causas physicas, non indigemus, motus medii linea HOK. sed pro angulo POH. minus accurato, exquirimus & aream OCP. & angulum OPC. quæ duo æquipollent iuncta, angulo POH.

Quanta est telluris eccentricitas?

Tycho Braheus veteres solos imitatus, constituit eam (scilicet OQ. 3586. qualiū CF. semidiameter orbitæ est 100000. igitur secundum doctrinam libri V. vera eccentricitas OC. erit illius dimidia, scilicet 1793. pro quo in appendice progymnasmatum Brahei, ponitur rotundus numerus 1800.

Sed rationes harmonicæ, quæ motibus telluris vindicant semitonium, motibus Veneris Diesin, neutram tamen puram, iubent à proportionem 5. 8. auferre proportionem 243. 250. residuū à proportionem 3. 5. vt restet proportio 2916. 3125, motuum extremorum, quorum radices 54. & 56. ferè, fient interualla, extrema, medium 55. eccentricitas 1. quæ valet paulo plus quam 1800.

Quomodo inuenitur hæc eccentricitas?

1. Braheus qui incessum planetarum per orbitas suas physicè inæqualem esse nondum agnouit, Methodum Ptolemæi & Regiomontani secutus, solas attribuit obseruationes solis, & longitudes quadrantum anni. Nam si hodiè æstas habet dies 186. cum dodrante, sic vt tellus tot diebus in EGD. moretur, in DFE. vero (cum hyems est) 178. cum semisse, eccentricitas OQ. prodit proximè 3600. sin æstas sit dierum 186. cum quadrante, Hyems dierum 179; Eccentricitas prodibit 3200. Ergo vera eccentricitas OC. erit dimidium huius, scilicet 1800. vel 1600.

2. Sub-

2. Subtilior, eoque in minimis non satis fida est ratio, per solis diametrum; quæ cum hyeme sit Scr. 31. pr. æstate Scr. 30. pr. Et sic tempore intermedio Scr. 30 $\frac{1}{2}$. pr. erit igitur vt 30 $\frac{1}{2}$. pr. ad 31. pr. vel vt 61. ad 62. sic semidiameter, 100000. ad distantiam Apogæam 101640. vt sit eccentricitas 1640. his quidem datis.

3. Ex ternis obseruationibus planetæ Martis (vel etiam Veneris, vel Mercurii) planetâ omnibus tribus vicibus in eodem eccentrici loco constituto; computantur primò tres distantie terræ à sole, in tribus distinctis circuli sui locis: ex iis verò verbi causa FO. EO. PO. & ex FOE. EOP. angulis ad solem interceptis (quos scimus ex tempore interiecto & computatis locis solis) elicitur eccentricitas. Vide Comm. Martis: parte III. cap. 25. & seqq. *Nam tribus punctis F. E. P. non in eadem recta factis, Geometra docent circulum formare, qui per omnia tria puncta transeat. Et terra orbita ob paruum eccentricitatem OC. est proxime circulus.*

Semperne constans est tanta Eccentricitas?

Constantem esse valde probabile est.

1. Quia causæ Eccentricitatis sunt internæ, in corpore planetarii globi sitæ, vt libro IV. disputatum.

2. Quia luna retinet eandem Eccentricitatem hodie, quæ fuit olim. Idem de aliis etiam planetis dici potest. Cur ergò sola terra suam mutaret?

3. Quia etsi Hipparchus, eumque imitatus Ptolemaeus, produnt sua ætate maiorem, scilicet 4200. quod esset secundum phycas hypothesas, 2100. non 1800. monent tamen ipsi, suas æquinoctiorum obseruationes intra 6. Horas non esse certas. At si obseruationes intra 6. Horas sunt incertæ, etiam eccentricitas inter 1800. & 2100. prodibit incerta. Nihil igitur Obseruationes veterum habent, quod opponatur quantitatis eccentricitatis constan-

tia.

*Quomodo mouetur Aphelium Telluris G. vel Apogæum
Solis A. Et cum eo Centrum Eccentri-
ci Solis?*

Causæ translationis dictæ sunt libro IV. Plaga translationis est sub fixis, in consequentia signorum; qualitate æquabilissimus statuitur eorum motus; quantitate tardissimus est; vt inde ab Hipparcho non vltra vnum signum promouerit; itaque motus annuus Apogæi Solis ab æquinoclio est circiter 1. pr. 3. sec. & absoluitur sub eclipticâ annis circiter viginti millibus & 572. amplius: quippe ei principium eclipticæ obuiat: At sub fixis, vix redit Apogæum Solis, post 108. millia annorum; quantum ex breui Obseruationum æuo, de tota periodo ratiocinari datur. Hoc igitur temporis spacio longissimo, centrum Orbitæ telluris describit circellum paruum circa corpus solis, semidiametro ad solaris corporis semidiametrum quadrupla paulò plùs: qualem circellum etiam à luna circa terram describi in annis octosemis, suo loco dicemus. At nisi correxissemus Hypothesin Copernici, qui centrum Orbis magni ponit in centro mundi: oporteret solem ipsum in tali circello circa centrum mundi torqueri, tam prolixo reditu. Et hoc illud est, vnde in lib. IV. fol. 540. argumentum pro motu telluris vnum desumimus.

Non inæqualis est motus Aphelii Solis, vt Copernicus statuit?

Si obseruationes Arabum, qui vixerunt inter nostra & Hipparchis tempora, omnino iustè essent; oporteret hunc motum inæqualem statui. At vel minimus illarum errorculus, qui facile admitti potuit, omnem hanc inæqualitatem præstat. Et pugnat Apogæi Lunæ similitudo pro motus constantiâ.

Quanta est æquatio Solis maxima, quanti diurni?

Eccentricitas CO. 1800. dat æquationem maximam (compositam ex OPC. angulo & valore area OCP. hoc est angulo POH. vel OPQ. ferè) Gr. 2.3. pr. 45. sec. diurnum in Apogæo 57. pr. 3. sec. in Perigæo Gr. 1.1. pr. 20 sec. Cùm 57. pr. 14. sec. ad Gr. 1.1. pr. 3. sec. contineat intervallum semitonii, scilicet proportionem 15. ad 16.

Quanta hinc sit æstas, quanta hyems?

Cùm semicirculus superior conficiatur diebus 187. minus H. 4.38. pr. longissima omnium æstas potest fieri D. 187. minus H. 4.38. Hiems breuissima dierum 178. H. 10.27. Id factū, quo tempore solis Apogæum in \odot fuit, circa annum 1260. à Christo. At in principio mundi Apogæum erat cum puncto æquinoctiali: tunc igitur æquales æstas & hyems. Lib. VII. explicabitur, quæ hinc nascatur inæqualitas annorum.

Quomodo discimus æquationem Solis?

Ex Anomaliâ Solis annuâ, methodo supra libro V. traditâ.

Quid est Anomalia Annua?

Idem in sole quod in omnibus, est Anomalia media Eccentri, vel coæquata ferè. Ergò secundum doctrinam libri quinti, definienda est Anomalia terræ media per Aream GOP; An Eccentri, per arcum Orbitæ GP. An. coæquata, per angulum GOP. ad O. solem, comprehensum inter lineas OG. OP. ex solis centro O. per Aphelium terræ, G. & per centrum corporis terræ P. e ductas: sed ad præscriptum veterum, definitur Anomalia solis annua, media, & coæquata solis: quod sit arcus eclipticæ, inter locū Apogæi Solis, & lineas medii & veri motus solis. *Vt terrâ in P. versante anomalia solis media est ADK. quia OK. parallela ipsi PQ. est linea motus medii solis. At ABM. est Anomalia coæquata; utraque in sole, denominatur annua.*

Qua ratio est nominis annua?

Copernicus annuam denominauit, ad distinctionem Anomalix secularis, qua penes ipsum variabatur Eccentricitas & Motus Apogæi. Nobis illâ varietate non est opus; Annuam tamen dicimus, pro solari, quia solis reditus annum conficit: & verò Anomalix solis periodus non plus, 5. pr. minutis horariis longior est, Anno siderio.

Quid cohæret huic loco?

Primum huc referendus est motus corporis telluris diurnus, circa suum axem, velut immobilem: de quo in doctrinâ sphericâ fuit actum, libris I. II. III. præcipue fol. 279.

Deinde, Inclinationis axis, huius conuolutionis diurnæ ad Eclipticam de qua fol. 243. 330. 337. & infra, lib. VII.

Tertiò; quomodo hinc dependeat declinationum, eclipticæ partium, successio per annum: explicatum est libris II. III. præsertim fol. 243. 248.

Quarto quomodo ex Inclinatione & circumactum huius axis, sequatur præcessio æquinotiorum dictum est lib. III. folio 340. & infra libro VII. pluribus explicabitur. Deniq; huc etiam pertinent, æquationis temporis, seu dierum, partes duæ ex tribus: Quarum altera pendet ab æquatione solis, altera à distantia telluris à sole. Vide lib. III. à fol. 283. in 286.

Explica priorem ex iis, quæ propria est doctrina Theorica?

Dies æqualis tunc incipit, cùm locus solis medius in meridiano consistit; dies apparens, cùm verus solis locus. Quod si solis æquatio fuerit subtractoria, verus solis locus, quippe præcedens, ante medium appellet ad Meridianum, & obseruabitur meridies, ante quam erit modo æquabili. Quare adiiciendum erit aliquid tempori æquali, vt fiat apparens. In adiectoriâ æqua-
tione

tionem subtrahendum est aliquid tempori æquali, vt fiat apparens. Sin autem vicissim tempora apparentia fuerint æquanda, contrarium, vtrobique faciendum erit. Quantitatem additionis, vel subtractionis ostendet ipsa quantitas æquationis; vt cuius vnus gradus valet 4. minuta Horaria paulò minus, ob Additamentum. Maxima igitur erit minutorum horariorum 8.pr.15.sec. ex maximâ æquatione Gr.2.3.pr.45.sec.

*Explica & posterioris causa æquandi temporis,
rationes & quantitatem.*

Dictum est libro IV. Virtutem motricem, quæ est insita telluris visceribus, quæque terram circa axem voluit, sic esse intensam & contemperatam, vt si sola moueret, tellurem interim dum centrum eius semel circa solem fertur, tercenties sexagies præcise circa suum axem volutura sit, parte eadem telluris reuersâ ad eandem lineam, quæ centra solis & terræ connectit: & hanc telluri insitam virtutem respectu sui ipsius vt solitariae semper agere æquabiliter.

At iam fortificatur hæc virtus à præsentia Solis, aliâs aliter; estque totus & consummatus effectus huius fortificationis, in vna periodo telluris circa solem, seu in vno anno, dies 5. cum quadrante, supernumerarii. Hi verò dies seu reuolutiones telluris circa suum axem $5\frac{1}{4}$. efficiuntur ab omnibus omnium orbitæ telluriae partium distantis à sole iunctis, sic, vt minus fortificent illæ distantiae, quæ longiores, plus, quæ breuiores: seu quod est plane idem, vt longiores temporis æquabilis existimati moras faciant illæ telluris diurnæ reuolutiones, quæ contingunt circa Aphelium, breuiores, quæ circa Perihelium.

Cum autem planum segmenti eccentrici telluris, verbi causâ PGO. valeat omnes æqualium eius arcuum distantias vt demonstratum libro V. Planum vero trianguli æquatorii PCO. (quod est in telluris eccen-

trico 180000000. vbi maximam) arguat excessum plani segmenti Eccentrici, (P G O, per P O. lineam ex sole, facti) super P G C. planum sectoris: Idem igitur planum, arguet etiam temporis æquationem hanc, de quâ nûc agimus. Nam si totius Eccentrici area 31415926536. valet $5\frac{1}{4}$. reuolutiones telluris; pars eius, scilicet hoc æquatorium triangulum, valebit minuta 21. prim. 40. secun. Horaria, cùm plurimum. Itaque reuolutiones æstiuæ ab Apogæo solis, ad longitudinem mediam, seu dies apparentes valent vltra medios æquali numero, totidem minuta plus. Et quam diu æquatio solis est subtractoria, semper additur hæc æquatio ad apparens tempus, vt fiat medium; vbi verò æquatio est adiectoria; subtrahitur: ex medio verò tempore fit apparens contrariâ vtrobique ratione. Ita rationes huius æquationis sunt rationibus prioris contrariæ.

Quo experimento scitur adhibendam esse hanc partem æquationis?

1. Tycho Braheus obseruata sua in Luna conciliare aliter non potuit, nisi abiiceret æquationis temporis illam partem, quæ est propter æquationes solis. Cùm igitur hæc præsens æquatio sit illi è diametro contraria, illamque perimat; stant igitur obseruationes Brahei ab huius partibus.

2. At ne sic quidem Braheus omnia obseruata tueretur, quin potiùs optasset, vt multò maius esset id quod abiecit: & ecce hæc nostra præsens æquatio superat illam amplius quàm duplo. Nolim tamen cum quoquam contendere pertinaciùs super hac tertia causa æquationis. Nam si quis obseruationes Brahei in lunâ conciliauerit propiùs, per vsitatam temporis æquationem: ei lubens ego palmam cedam euersæ huius partis æquationis temporis.

*Discerne iam dies apparentes à mediis seu aequalibus
secundum omnes tres causas æquandi tem-
poris in unum confu-
sas.*

A Gradu 2. 24. pr. ☉ addendum est apparentibus temporibus, additio maxima est in Gr. 26 $\frac{1}{2}$. ☊. Minutorum 19. pr. 27. sec. In 18. ♀ incipit exigua subtractio, quæ maxima est in Gr. 3. ♀, 1. pr. 1. secun. minutorum in Gr. 19. ♀ rursû incipit additio paruula & fit maxima in Gr. 25. ♀, minutorum 3. pr. 31. sec. subtractio incipit in 22. ☿, quæ maxima est in 6. ☿, 21. pr. 1. sec. minutorum; consumiturque paulatim in 2. ☉. Igitur à 6. ☿ in 26 $\frac{1}{2}$. ☊ crescunt apparentes dies: inde decrescunt vsque in 3. ♀, crescunt iterum vsque in 25. ♀, & decrescunt vsque in 6. ☿. Ita fit, vt in Gr. sec. 24. pr. ☉ dies naturalis sit longissimus, in Gr. 18. ✕ breuissimus: & rursum proximè talis in Gr. 12. ♀ at in Gr. 27. ☊. Gr. 3. ♀ Gr. 25. ♀, Gr. 6. ☿ mediocris: vt sic per integrum quadrantem, in cuius medio solstitium hyemale, scilicet ab 18 ♀, vsque in 22. ☿ perpetuo tenore maneat ferè mediocris. Denique particula anni à 6. ☿ per solstitium æstiuum, vsque in 27. ☊ (quod est paulo plus vno quadrante anni) melior est in suâ proportionem, Horâ vnâ cum triente, quam residuum anni à 27. ☊ per ♀ in 6. ☿. Hæc anno 1616. completo. Hæc quidem sic habebunt, posito casu, quod retinenda sit tertia etiam causa æquandi temporis.

Num tellus etiam in latitudine mouetur?

Si latitudo cœli, vt libro tertio, cēsetur ab Eclipticâ in septentrionem vel Austrum: tellus in latum euagari non potest, cum, quocunque euagatur, secum ferat Eclipticam, vtpote, quæ describitur sub fixis

per lineam ex centro solis per centrum telluris eductam; & ad eam referuntur motus planetarum, & loca fixarum. At si comparetur ecliptica ista (id est Orbita telluris sub fixis) secum ipsa, secūdm diuersa sæcula deprehendit sanè Braheus ex mutatis fixarum latitudinibus eclipticam hodiernam concessisse ad latera eclipticæ pristinæ: vt sic etiam in hoc negocio Inclinationis & translationis nodorum sit integra Analogia motuum telluris ad motus cæterorum Planetarum.

Hæc tamen consideratio nec ad collectiones motuum solis, nec ad enucleandas apparentias planetarum cæterorum hoc loco necessaria est: quare differatur in librum VII.

Nullane inæqualitas apparet inesse motibus Solis occasione distantia centri telluris ab eius superficie?

Existit hinc aliquod sanè perexigua varietas, paralaxis diurna dicta; sed cū ea nullius planè sit momenti, respectu motuum solis ipsius; nec ob aliam ferè rem exquiratur, nisi propter ellipses luminarium, differenda igitur est deorsum in Theoriam Lunæ, & Doctrinam eclipsium.

Quid rerum extra metas Astronomia se proferentium, pertinet ad doctrinam de motu Solis?

Doctrina de Annis & Mensibus solaribus politicis.

Quid est tempus politicum?

Quod integrorum dierum numero constituitur, neglectis aut arte compensatis minutis Horariis.

[Quot sunt præcipui Anni solares politici, seu civiles?

Tres. 1. Ægyptius dierum 365. perpetuo, quantus colligitur etiam annus diluuii fuisse.

2. Iulianus, quatuor annis in vnā periodum computatis: quorum tres primi, singuli constant diebus 365. quartus diebus 366. repetitur enim mense Februario nomen idem & litera eadem F. diei 24. & bis pronūciatur sexto Calendas Martias; vnde huic quarto anno nomen est Bissextō aut Bissextili, Teutonicè *Schalt Jar* / quasi Luxatilem dicas: hinc & dies ille bissextilis, intercalaris græcè Embolimus insititius, *Schalt Tag* dicitur. Horum Iulianorum 1460. æquant 1461. Ægyptios. Nam & illi, & Persæ veteres obseruabant diem intercalarem, quarto quoque anno per vnum diem descendente Ortu Caniculæ; vnde apud Persas nata fuit periodus annorum 120. intra quos hoc initium anni siderii descendit per omnia triginta vnus mensis Nomina, quæ illi diebus à suis Heroibus imposuerant. Itaque tunc intercalabatur vnus mensis.

3. Gregorianus, quadringentis annis in vnā periodum computatis, in qua cæteri quaternarii sunt dierum 366. soli centenarii tres priores, sunt simplices, dierum 365. Vide lib. III. fol. 274. & infra de ciuilibus lunaribus: nec non etiam libro VII.

*Num etiam inæqualitas motus solis obseruata fuit
in mensibus politicis?*

In Ægyptio, inque diluuiāno non obseruatur computabantur enim 30. dies in mensem toto anno, vltimi verò & supernumerarii 5. dicebantur Epagomenæ, Appendix, & pro nullo habebantur; transigebantur enim per comestationes. In Iuliano obscura inæqualitatis solaris obseruatio in hoc cernitur, quòd sex mensibus initio factō à Martio, (vt in quorum medio sol tardissimus incederet) tributi sunt dies 184. reliquis tantum 181. In anno Dionysii Mathematici menses à signis cœli denominati sunt: de numero tamen dierum cuiusq; non constat planè.

LIBRI VI.

DOCTRINÆ THEORICÆ III.

Pars II.

DE TRIBVS SVPERIORIBVS SATVRNO, IOVE, MARTE, ET ALI-
qua communia etiam duobus
Inferioribus.

*Quare post explicationem Solis apparentium (hoc est, tellu-
ris propriorum) motuum iam statim subiicitur trium
superiorum, deinde duorum inferio-
rum primariorum Theo-
ria?*



Via cū duæ in primariis deprehendantur inæqualitates motuum: earum alterâ quidem, quæ ipsis reuerâ inest, libro V. plenè explicatâ, telluri sunt similimi; reliqua, quæ non reuerâ ipsis inest, sed ex visus fallaciis oritur, ex ipso telluris motu dependet: quia hac veluti naui, visus noster in mundo circumfertur. Cū ergò in his planetis vsus Orbis Magni præcipuè patefcat; omninò Theoria superiorum, deinde inferiorum, quârum de eis restat, suprà libro V. nondum explicatum, velut appendix quædam, seu auctarium doctrinæ de orbe magno, proximè solis Theoriæ succedere debuit: prior tamen Theoria superiorum, quia in iis amplior, euidentior, sensuique magis obuia est visus deceptio, ex orbe magno orta.

Quot orbibus est opus ad Theoriam cuiusque planeta è primariis?


Duobus solummodò, præter eclipticam, altero eccentrico, ipsius planetæ proprio, altero telluris seu orbe magno, omnibus communi: Horum natura, leges motuum, & termini Astronomici communes expli-

cati

cati sunt libro V. Orbis verò Magni etiam quantitates propriæ, parte primâ huius VI. libri, iam præmissæ sunt: vetus Astronomia multis hic Epicyclis indiget alioque apparatu.

Cur autem cum tres sint superiores una tantum Theoria proponitur, & inferius etiam una sola duorum inferiorum?

1. Quia eandem orbitam telluris, tres ex æquo suis orbitis cingunt, quippe superiores: duo verò ex æquo intra hanc orbitam telluris inclusos cursus habent, quippe inferiores.



2. Quia planetæ motibus realibus, in orbitis eccentricis, sunt inuicem similimi, vt dictum est: visus verò fallaciæ, quæ in eorum vno quolibet contingunt, ex vno quidem solo orbe magno omnibus communi, oriuntur, at hoc duobus modis vno

omnibus tribus superioribus, altero duobus inferioribus communi.

3. Est & causa mechanica, theoriis (quæ instrumenta sunt ocularium demonstrationum) propria. Nam delineatâ Saturni Theoriâ, & accommodato orbe magno, tantum interest spaciî, vt in eo etiam Iouis & Martis Eccentrici describi, idemque omnibus tribus Orbis, nomine & vsu magnus, quantitate minimus, seruire possit: sic scripto Eccentrico Mercurii circa solem, & accommodato ei orbe magno (qui respectu inferiorum etiam re ipsâ magnus cluet, quippe maior vtriusque orbitis) restat etiam commodus locus Eccentrico Veneris inter vtrumq; describendo. Hac de causa potest etiam pro omnibus sex primariis fieri vna sola Theoria, constans sex orbitis, minùs quidem commodè, quoad mechanicam; magis tamen propriè ad genuinum exemplar ipsius mundi mobilis.

*Recense quas motuum apparentias faciant
tres superiores?*

1. Motus Eccentricos trium superiorum in longum, quales descripti sunt libro quinto, inueniunt astronomi concordare cum obseruationibus seu apparentiis, tantummodò in punctis verarum oppositionum cuiusque cum sole, dispersis per Zodiacum;

In schemate proxime sequenti, posito planetâ in Q. locus eius eccentricus sub fixis erit D. et si verò sapius planeta veniat in Q. nunquam tamen ex terra apparet sub D. nisi tantum, si terra simul sit in T. puncto linea SQ sic vt ex T. terrâ spectentur S. Sol & Q. planeta, in locis oppositis C. D.

2. Motus verò visibiles seu apparentes, trium superiorum extra oppositionum articulos, diuersissimi sunt ab illis, qui sunt libro V. traditi. Nam si capiamus instrumentis distantias planetarum à fixis prope Zodiacum, continuis noctibus, explorantes, quantum quilibet promoueat quouis tempore ab vna nocte ad aliam: tunc inuenimus eos tantò ferè velociore ad oculum

culum, quanto fiunt propiores soli, versus vespertinas occultationes; aut quantò minus exierunt à radiis solis post matutinas emerfiones: tantò vicissim tardiores, quantò remotiores à sole; adeò, vt tandem fiant planè Stationarii, ad visum, Saturnus quidem inter quadrātem & Trientem circuli antè & post solem; Iupiter Triente à sole præcisè, Mars vltra trientem, scilicet tribus octauis & duabus quintis partibus circuli ante & post solem. Inter illa puncta versus oppositionem cum Sole, fiunt planè retrogradi; Et in hoc motu retrogrado velocissimi sunt in medio, circa ipsam oppositionem in acronycho situ.

Et Saturnus quidem planeta altissimus & tardissimus, in Eccentrico plures stationes habet, Mars humilimus & velocissimus, pauciores Iupiter, pro sua mediocritate mediocres. Vicissim: vt quisque altior & à sole remotior, vel seipso, vel alio inferiore: sic diutius deprehenditur manere retrogradus: Saturnus retrogradationem in quintum mensem protrahit, Iupiter quatuor menses occupat, Mars tres vel duos: cum tamen è contrario minimum arcum Eclipticæ pererret trium altissimus, retrocessu suo, maximum humilimus, at diuersissima ratione vnus & idem altior quidem maximum, sed humilior factus minimum, Saturnus paulò plus 7. graduum, Iupiter 10. gr. Mars altus, penè 20. graduum, humilis factus, minus quàm 12. gr. Vt ita secunda hæc inæqualitas plurimùm à primâ, libri quinti; differat, & reipsâ plurimùm habeat inæqualitatis.

3. Quod attinet motus in altum; inueniuntur quidem planetæ, collocati in situ Acronycho, semper maiores; quo verò propiores fuerint soli, hoc sensibilius imminuunt corporum apparentem magnitudinem.

Vi si Terra sit in T. planeta in Q. magnus apparebit circa C. verò paruus.

4. Denique ratione motus in latum, semper maior est apparens latitudo planetæ, cùm opponitur soli,

singulis locum habeant; Sol scilicet, in omniū circuitionum meditullio, planetas lege stateræ moueat. Ordinatur enim singulæ orbitæ sub singulis circulis magnis fixarum, inclinatis ad eclipticam, alius alibi; suntque figuræ ellipticæ, quarum longiores Diametri per centrum solis communiter transeunt, sic vt in eo sese omnes secent: distant orbitarum partes inæqualiter à sole: & in partibus quidem à sole remotioribus, planetæ fiunt duplo seipsis tardiores, quàm remotiores: in propinquis soli, duplò seipsis velociores, quàm propinquiores: & hoc quoad apparentiam velut ex sole, seu angulos in centro solis stantes, quos angulos itinera planetarum diurna subtendunt.

Quanta sunt singulorum periodi temporaria, quique diurni mediocres?

Absoluunt cursus suos sub fixis

Annis Ægyptiis. Diebus. Horis.

<i>Annis Ægyptiis. Diebus. Horis.</i>					<i>Diurni medii.</i>		
h	29.--174.--4.58.	pr.25.	sec.30.	ter.	2.pr.	o. se.	36.ter.
℥	11.--317.--14.49.	31.	56.		4.	58.	26.
♂	1.--321.--23.31.	56.	49.		31.	26.	39.

Ad Apfidem quilibet suam reuertitur paulo tardius, vt mox patebit; Ad idem verò punctum eclipticæ paulò velocius; quia hæc pūcta ipsis obuiant, vt libro VII. docebimur.

Qua est orbium trium superiorum & Quarti, orbis magni seu telluris inter se mutuò proportio, qua item eccentricitatum interuallorumque?

Hic cæcâ laborat ignorantia vetus Astronomia; vt quæ solas eccentricitatum proportionem ad diametros suorum orbium detegit, at proportionem inter se eccentricorum nullam certam tradit, nisi quæ ex superstructione materiali orbium oritur, quam vide lib. IV. f. 494. & f. 451. Nam quia Epicyclos singulis suos tribuit,

buit commune dimensionum vinculum soluit. Igitur in Copernici formâ sic habent Interualla.

	Aphelium.	Medium.	Perihelium.	Eccentricitates quæ lium semidiane- ter est 100000.
<i>Saturni</i>	1005207.	951000.	896793.	5700
<i>Iouis</i>	544708.	519650.	494592.	4822
<i>Martis</i>	166465.	152350.	138235.	9263
<i>Orbis Magni</i>	101800.	100000.	982000.	1800

Hæc interualla sunt extracta ex obseruatione Parallaxium orbis, de quibus infra; causas verò eorum Archetypicas explicaui libro IV. fol. 454. ex mysterio Cosmographico & fol. 471. ex Harmonicorum libro 5.

Quibus

Quibus ecliptica locis hærent Eccentricorum Aphelia, & quantus illorum est motus?

Ptolemæus, cùm motus Eccentricorum ad tellurem retulisset, Apogæum Saturni reposuit sua ætate in Gr. 23. μ , Iouis in Gr. 11. μ , Martis in Gr. 25. 30. pr. σ . Posito igitur, quòd centrum Eccentrici telluris, etiam olim particulis 1800. distiterit à centro solis, vt in Theoriâ solis dictum; & quòd lineæ ex centro orbis magni per centra Eccentricorum, æquidistare debeant lineis Apfidum Ptolemaicis (de quâ æquipollentiâ, vide Comm. Martis Cap. VI.) eoque incidant in loca eclipticæ iam indicata: certè lineæ verarum Apfidum, scilicet Aphelii & Perihelii, ex sole per centra Eccentricorumeducta, ceciderunt in alia loca Eclipticæ, Saturni in pr. Gr. 23. 34. μ , Iouis in Gr. 15. 7. pr. μ , Martis in Gr. 0. 42. pr. σ . Vide Comment. Martis cap. XVII. eiusque correctionem, cap. LIX. fol. 329. & 333.

At hodiè Aphelium Saturni est in Gr. 25. 48. pr. λ , Iouis in Gr. 7. α , Martis in Gr. 29. 20. pr. σ . Quòd si veræ sunt obseruationes Ptolemæi: Saturni Aphelium esset velocissimum, Martis tardius, cùm tamen illius periodus habeat annos 30. huius non duos; vbi causa nulla apparet tantopere turbatæ Analogiæ. Iouis vero Aphelium esset adeò tardum, vt non assequeretur præcessionem æquinoctiorum, sed sub fixis fieret retrogradum: quod causis physicis libro IV. explicatis repugnare videtur; nec si vel consisteret sub fixis immobile, cæterorum exemplis congruit. Igitur suspectæ sunt etiam hoc nomine obseruationes Ptolemæi, præsertim circa Iouem.

Num etiam veteres obseruarunt, Eccentrici partes duplò celeriores fieri, quàm soli propiores, duplò tardiores, quàm à sole remotiores, & quo argumento?

Omninò obseruarunt; primùm ea re, quòd si omnè
inæqua-

inæqualitatem motus eccentrici transscripissent soli eccentricitati seu diuersitati distantiarum Epicycli, (quos illi singulos in singulis planetis loco vnus orbis magni statuebant) tunc maior efficiebatur varietas apparentis magnitudinis Epicyclorum, quàm ferebāt obseruationes. Deinde, quòd in ipsis Epicyclis suppositis, planetæ altissimi facti, celeriores esse inueniebantur, quàm pro ratione distantia totius Epicycli à centro mundi. Itaq; cogebantur æquantis centrum introducere; cuius officium hoc erat, vt solidos illos (vti credebant) orbis, eccentricum & epicyclum, redderet reuerâ, motu inconstantes & inæquales. Nam si Epicyclus incederet altissimo loco eccentrici: tunc totus Eccentricus secundum omnes partes reddebatur ab Æquante reuerâ tardus; Et si planeta esset summo loco Epicycli: Epicyclus totus reuerâ reddebatur velox, secundum omnes partes: sicut nobis, ipsum centrum planetarum corporis alti tardius efficitur, humilis velocius, ex causis physicis, & ratione statetæ; quale nihil ex veteri Astronomia potuit erui, quod causam huius apparentiæ polliceretur.

II.

DE DIRECTIONE, STATIONE,
RETROGRADATIONE.

Cum igitur tales Eccentrici tantum in oppositione & conjunctione planetarum cum sole, saluent obseruata: dic igitur, quæ sunt reliquarum, ex dictis, apparentiarum irregularium cause?



Ræcipua hic virtus enitescit Astronomiæ Copernicani, quòd veteri Astronomiâ tacente, & tantum admirante, ipsa loquitur, & causas rerum explicat: cumq; vetus astronomia Epicyclos multiplicet; copernicana simplicior, omnia ista saluat solo & vnico motu telluris circa solē,
ad

ad Eccentricos addito; qui iam antea ad saluandum motum apparentem solis introductus est, huius libri VI. parte primâ. Et ob hunc vsum amplissimum, orbita telluris circa solem summo iure dicta est orbis magnus, parte primâ huius libri VI.

Vt aggrediamur demonstrationem, dic initio, quid sit linea motus visus seu apparentis planeta, & qui locus eius visus?


Technicè loquendo & vocibus ad theorias manuaras accommodatis, in quibus non potest exprimi proportio orbis planetarii ad orbem fixarum immenso similem, linea hæc definitur, quod sit rectaeducta ex centro solis vsque sub fixas, æquidistans rectæ ex centro telluris per corpus planetæeductæ. At secundum rei ipsius conditionem (quia Orbis Magnus, collatus ad fixas, est insensibilis) est recta ipsa ex centro telluris per corporis planetæ centrum, vsque sub fixaseducta: quæ ubi in fixas incidit, ibi signat visum sideris locum.

In schemate præmissso, sit sol, centrum fixarum, in S circa quem sit Orbis magnus BT. & Terra in eo; & sit circa hunc Orbita alicuius ex superioribus AQR. Sit locus Terra T. Planeta R. Connexis igitur T. R. signis, per rectam TR. continuatam, vsque sub fixas N. eique ductâ parallelâ ex S. sole, quæ sit SL. erit quidem hæc SL. in Theoriis manuariis, linea apparentis motus Planeta in R. siti: at in rei veritate, ipsa TRN. erit linea visiva planeta R. Et quia TS. Intervallum Solis & Terra, non est sensibile, collatum ad SL. vel TN. distantiam fixarum: ideo tam TRN. quàm SL. continuata, cadunt in locum sphaera fixarum ad sensum eundem: nam distantia punctorum NL. in qua incidunt hæ parallelæ, non est in terra sensibilis, sed habetur pro vno puncto.

73 EPITOMES ASTRONOMIÆ

Quo indicio scimus in Hypothesibus Copernici, planetam aliquem esse Directum, Stationarium, vel retrogradum?

Planeta, superiorum & tellure tardiorum vnus, tunc videtur esse directus; quando proximorum dierum lineæ visuæ seu lineæ apparentis motus planetæ sese mutuò secant intra terram & planetam, vel in centro terræ, vel retro terram, in plagam à planetâ diuersam: tunc verò videtur stationarius, quando lineæ duæ dictæ sunt parallelæ; tunc denique retrogradus, quando sectio cadit vltra planetam. De inferioribus suo loco agetur: habent enim plerasq; rationes contrarias.



In apposito schemate, sit E. sol ABC. Orbis magnus seu Orbita telluris, diuisa in arcus diurnos, OPK. Orbita vnus è superioribus, terra orbitam includens, diuisa in arcus planeta


neta diurnos, plures numero, quàm terra orbita, etiamque minores secundum doctrinam libri IV. fol. 521. Et sint simul terra in A. & planeta in O. indeque numeratis diurnis numero utrinque equali, sit denique simul & terra in G. & planeta in K. Et connectantur diuisiones diurnorum huius, cum respondentibus diuisionibus illius. Fiet igitur apud lineam primam visiuam AO. & vicinam suam, ut secent se mutuo in F. puncto intermedio inter A. terram & O. planetam; sic etiam terrâ in C. planetâ in Q. versante, sectio erit in H. loco rursum intermedio inter C. & Q. At terrâ in H. transgressa, erit una visoriarum ex vicinia ipsius H. exeuntium, qua telluris orbitam tangat vel tangenti aequidistet, ipsa secans eam & per duas vicinas diuisiones orbita terra transiens esto Hl. & tunc sequentis diei visoria priorem secabit in ipso centro terra. Sequentes visoria producta sese secabunt in plaga, qua à planetâ versus T. eunte, ultra situm terra inter DH. vergit in partem oppositam, quasi versus O. Omnibus his conditionibus dico apparere planetam directum, id est, in O. in Q. & circa I. At iam planetâ in T. veniente, terra vero in D. bina linea D. T. incipiunt fieri parallela: Per has igitur visorias dico apparere planetam stationarium. Denique ultra D. T. versus GK. ex parallelis fiunt rursum concurrentes, sed ultra planeta curriculum TK. versus N. siquidem continuentur, hoc ergo dico arguere, planetam K. per visorias GK. apparere retrogradum.

Proba nunc, necesse esse, ut, terra circa solem eunte motu annuo, superiores, tardius redeunt, in coniunctione solis videantur esse directi ultra quadratum à sole locum stationarii, in opposito solis retrogradi: idque respectu motuum secundorum ab occasu in ortum tendentium?

Pro retrogradatione sit primo popularis demonstratio ista. Demonstrat Euclides Opticorum propositione 54. Si aliqua ferantur inæquali celeritate, inter

G g g g que

que illa etiam oculus, ea quæ cū oculo ferantur æquā-
 ti celeritate, videri stare, quæ tardius oculo, in contra-
 rium ferri, quæ celerius, præcurrere oculo. Hæc ille ad



verbum. Quæ etsi sunt accommodata rebus populari-
 bus, verbi causa, nauibus in mari, currentibus; (vbi illæ
 quæ vni vnâ eunti stare videntur, propterea sic videtur,
 quia comparari possunt ad celeriores & tardiores vnâ
 euntes, quarum illæ videntur præcurrere, istæ retrò
 moueri) non malè tamen accommodari possunt etiam
 ad retrogradationes. in astronomiâ. Nam hic etiam
 terra cum planetis superioribus, currit eandem viam;
 cumq; dispares huic & illis sint dati reditus, & Orbitæ
 cuiusq; in seipsas redeant, fit vt terra cū planetâ nunc
 ex eâdem plagâ currat, nunc ex oppositâ. Cū igitur ex
 eadem plaga currunt, vt terra in G. planeta in K. Sol E est
 utriq; in plaga eadem, & sic terra G. media inter E. solem &
 K. pla-

K. planetam; hoc est, planeta K. opponitur soli E. nobis scilicet in G. versantibus. Hic igitur oculus in G. celerior est planeta in K. non tam idè, quia diurni telluris in G. maiores sunt, diurnis planeta in K. quàm quia hi diurni G. & K. pè-
nè inuicem sunt paralleli hoc loco: unde fit ut visoria linea, qua terminos inaequalium connectunt, ad se mutuo incli-
nensur, concursura supra planetam. Hoc verò est indicium re-
trogradationis. Vide Astronomia partè Opt. à f. 324. in 334.


Quoad stationes & directionem, axioma hoc opti-
cum incommodius applicabitur ad cursus circulares. Posita enim Terra in A planeta in O. iam non eunt viam
eandem planeta & oculus, ut in axioma supponendum e-
rat, sed ex oppositis partibus circularum sibi mutuo obuiant,
terra per viam AB. planeta per viam OP. nec unquam æ-
qualiter mouentur planeta & terra, sed semper ille tardius.
Quare in hac parte, missa demonstratione populari, trans-
eamus ad astronomicam, Copernicanis Hypothesibus pro-
priam.

Quantum igitur ad stationes, est vna suppositionū
Copernici libro IV. fol. 490. & seq. confirmata, Diametrum
orbis magni AB. collatam ad fixarum sphaera diametrum
insensibilem esse. Multo minus igitur sensibilis erit distantia
parallelarum, circa D. T. qua saltem particulam orbis ma-
ni, scilicet, diurnos arcus eccentricos, telluris ad D. & pla-
neta ad T. includūt. Ergo parallela illa,educta vsq; in fixos,
non idem illarum veluti punctum videbuntur incidere: atq;
coplaneta per utramq; visoriarum illarum, hoc est, tam in
principio, quàm in fine suscepti temporis 24. horarum, vide-
bitur eodem loco fixarum habere, quod est stare, vel statio-
nem peragere. Cum igitur necesse sit, bis fieri parallelas viso-
rias, propter coniunctionem & separationem omniuariam
currentium corporum planeta & telluris, necesse & hoc erit,
ut planeta duobus locis appareat stationarius: qua loca vl-
tra quadratum solis remoueri iam demonstrabitur.

De directione & retrogradatione sic. Primùm, ne-
cessè est, positis inaequalis temporis reuersionibus cor-
porum telluris & planetæ, vtriusque in consequen-

tia euntis; sectiones visoriarum contingere omniuas.

Sint enim initio in oppositis circularum partibus, terra in *A*. planeta in *O*. & sint itinera in contrarium tensa *AB*. & *OP*. contrariis igitur arcuum terminis connexis, verbi causa lineis *AO*. & *BP*. necesse est fieri sectionem earum mutuam apud *F*. loco inter arcus intermedio. Opposita verò partes orbium habent solem *E*. intermedium, quia sol est Copernico cor & velut communis axis orbium, ut confirmatum est libro *IV*. fol. 444. Ergo sequitur, ut in aliqua dierum, quibus sectio *F*. est inter *A*. terram & *O* planetam, Sol *E*. & planeta *O*. ex *A*. terra videantur sub eodem loco fixarum coniuncti, per visoriam *AEO*. productam in fixas.



Ex eo, quia semper sectio appropinquat terra, remotissimus enim est ab *A*. propior ipsi *B*. magisque ipsi *C*. probatum verò est

vò est, visorias tandem fieri parallelas, necesse est, sectionem intermedio loco incidere tandem in ipsam terram, inde quo post terram excurrere in infinitum, id est, sectionem tandem nullam fieri; ut terra in D. planeta in T. veniente. Atqui si sectio incidit in terram (esto in H.) centrum igitur terra in posteriori situ, incidit in visoriam dici prioris; visoria igitur illa, (esto HI.) absecat ab orbe magno unum diurnum apud H. a quidistat igitur recta tangenti orbem magnum, in medio illius arcus diurni. Sed quæ ex centro cui vicinus est sol, ut EH. ducta in contactum qui sit H. facit cum tangente HI. angulum rectum EHI. Si igitur HE. est visoria per solem; HI. visoria per corpus planeta I. ducta, tendet in locum quadratum solis. Cum igitur sectio fit in centro terra, planeta apparet in quadrato solis circiter: at si videatur plus quàm 90. gradus circiter elongatus à sole, sectio est post terram versus O. donec in parallelas degeneret. Ita sequitur stationes fieri ultra quadratum Solis.

Rursum visorias post DT. versus GK. ordinatas concurrere productas, & secari ab inuicem supra planetam circa solis oppositum, prius est demonstratum, in usu axiomatis Optici.

Iam igitur demonstratum est, sectiones visoriarum, tempore coniunctionis planeta cum sole, fieri inter planetam & terram, tempore quadrati solis, in ipso terra centro, post, retro terram, ulterius nullos fieri: at versus oppositum solis, supra planetam contingere.

Atqui si visoria se secant, supra planetam, necesse est planetam videri retrogradum, si infrà, versus terram, vel in terra, vel retro terram: planeta, superiorum unus, necessario directus videbitur incedere.

Nam sit OPQ. signorum consequentia, in quam planeta veris motibus circa E. solem tendunt. Cum igitur etiam sectio qualibet, representet quodammodo centrum earum, sitque media inter terram & planetam per ABC. &que in H. sectio qualibet discriminabit plagas motuum oppositas, ut sol. Et quia terra per ABCH. cis sectiones in directum mouetur, sub fixis, in plagam FA, FB. &c. super-

stantibus: etiam partes illæ visoriarum quæ sunt ultra sectiones, erunt in directum dispositæ.

Sic cum sectio fit in centro terræ circa H. duæ igitur visoria exeunt ex eodem H. loco centri, una prioris diei, altera presentis: exeunt vero in partes orbitæ planeta ordine signorum sequentes, prior in locum ipsi Q. propiorem, posterior in locum I. quia verus planeta motus est à Q. versus I. Ergo & hæ visoria succedunt in signorum consequentiam.

Sic cum sectio fit post terram H. versus D. terra igitur & planeta sunt ex eadem plaga, respectu sectionis, & in iisdem secantium partibus, quæ tenent rursus ordinem punctorum tam orbitæ QIT. quàm orbitæ HD. Adhuc igitur visoria succedunt in signorum consequentiam.

At vero cum sectio est ultra planetam soli oppositum, versus R. vel K. tunc rursus quidem eandem, sectionis respectu, plagam, easdemque sectarum partes TD. KG. obtinent terra in D. G. & planeta in TK. At quia sectio est in plagam planeta, soli oppositi, opponuntur igitur, hinc E. Sol, inde sectio, versus R. vel N. interponuntur vero itinera corporum DG. & IK. Sunt vero directæ respectu solis E. quia circa solem flectuntur; Sunt igitur retrogradæ respectu sectionum supra R. N.

Igitur visuarum DT. GK. partes illæ, quæ sunt supra sectiones, erunt & ipsæ dispositæ contra signorum ordinem: quare necesse est planetam soli oppositum videri retrogradum.

Hanc inæqualitatem stationum & retrogradationum absurdissimam, vetus astronomia planetis ipsis singulis seorsim tribuit, eorumque veris motibus, ut subiectis inesse statuit.

Quid appellas puncta stationum?

Puncta vel singula eclipticæ, sub quibus planeta per aliquod tempus hæreere videtur immobilis; vel bina orbitæ planetæ, aut etiam orbitæ telluris, arcus illos terminantia, per quos dum incedunt, planetam & tellus, apparens statio durat.

Quot numerantur cuiusque planeta stationes?

Duæ, vna ante oppositionem cum sole, quæ *συνέστροφος*, Statio prima dicitur; altera post oppositionem, secunda denominata.

Qua redesignantur puncta stationum sub ecliptica?

Duabus lineis, duorum proximorum dierum visibilibus, inter se parallelis, usque sub fixaseductis.

Quomodo possunt fieri parallela, si diurni arcus Eccentricorum, planeta & telluris, sunt inæquales?

Quantò maior est arcus diurnus telluris, arcu diurno planetæ: tantò obliquius lineæ visivæ secare debent orbitam telluris.

Quomodo determinantur eminus puncta orbis magni, stationes representantia?

Ductis rectis ex planetæ quolibet loco suscepto tangentibus orbem magnum ab utroque latere: puncta, in quibus terra constituta, planetam illo eccentrici loco versantem, repræsentat stationarium, recipiunt se intra contactuum puncta, versus planetam; plurimum in Marte, minimum in Saturno; mediocriter in Ioue.

Ut si queratur de loco Eccentrici planeta S. ex illoeductæ rectæ, tangentes orbem magnum SB. SC. ut sint BC. puncta contactuum, puncta stationum duarum sunt in arcu BC. propiora planeta in S. quàm ipsa BC.

Quem appellas arcum Retrogradationis?

1. Vel arcum eclipticæ, comprehensum inter duas vicinas planetæ stationes apparentes. 2. Vel arcum orbis magni, comprehensum intra bina parallelarum paria, stationes determinantia. 3. Posset etiam de arcu Eccentrici planetæ vsurpari, quem pla-

neta decurrit ab vna statione ad proximam & hunc eadem bina parallelarum paria determinant.

Qua fuit opinio veterum, de causis, cur fiant planeta stationarii, quisque in peculiari elongatione à Sole?

Veteres, quos inter Apollonius Pergæus, & eos secutus Ptolemæus, causas deducunt ex proportionem motuum Epicycli ad Eccentricum: sed magnitudinis Epicyclorum, præpostero ordine singulis attributæ, eorumque motuum proportionis causas dicere non potuerunt.

Latini philosophi, mathematicas disciplinas insuper habentes, vim retardandi motus planetarum, & planè inhibendi, contulerunt in Aspectus Solis, & Saturno dixerunt nocere quadratum Solis, Ioui Trinum, Marti aliquid amplius: ignari, Aspectus hos, uti quidem fieri possunt efficaces in hæc inferiora, esse potius Entia terrestria, quàm cœlestia. Nec enim sunt aspectus in ipsis planetis; sed hic tantum in terrâ. Nec perpenderunt, Aspectus esse rationis Entia formaliter: quibus nisi in facultatem, rationis quodammodo participem, vis & efficacia nulla inesse potest.

Qua est igitur causa vera, cur Saturnus inter quadratum & Trinum Solis, Iupiter in Trino ferè, Mars ultra Trinum à Sole tam antè quam retrò fiant stationarii?

Quia, si planeta nihil planè proficeret motu proprio sui eccentrici, loca stationum apparentium in orbe magno, essent eadem cum punctis contactuum: hoc est, planeta stationarius appareret in ipso Quadrato Solis circiter. Posita enim terra in C. eunte planeta in S. stante reuera, & CS. tangente terra orbitam; videretur sol per CE. planeta per CS. quare 90. gradibus circiter à sole, quia ECS. ferè rectus. Sed quia planeta non quiescit in S. quo ergò maior est cuiusque planetæ verus arcus diur-

diurnus in Eccentrico; hoc longiùs à punctis contactus C. oportet duas visuas discedere, vt parallelæ fiant, perque hoc stare planeta videatur.

Vicissim si planetæ arcus diurnus æquè longus esset arcui telluris: statio nulla posset apparere, nisi in ipso solis opposito. Iam verò breuiiores sunt diurni superiorum, & breuissimus Saturni, Iouis mediocris, Martis longissimus. Quare ad stationem Saturni representandam, parua recessione à puncto contactus, versus oppositionem opus est terræ, ad Iouis, maiore, ad Martis maxima. Quo plus verò terra distat ab hoc puncto, hoc maior fit angulus inter visuas planetæ & solis. Conficitur igitur Saturni stationem paulò plus 90. gradibus à loco solis abesse, Iouis multò plus, hoc est circiter 120. gr. Martis plurimum.

Quam causam assignas, quòd tardissimus planeta sæpius stationarius retrogradusq; fiat, velocissimus rarius & tardius?

Quia tardissimum, Saturnum, terra in orbe magno citius, & sic sæpius, assequitur, Martem velocissimum tardius & sic rarius: quoties autem quemque assequitur, toties ille retrogradus apparet, antè & pòst stationarius. Hic vetus astronomia muta est.

Cur in uniuersum, quo altior est planeta vel alio planeta, vel seipso, hoc diutius manet retrogradus?

Duæ sunt causæ. 1. Si planeta superiorum vnus, vno Eccentrici loco vt in S. staret immotus; tunc quo is humilior esset hoc minor arcus orbis annui caderet inter binas contingentes ex planeta, scilicet inter SC. SB; & quo ille superior, hoc iste maior. Et quia diximus, hoc posito, visum iri planetam S. stationarium ex B. C. punctis contingentia: quare maior arcus BC. superiori planetæ vindicatus, longiori tempore permearetur à tellure.

Quod verò quiete planetæ suppositâ, sequitur in arcum inter puncta bina contingentie: idem iam concessio planetæ suo motu diurno, sequitur in arcum inter bina parallelarum visuarum paria. Accedit iam secunda causa, quòd planeta, quo superior est, hoc & tardior; siue hoc minorem habet arcum diurnum orbitæ suæ. Quo vero minor hic planetæ arcus, ut in T. hoc minus etiam diurnos telluris, ut in D. à punctis contactus, versus G. oppositionis punctum recedere necesse est, ut visoriae utrosque determinantes, efficiantur parallelæ; quod iam suprà stabilitum est. Si parum hæc puncta stationum recedunt introrsum à punctis contingentie; parum etiam minuitur arcus contingentie, pro superioris statione; quare & tempus inter stationes apparentes, quas ipse verè immotus sortiturus erat (per se longius, quàm inferiores,) tantò minus diminuetur.

Atqui planeta prima statione iam peracta, dum apparet retrogradus, toto illo intervallo pergens in suo eccentrico, videtur transponere secundam stationem magis in consequentia? Si hoc; quare qui pergit velocius, is magis prolongat hanc portionem orbis annui: pergit autem velocius, qui est inferior, non qui superior?

Id quidem verum est: at hæc prolongatio arcus orbis magni non potest æquè valere illi abbreviationi equidem, ob propinquitatem inferioris ad orbem magnum; efficit verò hoc solummodò, ut hæc prolixitas temporis retrogradationum, non tueatur proportionem exactam, quæ nascitur ex diuerforum intervallis. Nam Saturnus est ferè duplo altior, quàm Iupiter; & hic triplo altior Marte: Et tamen exiguo longius est tempus retrogradationis Saturniæ, nec longius Iouiale tempus, quam sesquitertium Martialis circiter.

Vnde hoc est, quod Saturnus minimum arcum eclipticæ pererrat retrocessu suo, Iupiter medium, Mars maximum?

Huius rei causam rursus solus Copernicus, ex suis hypothesebus detegere potest, mussante Astronomiâ veteri, & Epicyclos inæquales introducente, nullâ magnitudinis indicatâ causâ. Fit igitur hoc, quia Saturnus longissimè abest à circulo telluris annuo, seu orbe magno, Iupiter propior, Mars proximus illi incedit. Hinc enim sequitur, si quis orbem telluris, ut BC. ex planeta, ut ex S. intueretur; ei hunc visum iri paruum ex Saturno, maiorem ex Ioue, maximum ex Marte. Videretur autem per duas visivas, SC. & SB. illum utrinque contingentes; quibus approximare diximus bina parallelarum paria, quæ stationes definiunt. Itaque si vel planè immotus haberet planeta; tunc eodem angulo, quo videretur Orbita Telluris ex S. planeta in unam Zodiaci plagam à qua E. Sol stat (angulo scilicet CSB. cuius mensura foret arcus Zodiaci comprehensus inter productas SC. SB.) eodem inquam angulo, vel qui ei ad verticem, continuatis sursum CS. BS. videretur ex terra S. C. in opposita Zodiaci plaga, arcus apparentis retrogradationis, minimus altissimi, maximus humilimi. Nec enim minus iam S. pro centro fixarum haberi potest, cum etiam ES. intervallum sit insensibile.

Quod vero verum esset, posita quiete planeta in S. id non multo habet aliter, postquam constat planetam non quiescere, sed prorsum moveri: Nam si quid hoc turbat, et si minuit apparentiam Epicycli, minuit certè eam in omnibus: omnes enim planeta veris suis motibus eunt in consequentia.

At cur non sunt hi arcus proportionem paulo propiore, proportioni intervallorum solis & singulorum planetarum? Ut quia Mars plus quàm sextuplo propior est soli, quàm Saturnus: videtur igitur ob primam causam dictam, sextuplo maiorem arcum Retrogradationis habere debere quàm Saturnus?

Et si non licet colligere proportionem angulorū ex
 propor

proportione interuallorum, vt demonstrat Euclides in Opticis: sunt tamen hic idoneæ causæ aliæ, quæ quamcumque ab interuallis deductam proportionem turbant.

1. Quia planetis progredientibus, & velocius illò, qui est inferior; bina paria parallelarum visionum, longius recedunt à punctis contactuum. Quare arcus orbis magni inter puncta stationum, minor redditus, minor etiam apparebit ex S. loco planetæ. 2. Quia quo quisque progreditur velocius; hoc longius transponit locum eclipticum stationis secundæ, in quem CS. dirigitur producta, versus locum eclipticum stationis primæ manentem, per BS. signatum sub fixis; cum ille in antecedentibus sit, hic in consequentibus Zodiaci locis. Coeuntibus igitur locis eclipticis stationum, minuitur iterum velociori planetæ, eoque inferiori, arcus eclipticus retrogradationis, quem is valde magnum erat sortiturus.

At contrarium tamen dixisti fieri in vno aliquo planeta, respectu sui ipsius altioris vel humilioris. Vt si Mars est altius à centro mundi, longiorem conficit arcum retrogradationis, si humilis, breuiorem. Quæ hac causa diuersitatis?

Quia duæ iam modo dictæ causæ arcum in humili abbreviantes, in comparatione diuersorum planetarum non æquant vim primæ, arcum ei humili longum dantis: at in vno aliquo secum ipso comparato, primæ effectum superant. Cum enim ambæ pendeant à velocitate; hæc velocitas inferioris ex duobus, est solummodò sesquiplo maiori in proportionem, quàm propinquitas interualli, vt libro IV. fol. 530. demonstratum: at in vno & eodem planeta, inferiori factò, velocitas circa centrum solis est planè duplo maioris proportionis quàm propinquitas: quod demonstratur libro itidem IV. fol. 533. 578. vsurpaturque libro V.

*Quid hinc sequitur in planetas superiores
continētos?*

Saturno quidem directo cæteri iungi non possunt, nisi & ipsi directi, & Marti retrogrado cæteri non nisi & ipsi retrogradi: At Saturno retrogrado contingit etiam iungi Iouem vel Martem directos, sic etiam Ioui retrogrado Martem directum.

*Quare luminaria, Sol & Luna, non etiam sunt
retrograda?*

Non idèd, quia luminaria sunt, sed quodque suam ob causam: Sol quidem, quia terra illum quiescentem circumit; omnes igitur visuæ sese secant in ipso sole, & sic semper in eâdem solis plagâ, nunquam in contrariâ: Luna verò idèd, quia ipsa terram euntem circumit, semper velocior circa terram, quàm terra circa solem, vbi minimum, vndecuplo.

*Nullane alia ex Hypothesi possunt causa reddi ha-
rum apparentiarum?*


Omnia hæc & singula sequuntur sanè etiam ex Hypothesi Brahæi: in quâ relinquatur quidem eadem dispositio mundi mobilis, & in eius medio corpus solis; in quo orbes omnes veluti communi clauo sint connexi, at pro motu terræ annuo, circa solem, sol vicissim circa terram eat, gestans & luxans totum systema planetarium: qualem luxationis motum depictum habes lib. IV. fol. 539. Quâ Tychonis Braheï Hypothesi sic correctâ satisfat Astronomiæ: at quid ex Physica possit opponi, præsertim de penetratione regionum Martis & Solis; de hoc vide dicto loco, præsertim fol. 544. in schemate.

*Quid est Anomalia commutationis, quid elongatio à
Sole & quis utriusque angulus.*

Sunt arcus eclipticæ, à vero loco solis in eâ enumerati in consequentia, ille vsque ad planetæ locum Eccen-

centri-

centricum in eclipticâ, iste vsq; ad apparentem seu visum planetæ locum. Angulus verò vtriusque numeratur vel in consequentia à loco solis, vel in antecedentia, vt sit semper minor gradibus 180. Dicunturque à



rebus ipsis, ille, Angulus ad solem, iste, angulus ad terram. In hoc schemate TC. est linea veri loci solis, sole in S. Planeta vero in P. posito, SPL. est linea loci Eccentrici planeta in ecliptica, in veteri forma esset TN. ipsius SL. parallela, & TPV. est linea visi loci planeta: quare CSL est angulus commutationis, CTV. angulus Elongationis.

*Quomodo inuenitur Angulus Anomalia
Commutationis.*

Subtracto locò viso solis, à loco Eccentrico planetæ ad Eclipticam reducto; vel huius ab illo; vt scilicet minus semicirculo relinquitur.

Quid

Quid est Parallaxis Orbis?

Est differentia angulorum commutationis & elongationis: appellaturq; etiam angulus ad planetam, in schemate TPS. vel PTN. Cumq; Parallaxis Græcè sit idem, quod latinè commutatio, cauenda est ambiguitas; vtrumq; est angulus, ille Anomalix Commutationis, hic Commutationis ipsius. Orbis verò cum dicitur, subintellige Magni, vel annui telluris: quia hic orbis illam apparentis loci commutationem, seu translationem ex L. in V. causatur. Quanquam hac Parallaxi in Tabulis Rudolphinis seorsim non vtimur.

Quanta est maxima Parallaxis Orbis in singulis?

In Saturno est minima, in Ioue, mediocris in Marte maxima; in singulis minor in Aphelio, maior in Perihelio, & (concessa inæquali translatione Apfidum) non omnibus sæculis eadem.

Quid est Index, in Copernicana forma Astronomia, & calculo motus Planetarum?

Quia non potest fieri, vt Parallaxes Orbis ad semidiametrum Orbis referamus, vt fit in astronomia veteri: quare loco Scrupulorum Proportionalium duplicium, Excessusque Parallaxeos Orbis, seu Diuersitatis Diametri in Astronomia veteri, introductus est Numerus indicans, quæ sit interuallorum solis & planetæ tellurisque (in schemate TS. TP.) summæ proportio ad differentiam.

Quomodo inuenitur?

Differentia distantiarum planetæ & telluris à sole, prolongata quinque cyphris, diuiditur in earum summam. Sed pro Quotiente commodè potest vsurpari loga-

ri logarithmus eius : vt fit quidem in Tabulis Rudolphi.

Doce inuenire Angulum Elongationis à sole visibilis, locumque visibilem sub Ecliptica.

Tangens semissis Anguli Anomaliæ Commutationis, multiplicatus in Indicem facit, tangentem arcus addendi ad illum semissem in superioribus, subtrahendi in inferioribus, vt constituatur angulus Elongationis à sole.

Si pro tangente adhibeatur semissis illius Mesologarithmus, additione simplici huius ad logarithmum Indicis, prodit Mesologarithmus arcus eiusdem illic addendi hic subtrahendi.

Quod si locus planetæ eccentricus fuit subtractus à loco solis vero; iam etiam angulus elongationis ab eodem est subtrahendus: si vero solis locus fuit ab Eccentrico planetæ loco subtractus: hic iam angulus Elongationis loco solis erit addendus: vt visibilis planetæ locus in eclipticâ prodeat.

III.

DE MAGNITVDINIS PLANETARVM INCREMENTIS.

Proba, Terra circa solem eunte, necessarium esse, vt planeta in solis opposito, ceteris paribus videantur maiores, versus coniunctionem solis minores?

DEmonstrat Euclides, Opticorum Prop. 56. Oculo prope spectatû accedēte, id augeri putari. Iam vero accedit oculus ad planetam, quamdiu tellus, oculi domicilium, contendit ad locum interpositionis inter solem & Planetam. Ergo planeta interim videbitur augeri; & vicissim, Terrâ locum prætergressa, rursus diminui. In schemate præmissi 2. planeta, T. terra, interpo-

sita inter Q. & S. solem, erit intervallum planeta & terra TQ. Moueantur corpora in consequentia, planeta ex Q. in P. terra per maiorem partem circuli ex T. in B. ut S. sol & P. planeta videantur coniuncti, eritque intervallum planeta & terra BP. Ut igitur TQ. ad BP. sic vicissim diameter planeta in P. ad eandem in Q. Quantæ verò appareant diametri superiorum per tubum dioptricum dictum est lib. IV. fol. 485.

IV.

DE LATITVDINE.

Vbi sunt Nodi, ubi Limites superiorum, & quis eorum motus?


PTolemæus inuenit Boreum limitem Eccentrici Saturni in 3. ♄ Iouis in 1. ♄ Martis in fine ☊: hodie limes Saturni venit in 21. ♄ Iouis in 7. ♄ Martis in 19. ☊. Igitur etsi limites respectu verni æquinoctii, quod principium habetur eclipticæ, moueantur in consequentia; respectu tamen fixarum omnes mouentur in antecedentia; quemadmodum & limites lunæ. Nodi sunt in locis Eclipticæ præcisè quadratis, Ascendens quidem in Quadrato priore.

Quomodo & quantum inclinantur Eccentrici ad Eclipticam?

Cùm Nodi inueniantur in locis Eclipticæ diametraliter oppositis: ergò plana eccentricorum & eclipticæ se mutuo secant in lineis rectis, per centrum solis communiter traductis. Omnium ergo planetarum sectiones istæ, (non minus quam superius lineæ Apfidum) in centro solis sese mutuo interfecant. Angulus quo limites ad Eclipticam inclinantur; est in Saturno Gr. 2. 32. pr. in Ioue Gr. 1. 20. pr. In Marte Gr. 1. 50. pr. & sec. idque hodiè. Ptolemæus, etiam prodit in Saturno Gr. 2. 30. pr. in Ioue Gr. 1. 30. pr. In Marte Gr. 1. 0. pr.

Manet ne hic angulus inuariabilis?

In vnâ quidem periodo inuariabilis manet : At nec inde à Ptolemæo multum mutata esse potest; Non possumus enim à Ptolemaicis numeris hoc petere, vt veritatem ad vnum scrupulum prodant : cùm obseruationes crassæ fuerint. Nihilominus tamen suspicio est; mutatâ eclipticâ temporaneâ, etiam has ad illam expensas Inclinationes eccentricorum mutari; Limitesque ad solam eclipticam Regiam Mediam constanter inclinari, & parallelas soli Regiæ describere, verifimi-



le fit, vt ita poli orbitarum, à Polis orbis Magni seu telluris orbitæ non omnibus sæculis æqualiter distet, ob vtrorumq; motus distinctos: Vide lib. VII. causam probabilem, ob quam Inclination maxima Martis olim fuerit minor.

Quid est latitudo planeta?

Est arcus circuli latitudinum, sub fixis descripti, interceptus

terceptus inter eclipticam & visum locum planetæ;

Qua est cognatio, qua comparatio latitudinis & inclinationis, libro V tradita?

1. In oppositionibus & coniunctionibus planetæ cum sole est idem circulus, tam latitudinis, quam inclinationis cuiusque loci. 2. Latitudo semper est cum aliqua inclinatione, & vicissim: & vbi nulla inclinatio, ibi nulla latitudo. 3. Quoties inter planetam M. & terram B. est eadem distantia, quæ inter planetam M. & solem E. seu Triangulum EMB. Isosceles: Inclinatio æqualis est latitudini. Id autem contingit tunc, cum inter visa loca, planetæ BM. & solis BE. est minimus quàm quarta pars circuli; qui arcus in Marte minimus est, in Ioue maior, in Saturno proximus quadranti. Cum igitur hoc angulo maior est elongatio planetæ a sole, seu minor distantia planetæ à terrâ, latitudo superat Inclinationem; cum illa minor, hæc maior; superatur ab eâ.

Proba, necesse esse, ut circumeunte terrâ & sic planetæ appropinquante, planeta latitudo augeatur, & superet inclinationem?

Demonstratio est eadem de Inclinatione, quæ supra de incremento apparentis magnitudinis corporum, ex prop. 56. Opt. Euclidis. Vetus Astronomia hic infinitam Epicyclorum, diametrorum, & Inclinationum, Reflexionum, Obliquationum, supellectilem, eamque intricatissimam & comprehensu difficilissimam est commenta. neque tamen satisfacit observationibus.

Vbi est latitudo maxima?

Et si plerumque latitudo, vice vnâ maxima est in mediâ retrogradatione, circa oppositionem cum

H h h h 2 sole,

sole, aut in inferioribus circa coniunctionem inferiorum: Non veniunt tamen ipsi articuli in ipsas oppositiones & coniunctiones cum sole; sed fit latitudo maxima, præsertim in Marte, interdum ante vel post copulas cum sole; tunc nimirum, quando distantia planetæ & terræ crescit vel decrescit in eadem proportionem, in qua & Inclinatio.

Quomodo inuenitur latitudo planeta?

Vt sinus anguli elongationis se habet ad sinum anguli commutationis: ita tangens complementi Inclinationis se habet ad tangentem complementi latitudinis. Igitur diuidatur sinus commutationis, auctus 5. cyphris, à sinu elongationis; Quotiens ducatur in tangentem complementi Inclinationis, & abiectis item 5. vltimis, prodit tangens complementi latitudinis. Vel compèdiosissimâ ratione, à logarithmo commutationis auferatur logarithmus elongationis, residuum addatur Mesologarithmo complementi Inclinationis: summa est Mesologarithmus complementi latitudinis.

Quanta possunt fieri latitudines?

Si omnes situs limitum planetæ cum omnibus Apheliorum tam ipsius planetæ, quàm telluris permuentur, multa sæcula erunt expectanda, nec tamen Saturni maxima Gradus 2. cum decunce assequetur; neque Iouis Gr. 1. cum decunce; at Martis maxima poterit 7. gr. excedere; quanta fere sit hodie maxima Australis. De Parallaxi planetarum respectu motus diurni, agetur infra in doctrina eclipsium.




LIBRI VI.

Pars III.

DE DVOBVVS INFERIORIBVS
EX PRIMARIIS, VENERE
& Mercurio.

Qua causa est, cur separentur hi duo planeta à tribus superioribus, cum in numero & forma inaequalitatum cum iis conueniant?

1.  VIA situs hos ab illis separat denominatione ipsa indicatus; illi tres enim cursibus suis orbitam terræ circumeunt exterius, hi duo intra telluris orbitam cursus suos exercent.


2. Telluris annuus circuitus apparentias hisce duobus conciliat, nec aded evidentes, & certis respectibus oppositas apparentiis superiorum.

3. Aliter circa superiores differt Copernicana astronomia ab antiqua, aliter circa inferiores.

4. Accedit causa mechanica & Theoriarum commoditas. Etsi enim posset fieri communis Theoria pro omnibus quinque & pro sole seu tellure sexto: quæ demum genuina mundi mobilis & intrinseca esset effigies: at quia orbis dictus ab usu magnus Saturno paruus admodum est accommodandus: is eadem quantitate manens, eccentricos Veneris & Mercurii requirit multò se minores, minùsque tractabiles. Præstat igitur peculiarem pro inferioribus, eumque satis amplum fieri orbem magnum, vt etiam Eccentrici inferiorum aliquam iustam quãtitatem nancisci possint.

Recense quas motuum apparentias faciant duo inferiores, Venus & Mercurius?

1. Anomalia seu inæqualitas prior, orta ab Eccentrico, in inferioribus, nequaquam ita promptis



occasionibus innotescit, ut in tribus superioribus; sed longa demum ratiocinatione, est indaganda. Evolvitur autem vera ipsorum, præsertim Mercurii, Anomalia à phantasiâ quam orbis magnus causatur difficilimè; quia nunquam apparent nisi hac secundâ inæqualitate implicati: quoties enim in lineam ex terra per solem incidunt, carentes inæqualitate secundâ; semper sunt sub radios solis absconditi: Itaque vetus Astronomia primam & genuinam illorum inæqualitatem ne quidem opinata est: etsi illa sese non nihil, sed sub specie longissimè aliâ prodidit.

Verum detractis oculorum fallaciis, quæ causam

ab annuo circuitu orbis terræ trahunt; deprehendimus, etiam hos planetas, ad normam cæterorum, circumire solem, motibus eccentricis à sole, velocesque esse, cum sunt soli propinqui, tardos, cum ab eo remoti, in proportionem duplâ, angulorum, in centro solis, quos ipsorum diurni eccentrici subtendunt.

2. Motu verò composito ex vtraq; inæqualitate, qui compositus motus prior incurrit in oculos, apparent velocissimi, cum matutinis horis incipiunt se condere sub solis radios, aut cū horis vespertinis exeunt ex iis; quibus phasibus tres superiores carent. Cum verò vel vesperi occultantur, vel manè emergūt, quo casu tres superiores erant velocissimi) inferiores contrà fiunt stationarii, scilicet post elongationes maximas vespertinas, & ante matutinas; intermedio tempore fiunt retrogradi, rursus in coniunctione cum sole, quæ est his inferioribus, loco oppositionis cum sole, quâ ipsi carent; semper quippe currunt vicini soli, quem certis spatiis nunc antecedunt, nunc sequuntur, subinde ad ipsum redeunt. Venus quidem longissimè à sole progreditur, & pauciores stationes conficit, totiesque & soli copulatur: Mercurius breues excursus habet, & crebrò stationarius fit, crebrò soli iungitur, eoq; rarò apparet.

3. Quod attinet motus in altum: etsi non difficile est, illos animadvertere descendere versus terram, aut fugere in altum; Venerem quidem arguente incremento corporis in certis locis, Mercurium verò, celeritate vel tarditate apparitionum occultationumque, quam oportet esse ex augmento apparenti corporis, ut sit in superioribus: tamen & hæc observatio multò est perplexior, quàm in superioribus: diu enim torfit Astronomos, apparens magnitudo corporis Venerii, cū terris incedit proxima; quia hæc magnitudo non respondere videbatur appropinquationis minimo interuallo, ex aliis argumentis elucenti: donec, Telescopio inuento, causa patuit.

4. Causâ latitudinis hoc fuit annotatum, septentrionales in Venere latitudines, cæteris paribus, esse maiores: in Mercurio meridionales, in utroque illas semper maiores, in quibus, lineâ ex sole per planetam in eundem Zodiaci locum incidente, post exactas periodos, Tellus propior fuerit planetæ.

Quomodo determinantur elongationes maxima horum planetarum?

Per lineas visivas, quæ ex tellureeductæ, Eccentricos illorum contingunt. Nam planetæ in puncta contactuum incidentes, sunt in maximis elongationibus ferè.

Quomodo mouentur hi duo planeta reuera in suis Eccentricis?

Veneris diurnus mediocris circa solem in consequentia est Gr. 1.36. pr. 7. sec. 39. ter. sub fixis: redit circa solem diebus Gr. 224. H. 17. 53. pr. 2. sec. 14. ter. sub ecliptica, Hor. 17. 44. pr. 55. secun. 14. ter. Mercurii diurnus mediocris circa solem, est Gr. 40. 5. pr. 32. sec. 25. ter. Redit sub fixis diebus Gr. 87. H. 23. 15. pr. 36. sub Eclipticâ Hor. 23. 14. pr. 24. sec.

Qua ratione possunt hi planeta exui in aqualitate secundâ, ex orbe magno proueniente, si non opponuntur Soli?

Subsidio nobis veniunt elongationes ipsæ maximæ, in quibus planetæ constituti, & cerni & obseruari possunt, quantum omninò à sole distent. Tunc enim lineæ ex centro Eccentrici ut hic ex B. in planetam seu punctum contactus M. ducta secatur visiuam TM. angulis rectis, inciditque in locum Zodiaci quadratum loci planeta visibilis per TM. productam signati; quia BMT. rectus est: ipsa verò AM ex A. sole per planetam M.educta, quam præcipuè quarimus, nuspiam longius à BM. in Zodiacum incidit, quàm quanta est quouis loco, pars æquationis optica; seu

seu angulus AMB . Quanta verò sit hac, pars optica facile est prouidere ex dimensione linearum ex sole A . in planetam, constitutum in P . R . Apfidibus, scilicet ex AP . AR . quarum linearum inter se comparatio, prodit Eccentricitatem AB . quare & angulum AMB . quouis loco.




Quid appellas Eccentricum in inferioribus? & quomodo in veteri Astronomia fuit dictus?

In tribus superioribus, quos Astronomia vetus dicebat Eccentricos, iidem & nobis erant Eccentrici: in inferioribus, qui veteribus & Tychoni Brahe dicebantur Epicycli, nobis Eccentrici statuendi sunt. Qui verò à veteribus sunt adscripti Veneri & Mercurio Eccentrici; illorum iam penitus nobis est obliuiscendum. Nam orbis idem magnus in Astronomia veteri & superioribus tribus, tres ademit Epicyclos; & Soli infe-

rioribusq; duobus, tres vetustati creditos Eccentricos; quos omnes sex, Copernicus in vnum orbem magnum, seu orbitam telluris conflat.

Habes aliquod euidens argumentum, quo probes, inferiores non toto circuitu infra solem manere, sed circa solem in gyrum ire, nunc superiores sole, respectu nostri, nunc inferiores?

Id supra libro IV. fol. 536. allatum, proprium quidem est huius loci. Venus enim illuminatur, vt luna; o-



mines enim lunæ phasēs subit: id vero non posset fieri, nisi Venus quæ nunquam longius à sole digredietur, iam supra solem incederet, iam infra eum. Demonstratio infra sequetur. De Mercurio quatenus idem dici possit, vide locum allegatum.

2. Quod si solis corpus è centro horum duorum Eccentricorum, veluti cor è corpore eximas, quod facit is, qui motus illorum ad aliud punctum, quàm ad centrum solis regulares facit secutus vel Copernici vel Tychonis Hypotheses incorrectas: tunc causæ nullæ

nullæ patent cur moueantur hi duo planetæ in gyrum, circa vacuum centrum: nisi ad deos Aristotelicos reuertamur, per omnem amplitudinem concauorum orbium diffusos. Vide lib.IV.fol.539.540.

Quanta sunt horum siderum elongationes à sole maxima?

Superiorum quidem trium elongationes communiter in semicirculum potuerunt excrescere: at non sic inferiorum. Nam Veneris quidem elongationes à solis apparente loco sub Zodiaco, ad summum 47.gradibus cum quadrante videntur excurrere: Mercurii elongationes, Apogæa quidem intra 29.gr. coercetur; Perigæa, infra 18.

Quibus argumentis deprehenduntur elongationes ipsorum maxima?

1. Si motus ipsorum diurni æquant motum solis diurnum. 2. In maximis elongationibus, quippe lineâ visuâ contingente orbitam, Venus apparet Διότι, vt luna; quod idem & in Mercurio locum haberet, si a claritate crepusculi, & exilitate corporis id non impediretur. Demonstratio sequetur infra parte V.

Quibus Zodiaci locis consistunt Aphelia horum Eccentricorum? & quis eorum est motus?

Hodie Aphelium Veneris est in Gr.2.♊, Mercurii in Gr.15.♋. Vetustis temporibus, vbi Veneris Aphelium fuerit, non nisi eminus ostendi potest, inter scilicet libram & pisces: perihelium inter Geminos & leonem. Mercurii tamen Aphelium fuit circa Gr.4.♈. Cum igitur Mercurii Aphelium, vt cæterorum omnium succedat in consequentia signorum & fixarum; probabile idem est & de Venerio: Oportet igitur vetustis illis temporibus in Capricorno fuisse.

in vnam, duæ Eccentricitates. Vicissim quia Eccentricitas Mercurii multò maior est, Eccentricitate orbis magni: ideo Mercurii Apogæum, Veteris Astronomiæ intentione constitutum, multò propius inuentum est Aphelio Mercurii in 4. μ existenti, quàm Apogæo solis in 10. Π versanti; rursus tamen inter vtrumq; propter confusas Eccentricitates. Alterum argumentum quo Ptolemæus conuincitur obseruasse Epicyclos suos à suscepto mediocritatis puncto Eccentricos: vide infra, in latitudine.

Quanta est Eccentricitas inferiorum, & qua orbium dimensio, communis cum orbe magno?

Hanc quoque vetus ignorat Astronomia, adeò ut cum trium superiorum orbis & epicyclos tantos faciat, quantam poscit ratio mechanica, contiguas Theorias struens, (quippe sursum illi nihil obstante, sed libero; quousque lubet, æthere patente) iam infra solem, locus, hunc inter & lunam, non sufficiat, recipiendis, quos vetus Astronomia his inferioribus assignit, orbibus: stante quidem dimensione orbium solis, quam illi tradiderunt. At Copernicana Astronomia proportionem has prodir:

Eccentricitas qualium semidiameter

Orbis magni vt supra
dist. Aphelia. 101800
Mediocris. 100000
Perihelia. 98200

100000

1800

Veneris Aphelia 72900
Mediocris. 72400
Perihelia. 71900

694

Eccentricitas qualium orbis magni semidiameter est

Mercurii Aphel. 46955
Mediocris. 38806
Perihelia. 30657

est 100000.

est 21000.

*Copernicus tamen ipse etiam plures orbes in inferioribus
statuit, adiecto etiam Eccentro Ec-
centri?*

Id illi accidit propter ignoratam veram orbis magni eccentricitatem; quòd esset saltem dimidia eius quàm ipse cum veteribus credidit, reliquum perficeret æquans. Quanto igitur ultra debitum ipse per suam hypothesein variabat distantias telluris à sole, & sic etiam ab orbitis Veneris Mercuriique, tantum vicissim compensandum ipsi fuit per Eccentros Eccentrorum.

*Quibus argumentis probas hanc superfluum eius circulo
rum fuisse causam, & hanc nimiam telluris Eccen-
tricitatem sic illi innotuisse?*


1. Quia Eccentro Eccentri hoc dedit officium, ut centrum Eccentrici Veneris libraret spacio tanto, quantum est hoc dimidium superfluum in orbe magno; centrum Eccentrici Mercurii spacio paulo minori, eò quòd Veneris linea Apfidum proximè cum solis Apfidum lineâ coincideret; Mercurii longius discederet ab ea.

2. Quia motus libratorius centri orbitæ Veneris, contrarius est statutus motui centri Mercurii, & uterque analogus rei, quam arguimus: ut Venere quidem in Apfidibus constitutâ, centrum orbitæ esset humile; Mercurio in Apfidibus, centrum orbitæ esset altum. Nam Apogæum Veneris erat ipsi proximè Apogæum solis nimiumque eleuabatur, per nimiam orbis magni Eccentricitatem: Apogæum Mercurii contra, erat versus Perigæum solis, nimiumq; deprimebatur, propter eandem causam.

3. Tycho Brahe idem etiam in Marte animaduertat; eratq; Epicyclium, aut Eccentrum Eccentri introducturus, qualem Copernicus in Veneris Theoriam; nisi ei bisectio Eccentricitatis orbis magni subuenisset. Nam etiam Martis Apogæum vicium inuenerat Apogæo solis.

Quid præcipuè obseruandum in inferioribus inter se comparatis, circa eorum orbitas Eccentricas?

1. Causa Eccentricitatis, habent se ad inuicem modis contrariis: Venus minimam Eccentricitatem habet; minor enim illa est Eccentricitate telluris, minor differentiis Eccentricitatum omnium. Mercurius contra, maximam habet Eccentricitatem, adeò vt infe-



riorum duorum iunctæ, æquent Eccentricitatem quatuor superiorum; causâ quidem proportionis illorum ad radios suos.

2. Hinc sequitur, diurnos motus eccentricos Veneris in minimâ esse varietate, Mercurii in maximâ, sic vt diurnus perihelii Mercurii ampliùs quàm duplus sit diurni Aphelii. Vide libr. IV. causas, a fol. 578.

Quare

Quare vetus Astronomia, motum hunc æquabilem ponens, in Veneris loco prædicendo vel computando parum admodum errare potuit; in Mercurio plurimum errauerit, necesse est.

3. Hinc etiam sequitur, lunulas Eccentrici Mercurii (de quibus libro V.) esse in Mercurio notabili admodum latitudine, & diametrum Apfidum, seu Rectam, sensibilibiter valdè longiorem, diametro transversâ Ellipseos.

Num etiam de hac Elliptica figura orbita Mercurii aliquid innotuit veteribus?

Sanè hoc illud est, quòd Ptolemæus duo perigæa statuere coactus fuit, in Mercurio: nam in librâ quidem minimus apparuit eius Epicyclus (qui nobis est Eccentricus) in Ariete verò non maximus, sed maior Aquario itemque in Geminis, & proximè vtrinque æqualis. Quia nimirum, sole versantè in librâ, terrâ in Ariete, vt hic in T. obuertebatur ipsi sanè breuissima pars lineæ Apfidum, scilicet perihelium Mercurii R. quippe in 4. γ exporrectum; itaque Eccentricum (qui ipsi Epicyclus) à lateribus M. N. intuebatur, quâ is castigatus est, abscctis lunulis; igitur oppido paruus, eoque eleuator censebatur: ob duas imminutionis causas concurrentes, breuitatem scilicet ipfarum BM. BN. & longitudinem TB. terram enim veteres in interiori circulo T. ponebant, propter Eccentricitatis veræ duplum vsurpatum, cùm verè esset in T. exteriori. At in Arietem transire viso sole, terrâ in libram transgressa, vt in D. magnus quidem vicissim factus esse videbatur, Epicyclus, ob appropinquationem seu breuitatem lineæ BD. at quia à macilentis lateribus C. K. rursus inspieiebatur, quippe P. Aphelio Mercurii tendente versus terram D. in ω positam, (vt cuius locus proximus in 4. ω) ideò causa vna apparentis paruitatis Epicycli in Apogæo constituti mansit etiam hic in Perigæo, breuitas


uitas scilicet diametri Ellipseos transuersæ & ipsarum BC. BK. contra Sole in Σ vel Π apparente, quando terra in X. Ω vel Q. \nearrow diameter recta, seu Apfidum, PR. quæ est, multò longior diametro transuersâ, obiectebatur visui in X. vel Q. rectius; quasi Epicyclus maior fuisset factus. Etsi verò altrobiqu; numeri nò exactè consentiunt; at faciliè apparet, obseruationes Mercurii, à Prolemæo cōquisitas, & quasi emendicatas à veteribus, cū crasse essent annotatæ, sic fuisse assumptas; vt quod in vno triente ab Apogæo fiebat, idem etiam in altero triente repræsentari ab hypothese posset.

*Quæ est causa, cur inferiores duo fiant stationarii,
& denique retrogradi?*

Eadem ferè, quam affert vetus Astronomia, mutatis mutandis. Cū enim Eccentrici eorum sint abditæ intra telluris orbitam, & velocius percurrant planetæ suas orbitas, quàm tellus suam; sit primū in parte Eccentrici remotiori à terrâ, vt ire videantur in consequentia: viderentur enim id, etiamsi quiescerent, vt sol: propterea quia terra ex opposito it in consequentia, cuius motus, per visus deceptionem ipsis inesse putaretur. Iam verò etiam superant celeritatē motum telluris. Igitur multo magis videntur ibi in consequentia ire. Hic igitur causa militat eadem in inferioribus, quæ prius in superioribus. At verò in parte Eccentrici terræ propiori, retrogradi videntur idèò, quia oppositæ circulorum partes, extrinsecus inspectæ, motus oppositos habere videntur. Etsi enim tunc etiam terrâ fertur vnâ cum ipsis in partes easdem: at illi, quippè inferiores planetæ, celeriores sūnt terrâ, adèò vt maiores in suis orbitis arcus diurnos faciant, quàm tellus in suâ: quare visionum lineæ, quæ terminos diurnorum respondentēs inuicem connectunt, reflectuntur in antecedentia; secantque se mutuò post terram in plagâ à sole auersâ. Cū autem hic iam tellus sit illò situ, quo suprà erat superiorum vnus, & hic iam planeta in-

ferior illo situ, quo supra tellus: conficitur igitur iisdem principiis apparentia motus retrogradi. Consequens est igitur, vt sint aliqua loca Eccentricorum Veneris & Mercurii, in quibus constituti, desinant videri directi, & incipiant apparere retrogradi, hoc est, fiant stationarii: etsi reuerâ semper in directum & in consequentia mouentur: id autem fit visuiis parallelis, vt in superioribus planetis.

In schemate superiori stationum: sit iam Orbis telluris OP. & motus in eo telluris, ex O. in P. Q. T. K. eodem tempore, quo planeta inferior ex A. mouetur in BC. DG. sintque planeta arcus diurni in Eccentrico AB. longiores, quàm arcus diurni telluris in orbitâ sua OP.



Ergò tellure in O. versante, planeta in A. parte circuli, remotiore, directus apparet & velox, & velocior quidem sole, quia visua OA. PB. se mutuo secant circa F. cis centrum orbis magni.

Contrà

Contrà, tellure in K. planeta in G. parte circuli propiore, maiores gradus, quam terra, faciens, facit visivas TD. KG. quas intelligo versus partes DG. continuatas vsq³ sub fixas) inclinari ad dextram in antecedita loci solis E. apparentis. Planetâ verò antè in H. terrâ in I. versante, circa IH. contingentem, planeta ex H. in D. motus, rectâ versus terram I. descendit equiparaturque stanti, cum terra interim in I. eat; quare sectione visiviarum IH. supra H. cadente, adhuc planeta directus videbitur. At circa TD. lineæ visivæ ID. incedunt parallela: igitur planeta apparet stationarius.

Vbi sunt puncta stationum in Eccentricis?

Ductis ex S. terrâ duabus rectis, SB. SC. contingentes Eccentricos Inferiorum in B. C. puncta vel arcus stationum semper sunt intra BC. in Venere quidem remotiores à punctis contactuum BC. quàm in Mercurio. Causæ valent hic eadem, quæ in superioribus planetis.

Vnde hoc est, quòd dixisti, stationes esse soli propiores, quàm elongationes maximas?

Ex hoc ipso, quod maximè quidem elongantur, quando incidunt in contingentes SB. SC. at stationarii fiunt non nisi in punctis interioribus.

Quomodo nominibus distinguuntur stationes?

Prima statio post directionem, vespertina dicitur, secunda verò post retrogradationem, Eoa; quemadmodum etiam elongationes maximæ, quæ fiunt in punctis contactuum.

Mars, superiorum velocissimus, pauciores reliquis stationes faciebat: cur iam Venus, inferiorum tardissima, pauciores habet?

Vetus astronomia causam in Epicycli tarditatem coniecit, sed causam tarditatis illius nō indicat: veram causam Copernicus hæc tradit; quia sicuti suprâ tellus

Martem adeò velocem tardiùs assequebatur & superabat; sic etiam hîc Venus tardior quàm Mercurius, terram rariùs & tardiùs assequitur, superatque.

Quam causam assignas quod magnitudo apparens Veneris non proportionatur eius appropinquationi ad terram per omnia?

Quia Venus; progressa vesperi ex solis radiis, pleno orbe lucens, eamque speciem diu retinens, & descensu augescere visa, tandem statione vespertinâ peractâ, paulatim, vt luna, deminuitur in cornu exiguum, vt tanta nequaquam appareat, quanta, si pleno vultu luceret, apparitura fuisset in hac propinquitate.

Vbi sunt nodi & limites inferiorum, & quis eorum motus?

Veneris quidem Nodos Ptolemæus posuit in Apfidibus à se dictis, Veneris scil. in Gr. 25. ☿ Ascendentem, in 25. ♀ Descendentem; vt fuerit Boreus limes (lineâ ex sole per illum eductâ) in Gr. 25. ☿ Mercurii nodos similiter in Apfidibus, Ascendentem in 10. ♀, descendentem in 10. ♀, vt limes Boreus fuerit in Gr. 10. ☿. Hæc enim vis est duplicis illius inclinationis, quam ait Epicyclum facere, qui nobis hic Eccentricus. Quomodo verò ista ex obseruationibus deduxerit, & à quibus, non indicat. Hodie Nodus Ascendens Veneris est in Gr. 12 $\frac{1}{2}$. ♀, Mercurii in Gr. 13 $\frac{1}{2}$. ♀. oppositi in locis ex sole præcise oppositis: limes igitur Boreus illi quidem in 12 $\frac{1}{2}$. ♀. huic in 13 $\frac{1}{2}$. ♀. ex sole eductis lineis.

Quantum igitur ad Venerem, congruit & illa cum cæteris, quòd nodum habet sub fixis tardissimo motu retrogradum, sub ecliptica verò in consequentia euntem. At Mercurii nodi irēt hoc pacto etiam sub fixis in consequentia. Itaq; iure suspecta est traditio Ptolemæi quoad

quoad ipsissimum locum Nodi in Apfidibus. Videturque obseruationibus, per se crassis vim fecisse contemplatione Apfidum & exempli Veneris, & studio concinnæ oppositionis: sic vt Nodi Mercurii non in primâ, sed in vltima medietate libræ fuerint, Ptolemæi tempore. Nisi tamen hic nobis subueniat liber VII.

*Quanta & qualis est Eccentricorum horum inclinatio,
& quante latitudines?*

In Venere inclinatio est Gr. 3. 22. pr. In Mercurio Gr. 6. 54. pr. Eaque semper constans & fixa: nisi si quid fera secula ob transpositionem Eclipticæ mutant. Itaq; ex accessu & recessu telluris; latitudo Veneris Sept. apparens, in piscibus retrogradæ, excurrit ad 9. fere gradus.

In virgine, quanquam aliis seculis, non multò erit minor etiam in Austrum.

Mercurii verò retrogradi maxima lat. Australis ad 5. Gradus peruenit, minor adhuc inclinatione: Borealis propè dimidium illius consistit. Ita rationes hi duo Inclinationum cum rationibus latitudinum permutatas habent. Venus latitudinem magnam habet, Inclinationem parua: Mercurius Inclinationem habet magnam, latitudinem minorem.

*Vnde igitur est, quod Ptolemaus Epicyclum hunc à se
dictum duplici nomine libratilem fecit, si
fixa est inclinatio?*

Causa est in ignorato motu telluris annuo. Nā ipse quidem eandem planetæ orbitam est intuitus, quam & nos veluti intuemur: cuius limites cū porrigan-
tur versus certas fixarum partes, constanter ab Eclipticæ plano declinantes, sit, terra ipsam vndique circumeunte, vt ipsa nunc boreum suum limitem porrigat telluri, nunc Nodos, nunc Austrinum. At verò Ptolemæus tunc nostrum circuitum telluris transcripserat, centro huius à se dicti Epicycli; quòd scilicet terra quiescat, Epicyclus vero totus Zodiacum

annuatim emetiatur; cētro suo:& in hoc epicyclo punctum illud dixit perigæum, quod quouis tempore fuit porrectum versus terram, quasi esset vnum: cū reuerā omnes ordine partes huius à se dicti epicycli, nobis Eccētrici, successiuè per accidens perigææ fiant. Ita factū est, vt Ptolemæo hoc à se nominatum perigæum epicycli nunc in boreā esset, nunc in ecliptica, nunc in Austro.

In schemate proximo finge Eccētrici veri Mercurii PMR. limitem boreum esse in R. constanter, nodum in K. limitem austrinū in P. circumeat terra viam T. X. D. Si igitur terra est in T. partes ipsi R. vicina reputabuntur perigææ cū sint boreales. Si terra transit in X. partes K. circa nodum reputabuntur perigææ; denique si terra in D. venerit, partes ipsi P. vicina, cū sint australes, censēbuntur perigææ. Qui ergo persuasus est, perigæum semper esse realiter idem; qui sc. terra motū annuū in TXD. nescit, is persuadebitur, perigæum epicycli sui PMR. librari à boreā in austrū, & vicissim.

Et ecce argumentum pro motu telluris annuo circa solem euidentissimum suprā promissum libro V. fol. 543. Cū enim superiorum Eccētrici fixas habeant Inclinationes ad eclipticam: cur soli inferiorum Eccētrici libratiles statuerentur, libratione duplici: cū per se omnis libratio orbitarum absurda sit, quia gignit tortuosum planetæ iter pro circulari. Quantum igitur probabilitatis habet fixa inclinatio: tantum & motus telluris inde nanciscitur: quantum verò absurditatis, duplex libratio, tantum etiam labascit telluris immobilitas.

Num etiam veteres obseruarunt Borealem Veneris latitudinem esse maximam, Australem Mercurii?

Omninò notauit hoc Ptolemæus, eoq; tertium in hos planetas introduxit latitudinis elementum quod appellauit Inclinationem Eccētrici à se dicti, & ipsam quoq; libratilem, contra superiorum trium, etiamq;


Lunæ

Lunæ, exemplum; cuius effectus in Mercurio quidem solus & vnicus hic fuit, vt Mercurii Australes latitudines augeret. Quod si epicyclos suos, posuisset inæqualiter circumiectos esse circa punctum, respondens medio solis loco, vt nos hodie, quos ille epicyclos dicit, eos Eceentricos à sole esse docemus: non opus habuisset illo tertio librationis apparatu.

Mercurii enim limes Australis, est vicinior eius Aphelio P. qui quo longius à sole exit, quàm borealis, circa R; hoc propius terram in D. venit, cum planeta est retrogradus; quàm limes boreus circa R. propè terram in T. planetâ similiter retrogrado: hoc igitur & maior apparet latitudo Australis, quàm Borealis.

*Cur igitur etiam Veneris boreales latitudines maiores
sunt, cum eius limes boreus sit in virgine, vi-
cinus perihelio?*

Causa huius rei in Venere est à superiori diuersissima; nimirum si latitudo penderet à sola inclinatione; minor borealis futura fuisset: quia Venus in limite Boreo, scilicet in Virgine, minus exit à Sole, versus terram, quàm in Australi & in piscibus, vicina ipsi Aphelio. Verum accedit iam Eccentrica telluris orbita: Tellus enim in Virgine, quando sol & limes Boreus Veneris, apparent in piscibus, minus à sole distat, quàm si tellus sub piscibus, spectet solem & limitem Veneris Australem in virgine (verè existentem etiam sub piscibus) Ita non tantum compensatur Veneris limitum inæqualis à sole distantia, sed etiam superatur: cum Eccentricitas telluris sit multo maior Veneriâ.



Sit A. Sol & vergat AB. telluris & A'G. limites Austri-
ni Veneris longæ distantix in 13. X, cōtra AC. telluris &
Iiii 4 AF. li.

AF, limites borei Veneris, breuiores, vergant in 13. m^{p} ,
 vt sit eadem proportio EG, ad DF. quæ AG, ad AF. &
 F. videatur ex C. in X, sed G, ex B, in m^{p} . Erunt igitur
 sic reliqua.

Index	AB. 100674.	Complementum angu- li BAG. vel CAF. ad se- micirculum Gr. 176.
	AG. 72787.	
182760. Mesolog.		
352716.		38. pt. dimidii Gra. 88. 19. pt.
169956. Mesolog.		
79.38.30.		
88.19.0.		
8.40.30. GBA. la- tudo appa- rens in m^{p} .		
Index	AC. 99268.	Complementum angu- li BAG. vel CAF. ad se- micirculum Gr. 176.
	AF. 72036.	
183890. Mesolog.		
352716.		38. pt. dimidii Gra. 88. 19. pt.
168826. Mesolog.		
79.31.0. Arcus auferendi		
88.19.0. Superior dimidius.		
8.47. FCA. latitudo apparens in X.		

*Num alius etiam in Veneris vsus est illius Eccentrici
libratis Ptolemaici?*

Sane perexiguus est excessus latitudinis Veneris Borealis super australem. Videtur itaque Ptolemæus propterea exiguam aliquam Inclinationem Eccentrico Veneris, perpetuam quidem, conciliasse, vt eâ recaueret, ne Venus vnquam sub solem incurreret: Nam veteres hos duos supra solem ponebant argumento hocvsi, quia nunquam sub solem, vt luna, incurrerent. Ptolemæus respondit; quòd non sub solem incurrant, causam esse posse, motum latitudinis. Quia igitur ipse hos infra solis circulum collocauit, hoc etiam præcauere debuit, ne interponerentur, solem inter & terram: quod obtinuit per dictam inclinationem libratilem.

Compara latitudines inferiorum cum inclinationibus?

Venus non minus, quàm superiores, latitudinem nunc minorem habet Inclinatione, nunc eâ maiorem, legibus etiam similibus, non tamen planè iisdem; minorem quidem à superiore coniunctione cum sole, vsque dum arcus Anomalix commutationis à sole, prorsum vel retrorsum numeratus, cum arcu elongationis à sole, quæ est illo die, semicirculum facit; maiorem verò inferiùs. Et in elongatione quidem maximâ, iam superat inclinationem latitudo; idque vsque ad inferiorem coniunctionem Veneris cum sole, vbi maxima est hæc superatio.

At in Mercurio, secus quàm in cæteris, nunquam æquatur latitudo Inclinationi, sed semper est minor.

Mercurius enim etiam cùm est remotissimus à
soli propior est, quàm telluri.



LIBRI VI.

Pars IV.

DE LVNA.

*Quæ est dispositio, quæ proportio Orbis Luna ad Orbes
ceteros, & quæ ratio motus ei?*

COEIum lunæ ; si concipias animo solidos orbes , insertum est orbi magno, instar stellæ , seu potius Epicycli alicuius : tenetque corpus telluris in sui meditullio, & circumfertur vno communi motu , cum tellure, circa solem, locum ex loco mutans. Vide schema adiectum, nec non & alterum libro IV. fol. 610. & exemplum indubitatum in Iouialibus, cuius schema est libro IV. fol. 554. Ipsa verò luna tellurem interim circumit spacio menstro, orbitam designans eccentricam à terræ centro; idq; super plano, quod per centrum terræ vsq; sub Zodiacum fingitur eductum esse, sicut illud sit affixum lineæ per centrum terræ & per aliquod punctum Zodiaci tractæ : Distantia lunæ à tellure longissima pars est 59. de distantia solis ab eadem tellure longissima; continetq; totidem, sc. 59. semidiametros globi telluris. Vide lib. IV. à fol. 480. in 485. Globi lunæ Diameter apparens est pars 720. de illo circulo , in quo circumit Apogæum Lunæ circa tellurem : æquatq; visionis angulo , Diametrum corporis solis , longissimè à terrâ distantis. Hæc suprà Lib. IV. à fol. 475. sunt stabilita: & consentiunt iis obseruationes : Vide Astronomiæ partem Opticam Cap. XI.

Quomodo, quoue numero respondent inæqualitates luna, cæterorum inæqualitatibus?

Cùm planetæ primarii duabus inter se permixtis inæqualitatibus incedere videantur, quarum prior est in ipsis singulis propria & realis, secunda communiter omnibus quinque extrinsecus ex conditionibus visus, hoc est, propter Orbem magnum accidit: in lu-



nâ vicissim prior illa & realis motuum inæqualitas, non vna sed tergemina est: Secunda verò, & accidentaria seu apparens, ei est nulla. Etsi enim cum orbis magni circuitu, qui planetis quinque fit causa inæqualitatis secundæ, totum etiam Cælum Lunæ communicat, ut dictum est: at vehuntur vnâ, cælum hoc Lunæ, & tellus, oculorum domicilium: itaque nihil diuersitatis ex hoc motu, licet verissimo in obser-

obseruationes lunæ redundat ; semper illa cernitur incedere directè, nunquam consistere, nunquam retrò abire, vt explicatum est huius libri V I. parte II. eoque hic lunæ motus (Astronomiæ lunaris causa) pro mera quiete reputatur.

Compensant tamen hunc defectum accidentariæ inæqualitatis, primùm triplicatio iam dicta, inæqualitatis veræ ; Secundò temporis æquatio , explicata in doctrina sphærica folio 286.287. & libri huius VI. parte primâ: Tertiò Parallaxis diurna (de quâ in doctrinâ de Eclipsibus agitur) quæ etiam visus est accidens. Hæc enim cùm in cæteris planetis; ob interualla immensa, sentiri non possit; in Lunâ iam , vt vicinâ facilè est sensibilis.

I.

DE INÆQUALITATE LV-
NÆ SOLUTA.

Quibus inter se nominibus, & quo rerum discrimine distinguuntur tres dictæ reales luna inæqualitates?

Ratione primæ illarum similis est motus lunæ, motibus primariorum, explicatis libro V. ratione secundæ & tertiæ dissimilis. Prima sui quodammodò iuris est, suam propriam obseruans periodum: reliquæ duæ sunt alligatæ ad configurationem trium corporum, Solis, Lunæ, & Terræ, seu ad congressus apparentes solis & lunæ: Prima igitur periodica, reliquæ synodica; prima soluta, hæc menstrua, hoc est, ad mensium phases alligatæ, dici possunt.

Quibus occasionibus motus luna in longum tripliciter inæqualis est effectus?

Luna duabus vehitur virtutibus circa terram, 1. Specie quæ emanat è corpore telluris in rotatione constitutio. 2. Vi luminis solaris, vt libro IV. fol. 550. disputatum

putatum : quarum causarum posterior, etsi degenerat in conditiones prioris, cum sit nihil aliud, quam illius fortificatio, vt est fol. 552. 564. distinguitur tamen eius effectus expressa quantitate à priori : quoties enim luna quartam orbitæ partem à copulâ seu 90. gradus absoluit: toties dispartendi sunt hi 90. gradus longitudinis interdictas duas causas mouentes, & telluri quidem 87. grad. 31. pr. Luminis verò solis, residui gr. 2. 9. pr. sunt accepti ferendi, vt infra in explicatione Variationis audiemus.

Sed telluris quidem species, quantum in se, vim suam exserit æqualiter: Luminis verò effectus, ob causas fol. 562. dictas dispensatur inæqualiter. Hæc igitur vna est inæqualitas, ex ipsa causa mouente in longum, quæ infra tractabitur vltimo loco, diceturque variatio. Superuenit iam vtriq; causæ mouenti, Eccentricitas lunæ, faciens vtriusq; causæ motricis effectus ex se ipsa etiam inæquales. Et ecce tres inæqualitates : quæ ex hoc loco iam suo quælibet ordine explicabuntur.

Quomodo potuerunt inter se discerni obseruando, tot inæqualitates reales, earumque circuitiones?

Inæqualitates menstruæ sunt alligatæ ad solem, eiusque oppositum, vel loca quadrata; sic vt ab his punctis incipiant, & in hæc terminentur; facile igitur possunt Astronomi solutæ inæqualitati insidiari, cum est solitaria, in ipsis articulis Coniunctionum, Oppositionum & Quadraturarum. Solutâ verò inæqualitate iam exploratâ, computatur locus lunæ secundum eam, ad quoduis momentum mensis intermedium, & comparatur cum obseruato; sic ex differentiâ vtri-
usq; patescit quantitas etiam menstrua-
rum.

Quomodo soluta inaequalitas animaduerti potest etiam in coniunctione Luna cum Sole, cum Luna tunc lateat sub radiis Solis?

Etsi plerunq; Luna sub Sole latet; at cùm Solem tegit; tunc vel maximè & aptissimè cernitur, in ipso scilicet disco corporis solaris.

Qua in re conuenit soluta inaequalitas motus Luna, cùm primariorum planetarum inaequalitate, primâ dictâ, & qua in re discrepat?

1. Idem tractus; Zodiaci scilicet, in sphaerâ fixarum, superimminet tam orbitæ lunæ quam cæteris sex orbitis primariorum planetarum.

2. Sicut primarii, & tellus ipsa, circumeunt corpus solis, orbitis à sole eccentricis, & celeritate accommodatâ ad interualla solis variabilia: sic luna priuatim suo proprio motu circumit terræ globum, orbitâ à terrâ eccentricâ, & celeritate accommodatâ, ad interualla lunæ & terræ variabilia.

Quibus circulis opus est ad docendam inaequalitatem Luna solutam?

Vnicâ eccentricâ orbitâ, figuræ quàm proximè circularis, hoc est, ellipticæ, ad eclipticæ planum inclinatâ: super lineâ, quæ per centrum terræ transit: qualibus orbitis vsi sunt etiam planetæ primarii?

Quomodo describenda sunt secundum Copernicum, lineæ Apsidum, Limitum, Nodorum, motusque luna & loca singulorum ipsa?

Copernicus non statuit sensibilem distantiam centri terræ & centri Zodiaci, collatam ad immensam fixarum altitudinem: ideò lineæ hæ simpliciter intelliguntur educi ex centro terræ, per puncta Apsidis, Limitis, Nodi, vel puncta quæcunque in orbitâ lunæ, vsque

que sub fixas, ibiq; signare loca dictorum punctorum vel lunæ. At quia in instrumentis manuariis Theoriarum, exprimi nequit immensitas illa Zodiaci: definiendæ igitur sunt istæ lineæ (non minus in luna quam parte huius libri VI. secundâ in planetis cæteris) sic technicè, quod ducantur ex centro solaris corporis, vt centro fixarum, & incedant parallelæ lineis iam descriptis. Hac enim parallelitate fit, vt quamuis ecliprica seu Zodiacus in Theoriâ manuariâ non fiat multò maior, quàm Orbis Saturni; nihilominus hæ lineæ ex sole ductæ, coincidant cum prius definitis, in eadem loca Zodiaci.

Quanta est perodus temporis, intra quod Luna solutam inæqualitatem orbita sua conficit & absolvit?

Centrum corporis lunæ fertur circa centrum corporis telluris, motu per partes reuerâ inæquali, in consequentia signorum; digressumque à lineâ Apfidum, reuertitur ad eandem, circuitu peracto, diebus 27; Horis 13. M. 18. S. 35. spacio medio: nam si vera momenta respiciamus, quibus luna incidit in Apfidas, tempus hoc propter inæqualitates menstruas, non planè inuariatum permanet in omnibus periodis.

Diurnus ergò mediocris Anomalix solutæ seu periodicæ motus, est Gr. 13. 3. pr. 54. sec. Horarius sc. 32. pr. 40. sec. numeraturque vel in circulo Æquante, ac si is ex F. esset descriptus, vel magis propriè, in segmentis PAH. PAE. plani PRE. quod ab orbita PHER. cingitur, vt explicatum est libro V.


Quanta est Eccentricitas huius orbita, quanta æquatio maxima, quanta varietas Horariorum?

Lunæ Eccentricitas AB. in pro est 4361. qualium BP. semidiameter est 100000. quare latitudo ED. lunulæ ellipticæ ad normam cæterorum est particularum 190. Igitur æquatio maxima, composita,

(vt

780 EPITOMES ASTRONOMIÆ

vt libro V. declaratum) ex duobus suis elementis, physico areæ EBA. (vel æquipollente DBA.) & optico anguli BEA. est Grad. 5.0.pr. tanta scilicet est tunc, cū Quadraturæ fiunt in Apfidibus: vt vicissim æquatio



maxima fiat in copulis. Hinc igitur Horarius effici-
tur, minimus quidem 29.pr.58.sec. maximus verò 35.pr.
42.sec. siquidem hæc inæqualitas sola esset vnquam in
vllō die Lunationis, Luna simul existente, vel re-
motissimâ, vel proximâ
terræ.

Nam

*Num igitur inconstans est hac magnitudo diurnorum,
maximi & minimi?*

In copulis ferè in vniuersum maior & auctior seu celerior est; in Quadris minor vel tardior: in octauis partibus mensis, turbatur etiam quantitas æquatione menstruâ, vt posterius docebitur.

*Quæ sequitur inæqualitas partium periodi ex hac
simplici æquatione?*

Coniunctio & oppositio inter se proximæ, cùm vtraque est ecliptica, animaduertuntur inæqualiter inter se distare: possunt enim interesse dies vltra quindecim & dimidium, possunt etiam non plus quatuordecim.

Quod nomen est Apsidibus Eccentrici Luna summa P. & ima R?

Quod in primariis, qui circa solem vehuntur, Aphelium & Perihelium diximus: id in lunâ, quæ circa terram gyratur, Apogæum & Perigæum est dicendum.


*Quomodo mouetur Apogæum huius orbita luna Eccentrica, & quanta eius est periodus
temporis?*

Mouetur in signorum consequentia, motu æquabili, restituiturque ad idem punctum longitudinis Zodiaci, in annis Ægyptiis 8. Diebus 311. Horis 6. Hoc motu B. centrum Eccentrici Lunæ, super plano orbitæ lunæ (si id cogitemus, affixum ad lineam ex centro terræ in aliquam fixarum ductam) describit causa longitudinis, circellum BERY. concentricum circa centrum telluris A. Diurnus Apogæi sub Zodiaco est 6. pr. 41. sec. Horarius 17. sec.

Quomodo se habent latitudines punctorum huius orbitæ ad inclinationes,

Cùm in luna non habeat locum parallaxis orbis,
Kkkk quæ

quæ accidit primariis: iidem igitur sunt anguli ad centrum terræ, inclinationis punctorum Eccentrici, qui sunt & anguli latitudinis apparentis lunæ in iis pun-



ctis constitutæ. In luna igitur vox inclinationis tantummodò de limitibus, nunquam de punctis intermediis vsurpatur.

Quanta est hac seu inclinatio Eccentrica orbita, seu latitudo maxima lunæ, in eius limitibus constituta?

Tanta est inclinatio maxima limitum, quanta & æquatio maxima, ex opticâ & physicâ partibus composita, periodicæ seu solutæ inæqualitatis, modò præmissæ, scilicet 5. graduum; id verò tunc solummodò, cum & limes & longitudo media in copulis consistuat. Nam extra copulas, vtrique sit maior, tam latitudo limitis maxima, quam æquatio maxima; sed
tunc

tunc quæque suâ quantitate: vt sic extra copulas consideratæ, non amplius inter se maneant æquales.

Si non semper est eadem latitudo seu inclinatio limitum ad planum eclipticæ: annon tortuosus fiet circulus superstantis orbitæ luna sub fixis?

Toto illo mense, in quo limites manent in copulis (in quantum quidem manent) omnes lunæ latitudines ordinantur sub eundem proximè circulum maximum: vt sic angulus, quo planum orbitæ ad planum eclipticæ inclinatur, toto illo mense maneat quam proxime constans. At cum digressu limitum è copulis, augetur hic angulus inclinationis: & tunc latitudines lunæ per aliquem mensem totum minus minusque quadrant sub vnum circulum sphæræ maximum: Donec limites appropinquent Quadris. Tunc si limites in ipsis Quadris, & sic Nodi in copulis fuerint, orbita lunæ rursus proximè quadrat sub circulum maximum, sed inclinatiorem. Ita libratio hæc tarda & semestralis efficitur, de qua infra: in vno verò menstruo circuitu lunæ, prope non sentitur.

Quomodo peculiariter appellantur luna Nodi, limitesque?

Nomina iis Ptolemæus eadem fecit in luna, quæ in planetis cæteris primariis. Arabes verò *مودة ونبس* lunæ, ascendentem quidem, seu *Αναβιβάζοντα*, caput Draconis appellant, Descendentem seu *Καταβιβάζοντα*, Caudam; limitem verò, Ventrem Draconis videntur dicere voluisse serpentis: propter speciem seu figuram spaciū in superficie sphæræ fixarū, intercepti inter eclipticam & circulum orbitæ lunari superstantem: hoc enim spaciū incipit ab acumine, velut à rostro serpentis nec latius fit in medio, quam 5. gr. cum sit longum grad. 180. desinitq; in aliud acumen, veluti in caudam

serpentis. *Inspice schema lib. IV. fol. 602. sed finge id esse in superficie sphericâ.*

Quomodo siti sunt Nodi in Luna?

Sicut in planetis cæteris primariis siti sunt Nodi ambo cum centro solis in eadem lineâ rectâ; sic iidem in Lunæ Theoria cum centro terræ in eandem rectam competunt.

Qualis & quantus est motus Nodorum vel Limitum?

Mouentur lineæ Nodorum sub Eclipticâ vel limitum sub Eclipticæ parallelis in signorum anteceden-
tia restituunturque ad punctum idem longitudinis Zodiaci in annis Ægyptiis 18. D. 228. H. 3. 50. pr. in totidem ferè annis, quot gradus in singulis annis Nodus conficit, quia 19. 19. efficiunt 361. Diurnus igitur mediocris est. Sc. 3. pr. 10. sec. 38. ter. sub Eclipticâ retrorsum numerandus. Hic motus æqualibus temporum interstitiis venit in copulas & Quadras: at locis inter copulas & Quadras intermediis miscetur ei motus alius: per quam mixturam ille fit inæqualis, de quo infra.

Quid est argumentum vel Anomalia motus latitudinis lunæ, & quanta eius periodus?

Anomalia hæc est arcus Eclipticæ, interceptus inter locum Nodi ascendentis (vel limitis etiam Borei locum, Copernico) & inter centri corporis lunæ verum locum Eccentricum, ad Eclipticam reductum. Completur Diebus 27. Horis 5. 5. pr. 36. sec. Diurnus igitur mediocris motus Anomalix latitudinis, est Gr. 13. pr. 46. Horarius 33. pr. 5. sec.

Cur isti motus, Eccentricitas & Inclinationes ita seorsim traduntur: cum iis misceantur alii motus, quorum circuitus est mensstruus?

Quia propemodum sufficiunt ista ad doctrinam de Mensi-

Mensibus, deque Eclipsibus, luminarium reuolutionis accidente præcipuo & valdè conspicuo: de quo infra parte V.

Quotuplicem agnoscunt Astronomi mensem?

Duplicem, Periodicum & Synodicum illa vox circuitum significat, puta sub fixis vel Zodiaco, hæc coitum seu congressum, puta cum sole.

Quid est Mensis Periodicus, & quod aliud illi nomen?

Est spacium temporis, quo linea motus lunæ ab eodem circulo latitudinis, immobiliter ad certum eclipticæ punctum affixo digressa, reditu peracto reuertitur ad eundem. Dici potest mensis Medicorum Criticus. Est enim dierum 27. H. 7. 43. pr. 5. sec. 8. ter. mensurâ æquabili, paulò breuior periodo Anomalix solutæ. Diurnus est Gr. 13. 10. pr. 35. sec. Horarius medius 32. pr. 56. sec. 30. ter. Sed per Anomaliam solutam, solitariam, tardissimus est. 30. pr. 15. sec. velocissimus 36. pr. 0. sec.

Quod nomen est his Horariis, & quis usus?

Appellantur in tabulis è re ipsa ficti, & vtimur iis, cum vero horario solis comparatis, ad indaganda momenta copularum & Quadrarum compendiose.

Quid est mensis Synodicus, & quantus?

Est spacium temporis, intra quod linea motus lunæ à circulo latitudinis, in quo linea motus solis (vel eius puncti oppositi) digressa, circuitu peracto, reuertitur ad eundem. Dicitur etiam lunatio: quia intra hoc tempus, lunæ orbis & impletur successiue lumine, & vicissim euacuatur. Periodus vna mediocris absoluitur diebus 29. Horis 12. 44. pr. 3. sec. 11. ter. separatur luna à sole dietim angulo Gr. 12. 11. pr. 27. sec. in hora 30. pr. 26. sec. 37 $\frac{1}{2}$. ter. ratione media. Itaque in anno existunt lunationes 12. & ultra Gr. 132. 45. pr. de tredecimâ.

Quid facit inæquales menses synodicos? & quantum?

Inæqualitas motus vtriusq; sideris, tam solis, quam lunæ. Nam causa solis, æstate, cum est tardus eius motus circa suum Apogæum menses proueniunt breuiiores, quia luna solem citius assequitur; hyeme circa solis perigæum, menses sunt longiores, quia tardius luna solem velocem assequitur. Rursum causa lunæ, tarda cum sit in Apogæo suo, velox in perigæo: tardius igitur illic, quam hic, cæteris paribus, conficit residuum illud, quod illi superest ad solem supra confectum reditum Anomalicum. Compositis igitur in vnum causis, cum sol est perigæus, luna Apogæa, mensis est ferè 30. solidorum dierum, deficiunt enim horæ tantum 4. M. 23. Vicissim cum sol Apogæus, luna perigæa, mensis habet dies tantum 29. Horas 6. M. 42. Quod si à Quadra numeremus ad quadram: maior esse poterit mensium inæqualitas. Apogæa vero luminaria faciunt mensem D. 29. H. 15. 7. pr. longum, perigæa D. 29. H. 10. 24. pr. longum.


DE INÆQUALITATIBVS MENSTRVIS.

Quibus nominibus distinguis duas residuas menstruas inæqualitates?

PRior dicatur temporanea, posterior perpetua. Prior enim non idèò menstrua dicitur, quod singulis mensibus redeat, sed idèò, quia non nisi causa illuminationis, quæ mensem facit oriatur; non manet igitur eiusdem quantitatis in omnibus lunationibus, sed paulatim in sequentibus mensibus euanescit: altera quantitatem obtinet eandem, per omnes lunationes constans, & sic duplici nomine menstrua dicitur, & quia est ab illuminatione, quæ mensem facit, & quia singulis mensibus redit eadem.

Quo ordine sunt tradenda?


Et si vt lib. IV. fol. 560. disputauimus, perpetua, naturâ prior est, & cognata motui lunæ medio, & causa temporaneæ; eâque de re, causas eius naturales priori loco explicauimus à folio 560. in fol. 569. Causas verò temporaneæ posteriùs, à folio 612. in 622. tamen iam in praxi astronomicâ incipiendum est à temporanea: quia hæc, in quantum quidem habet quolibet mense dimensum suum certum, similima est Anomalix solutæ; attinetque vt illa, tam longitudinem, quam latitudinem. At perpetua est generis alterius, & solam longitudinem variat; Itaque etiam calculus Braheii vltimam adhibet.



*Quomodo diuiditur mensis synodicus propter in-
aqualitates menstruas?*

Diuiditur in duos semisses, vnum lunæ crescentis,

GKC. alterum senescentis CFG. quorum media tenent Quadræ, IK.EF. fines copulæ CD.GH. Amplius, Quadrantes hos, quatuor aliæ phases L. M. N. O. bisecant, Braheus Octantes dixit, quòd mensis iis in octo partes diuidatur.



Nunquid hoc loco Mensis vel lunationis vocabulum, induit aliquam technicam significationem, & qua illa?

Omniò: Nam etsi Apfides & Nodi emigrant è copulis & Quadris motu continuo, sic vt nulla pars mensis alii parti similis sit in dispositione Apogæi vel Nodi ad Phases: fingimus tamen; dispositionem hanc toto mense manere talem, qualis inuenitur ad momentum illud, ad quod lunæ locus est dispiciendus.

Quid igitur appellas octantes, quid quadras, & quid copulas?

Generaliter & technicè, quouis proposito momento, locove lunæ, sunt puncta illa orbitæ, in quibus si tunc esset luna; soli, vel Octili vel Quadrato vel Trioctili aspectu configuraretur; vel copularetur eidem ex eadem vel oppositâ plagâ.

Vt in adiecto schemate, in quo A. Terra, B. centrum Eccentrici D. si sol sit in linea AH. & luna in D. vel N. vel in quouis aliopuncto orbita tunc illa vice, puncta H. & G. vicem gerunt copularum, I. & K. vicem quadrarum, L. vicem Octantis.

Specialiter & rarius ipsa loca verarum phasium lunæ, quarum vnaquæque suo apparet momento, his nominibus veniunt. Nam luna in copulâ à sole remotiori apparet plena, in Octantibus illi proximis, gibba; in Quadris, bifida, in Octantibus soli propioribus, falcata seu cornuta, Græcè *μωοειδής*; in copulâ citeriori extinguitur. Tunc verò non nisi abusuè quadrantes, Octantes vel semicirculi dici possunt, arcus interiecti: quippe in Eclipticâ paulò minores sunt suis hisce nominibus. In orbitâ verò Eccentrica lunæ, maiores, parte circiter duodecimâ, vt ex sequentibus patebit.

DE INÆQUALITATE TEM- PORANEA.

Quo in situ luna patescit inæqualitas temporanea, & cuiusmodi facit apparentias, quoue ordine?

IN omni quidem situ extra copulas, præcipue tamen in Quadris patescit, inque Octantibus. Nam cum Apogæum vel Nodus est in Quadris; æquationes vel latitudines proueniunt simplices toto mense, vt in soluta inæqualitate dictum. Posset hic mensis respectu hoc, menstruæ vel æquationis vel latitudinis, dici vacuus. Proximo mense, cum solis Quadratura deseruit

Apogæum vel Nodum lunæ, sic vt illa puncta iam sint
 verſus octantem : iam proueniunt æquationes vel la-
 titudines aliquantulæ etiam menſtræ ; & hoc nihi-
 lominus, etiamſi luna fuerit in ipſo ſuo Apogæo mo-
 tu æquabili, vel in ipſo Nodo : vbi legibus ſolutæ,
 carere debuerat omni æquatione vel latitudine. Rur-
 ſum ſuccedentibus menſibus, inæqualitates hæ pro-
 ueniunt maiores ; vſque dum copulæ fuerint aſſecu-
 tæ Apogæum vel Nodum : in tali menſe contingunt
 æquationes vel latitudines menſtræ maximæ, aſſo-
 ciantque ſeſe illis ex ſolutâ inæqualitate, ſic vt vtræ-
 que iisdem momentis fiant maximæ : itaque toto qua-
 ſi menſe, æquatio vel latitudo ex vtraque parte cu-
 mulata, prouenit regularis, legibusque vſitatis. Poſſet
 hic dici menſis plenus, & hoc duplici nomine, ſi coin-
 ciderent in menſem vnum affectiones iſtæ tam longi-
 tudinis quàm latitudinis. Sequentibus menſibus hæc
 inæqualitas menſtræ rurſum iisdem gradibus decre-
 ſcit, donec penitus extinguaſur ; ex quo tempore o-
 ritur per contrarias ſolis configurationes Noua. Et
 in contrariis quidem Quadris vel copulis, affection-
 es etiam æquationum vel latitudinum ſunt con-
 trariæ. Nam ſi ſemiſſis lunæ ſenefcentis, longitu-
 dinem mediam Anomalix ſolutæ interceperit illam,
 cuius eſt æquatio ſubtractoria ; vel limitem illum,
 qui lunam in Boream longiſſimè ſuſtollit ; tunc et-
 iam menſtræ æquationes per totum illum ſemiſ-
 ſem ſenefcentis, ſunt ſubtractoriæ ; vel tunc latitudi-
 nes menſtræ per totum illum ſemiſſem ſunt Bo-
 reæ, etiam in illis ſemicirculi punctis, in quibus æ-
 quatio ſolutæ eſt adiectoria, vel latitudo ſolutæ, Au-
 ſtralis ; obtinetque oppoſitum in ſemicirculo cre-
 ſcentis. Poſt aliquot verò menſes, vbi ſolutæ longi-
 tudo media prior, vel limes boreus, emigrauerint è
 ſenefcentis, ſemiſſe, ceperitque alter creſcentis, hæc
 ſolutæ puncta vel vtraque vel alterum ſolum ſibi vin-
 dicare : ſubtractoria etiam affectio, vel Borealitas :
 vtraque

utraq; vel altera, transit in hunc alterum semissem, in eius scilicet totius omnes æquationes vel latitudines, menstruas dictas: affectiones contrariæ, Adiectoria vel Borealitas, in priorem. Hæc sic copulatè sub vnum conspectum posita, iam porrò euoluentur distinctiùs.

*Quo circularum indigemus apparatu, ad hanc inequalitatem mensuram temporaneam demonstrandam
osulisque subiiciendam?*

Et si nec Eccentricitate vtendum est nouâ reali, veluti in Eccentro Eccentri, vt cautum libro IV. folio 614. nec omninò nouis circulis, præter illos, quibus vsi sumus in solutæ demonstratione, inque primariis etiam planetis omnibus: verè tamen & realiter luna dupliciter acceleratur vel retardatur in illâ suâ orbitâ vnâ & eâdem: Quare etiam duos oportet fontes motus lunæ concipere, à quibus luna in superioribus orbitæ semicirculis, qui copulam Apogæam habent, excurrat longius, in inferioribus, breuius: & illorum fontium respectu, duplicem etiam Eccentricitatem vnus & eiusdem centri orbitæ lunæ vnica: duplex Apogæum, duas lineas Apfidum, & per consequens, duo etiam triangula æquatoria, in quorum areis insint mensuræ retardationum & accelerationum. Sic etiam causa latitudinis, luna verè dupliciter excurrit ad latera eclipticæ: quare vnâ & eandem orbitam lunæ oportet concipere esse librilem ad planum eclipticæ, hoc est, inclinationem planorum, quæ simplex fuit in solutâ, obtinet quæ talis in omnibus copulis, oportet concipere variabilem extra copulas: eoq; duplices limites nodosque.

Quæ est igitur hæc altera & menstrua linea Apfidum, linea Nodorum, quod Apogæum, quis Nodus Ascendens menstruus, cuius deniq; generis eorum motus?

In primariis quidem planetis, vt & in solutis lunæ Anomaliis, linea Apfidum & linea Nodorum separabantur ab inuicem motibus contrariis, per totos successiuè quadrantes: at hîc; in mensstruis lunæ Anomaliis, linea Apfidum mensstruarum & linea Nodorum mensstruorum perpetuò coincidunt in sectionem plani orbitæ lunæ, cum plano per centra solis & terræ, ad Eclipticæ planum recto. Apogæum enim est perpetuò apud vnâ vel alteram copularum; Nodus ascendens alternis vel in eadem copula vel in opposita: nec exeunt inde, motu circulari transeuntia in copulas oppositas: sed in suâ quodque copula & oritur & emoritur, denuoque post obitum in vnâ, resurgit in altera. Excitatur autem vel extinguitur vtrumque per solutæ Apfidum & Nodorum emigrationes circulares, ex vno semicirculo mensstruo in alium, ex crescentis scilicet lunæ, in senescentis semicirculum: quæ emigratio fit in signorum antecedentia, Phasibus lunæ, propter motum communem terræ & cælo lunæ, transpositis in consequentia; vt, verbi causa, plenilunio, in schemate fol. 610. ex B. in C. transposito: quæ transpositione destituntur (seu derelinquuntur, ὑπολείπονται) Apogæum lunæ tardissimum, & Nodus luna, insuper etiam retrogradus: vt sic vtriusque loca, speciem prabeant retrocedentium à phasibus in antecedentia, qui apparens retrocessus intra vnum circiter annum euoluit totum circulum lunationum. Hæc hic generaliter indicata, in sequentibus explicabuntur clarius per signa Geometrica.

Cum igitur ipsa linea copularum fungatur officio tam linæ Apfidum, quàm linæ Nodorum, vtriusque mensstruæ: fit vt ne nominibus quidem semper vtamur Apogæi mensstrui, vel Nodi mensstrui, vt tanto minus sit confusionis.

Gerit autem illa copula vicem Apogæi menstrui, cui Apogæum solutæ propinquat intra quadrantem Eclipticæ ante vel retrò. *Vt quia in schemate præmisso D. Apogæum soluta, HAG. linea copularum, HAD. minor recto DAG. maior recto: Ergo copula H. quæ est ipsi D. Apogæo vicinior, vicem gerit Apogæi, G. Perigæi, menstrui.* Sic illa copula vicem præbet ascendentis Nodi, à quâ Nodus ascendens solutæ minus Quadrante distat antè vel retrò.

Quo ordine peruenitur ad notitiam æquationis vel latitudinis menstrua, & quorum terminorum vsu?

Summa processus & catalogus terminorum est iste. Principio per distantiam solis ab Apogæo lunæ quæritur argumentum menstruum, & longitudinis scrupula proportionalia, cum particula exsorte. Sic cum distantia solis à Nodo euehente, quæruntur scrupula latitudinis. Deinde per argumentum menstruum, longitudinis vel latitudinis, excerpenda est illic æquatio hic latitudo menstrua, tanquam ex mense pleno. Hæc vel æquatio, vel latitudo, multiplicatæ in scrupula sua, dant portiones competentes latitudinis quidem absolute, æquationis verò, insuper fermentandam Particula exsorte, vt fiat iusta æquatio menstrua: Horum terminorum definitiones & vsus iam porrò seorsim singuli tradentur dilucidius.

Quomodo n. merantur illa distantia solis ab Apogæo vel Nodo lunæ?

Numerantur in Ecliptica, vel etiam in quolibet circulo ex centro terræ descripto: sunt enim arcus vel eclipticæ vel talis circuli, incipientes, à linea locove Apogæi vel Nodi euehentis, & tendunt in consequentia, terminanturque in locum solis verum, vel lineam loci solis veri. Et quia in schematibus ecliptica commode non potest exprimi; sufficit loco arcuum ostendere angulos ad terram, vel complementa angulorum

gulorum ad quatuor rectos, quos angulos arcus illi metiuntur.

Igitur in adiecto schemate in quo DBF. linea Apſidum, D. Apogai, F. Perigai, HAG. linea veri loci ſolis eiſque oppoſiti angulus DAG. eſt complementum ad 4. rectos diſtancia ſolis, per AG. lineam notari, ab Apogæo lunæ D. per AD. lineam inſollecſto. Ita etiam eſt, ſi D. eſſet Nodus euehens.

Poteſt etiam diſtancia ſolis ab Apogæo lunæ numerari in circulo Eccentrico lunæ: & tunc ſic determinabitur, quod incipiat ab Apogæi puncto, numeretur in conſequentia, & terminetur in rectam, quæ ex centro Eccentrici, parallela lineæ veri motus ſolis ducitur in plagam eandem, qua ſol ſtat.

Vt hic, ſole in AG. lineâ verſante, ſi ei ex B. ducatur parallela BQ. tunc DNQ. erit diſtancia ſolis ab Apogæo lunæ.

Doce inuenire punctum æquatorium (& una fontem motus) menſtruum, eiſque Eccentricitatem?

A centro orbitæ lunæ B. in lineam copularum HAG. perpendicularis educatur BC. ſecans lineam copularum AH. in C. Ducatur etiam per A. ipſi CB. parallela IAK. ſecans ipſius punctum HG. parallelam per B. in puncto Z. Sunt igitur duo fontes motus lunæ, punctum A. & linea IAK. per circulum illuminationis terræ: Dua etiam hac vice Eccentricitates centri B. ſcilicet AB. & ZB. illa ordinaria ſolutæ & perpetua, ZB. verò tantummodò in menſe vel momento præſenti, per reliquos menſes variabilis: eique æqualis AC. eſt Eccentricitas menſtrua temporanea (potius momentanea) puncti æquatorii menſtrui C.

Si centrum orbitæ B. eſt in E. in ipſa ſcilicet lineâ copularum, tunc illo menſe technico punctum E. duorum punctorum B. & C. vicem præſtat, & AE. bis adhibetur ad accelerandum vel retardandum motum.

Sin perpendicularis BC. inciderit in ipſum centrum terræ A. tunc illo (technico) menſe nulla eſt Eccentricitas menſtrua

menstrua temporanea; nisi in quantum perpendicularis illa non toto mense naturali in *A.* incidit cum hoc sit momentaneum. Distet Apogaeum luna *D* à solis opposito *H.* gradus 36.0.pr. Antilogarithmus. ————— 21193

Eccentricitas *DAB.* 4362. considerata ut nume-

rus 43620. Logar. ————— 82965

Summa 104158

Quæ sita ut logarithmus, ostendit *AC.* Eccentricitatem puncti *C.* 2529.

Quid sunt scrupula menstrua longitudinis?

Sunt nihil aliud, quàm valor areæ trianguli æquariorii menstrui super Eccentricitate menstrua centri Eccentrici stantis in quolibet mense technico maximi, in numeris qualium omnium maximum, scilicet in mense pleno est 60.pr. In schemate continuata *BC.* in puncta orbita *ON.* & ipsi *CA.* parallela & aequali *BZ.* demissa, & punctis *NO.* cum *Z.* connexis: valor area *ZBN.* vel *ZBO.* dat scrupula longitudinis, qua valent quotiescunque occurrat in aliquo mense, dispositio ista punctorum *ACB.* vel angulus iste *DAH.* inter lineam Apsidum *AD.* & lineam loci solis *AH.* quocunque in puncto sua orbita luna inueniatur.

Doce hoc triangulum, & ex eo scrupula menstrua computare?

Computandi ratio manet eadem, quæ fuit libro V. partis de æquatione maxima physicæ: nisi quod area producta conuertitur in scrupula, qualium in mense pleno ipsa facit 60.pr. Ut si centri *B.* Eccentricitas *BZ.* menstrua sit 3529. huius dimidium $1764\frac{1}{2}$. ductum in semidiametrum *BO.* creat aream *BZO.* 176450000. In mense vero pleno, cum *B.* est in *E.* & menstrua Eccentricitas *AE.* 4362. sit area isthac 218100000. Si ergo 218100000. valet scrupula 60.pr. area præsens 176450000. valebit 48.pr. 33.se. scrupula menstrua pro hoc mense technico.

Notandum hic, si accuratissimè insistamus figuræ ipsius orbitæ

orbitæ, considerantes, illam ad exemplum cæterorum planetarum esse ellipticam; tunc semidiametros BO. BN. paulò esse breuiiores semidiametris BD. BF. idque tanto magis, quantò rectior est BDO. circa longitudines medias. Nec desunt fundamenta computandi has abbreviatas semidiametros, ex libro V. siue geometricè ex schemate, siue compendiosè & propè verum, ex regulâ ibi traditâ. At cum tantâ subtilitate non sit opus, præstat eam omittere; quam captum nouatæ æquationum formæ adhuc difficiliorem reddere. Maxima quidem omnium curtatio, seu latitudo lunulæ, in totalem eccentricitatem ducta, inque denominationem astronomicam conuersa, non efficit 7. secunda, quæ ducta in Grad. 2. 30. prim. æquationem maximam menstruam, efficit 17. secun. nihil ultra. Hoc fit tunc, quando B. in E. incidit. At quo longius B. ab E. discedit, hoc minor semper est hic errorculus, duplici nomine, & quia curtatio minor, & quia Eccentricitas menstrua minor.

Quid est argumentum longitudinis menstruum?


Est arcus Eccentrici lunæ, inceptus à parallelâ lineæ Apogæi menstrui (hoc est vel loci solis vel eius oppositi) in easdem partes eductâ & numeratus in consequentia, vsque ad lineam loci lunæ primo æquati, seu æquatione solitariâ solutæ affecti.

Quomodo inuenitur argumentum menstruum?

Distantia Apogæi menstrui (hoc est vel loci solis, vel eius oppositi) ab Apogæo lunæ An. solutæ, subtrahenda est ab Anomalia Eccentri, adiecto ei circulo integro opus est; sic remanet argumentum menstruum.

In schemate apposito sit AH. linea loci solis, AD. linea Apogæi solutæ HAD. minor recto, eoque AH. linea Apogæi menstrui, eique parallela BP. in easdem partes HP. & HAD. di-

*HAD. distantia solis ut Apogei mensurari, ab Apogeo luna.
Sit etiam AL. linea motus luna primò equati, & DL. vel*



*DBL. Anomalia Eccentri. Aufer HAD. hoc est PBD. ab
LBD. restabit LBP. Argumentum menstruum.*

*Sit AM. linea motus luna, DQM. Anomalia Eccentri
erit PQM. argumentum menstruum.*

*Qua re representantur & mensurantur aequationes lu-
na menstrua, competentes locis luna pro-
positis?*

*Areis triangulorum, super basi, Eccentricitate pun-
cti mensurari, stantium, vertice in puncto orbitæ lunæ
proposito. Rediguntur autem areæ istæ hac vice in
gradus & minuta, qualium area totius orbitæ valet
Gr. 360.*

*Vt quia C. est punctum menstruum CA. eius eccentrici-
tas à terra centro A. si ergò fuerit in aliquo momento talis*

LIII dispositio

dispositio, Luna versante in L. tunc area trianguli CLA. metitur æquationem menstruam. Quod si alio tempore reuersa fuerit eadem dispositio, idem scilicet mensis technicus, lunatunc in M. versante, rursum area CAM. prodit mensuram æquationis menstrua.

Quomodo computatur area trianguli cuius Basis est Eccentricitas CA. puncti C. menstrui?

Quodlibet horum triangulorum habet socium, cuius vertex idem, basis verò BZ. Eccentricitas menstrua centri Eccentrici B. differentia inter vtrumq; est particula exfors. Prius igitur sunt computanda triangula hæc socia, & particula exfors; tunc addita hæc illis constituit areas triangulorum æquatoriorum in semicirculo menstruo illo, qui habet Apogæum solutæ: ablata verò exfors particula à triangulis fociis relinquit quantitatem areae triangulorum æquatoriorum in altero semicirculo menstruo stantium, qui scilicet perigæum intercipit. Vbi semicirculi determinandi sunt per parallelam lineæ copularum, per centrum Eccentrici ductam.

Vt si sit inquirenda quantitas area CLA. in semicirculo PLQ. qui F. perigæum intercipit: prius igitur computandum est socium triangulum BLZ. quod maius est quàm CLA. particula exforte, sic ut hac particulâ ablatâ ab area BLZ. relinquantur area CLA. Vicissim si sit inquirenda quantitas area CMA. in semicirculo QMP. qui habet D. Apogæum; prius quaritur BMZ. eique additur particula exfors; ita conficitur quantitas area CMA.

Doce ergo computare aream trianguli cuiusque, stans super Eccentricitate menstrua centri Eccentrici?

Geometrica methodus est eadem, qua libro V. docti sumus computare partem æquationis physicam. Nam sinus Argumenti menstrui ducitur in valorem areae trianguli quouis mense proposito maximi, red-
actum

actum in secunda graduum; & abiectis cyphris, relinquitur valor areæ trianguli, de quo quæritur.

Quomodo verò computandum sit maximum quouis mense technico triangulum, iam præmisimus.

Ut si scire velimus aream trianguli BLZ. quod sociatur triangulo CLA. tunc maximi hoc mense trianguli BNZ. area ducitur in TL. sinum argumenti PL. & facto per totum BN. diuiso, prodit area BLZ.

Logisticè sumitur valor area BLZ. ex mense pleno, perinde ac si Basis BZ. aquaret EA. hic valor multiplicatur in scrupula menstrua, proditque valor verus area BLZ. ita res eodem redit.

Hic tamen compendium est obseruandum. Nam quia maxima æquatio menstrua non superat Gr. 2. 30. pr. tractari ergò potest vt recta linea. Et quia in vno quolibet mense area BLZ. inde à P. vsq; in N. crescit in proportionem sinuum LT. &c. eorum verò eadem est sequela, quæ scrupulorum menstruorum (cùm & illa sint ex sinibus, ordine tamè contrario, extracta) potest igitur fieri multiplicatio scrupulorum menstruorum in scrupula ordinis contrarii, ad argumentum menstruum accommodata, additis scilicet duobus logarithmis; aggregatum igitur statim monstrabit valorem areæ hic quæsitæ ex separatâ tabellâ huc accommodatâ.

*Sint scilicet menstrua 48. pr. - 33. - sec. Logar. 21193.
sit argumentum PL. 42. pr. - 24. - sec. - Logar. 34700.
Gradus 45. scrupula*

Summa 55893. ex peculiari tabellâ monstrat Gr. 1. 25. pr. 45. sec. aream trianguli socii seu æquationis partem competentem, & particula ex sorte fermentandam.

Qua re mensuratur particula ex sorte?

Ex sortem particulam metitur & repræsentat areola trianguli, cuius basis est Eccentricitas puncti menstrui, vertex verò, centrum Eccentrici. Huius areolæ duplum alias dicitur Rectangulum Quadrantis. Et re-

ducitur areola in scrupula gradus, qualium area totius Eccentrici est Gr. 360.

In *schemate* pramisso, si *C. punctum menstruum*, & *CA.* eius *Eccentricitas*; tunc in omnibus momentis, quibus inuenitur hac dispositio punctorum *C. B. A.* & hac anguli *CAB.* quantitas, semper areola *CBA* (dimidium scilicet de rectangulo quadrantis *CBZA*) est particula exfors, quocunque in puncto orbita luna fuerit inuenta. Hac igitur areola si adiciatur ad aream *BMZ.* constituit aream *CMA.* Eadem areola *CBA.* si auferatur ab area *BLZ.* relinquit aream *GLA.* Id sic patet: Nam *CA.* & *BZ.* sunt æquales, quare triangula super *CA.* & *BZ.* sunt ut eorum altitudines super cuiusque basi, & ut *VL.* ad *TL.* sic *CLA.* ad *BLZ.* Vtique *TL.* altitudo trianguli *BLZ.* ad *CB.* vel *VT.* altitudinem trianguli *CBA.* sic area illius ad aream huius. Sed *TV.* est differentia altitudinum *VL.* & *LT.* ergo & area *CBA.* est differentia arearum *CLA.* & *BLZ.*

Doce computare particulam exsortem?

Eadem est ratio computandi, quæ fuit supra libr. V. Rectanguli Quadrantis. Ducitur scilicet altitudo *CB.* illic in totam basin *CA.* hic in dimidiam.

Ut autem compendiose sciamus valorem cuiusque areolæ prodeuntis in gradibus & scrupulis, qualium tota Eccentrici area valet Gr. 360. oportet computare omnium maximum, scilicet ad angulum *CAB.* Gr. 45. eiusque valorem.

Ducta igitur *AE.* Eccentricitate 4362. in seipsam creatur duplum rectanguli maximi, scilicet 19027044. Ergo rectangulum *CBZA.* cum est maximum, est 9513522. Quod si area circuli valet Gr. 360. hæc areola valebit Gr. 0.6. pr. 49. sec. Exfors verò particula, dimidium huius, scilicet 3. pr. 25. sec. vel 205. ses. Iam libro V. inuenta est proportio rectangulorum quadrantis (& sic etiam horum triangulorum) inter se mutuo, in numeris, qualium maximum est 1000. Si ergo 1000. valet 205. sec. facile computatur, quantum valeat quodlibet minorum.

Propter

Propter hanc exilitatem particula exfors vel negligi potest insolidum, vel etiam inter variationes de quibus infra, excerpti: est enim ferè vncia variationis respondentis.

*Quare nomen ei dedisti particula exfortis? & qua ratio utendi, ut æquatio menstrua prod-
cat?*

Quia cùm ipsissimum triangulum æquatorium, verbi causa CLA. constituitur per socium BLZ. & per hanc particulam, seu areolam CBA. illud quidem BLZ. sinui suo LT. cedit in sortem debitâ de maximo huius mēsis BNZ; hæc verò areola CBA. extra sortem in vno semicirculo mēstruo decedit triangulo BLZ. extra sortem in altero ei accedit, eâdem sc. quantitate per totos PFQ. QDP. semicirculos: siue paruus fuerit sinus sortiens LT. siue magnus. Quod si fuerit punctum orbitæ lunæ propositum in semicirculo, qui perigæum intercept, cuius triangulum super BZ. puta BHZ. fuerit minus ipso CBA. subtrahendo; tunc ipsum BHZ. subtrahitur vicissim à CBA. & residuum est area trianguli æquatorii quæsitæ, accipitque denominationem ex semicirculo GDH. habente apogæum D.


Quibus aliis nominibus nuncupatur hæc æquatio menstrua temporanea?

Tycho Brahe appellauit Prostaphæresin Eccentricitatis; Copernicus, prostaphæresin Eccentricitatis secundi Epicycli; Ptolemæus Πρόστυλλον Epicycli, quæ Annutum; Arabes ex illo, diuersitatem aspectus epicycli: quilibet voce utitur accommodatâ ad suam formam Hypotheseos, qua supponit Geometricum & opticum aliquid: cùm mihi sit ex causis merè physicis.

Quanta est hæc æquatio menstrua, cùm est maxima vel plena?

Tycho Brahe statuit eam æqualem semissi æquatio-

nis maximæ in copulis, quod est secundum me parti æquationis physicæ in solutâ sc. Gr. 2. 30. pr. quod valdè commodum accidit schematibus, vt sit vtrique eadem basis trianguli AE. sicut antea in eius definitione supposuimus. Ptolemæus verò facit eam paulò maiorem, scilicet Gr. 2. 41. pr. vt dictum lib. 4. fol. 617. quæ quantitas admodum seruit connexioni speculatiuæ huius æquationis cum sequenti Variationis negotio: hoc igitur in dubio maneat, donec obseruationes sufficienter decident. In vsu sequamur Tychonem interrim.



*Quodnam est discrimen harum æquationum men-
struarum à prioribus Anomalia
soluta?*

In primariis planetis, & in Anomaliâ solutâ, partes
æquationum physicæ in æquali distantia punctorum
orbita

orbitæ ab Apogæo tam ante quam retrò, sunt æquales. In Anomaliâ verò menstrua, præterquam in mense pleno, semper aliâs, duorum punctorum orbitæ, æqualibus angulis ad terram, ab Apogæo menstruo, hoc est à sole vel eius opposito elongatorum in partes contrarias, æquationes menstruæ sunt inæquales; & illud habet maiorem æquationem menstruam, quod est Apogæo solutæ propius: differentiam ostendit particula exfors duplicata.

Qua in proportionem sunt ad inuicem bina tales æquationes, æqualibus angulis à sole in plagas contrarias elongata?

Sunt inter se in proportionem interuallorum lunæ & Terræ. *Visi* DAH . HAL . anguli æquales area CDA . erit ad aream CLA . ut DA . ad LA .

Quomodo utimur hac æquatione menstruâ, seu quid est Anomalia primo vel secundo æquata; quid item Anomalia media, respectu adhibita æquationis menstrua temporanea?

Proposito certo loco lunæ in suâ orbitâ, certa que lineâ loci lunæ veri sub eclipticâ, verbi causa AL . area sola LDA . constans sectore LDB . & triangulo LBA . est illius loci, & Anomaliæ Eccentri DL . & anomaliæ primò coæquatæ DAL . respondens anomalia media. Quòd si iam in semicirculo HNG . ab H . Apogæo menstruo incepto, & in hoc situ punctorum B . C . A . aream trianguli menstrui CLA . adiecerimus ad aream DLA . tunc angulus DAL . respectu huius augmenti est anomalia secundò æquata, & responder ei iam anomalia media auctior, composita scilicet ex DAL . & LCA . intellige rursus, qualium area simplex circuli est $Gr. 360$.

Idem locum habet in semicirculo posteriori GOH .

à perigæo menſtruo G. incepto, ſi ſubtraxerimus, verbi
cauſa in M. aream CAM. ab area HAMGN. Nam area
HAMGNH. eſt Anomalia media, reſpondens & Ano-
malix eccentrici DNGM. & coæquata primo ſcilicet
e complemento anguli DAM. & area HAMGNH. di-
minuta areâ CAM. eſt Anomalia media, reſpondens
eidem Anomaliæ DAM. ſecundò æquata: ſic enim ap-
pellat Tycho Braheus, quando ad anomaliam me-
diam duæ ſunt adhibitæ æquationes prior ex ſolutâ,
poſterior menſtrua temporanea. Ille quidem cum A-
ſtronomis cæteris vni Mediæ Anomaliæ duas aptat
coæquatas, ſubtrahendo æquationes in primo ſemi-
circulo, & loca viſa mutando: hîc verò vni coæquata,
& vni viſo loco, duæ aptantur mediæ, addendo æqua-
tiones in primo ſemicirculo, vt temporis moræ mu-
tentur; quia cauſæ tot æquationum ſunt phyſicæ, nec
dum omnes explicatæ ſunt.

In huius verò ſemicirculi partibus inter D.H. Apo-
gæa, vel F. G. Perigæa, cautio eſt hæc. Sit P. punctum
intermedium, locus orbitæ, & AP. linea veri loci lunæ,
& DP. Anomalia eccentrici, & DAP. angulus, Anomalia
coæquata; ſiquidem igitur intelligitur hæc eſſe primò
coæquata: tunc reſpondet ei anomalia media, area
DPA. conſtans ſectore DPB. & triangulo PBA. ſimpli-
ci: ſin autem DAP. ſit anomalia ſecundò coæquata:
tunc ei reſpondebit Anomaliæ mediæ menſura, area
DAP. diminuta areolâ PAC. Nam hîc area quidem
PAB. eſt in ſolutæ deſcendente ſemicirculo DPF. at a-
rea PAC. eſt in menſtrux æſcendente ſemicirculo
GPH.

*Doces igitur Anomalia ſecundò æquata propoſita, inuenire
ſuam Anomaliam mediam: at ſit frequentius, vt propona-
tur ex temporis notitiâ, Anomalia media, velim huic
ſuam ſecundò coæquatam inue-
nire?*

Rurſum ad hoc, non minùs quàm ſuprà libro V. via
nulla

Nulla est à priori: sed oportet uti regulâ falsi, aut tabulis in hunc usum confectis.

Attamen si non scrupulosissimè sit agendum: tunc inuenta æquatio menstrua temporanea, considerata ut angulus, poterit etiam contraria viâ, subtrahi in primo semicirculo, addi in secundo, ad ipsam anomaliam primò coæquatam, ut fiat secundò coæquata, propositæ mediæ inuariatæ manenti respondens: vel potest etiam angulus trianguli CLA. loco valoris aræ CAL. subtrahi ab angulo a DAL. angulus CMA. vel CPA. addi ad compositum ex DAF. FAM. & ad DAP. ut anomalia secundò coæquata repræsentetur in angulis sic correctis; à quibus tamen schematis ratio non leuiter abhorret; nisi ex A. secantes ipsas CL. CM. CP. eduxeris, indices loci Lunæ: sic secundò æquati; quod videtur intricatiùs, vide lib. V. Et huius posterioris usus respectu, cum is congruat ad normam vsitatam æquationum in planetis; prior semicirculus, à copulâ Apogæâ inceptus, ad normam vsitatæ astronomiæ, censetur habere affectionem subtractoriam; secundus, inceptus à copulâ perigæâ, affectionem adiectoriam.

Quomodo appellatur locus lunæ duabus præmissis æquationibus affectus?

Respectu secuturæ tertiæ æquationiunculæ, dicitur locus lunæ prope verus, in Tychonis progymnasmatibus.

Quibus iam legibus utriusque generis, & solutæ & menstrua temporanea anomaliam æquationes, inter se permiscetur in vnâ compositam?

1. Semper maiori parte semicirculorum accumulatur. Id ex eo sequitur, quia dictum est: quo tempore semicirculi, in solutâ quidem Ascendens & Descendens, in menstruâ verò istâ, crescentis & senescentis

SIO EPITOMES ASTRONOMIÆ

lunæ, se mutuò quasi bisecant, applicatione terminorum : æquationem menstruam esse planè nullam. Quamprimùm igitur est aliqua inæqualitas menstrua : iam plus quadrante est in semicirculo crescentis, communicans ei suam affectionem.

2. In residua parte semicirculorum, vbi sunt affectiones inter se contrariæ, fit subtractio minoris æquationis à maiori, & stat ius denominationis seu affectionis ab elemento maiori.

3. Quando ergo sunt in copulis Apfides; tunc lunâ in Quadras veniente, non menstrua tantum æquatio, sed etiam composita ex duobus elementis fit maxima: sc. Gr. 7.30. pr.

4. Quando Apfides in quadras incidunt: tunc toto mense tecnico (& in quantum hoc toto mense naturali verum est) æquationes proueniunt simplices, lege solutæ; nec est aliqua menstrua æquatio, quâ cum illa permisceatur.

5. Quando Apfides sunt locis intermediis, seu in octantibus: eo mense luna in copulis quidem habet æquationem simplicem, legibus Anomalix solutæ; at in quadris existens, vltra id quod ei competit legibus solutæ, sortitur etiam particulam de æquatione menstrua quanta potest illa fieri, toto illo mensis technici se nisse: denique in Apfidas incidens gibba vel corniculata, quibus in punctis carere debuit æquatione ex legibus solutæ, habet tamen aliquam æquationem menstruam, vicissim in medias longitudes gibba vel corniculata veniens, vbi maximam acquirit æquationem lege solutæ; non adiicit tamen maximam menstruam.

Quæ hinc sequitur inæqualitas partium mensis?

Potest semissis mensis à quadra ad quadram, excurrere proximè ad dies sedecim: semissis alter contrahi ad dies tredecim cum dimidio, paulò plus.

DE TERTIA INÆQUALITATE
MOTVS LVNÆ IN LONGVM, SEV
de Variatione.

Quomodo differunt inter se in forma, inæqualitates menstrua, temporanea hætenus explicata, & statæ seu perpetua iam sequens?

1. **T**emporanea vt dictum, iunctim dependet tam ab Apogæo quàm à linea copularum: perpetua dependet à solâ lineâ copularum.

2. Illa oritur ex comparatione Eccentricitatis lunæ cum plano circuli illuminationis: hæc existit per eundem circulum illuminationis, sed citra respectum Eccentricitatis.

3. Illa æquatio dispergitur per semicirculos totos, vt sit in quadris maxima: ista per quadrantes dispergitur, euanescit tam in quadris quàm in copulis, maxima est circa octantes.

4. Itaq; propter illam temporaneam, luna fit semel in mense tarda, semel velox: at propter hanc, bis fit tarda, scilicet in vtraq; quadrâ, bis velox, in vtraque scilicet copula; & tanto velocior quouis loco, quanto viciniore est copulis.

Quod nomen habet æquatiuncula, quæ per hanc Anomaliam oritur?

Tycho Brahe inuentor, variationem dixit. Id nomen illa retineto: vt ex ipsa nominis prærogatiuâ admoneamur, illam aliter oriri, quàm æquationes hætenus dictas; esse scilicet accidens motus medii, quem variet, etiam sine Eccentricitatis operâ.

Quid est Variatio?

Est angulus comprehensus inter duas lineas ex centro terræ, loci lunæ propè veri, & veri absolutique indices: sed quia vitandæ confusionis causa non pinguntur istæ lineæ in schemate, rectius igitur defini-

tur

tut variatio ex causa suâ, quod sit promotionis, quæ fit à lumine, inæqualis & realis, excessus super æqualem seu fictam. Vbi voce, promotionis, intelligimus effectum in gradibus & scrupulis elongationis lunæ à sole prope veræ.

Doce inuenire variationem Geometricè, secundum principia physica lib. IV. fol. 560. & seqq. tradita?

Si ex centro terræ interuallo quocunque describatur quadrans inceptus à lineâ copularum & traductus per lineam loci lunæ propè veri, & in eo quadrante rectangulum, circa lineæ dictæ loci lunæ, particulam rectam vt circa diagonion: area rectanguli huius, redacta in scrupula, qualium rectangulum maximum valet 40. pr. 30. sec. secundum Tychonem (vel 51. pr. secundum rationes lib. IV.) prodet valorem Variationis, competentis proposito loco lunæ propè vero.

Huc referatur schema supra pag. 806. positum, & subiicienda schemati verba AL. debuit per R. transire.

In schemate sit centro terra A. descriptus Quadrans EY, à lineâ copularum HA. per lineam loci lunæ AL. quæ debet secare Quadrantem in R. sit circa AR. vt diagonion, rectangulum CX. erit area CX. mensura Variationis, quæ competit loco luna propè vero, per lineam AL. indicato.

Hoc pacto circellus, qui à centro Eccentrici B. circa centrum terræ A. describitur aream suam quæ prius seruiebat æquationi menstruæ fermentandæ, nunc etiam Variationi expediendæ accommodat; vt non opus habeamus apparatu maiori.

At secundum Tychonem Brahe, ex loco lunæ in Eclipticâ prope vero, scribendus est in superficie fixarum circellus, semidiametro 40. pr. 30. sec. eius sub ecliptica tensæ, particula respondens sinui duplicatæ elongationis propè veræ lunæ à sole, erit Variatio competens.

Quia libro V. suspensa fuit demonstratio aequipollentie plani huius cum causis physicis, libro IV. introductis, expedi illam hic?

Memento igitur, hoc esse positum libro IV. quòd lumen solis adiuuet speciem telluris motricem, in proportionem duplicatâ eius, quam tenent sinus complementi angulorum, quibus applicantur inuicem species luminis solis, vt superficies sphærica luminosa circa solem tensa, & species sphærica corporis telluris circa tellurem tensa.

Vt quia in H. copulâ, angulus est nullus, merus scilicet contactus specierum mouentium; anguli vero Gr. 0. complementum est Gr. 90. quare sinus EA. arcus EY. gr. 90. est mensura adiumenti à lumine in H. Vicissim in I. Quadraturâ specierum superficies secant se ad rectos, recti verò seu gr. 90. Complementum est gr. 0. eoque & sinus huius, est nihil: nullum igitur motus adiumentum à lumine solis, sentit luna in I. posita. Et in R. posito quòd elongatio HAL. vel EAR. (quia AL. & AR. debent esse una linea recta) sit Gr. 30. Complementi RY. Gr. 60. sinus RX metietur adiumentum motus luna, in L. posita. Metientur hoc inquam, sinus isti, non seipsis, sed Quadratis suis, vt quorum proportio est dupla proportionis ipsorum sinuum.

At qui si Quadrantem EY. seces in partes plurimas aequales, per RX parallelas ipsi EA. quæ partem sint iam ER. RY. sicut se habet EA. ad RX sinum proxima diuisionis, sic quàm proximè se habet sinuum distantia AX. ad proximorum distantiam, vt XY. hoc tanto semper est veriùs quanto concisior est diuisio quadrantis. Vsurpatum hoc est libro V. & demonstratum. Quare in arcâ quadrantis, segmenta sunt constituta (vt EAXR.) laterum omnia proportionalium. Vt enim EA. longitudo, ad AX. latitudinem: ita etiam RX longitudo ad XY. latitudinem, vi diuisionis infinita. Segmenta igitur sunt similia potestate, quia in diuisione infinita, dissimulamur superiores curuaturas ER. RY, segmenta vero, quippe minima, pro perfectis parallelogrammis usurpamus. Si segmenta inter binos sinus, sunt inter se similia

lia: proportio igitur illorum, est dupla proportionis sinuum ipsorum, ad quos terminantur. Sed & lumen solis, promouens motum luna, utitur ad hoc, proportionem dupla sinuum horum. Luminis igitur ista promotio, dispensatur in proportionem segmentorum istorum: & per consequens, sicut crescit successiue, quadrantis truncus AERX. donec quadrans fiat integer in Y. sic etiam crescit in eadem sc. mensura, promotio ista luminis, incipiensque ab E. fit in Y. Gr. 2. 9. pr. secundum Tychonis quantitatem, vel Gr. 2. 41. pr. secundum quantitatem à priori erutam.

Atqui si hac luminis promotio esset æquabilis, tunc cresceret cum ipso arcu ER. eiusque sectore EAR. sed quia crescit cum trunco AERX; excessus igitur ipsius AERX. super EAR. hoc est, triangulum RAX. metitur excessum promotionis à lumine: metitur igitur variationem. Sed area rectanguli CX. est dupla area trianguli RAX. & duplorum est eadem proportio, qua simplorum inter sese. Ergo & area Rectangulorum quadrantis, metiuntur variationem.

Demonstra etiam equipollentiam cum circello Tychonis?

Tycho sinum arcus, qui duplum habet ipsius HAL. statuit mensuram variationis. Atqui rectangula quadrantis, ut CRXA. crescunt etiam in proportionem sinuum arcus, qui duplum habet ipsius ER. seu HAL. anguli. Duplicatur enim arcus minor ER. eiusque sinus dimidiatur: & appositis quinque cyphris, prodit Rectangulum CX. Demonstratur hic processus ex artificiis Trigonometria compendiosa: terminis tribus, sinu toto, sinu arcus, & sinu complementi, applicatis ad rectangulum sphericum. Dimidiorum vero proportio est eadem qua totorum: est igitur equipollentia perfectissima.

Da exemplum methodi computandi Variationem.

Sit elongatio lunæ prope vera gr. 30. Ergo arcus dupli gr. 60. sinus 86603. redigitur ad scrupula, qualium 100000. sunt $40\frac{1}{2}$. vel 51. pr. qui valor multiplicatus in 86603 (po-

test

rest per Logarithmos) ostendit variationem gr. 30. vel 35. pr.
5. sec. vel 44. pr. 10. sec.

Scrulpul. 40. pr. 30. sec. Logarith. 39304. 26.

Numeri 86603. Logarith. 14383. 57.

Summa est logarithmus 53687. 43. | sc. 35.
pr. 5. sec. quæstorum. Vel in altera demonstratiua quâtitate

Scrulp. 51. pr. 0. Logar. 16251. 90.

Nun. 86603. Logar. 14383. 57.

Summa est Logar. 30635. 47. | scr. 44. pri. 0. sec.
quæstorum.

*Quomodo usurpatur Variatio; seu quid est locus lunæ
verus & absolutus?*

Variatio in quadrantibus à lineâ copularum ince-
ptis, additur, in reliquis aufertur à loco lunæ propè
vero: ita conficitur tandem tertiâ operâ, locus lunæ
verus & exactus seu absolutus; scil. per æquationem so-
lutâ, æquationem menstruam & variationem.

Dic qua hinc existat varietas Horariorum?

Horarius motus lunæ ab æquinoctio per Tychoni-
cam variationem efficitur in copulis quidem Apogæus
29. pr. 41. sec. Perigæus 38. pr. 32. sec. in quadris verò A-
pogæus 29. pr. 35. sec. Perigæus 35. pr. 11. sec. sed per varia-
tionem auctam erunt isti. In copulis Apogæus 29. pr.
50. sec. perigæus 38. pr. 45. sec. In quadris Apogæus 29. pr.
26. sec. perigæus 34. pr. 39. se. & ablato motu solis Hora-
rio medio 2. pr. 27. se. venit motus lunæ à sole perigæus
in copula 36. pr. 5. sec. Apogæus in quadra 27. pr. 8. sec.
quos inter præcise est diatessaron seu proportio 3. 4. sic
Apogæus lunæ à sole in copula fit 27. pr. 14. se. perigæus
in quadra 32. pr. 44. se. quos inter est præcise tertia mol-
lis, seu proportio 5. 6. sic etiam inter purè copulares est
Diatessaron: Inter purè quadrarios est Ditonus mi-
nor. Differentia copularum à quadris, dat tonum mi-
norem.

Quomodo

Quomodo sciri potuit valor maxima variationis in gradu 45. quod is sit minutorum 40. pr. 30. sec. vel minut. 51. pr.

Tycho suam quantitatem Gr. 40. pr. 30. sec. deduxit ex comparatione obseruatorum lunæ locorum in octantibus, cum iis lunæ locis ad obseruationum momenta, qui ex præscripto duarum priorum æquationum computabantur. Nam differentia, quæ inter hos & illos inueniebatur, variationis hoc nomen est adepta. Etsi verò obseruationes non omnes eandem variationis deprehensæ quantitatem prodiderunt; sed dissentire ab inuicem sunt deprehensæ vsq; ad 10. minuta: Braheus tamen censuit sibi illam quantitatem esse retinendam, quæ mediâ esset inter dissentientes: erat autem 40. pr. 30. sec.

At quantitas altera 51. pr. libro IV. fol. 568. & 617. fuit deducta à probabili dogmate; quo asseriebatur, quicquid ultra 12. lunationes accrescit motui lunæ in anno siderio (sunt autem Gr. 132. 45. pr. de reuolutione tredecima) id acceptum ferendum esse lumini solis; sic vt 12. lunationes puræ maneant conficiendę speciei corporis telluris. Hoc posito, facile inquirebamus, quid tunc de quolibet quadrante elongationis lunæ à sole, transcribendum esset lumini. Nam si de reuolutionibus 12. cum fragmento, lumen solis sibi vindicat illud fragmentum, scilicet Gr. 132. 45. pr. ergò de vno reuolutionis quadrante, seu de 90. gr. lumen solis sibi vindicabit in eadem proportionem gr. 2. 41. pr.

Constitutâ sic quantitate effectus promotionis ex lumine in vno toto quadrante; iam etiam habetur maxima variatio, quæ resultat ex hac promotione in octantes.

Nam quia lumen hos suos Gr. 2. 41. pr. non dissipatur æqualiter, non inquam proportionem sectorum EAR. sed inæqualiter in proportionem truncorum seu parallelogrammorum AERX. quæ area excedit sectorem EAR. plurimum in gradu 45. (ubi, RX XA. æquales) excessu area RAX. quare sicut

sicut area totius quadrantis YEA. est ad aream RAX. sic etiam est Gr. 2. 41. pr. effectus per vnum totum quadrantem, ad excessum illum effectus huius inæquabilis & veri, super æquabilem & imaginarium in octante: quæ definitio erat variationis. Et quia aream quadrantis Geometræ inuenerunt 78539. 81634. area verò Rectanguli quadrantis RCAX. cum id maximum, est 5000000000. cuius dimidium 2500000000. est excessus trianguli RAX. si igitur 78540. valet Gr. 2. 41. pr. tunc 25000. valebit 51. pr.

Et quia pro appendice lunationum 12. quæ est Gr. 132. pr. 45. elicuimus folio 568. (rursus à priori, Gr. 127. 10. pr. quod est 24. ferè parte minus: si igitur etiam hinc orsi, variationem maximam constituamus; illa prodibit 49. circiter, & sic adhuc vicinior Tyconicæ.

*Si æquatio mensura & variatio consentent in unam,
quod nam habebit illa nomen?*

Cum vtræque ex eadem solis illuminatione, licet modis diuersis, oriatur: Composita igitur ex vtræque, rectissimè dicetur æquatio luminis.

DE LATITVDINE LVNÆ MENSTRVA.

*Quibus positionibus Geometricis demonstratur
latitudo lune mensura?*


DE physicis quidem, & quid in re ipsa insit, dictum est libro IV. fol. 620. In præsens non de apparatu reali agitur, sed imaginatio adiuuatur.

In schemate præmissio, fingatur planum aliquod per A. C. puncta ductum, obliquum esse ad planum eclipticæ, super lineam, per nodorum loca, & per A. centrum terræ ductam, angulo constanti gr. 50. 0. p. In hoc plano sit linea HCAG. copularum, designata per sectionem plani, per centra solis & terræ transeuntis, ad planum eclipticæ recti. Super hac lineam HCAG. ipse Eccentricus

Aliquis

M m m m Luna

318 EPITOMES ASTRONOMIÆ *obliquus*
 lunæ DLFM. inclinetur ad planum prius, dictum, non
 quidem semper, sed legibus sequentibus. Sint IK. loca



quadraturarum sub fixis, exeantq; ex his punctis sphæ-
 ræ fixarum duo arcus, recti ad planum primò dictum,
 vterque centro A. descripti, quilibet non longior 18. pr.
 minutis in vtramq; plagam. Quando ergò limites A-
 nomaliæ solutæ sunt in linea HCAG. tunc planum Ec-
 centri DLFM. vniatur plano priori, sic vt nulla illorum
 fit inclinatio mutua, sed solummodò communis vtriq;
 inclinatio ad planum eclipticæ. At cum limes solutæ,
 verbi causa, Boreus, incipit ab H. oppositione disce-
 dere versus K. quadram, vt si veniat in D. sicut se ha-
 bet sinus anguli HAD. ad sinum anguli recti HAK.
 sic etiam se habeat portio librationis in Boream, i-
 psius limitis menstrui K. ad librationem seu inclina-
 tionem planorum totalem, quæ est 18. pr. minorum,
 quæ totalis inclinatio fit eo mense, quo limes solutæ
 Boreus

Boreus venit in K. locum Quadræ seu litem menstruum. Hoc pacto fit, vt limes solutæ Boreus assurgat à plano priori in Boream tantisper, dum in K. quadram incidat; inde paulatim iterum annuit ad planum prius: tandemque in G. veniens in ipsum planum recidit. Vbi primum hic limes solutæ Boreus fuerit transgressus punctum G. versus I. iam semicirculus HKG. fit respectu latitudinis menstruæ, australis, GIH. Borealis, & limes solutæ Boreus rursus in Boream attollitur, quippe totum planum Eccentrici GIH. in arcu per I. ducto, tollitur in Boream, totumque HKG. in arcu K. mergitur in austrum.

Qua est methodus computandi librationem seu inclinationem limitis menstrui?

Distes Sol à Nodo	Gr. 30. —————	vel 60.
Sinus complementi	86603. —————	vel 50000.
Aufer decimam	86603. —————	50000.
<hr/>		
	Restat 779437.	450000.
Huius duplum	158854.	900000.
(absæctis s. ultimis) 15. pr.	35. sec.	vel 9. pr. 0. se. est
inclinatio limitis menstrui.		

Quid appellas scrupula latitudinis?

Sunt sinus complementorum ad vnum vel tres quadrantes vel excessuum super vnum vel tres quadrantes distantia solis à Nodo lunæ euehente, redacti in scrupula Astronomica, qualium sinus totus valet 60. pr. seu sunt tripla sesquitertia anguli inclinationis limitum menstruorum, in quolibet mense technico constantis.

Quid est argumentum menstrui latitudinis?

Est nihil aliud, quàm distantia veri & absoluti loci lunæ à vero loco solis.

Quid est latitudo luna menstrua?

Est arcus circuli magni sub ecliptica descripti, cuius planum transiens per centra telluris & lunæ, sit ad rectos erectum super planum constanti angulo 5. graduum, inclinatum ad planum eclipticæ interceptus inter hoc planum continuatum, & inter locum centri corporis.

Quomodo computatur?

Multiplicatione scrupulorum latitudinis menstruorum, in inclinationem limitis, argumento latitudinis menstruo exceptum ex mense pleno.

Quid consequitur hanc suppositionem geminata latitudinis in motum Nodorum?

Verus Nodus, seu intersectio ipsius orbitæ cum eclipticâ fortitur motum inæqualem, tardum quidem, sole per Nodos incedente, velocem, si sol per limites eat; estque maxima prosthaphæresis Nodorum, sole in octantibus versante Grad. 1. 39. pr. qua tamen ad indagandas latitudines non indigemus.


Quomodo differunt istæ Hypotheses inæqualitatis lunæ menstruæ ab Hypothesibus Tychonis Brahei?


In effectû calculi, longitudinis & latitudinis lunæ, nihil, vel certè minus, quam quod obseruatoris, quantâcunque diligentia possit argui: in interuallis lunæ, modicè, in formâ motuum plurimùm differunt. 1. Braheo enim, vt & Copernico Apogæo distantia lunæ à terrâ sit parua in copulis, magna in quadris, plus huic quàm illi: mihi vtrinq; est æqualis. 2. Braheo Eccentricitatis mutatio, vel quod ei in Copernico & Ptolemæo æquipollet, æ menstrua; mihi realis eccentricitas inuariata manet: puncti verò æquatorii, menstrui dicti, Eccentricitas mutationem subit annuam. 3. latitudinis augmentum Copernicus ignorauit, Braheus

* * * * *

SYNOPTICA TABELLA, DE PLANETARVM PASSIO-

nibus variis, ad pag. 821.





Braheus inuentor sic dispensat; vt tam initio, cū maximum est, quā sine, cū euanescit, lentescat, in medio sit præcept: at hic solū cū maxima sunt incrementa, tarda est illorum mutatio; velocissima, cū euanescunt 4. Limites circumducit Braheus in circuli circumferentia, turbans ea re, motum Eccentrici; quam tamen turbationem ipsi lunæ remittit; perinde ac si illa non esset ad eccentricum affixa, sed illum teneret, huc illuc mutando, (loquor ad mentem veterum: nam Tycho solidos orbes reiecit) mihi limites librantur in arcu vel lineā erectā super plano eclipticæ. 5. Nodi apud Tychonem reciprocantur bis in vno mense, fiuntque ex retrogradis directi: hīc Nodorum motus, inæqualitatem habet semestralem, seu bis in anno redeuntem: nec vnquam fiunt directi, sed bene stationariis similes, bis in anno.

LIBRI VI.

Pars V.

DE COMMVNIBVS AFFECTIO-
NIBVS PLANETARVM VELO-
mnium, vel plurium.

* * * * *

SYNOPTICA TABELLA.

Quas dicis communes planetarum affectiones?

QUAE accidunt vel omnibus & singulis, propter causas tamen diuersas; vel planetis sex seorsim, non propter motum, sed propter situm eorum ad solem; vel denique comparatis inter sese binis & binis quibuscunque.

Quod nomen his affectionibus est positum?

Veniunt & istæ, & superius traditarum ipsius motus
M m m m 3 affectio-

affectionum nonnullæ, sub nomine passionēs planetarum, quâ voce latinâ redditur Græca, *πάθη*, paulo aptior. Nam est fictio Astrologica, quasi planetæ ipsi verè afficerentur omnibus iis, quæ visus sibi de illis imaginatur; quod tamen de paucissimis accidentibus verum est.

Quæ sunt illa, quæ communiter omnibus accidunt, propter causas tamen diuersas?

Quòd tardi vel veloces, aucti vel minuti numero fiunt.

Quando tardus dicitur planeta, quando velox?

Sumuntur hæc accidentia secundum respectum ad motum cuiusque medium, tanquam ab æquinoctio consideratum: siue propria cuique sit causa tarditatis vel velocitatis ex eccentrico; siue aduentitia ex orbe magno. Vbi retrogradatio & stationes accensentur etiam sub accidens, tarditatis. Et si hæ affectiones retrogradationis & stationum etiam seorsim priuato iure inter *πάθη* vel passionēs planetarum referuntur: sed cum non sint omnium planetarum, & sint vnus orbis planetarii, magni dicti, effectus: ideo tanquam ad ipsam veluti essentiam motuum pertinentes, iam supra apud Theorias eorum, quos attinent, sunt explicatæ.

Quando verò dicuntur aucti numero, quando diminuti?

Cum in pluribus vel paucioribus gradibus eclipticæ deprehenduntur, quam fert calculus motus medii; hoc est, cum vel prostaphæreses ambæ, Eccentrici & orbis magni (vel in luna, solutæ & menstruarum siue luminis) vel saltem maior illarum, illi adiectoria fuerit, hic subtractoria, id quod promiscuè tardis vel velocibus, vel etiam stationariis & retrogradis accidere potest.

Quanam accidunt planetis sex, propter situm eorum ad solem?

Planetæ sunt à sole, 1. vel Orientales vel Occidentales, 2. & pro diuersitate situum horum, aliis vel aliis vultibus conspiciuntur, 3. denique propter hæc omnia, diuersos ortus occasusque sortiuntur, & in apparitionibus vel aucti vel minuti lumine censentur; non verò apparentes, hypaugi, sub radiis.

I.

Quando planeta censentur Orientales esse à sole vel Occidentales?

Orientales appellantur, non quod à sole distent in ortum & consequentia signorum; sed è contrario; quādo antecedunt eum in ordine signorum, Græcè ideò dicti *Προγενέτριοι*; quia tunc ortum habent supra Horizontem de nocte, seu inter occasum solis & ortum eius, occasum verò illorum dies tegit. Cum enim mane nondum orto sole plerumq; possint conspici, Græcè *ἑωσπιοι* vel *ἠωσπιοι*, latine matutini appellantur. Sic è contrario qui à sole distant in consequentia minus semicirculo, Græce *ἐπόμετριοι* occidentales dicuntur; quia tunc de nocte occidunt, cū ortum eorum dies abscondat. Qui quia vespere sub solis occubitu, supra Horizontem & plerumque in conspectu sint; ex eo Græcè *ἑσπериοι*, latine vespertini dicuntur.

Quo vicium ordine succedunt inuicem affectiones istæ?

Tres superiores & stellæ fixæ, in articulo coniunctionis cum sole, sunt ex Occidentalibus Orientales; contrarium in articulo oppositionis. Luna vicissim coniuncta soli, ex Orientali, fit Occidentalis; Opposita illi contrarium tenet. Inferiores duo, Venus, & Mercurius, hic associant se vel superioribus, cum ipsi soli coniunguntur infra & retrogradi; vel lunæ infimæ, cum ipsi supra & directi, soli coniunguntur.

II.

DE ILLUMINATIONE

L V N Æ.

Quæ causa est cur luna Venusq; facies mutant?

CAusa est composita ex illuminatione globorum, & situ eorum ad terram & solem.

Vt hanc causam rectè intelligam; dic, unde stellis sua lumina?

De fixis difficile est respondere, num insita illis sint lumina. Tanto enim altitudinis gradu consistunt, vt solis conspectu fruantur, sub exilitate partis sexcentissimæ de vno minuto: quare decies octies mille vicibus minor illis sol apparet, quam nobis hic in terris. An igitur nihilominus polleat sol tanta potestate illuminandi fixas stellas, vt illæ vicissim communicatam sibi à sole lucem ad nos vsque per eandem interualli prolixitatem demittere possint: hic video dubitare Galilæum; nec ego quidquam affirmo. Si tamen propria stellæ habent lumina; nihil hoc est insolens: quia etiam hic in terris certorum quorundam animalium partibus sua insunt lumina; & arte Chymicâ lumen gemmis nonnullis non fluctuans, vt lucernarum & ignium, sed planè constans & quietum conciliatur. Vt cumque sit, siue propria fixæ lumina spargant; siue acceptum à sole lumen repercutiant: illos certè colores varios, illamque scintillationem, de suo addunt. Simplicis enim causæ (vt si sol esset) simplex est effectus & vniformis.

De planetis verò certa est res, omne illorum lumen à sole esse. 1. Luna enim & Venus pro ratione configurationis suæ cum sole facies mutant. 2. Luna, Terra & Iupiter umbras proiiciunt, obiecti soli: sic vt terræ partes certæ à lunæ umbra, lunæ tota à terræ, planetæ Iouiales à Iouis umbris lumine priuentur, & inconspicua aut obscurata corpora fiant; quæ extra li-

ncam

neam oppositionis clarissimè cernebantur. 3. Semper Mars Iupiter, Saturnus ab eâ parte clariores apparent, vnde solem propius aspiciunt, ab oppositâ obscuriores aut colorati. Mercurius etiam clariore lumine cernitur, cum est altior sole, partemque eandem corporis ostendit, quæ & solis lumine finitur. Nec interim tamen negandum est: Saturni globi superficiem esse colore cinereum, Iouis rufam, vel flauam, Martialis nigram; sicut terrena, & forte & lunaris est lutea; Veneri verò globi superficiem candidissimam, Mercurii cœruleam esse: non obstante hoc, quod ipse globorum corpulentia causâ densitatis, suprà libr. IV. inuentæ, fossilibus colorum non planè eorundem assimilabatur.

Vnde igitur stellis est illa scintillatio?

Vel ab aliqua corporum, vt pellucidorum alteratione perpetua, & continenti, quam quasi paroxysmos dixeris, vel ab externâ corporum angulorum vel maculorum conuolutione, angulorumque vel macularum aliarum post alias explicatione.

Vnde scimus lunam penitus carere proprio lumine?

Quia interdum subito tota penitus amittitur, vt ne vestigium quidem eius appareat; cùm tamen proximè locum eius, cerni possint fixæ quartæ vel quintæ magnitudinis: quare tunc locum non habet suspicio caliginosi nimium aeris. Sic factum est Anno 1620. $\frac{5}{3}$ Iunii.

Vnde igitur luna suum est lumen?

Indidem, vnde & telluris superficiebus; à corporibus, scilicet luminosis, in quorum illa lumine versatur, nullo intercedente opaco: & potissimum quidem a sole, fonte omnis in mundo lucis.

*Si luna lumen esset à sole; videremus in illa vt in specu-
lo solis imagunculam semper rotun-
dam?*

Siquidem luna superficiem haberet politam, instar speculi: quo negato, non sequitur illatio. Conspicimus enim in terra quique parietes longinquos integros, beneficio luminis solis, quos sole nubibus tecto non conspicimus: & tamen in illis parietibus non videmus solis imaginem.

Qua figura est illuminationis luna à sole?

Cum globosa vterque figura sit, minori tamen luna Diametro, vt quæ lib. I V. fol. 484. nonam & quinquagesimam demum partem occupat de solis diametro: igitur paulò plus hæmisphærio lunaris corporis, illuminatur à sole, quouis momento: terminat verò illuminationem circulus qui hinc circulus illuminationis dicitur, distatque à circulo maximo sibi parallelo, in Nouilunio quidem apogæo, minutis 15. de vno gradu circuli maximi in lunâ: In pleniluniis verò vix dimidio scrupulo minus. Vide rudem huius illuminationis picturam libro I. fol. 50. vbi lineæ parallelæ indicant radios solis, velut ab infinito interuallo allabentes.


Si semper Hæmisphærium eodq; amplius de globo luna & cuiuscunque planeta illuminatur à sole, quomodo igitur luna faciem suam mutare potest?

Quia etsi semper dimidia circiter pars globi illuminatur; ea tamen non semper ad nos conuertitur tota. Quod verò non de eâ ad nos spectat; hoc neque videri potest, sed latet post globum in parte auersâ.

Quantum igitur de globo luna vel syderis spectat deorsum ad oculum?

Rursum dimidia globi pars, paulò tamen minus. Et in luna quidem apogæa, quando diameter corpo-

ris apparet 30. minutorum; si tunc etiam sol sit in apogæo habens itidem 30. minuta in diametro visibili; tunc quantò plus hæmisphærio illuminatur, tantò minus hæmisphærio cernitur præcise; Quo verò propior fit luna, hoc minor eius pars cernitur, sed apparet maior.



*Explica nunc, quomodo existant diuersæ
phases luna?*

Quando luna soli coniungitur centraliter; ut si B. terra, A. sol, & luna PO. in linea: tunc est luna penitus extincta; quia A. sol supra PO. lunam est: itaque pars globi lune illuminata, LOK. a terra B. præcise sursum

furfum vertitur verfus A. folem, latetque tota poft globum opacum: & fic pars NPM. quæ deorfum fpectat ad B. oculum, eodem circulo visionis NM. terminatur qui eft & circulus illuminationis LK. dicitur luna filens, Noua, Vacua, Græcè *Νεμρῖα* *der Newmond*.

2. Quando luna exit è lineâ ex terrâ in folem, vt fi fit in E. tunc circulus visionis MN. incipit fecare circumilluminationis KL. & tunc vindicatur aliqua pars Hemifphærii illuminati, vt LN. in Hæmisphærium afpectabile MPN. eaque femper tantò maior, quantò longius luna digreditur à fole. Hoc igitur accidit in lunâ nascente & crescente dictâ Græcè *αὐξομένη* Germ. *der Junge Mond* / vbi primùm corniculata, falcata, *μυωειδής*, pòft bifida *Διχόμοις*; denique gibba feu *ἀμφικυρπῖ* efficitur.

3. Quando luna toto femicirculo, vt CEG. diftat à fole, fic vt illa B. oculum in terrâ & A. folem vltra illam, habeat à plaga eadem GBA. tunc eadem lunæ medietas LOK. (non tota tamen) venit terræ B. in confpectum, quæ & illuminatur à fole; funtque vel paralleli vel tangentes fe mutuò altrinfecus, circulus visionis NM. citerior; & circulus illuminationis LK. vltior, poft lunam furfum à terrâ receptus: ita vt circulus totus visionis comprehenditur in parte illuminata; Diciturque luna plena, plenilunium *πηνσέλιον*.

4. Quando luna fuperauit oppofitum folis, fic vt in altero femicirculo rurfum appropinquet foli: tunc iisdem de caufis, ordine tamen contrario phafes exiftunt eadem, Gibba in F. pòft bifida, vltimò falcata in D. Diciturque fenefcens feu decrefcens luna, Græcè *φθινουσα* & *φθινουμένη*; *der alte Mond*: Itaque etiam ætatem lunæ vfurpamus, pro numero dierum à Nouilunio, in quo nafci luna cenferetur.

Siphases omnes binorum circularum binis terminantur semissibus, altero visionis, altero illuminationis: quæ igitur causa est, quod non utraque phaseos terminatio circularis appareat, sed interdum altera linea sit recta, ac si bisecta esset luna?

Circulus quidem visionis MN. semper apparet ut circulus; quia semper ad rectos angulos obiicitur lineæ ex centro suo C. E. G. F. D. B. in oculum ductæ: At circulus illuminationis LK. cum discessu lunæ à sole vel eius opposito, id est, cum angulo ABE. ABF. necessario inflectitur, & obliquè magis magisque obiicitur visui, donec linea ex eius centro in oculum, ut EB. applicetur plano illius circuli KL.

Iam verò demonstratur in Opticis, quod globus in longinquo, appareat ut discus planus; & in globo circulus obliquè obiectus, ut angulo BFL. BDL. non appareat; ut circulus, sed ut Ellipsis; & si obliquissimè, anguloque BEL. nullo: ut linea recta.

Vbi fit linea recta?

In quadrato solis; vel, in senescente, paulò ultra; in crescente, paulò ante locum solis quadratum: vbi scilicet angulus inter solem lunam & terram rectus est, ad lunam. Vel magis Geometricè: vbi axes Conorum, Umbrae & Visionis, rectum angulum faciunt.

Vt hic ABM. rectus est; eoque M. locus solis quadratus. Ergò si luna sit ante N. ut in E. angulus, scilicet AEB. rectus eoque EBM. tantus, quantus BAE. tunc planum circuli KL. incidens in lineam Visionis EB. apparet ut linea. Cum igitur libr. IV. comprobata sit proportio AB. ad BE. quæ 59. ad 1. erit angulus EBM. GR. grad. 0.58. pr. 20. sec.

Quomodo computatur latitudo phaseos quouis momento?

Sicut diameter circuli se habet ad sagittam anguli
axium

axium: sic est diameter Disci lunæ, ad latitudinem phasis, ferè. Nam dictum est, plus medio globi illuminari. Quare vbi angulus rectus, & circulus illuminationis vt recta apparet: ibi paulò plus medio Disci illuminatur.

*Cuius phaseos momentum facilius dignoscitur,
cuius difficilius?*

Lunæ bifidæ, phasis intra paucas horas discernitur, quibus ex cauâ fit gibba: plenilunium verò exactum vix intra triduū mutari cernitur, partes enim æquales accessionibus vel decessionibus superficiei illuminate, in medio quidem Disci obiiciuntur visui magnæ, vt sinus; in margine verò Disci, paræ vt sagittæ, vt iam dictum. Itaque etsi tantum absimus ab ipsissima oppositione vt circulus visionis secet circulum illuminationis in parte minima: habetur tamen pro tangente illum & phasis pro plenilunio.

Quomodo arguitur luna crescens & decrescens?

Matutina, seu Orientalis, & cornibus vel gibbo occasum mōstrans, sic vt in nostris Zonis in eam obuiam dextra manus aduersa inferi posse videatur; tunc decrescit. Vespertina verò seu occidua, & cornibus, vel gibbo ortum monstrans, & cūm occurrere videtur sinistrae manus cavitati, gibbus vel cavitates eius: tunc crescit. In Venere fit contrarium.

Quid præterea colligunt Astronomi ex cornibus lunæ?

1. Cornua spectant semper in eam plagam, in quam tenditur Zodiacus. 2. Circulus per cornuum extremitates ductus tendit versus polum eclipticæ. 3. Quando hic circulus est ad perpendicularum erectus: tunc luna est in eclipticæ gradu nonagesimo ab ortu.

Quid sunt macula in luna?

Etsi impossibile est, certū quid de corporibus adeò remotis

remotis pronunciare: tribus tamē proprietatibus, maculosæ partes lunæ conueniunt, cum æquoribus & lacubus, qui sunt in globo terræ; partes verò in lunâ claræ & lucidæ, cum montibus, rupibus, promontoriis & littoribus continentis nostræ. Nam maculæ lunæ & profundæ sunt vt nostri lacus & maria, & æquabili superficie, vt humor; & deniq; obscuræ, vt omnia penes nos humecta, sunt nigriora seipsis, cum sicca sunt. At partes lucidæ in lunâ sunt altæ & eminentes, & asperæ, vt montes nostri vallibus intercisi; & candidiores, vt sicca.

*Quomodo demonstras has proprietates diuersarum
luna partium?*

Ex phasibus lunæ: nam linea, quæ phasin terminat intus, si perspicillo Belgico lustres, nec perfecta eclipsis est, in lunâ cauâ vel gibba, nec perfecta recta, in bifidâ. Nam per partes maculosas breuior est latitudo phasis, per partes claras longior: & species totius, quasi dentata aut ferrata; Hæc sunt argumenta diuersæ altitudinis maculosarum & clararum partium. Sic in parte à sole auersâ, in viciniâ $\eta\varsigma\ \tau\omicron\mu\eta\varsigma$, sunt puncta lucida, quasi vertex montium primum à sole illustrati, quæ puncta pertinent non ad maculosas, sed ad claras lunæ partes, vt apparet expectanti; donec illæ penitus illuminatæ & latitudini phasis adiunctæ fuerint: sunt vicissim in parte illuminatâ lucidiore, rursus in confinio $\eta\varsigma\ \tau\omicron\mu\eta\varsigma$, puncta atra, quasi valles vmbrosæ aut cauernæ. Hæc verò sunt argumenta asperitatis. Iis autem punctis lucidis vel insigniter tenebrosis carent partes maculosæ: quod est argumentum superficie æquabilis. Denique in lucidis partibus est singularis umbo claritatis immensæ, quasi mons ingens niue reclusus: vt id sit argumentum candoris in partibus altis, & nigredo & obscuritas, humiditatis comes penes nos, maneat partibus lunæ profundis, & in æquoribus.


Cernitur in parte lunæ corniculata, à sole auersa, lumen tenue iuxta cornu lucidum: Quæro, sit ne illud lunæ proprium, aut unde sit?

Causam oportet effectui respondere. Si lumen id esset lunæ proprium, perpetuum esset. At fortissimum est circa Nouilunia; vincit enim crepusculi claritatem, vincit Horizontalium vaporum densitatem: Contra debilissimum fit in quadris; ut non nisi à visu, acutissimo tunc animaduertatur; nec nisi nocte adulta, luna altâ, & à vaporibus liberâ. Causa igitur talis est quærenda, quæ sit fortissima circa Nouilunia, debilis circa quadras. Talis est autem facies telluris, illustrata à sole. Nam quo tempore terricolæ habent Nouilunium, luna vicissim habet pleniterrium (alibi Pleniuioluium appello) quia luna sita inter solem & terram, parte sui, quæ est auersa à sole, fruitur conspectu totius Hæmisphærii telluris, illuminati à sole. In quadris verò sicut terricolæ lunam, sic luna terram videt dimidiato tantum vultu lucentem. Nec absurdum est, quòd sicut luna plena illuminat noctes nostras, pingitque suo lumine terræ partem à sole auersam: Sic etiam terra plena vicissim quindecuplo fortiùs illuminet noctem illam, quæ est in parte lunæ à sole auersa; quippe apprensus Discus telluris in lunâ est quindecuplus circiter, apparentis Disci lunæ in terra, quod ex libro IV. f. 483. constat, semidiametris corporum, terræ 389. & lunæ 100. quadratè multiplicatis. Sic etiam penes nos terricolas, parietes albi fortissimè à sole illustrati, lumen vibrant in antra & carceres obscurissimos, diemque iis inferunt.

Quibus de causis existunt eadem phasæ in Venere: cum illa non toto semicirculo discedat à Sole?

Pro eo, quòd luna terrâ circumit, semper humilior sole, Venus vicissim circumit solem, nunc humilior illo, nunc altior. Cùm igitur humilior sole est, & vicina illi,

illi, vt in occultationibus vespertinis & apparitionibus matutinis: tunc & causis & legibus iisdem, quibus & luna, corniculata seu falcata comparet. At cum eua-
dit sole altior, vt circa matutinas occultationes, & vespertinas emerfiones: tunc eandem partem, seu Hemisphærium illuminatum porrigens & versus solem



deorsum, & versus oculum in eadem plagâ, inferius adhuc stantem, pleno vultu appareat necesse est: oppositionem, qua opus erat lunæ ad hanc phasin, pensante situ, supra solem, quem nancisci luna non potuit. Consequens igitur est, vt sint etiam intermedia duo loca, in quibus etiam globus Veneris appareat bise-
ctus, seu $\Delta\chi\epsilon\mu\theta$, ad instar lunæ. Id verò fit in elongationibus à sole maximis: quia suprâ huius libri VI. parte tertia dictum, ibi tangi Veneris orbitam à lineâ visuâ: atqui etiam circulus illuminationis semper sese applicat orbitæ, cum corpus illuminans in centro quasi orbitæ consistat: coincidunt igitur hoc situ, visuâ linea, & circuli illuminationis planum: quare ibi phasin bifidam existere etiam in Venere necesse est.

Num etiam in superioribus planetis locum habent ista phasæ?

Cum hi, ex ipso nomine, supra solem esse intelligantur; semper igitur, seu iuncti soli, seu oppositi, partem eandem ad oculum seu terram conuertunt, quæ & ad solem conuertitur. Coniuncti igitur soli (vel vicini soli, ut in occultationibus vespertinis, & emersionibus matutinis) eâdem de causa, pleno lucent vultu, quâ prius inferiores, ut Venus: at oppositi soli, eâdem de causâ, quâ lunâ. Relinquitur igitur iisdem & phasis gibba, cum sunt locis intermediis. At bisecti seu Dichotomi apparere non possunt; quia nulla linearum tangentium ipsorum orbitas, incurrit in orbem magnum, in quo tellus. Tangentes enim cadunt extra; Telluris orbis est intra.

Mars tamen hanc phasim $\Delta\iota\chi\acute{o}\tau\omicron\mu\omicron\nu$ quàm proximè assequitur, cum perihelium in quadratū incidit solis. Tunc enim omnium angulorum, inter solem Terram & Martem, maximus, rectoq; proximus, est angulus ad Martem: quia breuissima tunc est linea contingens orbem magnum, ex Marte ducta: in rectitudine verò anguli ad planetam, sita est perfectio phasis Dichotomæ.

III.

Quæ species ortuum & occasuum respectu solis, quibus planetis competunt, & quo ordine; quæque iis inde nomina?

TRes superiores post coniunctionem cum sole oriuntur manè heliacè, seu emergunt, $\epsilon\pi\iota\tau\acute{\epsilon}\lambda\lambda\omicron\sigma\iota$, ex solis radiis: ita orientales & matutini facti, tandem in opposito solis, oriuntur & occidunt $\alpha\pi\acute{\rho}\omicron\nu\upsilon\chi\omicron\iota$, lucent scilicet pernoctes seu $\pi\alpha\nu\acute{\nu}\chi\omicron\iota$: ex eo fiunt occidentales & vespertini, tandemque occidunt heliacè, seu conduntur, $\kappa\epsilon\upsilon\pi\theta\upsilon\tau\alpha\iota$, sub solis radios: emersiones vespertinas & occultationes matutinas non habent, uti neq;

neq; fixæ. Luna vicissim, post coniunctionem cum sole emergit vesperi crescens: incedensque occidentalis & vespertina, vsq; ad oppositionem seu plenilunium, fit pernox & ἀργόρυχος; oritur occiditque vt superiores. Inde verò facta orientalis & maturina, tandem manè occidit heliacè, quamquam in Horizonte ortiuo, caretque emersione matutina & occultatione vespertina. Inferiores verò, Venus & Mercurius, cum pernoctes fieri non possint; nec ἀργόρυχος; ortus occasusque habeant, vt superiores & luna: vicissim omnes quatuor emersionum & occultationum species cumulant; cum earum binas solas, superiores; binas solas & luna habuerit. Inferiores enim rursum vt prius, cōtra supra solem sunt, primum occultantur manè, etiam rurque vesperi, vt luna, ex orientalibus occidentales facti: Et tunc quidem Venus ex Lucifero φωσφόρος fit vespertinus ἑσπερος, retinetq; hoc nomen, donec, vt superiores, vt & Mercurius, occidat vesperi heliacè: inde oriuntur manè heliacè, in medio orientales facti; & sic Venus, iam conspicua, fit lucifer. Interdum tamen in Marte itemque Venere retrograda permutatur ordo apparitionum.

Quomodo planeta Hypaugi, seu sub radiis esse dicuntur?

Tempore inter occultationes & emersiones intermedio, quia tunc radii, αἷραι, seu claritas aeris, à solis, licet nondum orti, radiis illustrati, occupant oculos; vt ii stellas ipsas non sentiant. Sic & luna, sic Venus, sic Iupiter præsentia sua præstringunt oculos, vt ii non cernant fixas propinquas minores.

Quo sensu dicantur planete aucti vel minuti lumine?

Non à phasis illo lumine reali crescente vel immutato: nam planetarum, qui supra solem stant, vultus conspiciui, circa exortus & occultationes plene

illuminantur; sed ab accidentalī vīſione vultus huius, illuminati. Aucti enim lumine dicuntur, quando magis magisque fiunt conſpicui, vel diſceſſu ſolis ab ipsis, vt fit poſt ſuperiorum & fixarum apparitiones matutinas: vel diſceſſu ipſarum à ſole, vt fit poſt exortus veſpertinos lunæ & inferiorum; vel vtroque iunctim, vt poſt exortus matutinos inferiorum: Lumine minuti, quando ad ſolem recurrunt, vt luna & inferiores, verſus occultationes matutinas; vel quando ſol iis appropinquat, vt fit verſus ſuperiorum occultationes veſpertinas; vel quando obuiant ſibi mutuò, vt inferiores verſus eaſdem occultationes veſpertinas: vbi fit per accidens, vt luna Venusque lumine minutæ, tunc dicantur, quando verè etiam earum facies minuuntur: auctæ, quando verè augentur. Fortè igitur à lunâ, iſte modus loquendi primam traxit originem.

Quantum diſtant emerſiones ſupradictæ ab occultationibus vicinis, vel vtræque à coniunctione Solis?

Magna eſt varietas; & differunt non ſolùm diuerſorum planetarum inter ſe, ſed etiam vnius eiufdemque planetæ diuerſæ vices: quin etiam ipſa emerſionis diſtantia à coniunctione & diſtantiâ occultationes ab eâdem inter ſe differunt frequenter.

Dic cauſas huius varietatis?

Cauſæ potiffimum ſunt ſex; quarum duæ, quæ & potiffimæ, pertinent ad librum tertium & doctrinam ſphæricam. Prima eſt, obliquitas Zodiaci, vnde ſunt obliquæ aſcenſiones & deſcenſiones variæ, diuerſorum ſignorum Zodiaci, in quibus ſol & planetæ verſantur. Nam ſtella eadem in æquali remotione à ſole, lumineque etiam æquali, ſi manè oriatur ante ſolem, in ſignis recte aſcendentibus; multò altius ſupra Horizontem vel ſupra circulum poſitionis ſolis eminare poteſt quàm ſi hoc fuerit in ſignis obliquis. Idem intelli-

intelligatur de vespertinis apparitionibus & descensionibus rectis vel obliquis.

Secundò hæc omnia redduntur euidentiora per diuersas obliquitates Horizontum. Nam vbi maior ista obliquitas; ibi maior est etiam varietas eius effectus.

Et accedunt causæ magis physicæ, diuersa scilicet aeris crassities, de qua vide fol. 369. & libro I. fol. 56.

3. Tertia consistit in propriorum motuum longitudinis diuersitate. Nam fixarum occultationes & emersiones, cæteris paribus, (de quibus vide fol. 372.) breuius distant ab earum coniunctione cum sole; quàm planetarum; quorum vt quisque inferior, ita longior est occultationis vespertinæ, vel emersionis matutinæ mora, cæteris paribus. Adeoque Veneris & magis Mercurii, moræ, breuitate superant ipsas fixarum, circa has apparitionum species.

Vicissim ex radiis solis vesperi luna se celerrime expedit, pòst Mercurius, tardissimè Venus, vicissimque vesperi (cæteris paribus) prima se condit Venus, inde Mercurius, luna tardissimè & proximè coniunctionis momento.

Nec nihil hic valet vnus eiusdemque planetæ diuersitas motuum, præsertim Mercurii, in apparitione matutina & occultatione vespertina: quibus addè ipsius etiam solis motuum inæqualitatem.

Quarta est, diuersa diuersorum, diuersa etiam vnus & eiusdem planetæ latitudo. Nam per eam causæ, prima & secunda, variantur euidenter admodum: auctâ quippe declinationum varietate.

Quinta consistit in diuersa stellarum magnitudine apparenti: vnde factum, vt fixis, pro ratione sex ordinum magnitudinis, diuersi etiam arcus emersionum occultationumque attribuerentur, supra lib. III. f. 370. Idem igitur obtinet etiam in planetis quodammodò, qui prout soli iunguntur in alia atque alia parte sui Eccentrici; maiores etiam vel minores apparent, quippe aliter atq; aliter distantes à centro terræ; præ-

sertim Mars, cuius inter superiores Eccentricitas est maxima. Sed maiorem hæc causa vim habet penes inferiores, in comparatione occultationis vespertinæ, quando propinqui sunt terræ, cum matutinâ, quando remotis; præsertim Venus, vt quæ septies hic fit altior à terra quam illic. Adde hic diuersam claritatem luminum in diuersis planetis: quam in luna quandoque adiuuat vis illuminationis Terrarum, vt supra dictum.

Sexta denique causa consistit in faciei diuersitate. Nam luna & Venus, si non mutarent facies; illa magnitudine, ista claritate luminis, subnixæ cernerentur multò diutius.

Dic evidentes aliquos effectus harum tot causarum in planetarum apparitionibus?

1. Mars quandoque bis oritur matutinus ex radiis; intermedio tempore, licet post coniunctionem cum sole rursus ad tempus conditus. Sic etiam bis quandoque conditur radiis antè coniunctionem cum sole, medio tempore exortu facto irregulari.

2. Venus quæ sæpè latet diutissimè, aliis vicibus, scilicet in piscibus retrograda, non occidit vesperti vsque post coniunctionem cum sole secundum longitudinem, oriturq; manè ante coniunctionem, & sic prius manè emergit, quàm vesperti occultetur: vt eodem die vesperti & manè sit conspicua, non obstante hoc, quod in cornu est attenuata.

3. Mercurius in nostro Hemisphærio matutinus in Tauro, vespertinus in Scorpione, quanquam longissime à sole progressus, non tamen emergit ex radiis: & sic rarius in conspectum venit: Cum tamen in Australibus Climatibus tunc clarissimè exoriatur.

4. Luna aliquando eodem die vetus & noua cernitur, vndè illi Græci, nomen posuerunt *ἑνὴ καὶ νέα*, quod nomen ad diem primum mensis transiit, quem nos calendas dicimus, nonnunquam vicissim quarto demum

demum die à coniunctione emergit vesperi, quando iam integrum à sole signum, & præterea vnum decanum de secundo est emensa. Idem tene de occultatione, vice versâ.

5. Quin etiam relatum est in monumenta historica, quandoq; visam esse lunam stantem iuxta solem in ipso cœli medio, id factum Hispali anno ni fallor 1553. mense Martio D. 13. Sole in 3. V. lunâ in 23. X. Oportet igitur vt ista concurrerint. 1. Distantia à sole in circulo magno fuit 10. vel 11. gradus; quæ distantia à sole dat cornu apparens 19. secunda, latum, quæ est pars 109. diametri lunæ. 2. Vt fuerit ætheris substantia circa solē pura, vt in Ecclipsibus solis, in quibus apparent stellæ. 3. Vt terra iis in locis quibus sol verticalis est, (vti tunc erant montes dicti Lunæ in Africa niue vestita fuerit, vel saltem canâ nebulâ. 4. Vt vicissim in loco spectaculi cœlum purissimum & sudum fuerit & breuia crepuscula. Hisce datis, luna, si non ipsius cornu lineâ tenuissimâ; at saltem luce, quam à terrâ magnam habebat, enitēre visumque mouere claro meridie potuit.

Quomodo scimus, quot horas luna de nocte luceat?

Et si hoc quoq; magnam habet varietatem, ob causarum supra recensitarum primas quatuor: Plinius tamen omnem hanc varietatem regula generali complectitur, quæ medium inter enormia tenet. *Lucet, dodrantes semiuncias horarum adiiciens ab secundâ vsque ad plenum orbem, detrahensque in diminutionem.* Sensus est: quot dies sunt in ætate lunæ, tot dodrantes totque semiuncias horarum (qualium nox quælibet habet duodecim) illam lucere vsq; dum occidit, & hoc quidem à noua ad plenâ, seu ætatem lunæ 15. dierum. Indè verò quot accedunt dies ætati lunæ suprà 15. totidē dodrantes, totidemq; semiuncias rursus detrahēdas à numero horarum 12. cū ætate dier. 15. collecto: dodrans horæ est 45. minuta, semiuncia $2\frac{1}{2}$. minuta summa $47\frac{1}{2}$ quæ sumpta quindecies efficiunt ferè horas 12.

IV.

DE CONFIGURATIONIBVS PLANETARVM INTER SESE.

Quid accidit consideratione dignum planetis binis quibuscunque inter se comparatis?

DVo valdè insignia, vnum respectu radiorum aliorum respectu celeritatis vel tarditatis motuum apparentium. Ex illo respectu nascuntur Aspectus, vox Astrologica; ex ista, Harmoniæ.

Quid est aspectus?

Est angulus, formatus à radiis luminosis binorum planetarum, apud terram, efficax ad stimulandam naturam sublunarem.

Quid conciliat his radiorum angulis in terra suam in illam efficacitatem?

Perfectio proportionis inter talem angulum & inter quatuor rectos, vnum punctum terræ circumstantes.

In qua re consistit proportionum perfectio hic considerata?

In duabus rebus, 1. vt termini proportionum sint commensurabiles; id est, vt angulus qui facit aspectum, sit pars vel partes aliquotæ de quatuor rectis, sic vt talis pars summam rectorum emetiatur. 2. vt arcus qui est mensura huius anguli, determinetur seu refeceretur de suo circulo Geometricè, per rectam scilicet vel effabilem vel saltem scibilem.



Quæ est ratio nominis aspectus, & quomodo aliter dicti?

Græcè schematismi sunt dicti, propterea, quia latus hoc, arcum interstinguens, est latus schematis seu figuræ regularis in circulo; Aspectus vero sunt dicti per prosopopeiam poeticam seu Astrologicam; quasi planetæ

netæ omnes essent in ipsa superficie fixarum sphaeræ, seque mutuò intuerentur sic vel sic : cùm tamen non propter arcus Zodiaci, sed propter angulos radiorum in terrâ, sint efficaces.

Et in hoc genere affectionis situs planetarum, præcipue valet supradicta fictio poetica penes Astrologos, cùm planetam vnum ab alterius radiis affligi, percuti oppugnari, opprimi, aut vicissim iuuari, foueri, subleuari, & mille alias passiones comminiscuntur.

Quot sunt figura regulares scibiles?




Sunt quidem infinitæ, per continuam duplicationem laterum: at radicales tantum sunt tres, Trigonus, Tetragonus, Pentagonus. Ad Trigonum referuntur Hexagonus, Dodecagon⁹, &c. ad Tetragonum; Octogonus, &c. ad Pentagonum, Decocagonus, Icosigonus, &c. ad Pentekædecagonum, Triacontagonus, &c.

Quot sunt igitur Aspectus?

Vetus Astrologia agnoscit tantum quinq;, con-
Nnnn 5 iun-

iunctionem δ , cum radii planetam binorum in terrâ T. descendentes, in vnam coniunguntur lineam; quod est veluti principium Aspectuum omnium. 2. Oppositionem ρ , cum bini radii vt HT. OT. sunt eiusdem rectæ partes, seu, cum duæ quartæ partes circuli, à binis radiis interceptæ sunt, id est, vnus semicirculus, vt ACO. vel FLO. vel HCO. 3. Tetragonum seu quadratum \square , cum vna quarta, vt AC. vel HC. 4. Trigonum seu Trinum \triangle , cum vna tertia, seu duæ sextæ, vt AD. 5. Hexagonum seu sextilem \times , cum vna sexta, vt AB. sed obseruationes Meteorologicæ addiderunt



semisextū & quincuncem ex dodecagono, cum scilicet vna vel quinque vnciæ, hoc est, duodecimæ circuli, signa dictæ, intercipiuntur, vt AL. & AE. vt ita omnes partes diuisionis duodenariæ circuli suos præbeāt Adfectus I.B.C. D.E.O.

His vero accedunt alii quatuor ex Decagono, Decilis, qui intercipit vnā decimam circuli, vt FN. quintilis, qui duas seu vnā quintam, vt FL. Tridecilis qui tres decimas, vt FP. Biquintilis qui quatuor decimas, seu duas quintas, vt FM. quibus se itidem associant coniunctio & oppositio FO. quippe quæ quinque decimas, id est, semicirculum intercipit.

Solent & Medicorum illi, qui ad curam ægrorum, aut ad crises, adsciscunt Astrologiam solent inquam octogonum considerare; in quo rursus occurrunt,

con-

coniunctio ; octilis semiquadrus seu sequadrus qui octauam partem circuli intercipit , vt HG. Quadratus, qui duas octauas , vt HC. Trioctilis seu sesquadrus, qui tres octauas, vt HK. oppositio quæ quatuor vt HO.

Quinam ex iis sunt precipui, & qui ceterorum gradus?

Coniunctio vt principium omniũ, oppositio, vt quæ occurrit in omnibus tribus diuisionibus circuli, Quadratus AC. HC. vt qui occurrit in duobus areâ figuræ existente effabili, sextilis, AB. vt cuius latus est effabile, semisextus AI. vt cuius latus perfectioris ordinis inter ineffabilia , & quod duodecies repetitum , ambit planum stabile ; & Trinus AD. vt cuius latus est effabile potentiâ.

Secundi ordinis sunt Quintilis FL. & Biquintilis FM. quia etsi latera eorum ineffabilia deterioris conditionis ; participant tamen inter se proportionem diuinam ; & Figuræ ipsæ præstant, congruentiâ in figuras solidas : quibus accedit Quincunx AE. quia figura eius fecunda est in congruentiâ planorum latus socium semisextilis AI. Decilis verò FN. & Tridecilis FR. iam in congruentiâ deficiunt. Vilissimi sunt Octilis HG. & Sesquadrus HK. quia formantur lateribus, nec effabilibus, nec proportionem diuinam vsis , nec vicissim subleuantur insigni congruentia figuræ. Cæteræ figuræ demonstrabiles , iam tantum recesserunt à perfectione vtriusq; generis, vt efficacia earum euanescat in formandis Aspectibus. De his vide lib. IV. Harmonicorum meorum.

Compara precipuos Aspectus cum phasibus luna?

Luna in coniunctione cum sole est Noua vel silens, in sextili solis est corniculata , in Quadrato solis est secta ; in Trino solis est gibba *ἀμφιγυῖας*, in solis oppositione est plena. Vide schema libr. 4. fol. 560. & libro hoc VI. parte IV.

Quot gradus vel signa habet quilibet Aspectus & quomodo numerantur?

Signa Habet Gradus

0	Coniunctio	0	
1	Semisextus	30	
	Decilis	36	
	Octilis	45	
2	Sextilis	60	
	Quintilis	72	
3	Quadratus	90	90
	Tridecilis	108	
4	Trinus	120	
	Sesquadrus	135	
	Biquintilis	144	
5	Quincunx	150	
6	Oppositus	180	180 180

Numeratur in circulo magno qui per loca binorum planetarum configuratorum in sphaera fixarum traductus intelligitur, qui est ad Eclipticam plerunque obliquus.

Qui aspectus quibus inter se planetis conueniunt?

Soli cum Mercurio præter coniunctionem nullus conuenit, quia hic ab illo nequit excurrere vsque ad 30. Gradum, quæ est mensura aspectus minimi, id est, semisexti. Soli cum Venere possunt intercedere coniunctio,

iunctio, semisextus, Decilis & octilis; præterea nullus: Veneri verò cum Mercurio præter hos quatuor, etiam sextilis & quintilis. Cæteri planetae bini, quique, omnes promiscuè faciunt aspectus.

Quomodo scimus quando bini planetae faciant aliquem ex his aspectibus?

Si prius planetarum latitudines, quas habent ad diem aspectui vicinum quantitas cuiusque aspectus iam expressa, reducaturs ad Eclipticam.

Dic regulas de hac reductione generales?

1. Quadratus ad aspectus planetae cuiuscunque cum sole, vel cum alio qui caret latitudine, non habet opus reductione, quantumcumque ipse habeat latitudinem.

2. Aspectui quadrante minori si diuersæ fuerint configuratorum latitudines in plaga, vel etiam in quantitate euidenter, minor arcus eclipticæ respondet, Maiori Maior.

3. Si latitudines propemodum æquales fuerint & plagæ eiusdem, tunc omnibus aspectibus promiscue, respondent arcus Eclipticæ Maiores.

Doce Methodum, Aspectus computandi quando latitudinem habent planetae?

Casus sunt tres, aut enim vnus solus habet latitudinem: & tunc si aspectus est minor quadrante Antilogarithmo eius sin maior quadrante complementi ad semicirculum Antilogarithmo adimitur Antilogarithmus latitudinis: residuum, quæsitum vt Antilogarithmus, ostendit arcum eclipticæ, respondentem illic aspectui, hic eius complemento ad semicirculum.

Vt si aspectus sit minor quadrante, vs

Aspectus

Aspectus gr. 30. *Antilogarithmus* 14384
Vnius latitud. 10. *Antilogarithmus* 1531

Residuum 12853. *quæsitum* ut
Antilogarithmus, ostendit respondentem arcum *Ecliptica*
Gr. 28. 26. pr.

Ita si aspectus sit maior Quadrante, ut
Aspectus grad. 144.

Complementi 36. *Antilogarithmus* 21193
Vnius latitudo 10. *Antilogarithmus* 1531

Residuum 19662. *quæsitum*
 ut *Antilogarithmus* ostendit respondentem complemento
 arcum *ecliptica Grad.* 34. 46. pr. qui ablatus de grad. 180.
 relinquit arcum grad. 145. 14. pr. respondentem ipsi *aspectui*
 grad. 144.

Ergo cum planetæ distant in *ecliptica*, illic quidem
 per Grad. 28. 26. pr. hic per grad. 145. 14. pr. tunc in suo
 peculiari circulo, faciunt aspectum, illic semisextum
 grad. 30. hîc biquintilem gr. 144.

2. Aut ambo habent latitudines æquales inter se,
 easque vel diuersarum plagarum, vel eiusdem: tunc bi-
 secto aspectu, quæritur, ut in primo casu, reductio
 competens dimidio, si plagæ latitudinum diuersæ, vel
 complemento dimidii, si plaga eadem.

Sit aspectus 72. latitudines *vnus* gr. 5. *Bor.* alterius gr. 5.
Austr. Ergo dimidii gr. 36. *Antilogarithmus* 20193. dimi-
 nuatur *Antilogarithmo* latitudinis gr. 5. sc. 381. *Residuum*
 19812. ut *Antilogarithmus*, ostendit gr. 34. 53. pr. cuius du-
 plum gr. 69. 46. pr. est distantia *ecliptica* planetarum, faci-
 entium quintilem.

Sint verò plaga eiusdem, utraque latitudo, ergo dimidii
aspectus 36. complementum 54. lat. *Antilogarithmus* 53139.
 hinc aufer, ut prius, Ant. 381. residuum erit 52758. cuius
 arcus gra. 53. 50. pr. complementum reductionis dimidii gra.
 36. 10 pr. Tota ergò gr. 72. 20. pr.

Hæc erit distantia *ecliptica* facientium quintilem si
 æquales

æquales, & eiusdem plagæ latitudines; vtraq; 5. grad.

3. Aut differunt latitudines quantitate, & processus sit operosior; cuius ecce typum.

Primum si plaga eadem.

Sit latitudo Saturni gr. 2. 20. pr. Merid. Veneris grad. 4.

35 pr. Merid. & debeant facere aspectum gr. 60.

Ergo compl. lat. mai. 85.25. — Logarithmus 320

Minoris 87.40. — Logarithmus 83

Differentia 2.15. Summa 408

Aspectus 60.

Differentia 57.45. Dimid. 28.52½. — Log. 72798

Summa 62.15. Dimid. 31. 7½. — Log. 65989

Summa 138784

Summarum differen. 138376

Arcus 30.2½. Logarith. Dimidium 69188

Duplum 60.5. Hac est reductio quasita.

Rursum si plagæ diuersæ.

Sit latitudo ♄. gr. 4.0. p. Bor. ♀. gr. 10.0. pr. Austr. debeant facere aspectum 72.

Ergo compl. lat. mai. 80.0. — Logarith. 1531

Dist. ♄ ab illo polo 94.0. — Logarith. 244

Differentia 14.0. Summa 1577

Aspectus 72.0.

Differentia 58.0. Dimid. 29.0. Log. 72400

Summa 86.0. Dimid. 43.0. Log. 38273

Summa 110673

Summarum diff. 108898

35.28. Logarith. Dimidium 54498

70.56. Hac est distantia eclipctica quasita.

quæ si assequantur planeta his latit. faciunt quintile gr. 72

Quinam

Quinam ex aspectibus est observationis præcipuus?

Coniunctio; vt quæ magna parte incurrit in oculos, planetis eodem Zodiaci loco inuicem appropinquantibus.

V.

Quid consequitur coniunctiones?

Reuolutiones, seu ἀποκαταστάσεις temporum, variae.

Qua re definitur aliqua temporum ἀποκατάστασις?

Concursu duarum vel plurium conditionum, ad coniunctionem accedentium: Verbi causâ, si non tantum sol & luna rursus coeant, sed coitus etiam incidat in eundem locum Zodiaci cum priori: Vel si non tantum duo coeant, sed etiam tertius iterum accedat: Vel si luna non tantum latitudinis anomalias euoluerit, reuerfa ad eundem Nodum, sed etiam simul in coniunctionem, vel oppositionem solis, aut in eundem locum Zodiaci incidat in isto reditu ad Nodum.

Quot sunt potissima genera Apocatastasium?

Duo, vel enim singuli planetæ, & ad solem, & ad locum eundem Zodiaci referuntur, vbi tempus quæritur, intra quod planeta stationes & retrogradationes suas, vel luna phases suas per totum Zodiacum circumfert: vel planetæ ad se mutuò adq; Zodiaci loca referuntur.

Recense Apocatastases singulorum cum sole?

Saturnus & Sol restituuntur simul ad eundem Zodiaci locum proximè intra annos 59. ita vt Saturnus bis, Sol 59. Zodiacum emetiatur. Iupiter intra 83. Solis reditus, conficit septem suos. Mars valde magnis interstitiis distribuit suas cum sole coniunctiones. Igitur apoca-

apocatastases eius, quo longiores sumuntur, hoc sunt accuratiores. Breuissima habetur solarium annorum 15. quos intra ipse reuertitur octies: Proxima annorum 17. quibus ipse conficit nouem periodos: Accuratiores est annorum 32. quibus 17. fiunt reuolutiones Martis per Zodiacum: sequitur periodus annorum 47. in qua sunt 25. reditus Martis: Adhuc accuratiores annorum 79. solarium: habens 42. reuolutiones Martis: & hæc præ cæteris in existimatione est apud Astrologos. Venus intra 8. annos solares reuertitur quinquies satis accuratè, & sic soli superius iungitur quinque locis, binis inter se distantibus spacio gr. 72. quibus quinque locis sequentes copulæ lento admodum passu & breuibus spatiis per octonos annos excedunt, vt sic interiecti 72. gr. vix intra duo semis secula consumantur, totusque Zodiacus copulis istis frequentetur. Mercurius contra intra 13. solares 54. circuitus absoluit; quare copulas sui cum sole liberaliter per totum Zodiacum spargit, interstitio non maiori quam 6. vel 7. grad. ratione media. Luna denique duodecim reditus ad solem absoluit aliquanto breuiori tempore, quàm sol ad initium cursus reuertatur: itaque vt accuratiores fiat apocatastasis, opus est longiori tempore: Hinc natae sunt, obseruatione gentium, Trietæris, complexa menses lunares 37. nec tamen hoc accuratissimè, Octaetæris mensium 99. ita vt centesimus initium faciat Octaetæridis sequentis: Hendecaetæris, mensium 136. & omnibus his accuratiores, composita ex vtraque, Enneakadecaetæris, mensium 235. cumque adhuc quadrantis vnus diei differentia superfit, quò minùs nouilunium reuertatur in locum pristinum; Calippus quadruplicat numerum, constitutâ periodo annorum 76. mensium

350 EPITOMES ASTRONOMIA
DE ANNIS POLITICIS
LUNARIBVS.

*Quis est vsus apocatastasium solis &
luna?*

CVM luna phasium permutatione moueat, atque in se conuertat omnium hominum oculos; Factum est vt signa temporum à luna petentes, exordia suorum annorum, ab exordio phasium, id est, à nouilunio, petierint gentes plurimæ, præsertim illæ, penes quas discrimina æstatis & Hyemis non admodum sunt euidentia, cùm reditus solis ad loca pristina, qui annum definit, non facilè, nec aliunde, cognosci posset.

Quotuplex est lunaris annus?

Duplex, solutus & ligatus. Solutus duodenum perpetuo mensium, quorum pars dimidia paulo post tricennũ dierum est. Pars reliqua 29. talis anni primus mensis successu annorum excurrit in hyemem, inde in autumnum, post in æstatem. Et denique, tricessimo anno exacto, rursus in ver transit. Tali vtuntur Turcæ, ex disciplinâ Arabum. Ligatus, (intellige ad solarem annum) mensibus vtitur intercalariis, habetque quartus & tertius quisque menses tredecim, vt ita primus mensis semper circa eandem tempestatem anni solaris oberret, nunc antecedens aliquot diebus, nunc sequens. Horum est vsus apud Iudæos, & apud Christianos Ecclesiasticos.

Quanta est longitudo horum annorum?

Quidam dicuntur simplices, suntque dierum solidorum 354. vel 355. quidam Embolimæi, intercalarii, solidorum dierum 384. vel 385. & prout artis ingenium fuerit, quidam etiam dierum 353. 383. qui dies, quia
more

more Iudaico à vespera, luna oriente incipiunt, ex eo lunæ dicuntur, & prima luna, quæ prima & post nouilunium, reliquæ suo quæque numero.

*Quot modis alligantur anni lunares ad solarem, &
qua hinc nascuntur apocata-
stases?*

Duobus modis alligantur, vel ad naturalem quantitatem anni solaris, vel ad politicam eius ordinationem; qualis & Iuliana: & cum ad naturalē alligantur, Apocatastasis vel circulus, breuior quidem, est Enneakædecaeteris, Arato celebrata; longior 76. annorum quæ fuit Calippi Periodus; longissima & accuratissima Hipparchi, quatuor Calippicas complectitur, est enim annorum 304. quos intra, dies vna de rationibus Calippi demitur.

Cum verò Enneakædecaeteris, seu periodus Calippica 76. annorum accommodatur ordinationi anni Iuliani & obseruationi Iuliacæ Cycli dierum septennium perpetui, equidem Iuliana ratio per se continet Cyclum annorum quatuor, quos intra, vt supra in Theoria solis & libro III. est dictum, vnus Bissextus intercalatur, qui quatuor, sumpti septies, vt vnâ & bissextus & feria septimanæ seu litera dominicalis redeat, conficiunt solis cyclum dictum, annorum 28. In hanc igitur summam ductus numerus annorum nouemdecim, cyclus lunæ dictus, conficit periodum annorum 532. politicum, à Dionysio Abbate authore denominatum: post exactos totidē annos, omnes & bissexti & feriæ, & intercalares menses eodem ordine redeunt, quanquam hic cyclus vitiosus est, quia rationes Calippicas tenet, neglectâ correctione Hipparchi, vnde plusquam sesquidie rationes lunæ expedit, rationes vero solis quatri duo.

Quid potissimum obseruandum est circa hunc cyclum magnum 532. annorum?

Huius vitiosi cycli obseruatione factum est vt intra 1600. annos, ab æquinoctio vero aberrarit sedes ipsi destinata in calendario, per dies 12. Lunaque Calendarii à luna cœli per dies 5. Quod cùm, quâ dabatur; emendarint Regna & prouinciæ plurimæ, inde fit, vt inter illos & reliquos, qui tenent rationes antiquas, crebrò discrimen Paschatis intercedat, vnius, quatuor vel 5. septimanarum; quia pascha non nisi dominicâ post lunam decimam quintam, proximam post æquinoctium celebrari potest.

Quid est aureus numerus?

Cyclus lunæ, seu numeri nouemdecim adscripti arte singulari ad dies Calendarii Iuliani literis aureis; hoc nomen acceperunt ab ipso primi authoris facto. Sunt autem ii numeri, indices lunæ primæ, non semper verissimæ, sed vsualis, seu artificialis, quilibet in illo anno cycli, quem ipse indicat ordine suo.

Quæ ratio fuit, vnum annum præ aliis primum in decemnouennali cyclo constituendi?

Propinquitas Nouilunii ad æquinoctium illius temporis, quo hæc ordinatio fuit facta: scilicet ante tempora Constantini Magni, & ante annum Christi 300. tunc enim æquinoctium fuit in 22. Martii Iuliani, Ergo quo anno coincidit nouilunium in vespera diei 22. Martii; eo anno dies 23. Martii, dictus fuit luna prima, isque annus fuit habitus pro primo: Ideoq; ad 23. Martii stat aureus numerus. I.

Cum autem 28. cycli decemnouennales constituant vnum cyclum magnum, quo delectu primus est sumptus, cum quilibet potuisset esse primus?

Is cyclus decemnouennalis fuit primus sumptus, qui

qui ad annum 42. Imperii Augusti propiùs accessit cum suo initio : quia cum Christus anno 15. Tiberii fuerit quasi 30. annorum : ergò , demptis his 15. primis Tiberii, & vltimis 15. de 57. Imperii Augusti venit ad 42. annum Imperii Augusti, pro Natiuitate Christi, præter propter. Annus autem qui die 22. Martii Nouilunium haberet, proximus huic termino, fuit 45. Iulianus seu 44. Augusti. Hic igitur factus est caput cycli magni Dionysiani, annorum 532. Acciditque pulchro casu, vt ipse esset etiam (vel esse debuerit) Bissextilis : vt ita proximo mense post diem intercalatum, inciperet annus lunaris scilicet ab æquinoctio.

Pro cyclo luna sciendo iubent ad annos Christi vsuales addere unitatem : à summa abicere omnes cyclos lunares, quæro vnde constet Christum natum anno 2. cycli, Iuliano 46. & qua circa hoc obseruanda?

Annus iste non congruit historiæ, sed congruit cyclo illi artificiali, secundum posita hæc duo ; primò quod Christus sit natus in solstitio brumali, die 25. Decembris, quæ traditio est antiqua ; secundo quid Zacharias, pater Ioannis Baptistæ vel ipse pontifex maximus Iudæorum, vel Pontificis Vicarius, viderit angelum annunciantem conceptionem Ioannis Baptistæ, cum ipse ingressus esset sanctum sanctorum die expiationis, quæ solebat esse decima mensis septimi, Tisri dicti. Hanc hypothesin de Zacharia, qui fuit ex sorte Abia, relinquo examinandam Theologis rerum Iudæicarum illius temporis peritis ; Iam si Christus in solstitio brumali natus, est igitur annunciatus nouem mensibus antè in æquinoctio verno. Id verò Angelus affirmavit fuisse sex mensibus post conceptionem Ioannis, Ioannes ergo annunciatus & conceptus fuit in æquinoctio Autumnali, circa 25. Septembris. At annunciatus est X. Tisri, seu Luna X. mensis septimi, à vernali, secundum hypothesin secundam. Nullus vero annus

Cycli habet lunam X. die 25. Septembris, seu lunam I. 16. Septembris præter annum cycli primum; quia aureus I. stat ad 16. Septembris: Ergò anno primo cycli conceptus Ioannes: Anno ergò secundo cycli conceptus & natus est Christus; positis veris illis, quæ dixi. Ita nostra æra non est Historica, sed artificialis & Hypothetica, à vero non nimium remota: Et notandum, quòd hodie nos illam aliter intelligamus, quam ab eius Authore sumus docti. Ille ponebat Christum conceptum in principio anni secundi cycli incipientis, quippe ab Æquinoctiali Nouilunio, natum in bruma sequenti, finiente Anno 46. Iuliano, ideoque dicti A. olim anni non Natiuitatis, sed Incarnationis Christi: at nos hodiè opinamur Christum natum brumâ antecedente currente adhuc primo anno cycli etiam finiente anno 45. Iuliano; nobis ergò sunt anni à Natiuitate. Id propius quidem est veritati historicæ, aberrat tamen adhuc & ab illa & simul à rationibus huius cycli.

IV.

DE CONIUNCTIONIBVS

MAGNIS ET MAXIMIS.

Quid præcipuè notatu dignum occurrit circa coniunctiones planetarum inter se promiscuè?

Coniunctiones trium superiorum, magnæ & maximæ, dictæ.

Quid magnam coniunctionem appellant?

Coniunctionem Saturni & Iouis, quæ plerumque tamdiu durat, donec accedat & Mars, superiorum tertius, quod vel maximè conspiciendum est spectaculum, tres magnæ stellæ, fulgentes, sine scintillatione vno cœli loco.

Quid est coniunctio maxima?

Quando talis coniunctio contingit circa principium Zodiaci, quo est in nostris Zonis principium Arietis.

Quantum ab inuicem distant bina & bina?

Coniunctio vna Saturni & Iouis media, seu linearum motus cuiusque medii, distat ab alia, annis viginti ferè, in Zodiaco verò triente circuli retro, paulò plus. Ita fit vt quarta coniunctio post annos 60. superet locum initialem, per gradus 9. circiter Maxima igitur fit post annos paulo minus 800. id est, post 794.

Quomodo diuiditur vna periodus octingentorum Annorum?

In quatuor Triplicitates seu Trigonos, Igneum, Terreum, Aerium, Aqueum, singulos 100. annorum. Nam primæ 10. Coniunctiones fiunt in signis Ignæ Triplicitatis, Ariete, Sagittario, Leone, vt anno 1584. 1604. 1623. &c. Sequentes 10. contingunt in terreis signis, Tauro, Capricorno, Virgine; Tertius denarius coniunctionum transfertur in signa contigua Trigonii aerii, Geminos, Aquarium, Libram. Vltimæ decem coniunctiones disperguntur per signa Triplicitatis Aquæ, Cancrum, Pisces, Scorpionem. Sic ager iste Zodiaci ab hoc veluti iugo superiorum planetarum contiguus fulcis, successiue totus aratur, seu magis appositè à conciliis planetarum ex omni parte frequenteratur. Vide huc aptum schema lib. II. fol. 189.

Distingue ætates mundi, per coniunctiones maximas, accommodatis historiis notis?

Et si mundus sub ipsissimam coniunctionē magnam Saturni & Iouis fortasse non est conditus; alia enim

est libertas harum rerum in archetypo, aliud item genus rerum, quod hic in terris, inque in vno mundi angulo, post institutos iam ex archetypo motus, necessitate geometricâ consequitur, quod, quippe sensibus obuium, nos homines quasi singulariter in constitutione Archetypi quæsitum, suspicimus & celebramus: tamen primæ coniunctiones magnæ quæ post mundi ortum esse potuerunt, indice Chronologia, contigerunt circa principium Triplicitatis igneæ, & finem aqueæ. Sit igitur prima coniunctio maxima in ortu mundi, vel circa lapsum Adami. Secunda, dum Henoch vitam in terris diuinam ageret; cuius abauus Enos superstitibus omnibus Patriarchis, cultum diuinum solennem seu inuocationem diuini nominis instituit, cum Cainitæ vrbes munirent, artes inuenerent. Tertia diluuium, nouamque propagationem generis humani assequitur. Quarta coincidit in exitum Israelitarum ex Ægypto, datamque legem. Quinta principia habet seruitutis Israëlitarum in media, extincto regno decem tribuum, sub Esaia, qui clarissima de Christo vaticinia prodidit; quando & Olympiades institutæ, & Nabonassaris anni principium habent, & Roma condita fuit. Sexta habet Messia promissi ortum ex virgine, anno mundi 3970. secundum quosdam, qui est præcisus modus quinque maximarum coniunctionum. Nam 794. anni quinquies sumpti, fiunt 3970. Septima Carolum Magnum assequitur.

Octaua quæ fuit insignita stellâ nouâ,
nostra hæc tempora.

VII.

DE ECLIPSIBVS SEV DELIQUI-
IS LVMINARIVM, PRIMO
Lunæ.

*Quodnam insigne est accidens commune tam coniunctioni-
bus & oppositionibus solis & lune, quam illumina-
tioni corporum luna & terra, quæ est
à sole?*

PRIUATIO luminis, Græce *ἑκλειψις*; latinè Deliquium
vel Defectus dicta, præcipuum eorum, quæ Græci
πῆλη, Latini passionēs dixerunt: sic enim loqui con-
sueuimus, solem & lunam pati Deliquium, & Poetæ
Solis Lunæque labores canunt, videnturque cæteræ
omnes motuum affectiones, propter similitudinem
cum his, passionēs dici. Priuatur autem sol lumine
non nisi in coniunctione cum lunâ; vicissim luna non
nisi in oppositione cum sole.

*Ergone verè patiuntur hanc luminis diminutio-
nem luminaria?*

Luna quidem verè spoliatur lumine, quod habet à
sole: Sol verò etsi tegitur oculis nostris, non ipse tamen
amittit lumen, sed eius loco telluris partes aliquæ cer-
tæ spoliantur lumine solis, non aliter quàm prius ipsa
luna.

*Vnde hoc euenit luna, ut quo tempore plena debuit esse,
subito lumine vel tota priuetur vel in par-
te corporis?*

Ex interposito globi terreni, solem inter & lunam,
quod hinc scimus, quia constat nobis terræ corpus es-
se opacum, nec transmittere radios solis, vel prolicere
vmbra in oppositum solis. 2. Quia dictum in su-
perioribus, lunæ lumen à sole esse, & legibus opticis,
per rectas lineas, lunæ infundi. 3. Quia nunquam

luna damnum hoc luminis extraordinarium incurrit, nisi in Oppositione sui cum sole, hoc est, cùm sol terra & luna fuerint in eâdem linea recta, & terra interposita inter luminaria: Sic vt luna ster à plaga in quam porrigitur umbra terræ. Vide librum I. folio 25.

Atqui si hac oppositio luna causa est defectus; qui fit quod non in omni oppositione luna deficiat?

Quia non omnis oppositio locorum solis & lunæ Eclipticorum, est vera & exacta ipsorum etiam corpo-



rum oppositio, sed frequenter luna declinat umbram telluris, ad latus eius præteruecta solis oppositum.

Vbi ergò contingunt luna defectus & quando?

Contingunt iis locis, quibus Nodi, vel caput & cauda Draconis, orbitam lunæ cum orbita solis connectunt. Itaq; cùm Nodi gemini sint, locis orbitæ oppositis, & tardissimo motu repant in antecedentia, vt dictum; fit vt sol quotannis, ad vtrumque eorum perueniat,

niat, pergens in consequentia. Quare illa tantum plenilunia, quæ contingunt sole circa nodos versante, in partibus anni oppositis, seu per 6. vel 5. menses distantibus, de lumine periclitantur, cætera toto anno sunt extra periculum.

Quod hinc nata est nomen, orbita centri solis, apparens sub fixis?

Ab hoc euentu & *πῆξ* luminarium præcipuè lunæ, dicta fuit Ecliptica, quasi linea Deliquiosa vel Deliquialis, Defectualis; Germanorum aliqui appellant *Scheinbrecherin* / Lucifragam, Luciperdam, Lucifugam, Umbrosam, Umbriferam in opposito sanè solis; cum sit interim Lucifera vel Luciporta, ob ipsum solem.

Qua figura est umbra terra?

Cum & sol & terra, ille luminosus, hæc opaca, rotunda sint corpora, & sol quidem terrâ maior; sequitur legibus opticis, quia lucis radii sunt lineæ rectæ, ut umbræ telluris, sit Conus regularis, seu rotundæ metæ figurâ, qui conus sectus plano ad axem recto, in quocunque puncto, sectionem acquirit circulum. Idem verum est multò magis de luna eiusque umbra.

In schemate si S D. sol sit. & V E. terra productis rectis S V. D E. contingentibus solem & terram, formatur Conus umbræ V C E. Ita si K L luna; K R L. erit eius umbra.

Semper ne manet eadem umbra figura?

Non penitus. Nam diminuto interuallo solis & terræ, umbra fit breuior, obtusior & tenuior; aucto illo, longior, acutior & crassior.

Quid est parallaxis solis vel luna Horizontalis, & qua ratio nominis?

Parallaxis Horizontalis est angulus in sole vel luna
duabus


duabus lineis comprehensus, alterâ tangente terræ superficiem, alterâ per centrum eius ductâ.

*In schemate præmissso VSB. est
parallaxis puncti S. in sole V Q. B.
puncti luna, Horizontalis.*

Ptolomæus *παράλλαξις*, Copernicus ex eo commutationem visus appellat, quia lineæ hæ BS. VS. continuatæ, vsque sub fixas, ostendunt duo loca centri Solis vel lunæ differentia, quorum sub altero fides videretur ex B. centro terræ ad aspectum, sub altero videretur, aspectum ex V. superficie terræ. Fingitur igitur visus ex B. centro terræ in eius superficiem V. transferri in momento: quo dato, sol vel luna mutarent suum locum apparentem sub fixis. Nam ab oculo humili, in centro scilicet terræ B. cernerentur altiori parte cœli; ab illo eleuato in superficiem V. cernerentur loco humiliori. Itaque in versionibus Arabicis parallaxis dicitur diuersitas Aspectus.

Quanta potest esse maxima parallaxis utriusque sideris?

Ex interuallis libr. IV. fol. 479. 483. stabilitis, solis quidem 3469. Lunæ 59. semidiametrorum terræ, sequitur parallaxis, solis quidem 59. secun-



secundorum, seu minus vno scrupulo in Apogæo, in perigæo tanto plus vno scrupulo; Lunæ Apogææ 58.pr. 22.sec. perigæa 63.pr. 41.sec.

Docet metiri angulum in vertice Coni umbra seu Mucronem eius.

Si ab angulo semidiametri solis apparentis in terrâ, dempseris parallaxin solis; relinquetur dimidium anguli mucronis huius: *Vt si solis semidiameter ABS. sit 15. pr. BSV. vel BSC. parallaxis solis 1.pr. erit semissis mucronis 14.pr. Sc. SCB. vel VCB.*

Docet & longitudinem umbra terra metiri.

Semidiametrum terræ duc in distantiam solis & terræ, factum diuide per excessum semidiametri solis super semidiametrum terræ.

Vt quia lib. IV. folio 479. proportio diametrorum fuit quindecuplâ paulo maior. Intervallum verò solis & luna 3469. semidd. terra; aufer 1.pr. semidiametrum terra, à 15. pr. plus semidiametro solis, cum residuo 14. pr plus, deinde exactum ex 1. & 3469. id est 3469. proueniunt longitudini umbra telluris semidiametri telluris 247. plus.

Est igitur umbra amplius quàm quadruplo longior, interuallo lunæ, & terræ, vt quod non fit maius 59. semidiametris, ex quo apparet; necessario lunam interdum per ymbra trahere.;

In schemate sit BC. longitudo umbra 247. semid. terra BE. at BG. altitudo luna in Apogæo 59. semid. terra BE.

Quid appellant Astronomi semidiametros solis luna vel umbra; & quanta sunt ea?

Sic dicuntur anguli, quibus solis lunæ vel circuli umbrae, in loco transitus lunæ, semidiametri cernuntur in terra, seu quos in centro terræ formant lineæ in terminos illarum semidiametrorum recta obiectarum eductæ. *ABD. solis semidiameter in Apogæo, est 15. pr. in perigæo 15.pr. 33.sec. luna I. B. L. in apogæo in idem 15. pr. 0. secund. in perigæo 16. pr. 22. sec.*


Vnde

Vnde habetur semidiameter umbra in quolibet loco transitus luna?

Coniiciantur in vnam summam, parallaxes Horizontales solis & lunæ: ab hac summa abiiciatur semidiameter solis apparens; relinquitur semidiameter umbræ in illo loco transitus lunæ, cui sumpta parallaxis competit: *Ut si semidiameter solis sit grad. 15. pr. 30. sec. parallaxis solis grad. 1.1. sec. luna 62. pr. 15. sec. summa vtriusque 63. pr. 16. sec. Ergò ablati scrupulis 15. pr. 30 sec. restant 47. pr. 46. sec. pro semidiametro umbra terra GBQ. in loco transitus luna QGF.*

Qua varietas occurrit huius semidiametri umbra?

Quo altior est luna; hoc breuior est semidiameter umbræ; quo humilior illa, hoc ista longior. In Apogæo igitur solis, & perigæo lunæ omnium est longis-



lima 49. prim. 40. secun. in perigæo solis & Apogæo lunæ omnium breuissima 43. prim. 50. secun. In adie-

Hic schematicus, AG. vel AF. est semidiameter circuli GONMF. quo umbra intelligitur secta in loco transitus luna.


Quot sunt Eclipsium lunarium forme?

Tres; partialis, Totalis sine mora, in tenebris & Totalis cum mora.

In schemate priore pinguntur partiales: si puncta V. luna & V. umbra coirent, totalis esset sine morâ. In altero eclipsis est cum Mora totalis.

Quis dicitur arcus inter centra seu latitudinarius?

Est arcus ex centro umbræ in viam seu orbitam lunæ perpendicularis, proximè minor latitudine lunæ,



nae, peneque cum eâ coincidens. Vt si A. centrum umbræ FAG Ecliptica, eique ad rectos QTA. circulus latitudinis, BCE. via centri luna, obliqua ad FAG Eclipticam, ex A. in BE. perpendicularis AC. tunc AT. quidem esset latitudo luna, si centrum eius esset in T. in vera oppositio-
ne; at AC. vicinissima ipsi AT. dicitur arcus inter cen-
tra.

Quantus

Quintus requiritur hic arcus ad unam quamlibet formam Eclipses?

In totali sine mora, arcus iste additus semidiametro lunæ summam facit æqualem semidiametro umbræ: in totali cum mora, minorem semidiametro umbræ, in partiali, maiorem quidem semidiametro umbræ, minorem tamen summā ex semidiametris umbræ & lunæ confecta.

Vt AE. est summa AO. OE. semidiametrorum, AV. verò in schemate priore est illa quidem minor, maior tamen, quam AN. semidiameter umbra; non igitur totalis sed partialis est Eclipsis.

In altero schemate AC. minor est, quam AD. AK. differentia semidiametrorum. Itaque AV. minor est quam AN. totalis igitur Eclipsis.

Quid sunt scrupula 1. durationis dimidia, 2. incidentia, seu casus 3. emerfionis, 4. mora dimidia?

Sunt arcus viæ lunæ, in quibus existente centro lunæ, vel 1. deficit aliqua pars lunæ, lunā 2. vel incidente in umbram 3. vel emergente, 4. vel etiam luna tota obscuratur. *Vt BC. CE. sunt scrupula durationis dimidia, BK. incidentia, DE. emerfionis KC. vel CD. mora dimidia F. Etsi verò incidentia seu casus, & emerfio propriè tantum de totalibus usurpatur: tamen etiam in partiali prioris schematis BC. incidentia dici potest CE. emerfio.*

Quomodo differunt duratio & mora?

Duratio est de omni vario defectu intelligenda, deque omnibus Ecclipsibus; mora tantum de quarundam defectibus plenariis, subintelligitur enim in tenebris vel umbra.

Quod est medium Ecclipsis seu summa obscuratio?

Quando centrum lunæ est vel iunctum centro umbræ,

bræ, vel in perpendiculari illâ ex centro vmbre in
viam lunæ. *Vt hic, quando C. centrum in AN. incidit.*

*Quare non vteris circulo latitudinis AQ. ad Eclipti-
cam potius recto, vt in Astronomia
veteri?*

1. Quia propriè loquendo, luna in hunc circulum
incidens, non profundissime venit in vmbra.

2. Quia tempora & scrupula incidentiæ BT. & e-
mersionis TE. redderentur inæqualia, collata ad hunc
circulum, ATQ.

3. Quia sic compendiosius computatur duratio &
mora in tenebris.

*Quomodo computanda scrupula Durationis dimidia,
Moræ dimidia, incidentiæ, emer-
sionis?*

Ab Antilogarithmis summæ & differentiæ semidia-
metrorum lunæ & vmbre aufertur Antilogarithmus
arcus inter centra seu latitudinarii, residua quæ sita in-
ter Antilogarithmos ostendunt inter arcus, scrupula
llic durationis dimidiæ, hic moræ dimidiæ: His verò
Moræ ab illis Durationis ablati, relinquuntur scrupu-
la Incidentiæ & Emersionis. *Vt BC. computatur ex AB.
summa & AC. quia BCA. rectus. Sic KC. ex AK. differen-
tia semidiametrorum & ex AC. ablato verò KC. à BG.
manet BK.*

*Quare differunt loca, vera coniunctionis, & observa-
tionis maxima?*

Differunt in arcu minimo, Reductionis lunæ loci
ad Eclipticam, quo arcu luna in obscuratione maxi-
mâ semper est vicinior nodo, quam centrum vmbre.
*Vt T. esset locus coniunctionis; C. est locus obscurationis ma-
xima, TC. reductio ad Eclipticam.*

*Quantus est angulus latitudinis seu intersectionis via-
rum solis seu vmbre FG. & luna BE. in
eclipsibus?*

Paulò supra dictum est in copulis hunc angulum

esse maximum, grad. 5. 18. pr. Vetus astronomia vsurpat minutum grad. 5. 0. pr. damno calculi.

Vnde discimus quantitatem AC. arcus inter centra seu latitudinarii?

Ex distantia A. centri vmbrae à loco Nodi, seu arcu Eclipticae interiecto, qui sola reductione ad Eclipticam TC. differt ab argumento latitudinis, seu eius complemento ad semicirculum.

Quid sunt termini Ecliptici luna & quanti ii?

Termini Ecliptici sunt arcus Eclipticae incepti à Nodo, in quibus arcubus versante arcu inter centra, eclipsari potest saltem aliqua particula corporis; desinunt autem in illa puncta ante & post nodum, in quibus versante arcu inter centra, Lunæ in oppositione cum Sole, vmbra tangit, nec delibat; Minimus est gr. 10. 40. pr. in Apogæo Lunæ, maximus gr. 12. 0. pr. in perigæo lunæ.

Si umbra in perigæo luna profundior seu crassior est, & longior luna traiectus, anne igitur tunc duratio Eclipsis longissima?

Imò breuiori huic spacio temporis luna laborat cæteris paribus, & vicissim in Apogæo, breuiori transitu, moratur diutius. Perigææ namque lunæ Horarius motus ad Horarium apogææ in maiori proportionem est, quam traiectus perigæus ad apogæum.

Quot elementis constat verus Luna Horarius, in Eclipsibus utilis?

Quinque his, primo est Horarius lunæ æquabilis seu medius periodicus, deinde eius æquatio simplex ex solutâ Anomalia; Tertiò sub ipsam Horam Syzygiæ accedit æquatio menstrua; quibus duobus elementis medius ille minuitur in Apogæo augetur in peri-

perigæo; quarto variatio accelerat vtrumque, omnesque intermedios, quemque in sua proportionem. Quinto denique auferendus est ab Horario lunæ sic formato Horarius Solis, qui pro tempore fuerit, vt habeatur vera superatio horaria.

*Quanta est igitur varietas verorum horariorum
in Eclipsibus?*

Horarius ab æquinoctio, minimus in apogæo, prodit per variationem Tychonicam 29. pr. 46. secun. maximus in perigæo 38. pr. sec. 30. sed per variationem auctam, ille 29. p. 56. se. iste 38. pr. 43. se. hinc ablatus medius solis motus horarius, relinquit 27. pr. 18. secun. vel 27. pr. 28. sec. & 36. pr. 2. sec. vel 36. pr. 15. sec. Vbi notandum; rectius auferri horarium solis, qui est quouis tempore.

*Quanta hinc efficitur duratio maxima Eclipsium Lu-
narium, quanta & mora maxima totali-
um; & quomodo compu-
tanda?*

Diuisa summa vel differentiâ semidiametrorum lunæ & umbræ in horarium; proueniunt horæ & minuta durationis vel moræ longissimæ per Logarithmos Logisticos, sic.

In Perigæo Solis & Apogæo Lunæ.

Horarius ☉.

2. pr. 33. sec.

Summa semid. 58. pr. 53. sec.

Horarius ☾.

29. 46. vel 29. pr. 56. sec.

Horarius ☉ & ☾. 27. 13. vel 27. 23.

Ergo Horarum 2. --- 4. 26. vel 5 4. 46.

Logarithmi

79080. 78400.

Scrupulareisd. 4. 27. vel 4. 7.

Logar. resid.

260000. 267600.

Logarith.

180922. 189200.

Hic offendunt Minus.

Ia --- 9. pr. 50. sec. vel 9. pr. 3. sec. supra 2. horas.

Totam igitur durationem Horarum Gr. 4. 19 pr. 40. secundæ. vel Grad. 4. 18. pr. 6. sec. cum.

Hoc modo si procedamus etiam in Apogæo Solis & Apogæo Lunæ, duratio maxima prodibit H. 4. 20. pr. 4. sec. vel H. 4. 18. pr. 18. sec.

In Apogæo Solis & Perigæo Lunæ maxima duratio H. 3. 39. 22. vel H. 3. 38. 46.

In Perigæo Solis & Perigæo Lunæ maxima duratio Hor. 3. 38. pr. 40. sec. vel H. 3. 37. pr. 26.

Morarum verò differentia minor est, quàm durationum omnimodarum; quia minorem habet Luna perigæa

rigæa proportionem ad transitum suum, quam apogæa ad suum: quippe semidiameter Lunæ apparens, propter vnā solam causam augetur in perigæo, at semidiameter vmbre propter duas.

Ergo Mora longissima

In Perig. ☉, Apog. D. gr. 2. 7. p. 20. f. vel g. 2. 6. p. 38. sc.

In Apog. ☉, Apog. D. 2. 8. 36. vel 2. 7. 58.

In Apog. ☉, Perig. D. 1. 50. 38. vel 1. 50. 46.

In Perig. ☉, Perig. D. 1. 49. 24. vel 1. 48. 48.

*Quomodo scitur tempus Incidentiæ vel
emersionis?*

Subtractione dimidiæ moræ à dimidia duratione: remanet tempus vel incidentiæ vel emersionis, sunt enim æqualia ista.

*Vnde habentur scrupula Defectus in partiali eclipsi
vel quacunque non centrali.*

Subtractione arcus latitudinarii à summa semidiametrorum Lunæ & Vmbre habentur scrupula defectus.

Quid sunt digiti Ecliptici & quomodo computantur?

Sunt vnciæ de semidiametro Lunæ. Multiplicanturque scrupula defectus in 12. summa diuiditur per semidiametrum Lunæ. Seu, à Logarithmo logistico semissis scrupulorum defectus, aufertur Logarithmus semidiametri Lunæ: quod relinquitur, id ostendit in suâ columnâ digitos deficientes.

Quot digitis Luna potest deficere?

Propriè loquendo non pluribus quam ipsa habet in suâ diametro, sed Astronomi abusi voce, digiti, conuertunt etiam residua scrupula, in Eclipsi totali cum morâ in digitos, expedientes, quantum Luna deficere

posset, si etiam maior esset eius semidiameter in illam plagam extensa, quam centrum Lunæ obtinet.

Igitur additâ semidiametro Luna perigæa 16. pr. 22. secund. ad semidiametrum umbra perigæa 48. pr. 40. secund. acceruantur scrupula 65. pr. 2. secund. cuius dimidii 32. pr. 31. secund. Logarithmus est 6 12 49. Hinc aufer Logarithmum 32. pr. 44. secund. ———— 60600. diametri Luna: Residuum ———— 649. ut Logarithmus, ostendit in sua columnâ digitos gr. 22. 39. secund.

Qua causa est, cur Lunæ lumen iam iam defecturum; prius hebetetur & palleat, præsertim in parte, qua vicina est umbra?

Causa non ineest in ipsa plenaria umbra terræ; quasi hæc de seipsa radiet nigrorem aliquem, eoque afflet Lunam propinquantem: ut incautè nonnulli vel ipsi scribunt, vel à lectoribus intelliguntur: sed fit hoc idè, quia priusquàm totus sol tegatur alicui particulæ Lunæ, hoc est, priusquam Luna totalem umbram delibare incipiat: maior atque maior pars solis ipsi à terrâ intercipitur. Totus autem sol clarius Lunam illuminat, quam pars; & hæc maior clarius, quam minor. Vide Astr. part. Opt. fol. 239.

Num omnes Eclipses Lune quadrant ad has rationes?

Crebrò fit, ut substantia lucida circa solem flammata ex contactu solis irradiet extimos umbræ terminos: eoque Luna, quanquam tota in umbram immersa, margine tamen extremo hos radios excipiat: quæ falsa lux, cùm ad veram ex sole allapsam comparari non possit (quippe Lunâ reliquâ penitus extincta) ipsa pro verâ habetur: ita ut Luna non tota in umbram ingressa censeatur. Hac ratione fit, ut Moræ multo breuiores æstimentur Eclipsium totalium. Quin etiam illæ, quæ totales sine morâ sunt, aut cum morâ breuissimâ, censeantur ob hanc causam non totales, sed

sed partiales, quasi à septentrione vel meridie aliquid superfit. Vide Astr. part. Opt. fol. 301. Et sic censet etiam Galilæus.

Vnde constat, hanc excusationem esse legitimam? Quid si namque causæ subsint astronomiæ, nondum satis cognitæ?

1. Imò tam euidentis est hic effectus, vt si ad causas astronomicas referatur, contradictiones apertissimas inuoluat, totamque rationem dimensionum vmbrae, legesque opticas certissimas euertat. 2. Testimonium verò huic causæ physicæ perhibent etiam solares Eclipses nonnullæ, de quibus infra. 3. Cum diametrum solis obseruamus, radio per angustissimum foramen immisso: fimbria hæc fusci coloris, quando præstò est in cælo, pingit seipsam clarissimè super tabellâ circa solis Discum: adeò vt inter Discum solis & hanc fimbriam discriminans terminus non appareat; eoque solis diameter certò maior iusto tunc colligatur. Vide lib. I. fol. 57. schema rude.

*Qua causa est, cur luna in totalibus Eclipsibus tanta varietate appareat, interdum penitus amittatur, interdum euidentissimo rubore, vel tota, vel in parte corporis eniteat, nec semper ea æqualiter ad vmbrae marginem proximum versa, sed al-
trinfecus latius excur-
rente?*

Nec proprium Lunæ lumen in causa est, esset enim perpetuum, saltem in eâdem parte corporis: nec illa substantia lucida circa solem in ipso æthere, illuminaret enim ordinate vel totam vel solas extremitates marginis, vmbrae proximas. Sed oportet vt Luna parte illâ corporis, quæ rubet incidat in radios solis secundarios, hoc est, in aere nostro circa terrâ fuso bis refractos semel in ingressu iterum in egressu: quibus ipsis radiis semel in ingressu refractis nos solè videmus,

cum is adhuc infra nostrum Horizontem est; & videmus quidem & ipsum tunc rubentem. Cum enim hi radii semel refracti, sint adhuc tam clari, vt diem penes nos (quanquam non clarissimam, vt à nudo & sudo sole) efficiant: poterunt etiam secundo in exitu versus lunam refracti, claritatem in ea causari non multò minorem.

Hæc causa est idonea, ad repræsentandam effectus illius varietatem. Nam circulus ille telluris seu globi elementaris, ex quo vmbra terræ quouis momento asurgit, tenditur per omnes zonas, excurrens ab vno polari ad oppositum: aeris verò constitutio per diuersas zonas, est diuersa; quare etiam refractiones quantitatis non vnius causabitur. De his vide plura in Astr. parte Opticâ: fol. 271. & præsertim f. 279. schema. Item in Dissertatione cum nuncio siderio f. 20.

Si nequit luna priuari lumine solis extra lineam oppositionis per solem, visum, & lunam traductam: qui sit igitur, quòd interdum sol & luna eclipsata simul supra Horizontem, & sic non in vnâ lineâ rectâ compareant?

Huius rei culpam sustinet aër, quo terra, domicilium oculorum, vestitur. Nam radii, hinc solis, inde lunæ, vtriusq; sub Horizonte versantis; vbi superficiem aeris tetigerint, vt mediis densioris: refringuntur deorsum ad oculum in profundo aëris latitantem. A quibus igitur plagis allabuntur vltimi radii solis & lunæ, scilicet ab altitudine vtriusque nonnullâ supra Horizontem: versus eas plagas, in illas scilicet altitudines luminaria reponit oculus deceptus; quia de refractione radiorum factâ nihil illi constat, opinatur igitur, lineam esse vnicam ab oculo vsque ad luminare. Vide supra, libr. I. fol. 59. Schema & explicationem.

Num etiam alia stella sic obscurantur, ut luna?

Ab umbra quidem terræ nihil patiuntur planetæ proximi, Venus & Mars; illa quia, etsi humilior esset, quam est, soli tamen non opponitur; iste, quia superior est ultimo mucrone umbræ terrenæ, etiam cum omnium proximè accedit. Multo minus igitur stellæ superiores Marte, tegi poterunt ab umbra. At ab umbra, quam de se globus Iouis in altum proicit, obscurari & extinguì quatuor Iouiales, planetas scilicet secundarios, non irritis documentis probant Galilæus Italus, & Marius Germanus. Respice ad schema libro IV. Epitomes fol. 554.



VIII.

DE ECLIPSI SOLIS.

Quotupliciter considerari possunt Eclipses Solis.

DVobis modis: vel enim respectu illius, quod durante occultatione solis patitur terra: vel respectu illius, quod pati videtur Sol. Illo modo consideratur Eclipsis Solis vniuersaliter, respectu omnium locorum telluris, in quibus videri potest: isto modo particularis fit consideratio, adque vnum certum locum telluris est alligata.

Quid igitur patitur Terra in Eclipsi Solis?

Luna noua inter Solem & aliquas Disci terræ par-

res interposita, priuat illas vel toto solis lumine, vel aliqua solaris luminis parte.

Quid appellas Discum terra?



Est planum de circulo illuminationis terræ, quantum illud apparet ex aliquo puncto in corpore Lunæ nouæ, Terram obumbrantis. Discus dicitur, quia fingimus, superficiem telluris illuminatam, proiectam esse in planum huius circuli.

In adiecto schemate intelligatur sub VE.

Quanta est semidiameter huius Disci terra apparentis velut ex Luna?

Si à parallaxi lunæ Horizontali abstuleris sesquiplum parallaxeos Solis Horizontalis, relinquitur semidiameter Disci Telluris, seu angulus huius apparentis semidiametri, in mensura qualem Rectus est Gradus 90. Demonstrò in Hipparcho meo.

Quid intelligitur sub vocibus Vmbra & Penumbra Luna?

Vmbrae lunaris vocabulo intelligitur omne illud spacium

cium circulare disci terræ vel respondens sphæricum superfici ei in discum projectæ, cui totus sol à lunâ tegitur. Penumbra verò est omne illud spaciū Disci vel superfici ei terræ, cui aliqua particula de corpore solari tegitur illo momento. *Ut si VE. discus terra, NO. Umbra MN. OP. Penumbra: quanquam illa, respectu Disci terra nimia est picta, cum sit perumbra minor Disci terra, ut in schemate proximè sequenti.*

Quanta est semidiameter Umbra Luna & quomodo inuenitur?

Si à semidiametro lunæ apparente abstuleris semidiametrum solis apparentem: relinquitur semidiameter apprens Umbrae Lunæ ferè.

In schemate, sit IBL. semidiameter Luna, ABD. vel ARD. semidiameter Solus (parum enim differunt) erit BLR. id est BLO semidiameter Umbra Luna.

Si non potest fieri subtractio, tunc umbra Lunæ plena nulla est.

Quanta est semidiameter Penumbra Luna, cuius cor sit Umbra, & quomodo inuenitur?


Si conieceris in vnam summam, semidiametros Solis & Lunæ apparentes, & Parallaxeos solis dimidium, circiter; acruabitur semidiameter Penumbrae Lunæ, à centro scilicet Umbrae plenariæ, si qua est, vsque ad extremitatem Penumbrae.

Ut si ABD. sit 15. pr. 0. sec. & IBL. 16. pr. 20. sec. & Parallaxis Solis ODE. 1. pr. 0. sec. Dimidium 0. pr. 30. sec. erit BLP. semidiameter Umbra & Penumbra iunctarum 31. pr. 50. sec. Demonstratio huius & adhaerentium est in Hipparcho meo.

Quomodo sunt intelligendi in hac generali consideratione Eclipticâ seu telluris eclipsata, termini hi, Motus Horarius, & Latitudinarius arcus?

Sunt intelligendi de rectis in Disco terra.

ehim hac vice Ecliptica nihil aliud quam sectio plani Eclipticæ, cum plano Disci terræ, per eius centrum facta. Est horarius hac vice, recta in plano Disci terræ, continuatio si opus est, à centro umbræ vel Penumbrae



Lunæ, motu designata, ad Eclipticam Disci inclinata angulo constanti gr. 5. 18. pr. Denique arcus latitudinarius est recta, ex centro umbræ vel Penumbrae perpendiculari-

diculariter ipsi viæ centri seu Horario erecta, inque Eclipticam Disci continuata.

In schemate Eclipsis Solis anni 1621. A. est centrum Disci terra H Q. Eclipticam representat FAG. BE. viam centri Umbra DC. vel Penumbra BL. vel EP. AC. arcum latitudinarium, AT. latitudinem ipsam Luna (vel hic Umbra) in ipsâ verâ copulâ.

Quomodo quantitas harum reclarum inuenitur?

Quanta quælibet earum apparet in ipsa sphaera Lunæ, inspecta ex Terra: tanta ferè censetur iam in Disco terræ: nisi quodd si accuratissimè agimus, adicienda est vnique portio sui ipsius tanta, quanta portio parallaxeos Lunæ à Sole est ipsa Parallaxis Solis.

Quando censetur esse maxima telluris obscuratio?

Tunc, cùm ex centro Disci Terræ ducta perpendicularis in viam Umbrae, incidit in centrum Penumbrae vel Umbrae, quod fit proximè articulum Coniunctionis veræ Lunæ & Solis.

In schemate, centro Umbra in T. versante, quod est punctum ipsius AT. ad Eclipticam recti arcus, Coniunctio censetur exacta. At centro Umbra transgresso in lineam AC. perpendiculararem via Luna: fit obscuratio maxima; tunc enim sunt centra Disci & Umbra propinquissima.

Si facies telluris illuminata à sole proicitur in planum Disci; quanam igitur loca terra representantur à centro Disci?

Non vnus semper & idem locus per totam durationem, sed quolibet durationis momento, terræ locus ille representatur à centro Disci A. qui tunc Solem habet in vertice.

Quid

Quid appellas durationem totalis, & quid durationem omnimoda Eclipsationis?

Omne id tempus, quo punctum aliquod vmbrae lunæ, præcipuè centrum eius, versatur in Disco terræ, attribuitur durationi totalis Eclipsationis. Id enim est indicio, partem aliquam superficiei terræ, quæcunque ea sit, solis conspectu in solidum tunc esse priuatam diurno tempore. At omnimodæ Eclipsationi accensetur etiam illud tempus, cum etiam non ipsissimæ vmbrae, sed saltem Penumbræ aliquod punctum in Disco terræ inuenitur. Indicatur enim hac re, esse locum aliquem superficiei telluris, cui saltem aliqua solis particula regatur.

Quinam locus telluris indicatur à puncto contactus Disci & Penumbra vel Vmbra?

Locus ille, cui tunc sol, hic quidem totus eclipsatus oritur occiditve, illic verò, exoriens incipit, extremo margine deficere, aut occidens desinit eclipsari.

In schemate puncta contactus Vmbra sunt RS. Penumbra M. O.

Quare puncta ista sunt indices locorum terræ quibus sol oritur vel occidit in principio & fine Eclipsationis vtriusque. At si contactus vmbrae vel Penumbræ fieret in puncto N. id locum indicat, cui Polus Eclipticæ, seu potius Orbitæ lunæ est in vertice, & sol in ipso Meridie est in Horizonte; illic quidem totus Eclipsatus, hic verò, extremo margine, lunæ oram delibans.

Qua partes terra prius, qua posterius sentiunt obscurari solem vel totum vel ex parte?

Semper Vmbra lunæ terram inuadit ab Occidentioribus partibus, deserit ab Orientalioribus. Itaque si per fictionem oculus in sphaerâ lunæ, seu in lunâ collocetur, & Septentriones sint sursum: facie

terras conuersa : eclipsis ista terræ videbitur incipere à sinistris , finiri à dextris : Et sic etiam pingitur in schematibus nostris.

Est igitur hic ordo apparitionis : Prior tempore Eclipsatio omnimoda occupat illas terræ partes M. quæ respectu quidem illarum quæ vltimæ defectum sentiunt , vt O. sunt occidentales ; at respectu earum quæ paulò post solem totum tectum videbunt vt R. sunt orientales. Posterior enim totalis obscuratio (si totalis fieri potest) partes telluris attingit occidentales R. quæ se inde à principio durationis omnimodæ in discum interim insinuauerunt. Vicissim totalis obscuratio via continuâ in Orientales terræ partes S. excurrit longissimè ; sed dum omnimoda Eclipsatio , ratione temporis tenditur vltteriùs ; partes terræ O. iam dictis S. occidentales , noctæ spaciū insequendi plenariam vmbra , in Penumbram incidunt , elapsis iam e disco illuminato Orientalibus S. & in alterum noctis hemisphærium receptis. Ita totalis duratio R. S. breuioris temporis , per longissimos terræ tractus excurrit ab occidente R. in orientem telluris S. at omnimodæ durationis , B. E. quæ longioris est temporis , termini terrarum extremi M. Q. intra breuiora spacia coarctantur.

Quare diuiditur semidiameter vtraque Penumbra , tam quæ eus vmbra eminet , quàm quæ ultra illam in partes qualibet duodenas , ductis bis duodenis via luna vel vmbra parallelis per totum Discum?

Quia Diameter Solis , vt as in duodecim vncias seu Digitos diuidi solet : quare ductis viæ lunaris vmbrae parallelis , per puncta diuisionis semidiameterum Penumbræ ; quæcunque loca terræ quouis momento in vnâ illarum parallelarum incidit , iis in locis Sol totidem digitis deficere cernetur , quota est parallela ab extrema penumbræ tangente exclu-

siuè

fiuè. Vt in locis terræ, quæ in MO. incidunt tempore durationis, Solis defectus peruenit ad digitos 7. quia MO. est septima ab HIK. Nam extrema HIK. tangens penumbram, nullius defectus est index; sed terminus pptius est, à quo defectus incipit sentiri. Et septentrionales quidem parallelæ, defectum in Sole arguunt Australem; è contrario Australes septentrionalem. Euidentiùs sic erit. Quota est quæuis Parallelarum à viâ vmbre plenariæ RS. inter parallelas mediâ, in plagam alterutram: totidem ex illa corporis solaris plaga residui sunt lucidi Digiti. *Vt quia MN. est quinta post RS. versus austrum; ergo quinque digiti in sole residui manent ab Austro in omnibus locis à MN. signatis.*

Defini terminos Eclipsium Solis seu potius telluristam totalium, quam partialium?

Sint luminaria Apogæa. Cum ergò semidiametri Disci & Penumbræ, æquent parallaxin Lunæ à Sole & semidiametros luminarium iuncta: erit summa semidiametrorum Disci & Penumbræ 87. pr. 23. sec. Vt verò Parallaxis D 58. pr. 22. sec. ad parallaxin D à ☉ 57. pr. 23. sec. Sic iste arcus latitudinarius inter centra Disci & Vmbre Lunæ 87. pr. 23. se. ad arcum latitudinarium centri Lunæ 86. pr. 5. sec. Huic latitudini (nam insensibili differt) respondet distantia à nodo gr. 15. 43. pr. pro termino partialium. In perigæo solis 6. pr. scrupula accedent.

Et cum semidiameter Disci sit hoc in situ luminarium 56. pr. 54. sec. cui respondet arcus latitudinarius lunæ 56. pr. 0. sec. & huic igitur distantia à Nodo respondet gr. 10. 0. pr. pro termino totalium solis Eclipsationum per vniuersam terram. In perigæo Solis penè nihil est differentia.

Sit verò Luna perigæa, Sol Apogæus erit prima summa 94. pr. 4. sec. quæ in orbe Lunæ fiet 92. pr. 37. sec. quam repræsentat distantia à Nodo grad. 16. 57. pr. pro termino partialium in perigæo solis grad. 17. 3. pr.

Et cum hoc situ semidiameter disci sit 62.pr.12.sec. cui responderet arcus latitudinarius lunæ 61. pr.14.sec. & huic igitur responderet distantia à Nodo Gr. 11. 7.pr. pro termino totalium solis Eclipsium. Nec multò aliter in perigæo solis.

Quid ex comparatione terminorum solarium, cum terminis lunarium Eclipsium sequitur circa numerum vtrarumque Eclipsium?

In terris, partiales quidem solis Eclipses plures, totales verò pauciores fiunt, quam lunares omniuariæ. At si totales lunæ compares: sæpius luna solem totum eripit terris, quam terrâ totum eripiat lunæ. Terræ namque corpus latius corpore lunæ, plures ab vmbra lunæ excipit ictus, quàm luna ab vmbra terræ. Denique totalium solis per terram vniuersam, omnimodarum verò lunæ numerus propemodum est idem.

Dic regulas de numero Eclipsium in anno, tam Solis, per vniuersam terram, quàm Luna?

1. Quando Plenilunium est centrali, seu Nodo proximum, hoc est, quando centrum lunæ per centrum vmbrae terræ, vel proximè transit. Nouilunia proximè circumstantia interdum vtraque sunt defectiua, defectu minimo, rarissimè, ac forte nunquam, neutrum; si scilicet sol ante & post perigæum, & luna in plenilunio apogæa.

2. At quando Nouilunium est centrale ferè, hoc est, quando centrum Penumbrae lunæ per centrum Disci terræ vel proximè transit: plenilunia circumstantia transeunt sine Eclipsi; & vicissim.

3. Fieri potest, vt duo Nouilunia centralia vel quasi, contingant vnius semestris interstitio, vnum ante solis apogæum, alterum post illud: quo casu toto anno lunari nullum contingeret plenilunium eclipticum.

4. Omne Plenilunium Eclipticum, non proximè centrale, vicinum habet Nouilunium Eclipticum.

5. Si in vno semisse anni contingat eclipsis lunæ centralis vel quasi: non poterit oppositus anni semissis carere sua lunæ Eclipsi.

6. Omnibus ferè semestribus contingunt Eclipses solis, sæpius duæ deinceps, rarissimè ac forte nunquam nulla.

7. Omnibus ferè annis lunaribus simplicibus (dierum scilicet 354.) contingunt vel duæ, vel tres solis eclipses, lunæ verò vel nulla vel vna vel duæ: & sic in vniuersum, vel duæ, vel tres, vel quatuor, vel quinque eclipses.

8. Interdum accedit sexta, sed anno non lunari, sed solari di. 365. quando scilicet eclipses circa principium anni contingunt.

*Atqui multo pauciores cernuntur Eclipses: & solis
quidem multò pauciores, quàm
lunæ?*

Quòd vno aliquo certo terræ loco, pauciores lunæ, quàm iam est dictum, & multò pauciores solis contingunt eclipses; causæ sunt, in lunaribus quidem vna, in solaribus verò duæ. Nam primò Horizon cuiusque loci bifecat cælum; itaque dimidiam partem eclipsium tam lunarium quam solarium occultat, vt, quæ lunares fiunt horis diurnis, solares nocturnis, eæ cerni nequeant. Deinde quod solares attinet; multæ earum, quæ etiam diurnis vnius loci horis contingunt, in aliis tamen accidunt Climatibus; eò quòd parallaxis lunæ aliis Climatibus sit alia; seu quod eodem redit; quia discus terræ AN. maior est circulo Penumbrae CV. nec vnquam totus à Penumbra lunæ tegitur. Nulla quippe cernitur Eclipsis solis extra metas Penumbrae: at Eclipsis lunæ quouis momento cernitur à toto telluris Hemisphærio.

*Si iam Eclipsis solis consideretur respectu unius alicuius
loci terræ, quid noui, præter ea, quæ hæcenus,
venit considerandum?*

Hæc tria. 1. Differentiâ inter veram & visibilem
coniunctionem. 2. Reductio copulæ ad circulum ip-
sum latitudinis, rectum ad eclipticam. 3. Diductio
Parallaxeos Horizontalis lunæ à sole in longum, la-
tum & altum.

*Quid appellas veram, quid visibilem copulam lumi-
narium, seu locum lunæ?*

Hæcenus quidem erat idem locus sideris verus &
locus apparens, hoc est, visibilis. Verus enim locus di-
cebatur respectu Medii, qui fingitur; apparens verò,
quia linea veri motus ex centro terræ educebatur, à
quo visus in superficie terræ respectu immensi plane-
rarum interualli non distabat aliquo interallo sensi-
bili; Non igitur sensibiliter alius apparebat locus side-
ris, visui in superficie constituto; quam erat verus lineæ
ex centro terræ eductæ.

At iam porro, tanta est lunæ propinquitas ad ter-
ram, vt contemnere non possimus visus in terræ su-
perficie constituti distantiam à terræ centro.

Verum itaque locum ostendit, vt hæcenus, recta ex
centro telluris per centrum sideris in sphaeram fixa-
rum educta; apparentem verò seu visibilem, recta ex
proposito superficie loco, per centrum sideris in su-
perficiem fixarum educta. Differentia vtriusq; loci, ve-
ri scilicet & apparentis seu visibilis, dicitur parallaxis
altitudinis. Quando igitur vero loco solis occurrit li-
nea veri loci lunæ, copula vera erit, quando linea visi-
loci lunæ, copula visibilis.


Quid est igitur Parallaxis altitudinis?

Est arcus circuli verticalis per locum verum centri
corporis lunæ ducti, interceptus inter hunc & locum
visibilem.

In *schemate libri III. fol. 362. sit V. vertex VO. verticalis seu Azimuthalis, & in eo R. locus lunæ verus, S. visibilis: erit RS parallaxis altitudinis.*

Quid sunt parallaxis longitudinis, & parall. latitudinis?

Sunt arcus, illa paralleli eclipticæ per visibilem locum ducti; hæc circuli latitudinis; intercepti ille inter circulos latitudinis veri & visive seu apparentis loci, hic inter verum lunæ locum & parallelum eclipticæ per visibilem locum ductum.



Ut si polus Eclipticæ sit P. & SI. parallelus Eclipticæ, proximus illi, vel etiam ipsa ecliptica, per S. visum locum transiens, PR. PS. circuli latitudinum ille per verum locum R. iste per visibilem S. erit SI. parallaxis longitudinis inter PRI. & PS. at RI. erit Parallaxis latitudinis, inter R. & SI.

Quomodo computatur utraque?

Ex cognita Parallaxi maxima altitudinis in Horizonte, cuius definitio præmissa est in explicatione Eclipsium lunarium. Tunc enim secundum doctrinam primi mobilis, traditam libro III. fol. 270. exquiritur punctum eclipticæ oriens, & Nonagesimus ab eo gradus seu altissimus totius Eclipticæ ad propositum momentum & distantia dati veri loci sideris ab illo: Quæritur & Angulus illius puncti orientis, seu altitudo huius Nonagesimi.

His datis si coniiciantur in vnam summam tres logarithmi. 1. Anguli orientis. 2. Elongationis sideris à Nonagesimo, 3. Parallaxeos Horizontalis, acervabitur Logarithmus Parallaxeos longitudinis. Ita si conieceris in vnam summam. 1. Antilogarithmum anguli

anguli orientis 2. Logarithmum Parallaxeos Horizontalis; conficies Logarithmum Parallaxeos latitudinis. Fundamenta huius computationis sunt in Astr. parte Opticâ, à fol. 312. in 320.

Vbi nulla est longitudinis parallaxis, vbi vicissim maxima?

In Nonagesimo quidem est longitudinis nulla: at non emper in Horizonte est longitudinis maxima. Nā si oriatur Sagittari⁹ vel Capricornus, decrescēte angulo Orientis, crescit eius logarithmus, idque sensibilibiter; si autem tunc simul etiam luna versus occasum eat augens elongationem à Nonagesimo, logarithmus huius elongationis minuitur penē nihilo: superat igitur prius illud augmentum, redundatq; in logarithmum Parallaxeos longitudinis: itaque minuitur hæc, luna versus Horizontem descendente in signis septentrionalibus: Vicissim igitur in iisdem luna versante & ab Horizonte assurgente, augetur initio ex causis contrariis.

Maxima igitur longitudinis parallaxis in signis meridionalibus est sub Horizonte; in punctis æquinoctialibus, in ipso Horizonte; at in septentrionalibus, supra Horizontem, & tunc demum, vbi distantiae sideris à nonagesimo logarithmorum differentia æquauerit differentiam logarithmorum anguli orientis.

Quid observandum circa Solis parallaxes?

Et si ea negligi non debet, non obstante quòd non superet vnum minutum: non est tamen seorsim tractanda: sufficit enim maximam solis Horizontalem subtrahere, à maxima lunæ Horizontali, vt constitutur excessus lunaris, quem dicimus Parallaxin lunæ à sole. Nihil enim refert ad Eclipsium solis cognitionem, quo cæli loco intra vnum minutum videatur sol; sed quantum de sole regat luna.

*Nunquid etiam ad planetas pertinet consideratio
parallaxium diuturnarum?*

Nihil admodum: Saturnus enim decuplo ferè altior sole parallaxin facit vix 8. secundorum Iupiter fortasse 15. secundorum, quando plurimum. Mercurius & Venus, quando terræ plurimum appropinquant, sunt vicini solis radiis, eoque non obseruabiles, nec addit Mercurius assem alterum solidum ad parallaxin solis: Venus verò cum proximè accedit 4. pr. scrupula quadruplum scilicet solaris circiter acquirit in parallaxin, idque in ipsa coniunctione cum sole. Restat solus planeta Mars, qui interdum soli oppositus circiter duas quintas interualli solaris, à terrâ abest; tunc igitur parallaxin facere potest maiorem solari, scilicet 2. pr. 30. sec. circiter minorum vix obseruabilem, ob radiorum explicationem,

*Quas partes in Ecliptica semicirculo apparente
facit Nonagesimus?*

Duos in eo distinguit Quadrantes ab inuicem, Orientalem scilicet ab Occidentali.

Quomodo utimur Parallaxibus luna à sole, longitudinis & latitudinis?

Longitudinis Parallaxis, lunâ versante in quadrante Orientali, additur loco lunæ vero ad eclipticam reducto, in Occidentali aufertur: & sic constituitur apparens seu visa longitudo.

Latitudinis Parallaxis in Hemisphærio nostro aufertur à Septentrionali lunæ latitudine, si hæc maior, residuum est latitudo visa septentrionalis: sin fuerit minor, vera septentrionalis latitudo, tunc ipsa aufertur vicissim à Parallaxi latitudinis, eritque residuum latitudo visa Australis. Quod si etiam latitudo vera fuerit Australis, additur ei parallaxis, proditque rursus Australis visa latitudo intellige, vt supra, respectu

respectu solis, ac si ipse planè nullam parallaxin faceret.

*Quantus hoc pacto conficitur Horarius visibilis seu
apparens luna à sole?*

Semper ferè Horarius longitudinis visibilis redditur breuior vero, magis tamen id circa nonagesimum: nam prope Horizontem non differunt sensibilibiter, adeoque fit etiam quandoque contrarium, sed & hoc insensibilibiter. Rursum discrimen hoc euidentius est in magna nonagesimi altitudine, siue signi siue Climatis causâ, minus euidens in parua.

Quo ordine succedunt inuicem vera & visibilis Coniunctio?

In occiduo quadrante sequitur visibilis copula, in ortiuo præcedit. Quantitas huius discriminis est à Parallaxium varietate petenda.

Quid efficit Parallaxis in motu visibili latitudinis?

Luna quocunque in signo incesserit, orientibus septentrionalibus signis in septentriones attolli videtur; australibus verò orientibus, ipsa seu oriens seu occidens deprimi videtur in austrum; vtrumq; tanto celerius, quanto viciniore tropicis punctis gradus orrantur.

*Quam acquirit speciem via visibilis centri luna in
disco solis, qua eius inclinatio ad Eclipticam?*

Non planè recta linea apparet, nec inclinatur ad Eclipticam angulo constanti grad. 5. 18. prim. sed interdum ei parallela incedit, aut etiam in contrarium viæ veræ inclinari videtur: quod fit, Luna quidem ante vel post nodum ascendentem, vero motu asurgente in Boream, orientibus vero signis brumali solstitio vicinis: aut vicissim, lunâ quidem

888 EPITOMES ASTRONOMIÆ

ante vel post nodum descendentem versante orientibus verò signis solstitio æstiuo vicinis.

In schemate hoc sit S. sol ESQ. Eliptica, RN. via luna vera, CLD. via visibilis in contrarium inclinata.

Interdum verò angulus inclinationis valde ma-



gnus est, & plus quam duplus, triplus, aut quadruplus ordinarii, Graduum 5.18. pr. vt si circa nodum ascendentem lunâ versante, oriantur partes vicinæ solstitio æstiuo: aut si circa nodum descendentem illâ incedente, Sagittarius vel Capricornus, &c. sint in ortu.

Vide Opt. Astr. partem à fol. 408. Et fol.

410. schema, cum exemplis.

Quodnam igitur est medium Eclipsis, quæ maxima obscuratio?

Non semper coincidunt ista: sed est maxima obscuratio, quando centra luminarium videntur inuicem propinquissima. Hoc verò fit interdum proximè circulum latitudinis; per centrum solis ductum; tunc nimirum, cùm vel magna est obscuratio, vel visibilis via lunæ CD. penè parallela fuerit Eclipticæ EQ. Sin angulus inclinationis valde magnus, Eclipsis verò parua: tunc appropinquatio proxima centrorum, quærenda est in circulo, qui est à centro solis versus nodum visibilem inclinatus. Nec benè fert ista varietas plures regulas.

In schemate si ex S. centro solis agatur perpendicularis in CD. visibilem viam lunæ quæ sit SL. tunc in L. erit obscuratio maxima.

Quid circa initium & finem Eclipsium seu scrupula incidentiæ & emersionis obseruandum?

Si centralis est futura visibilis copula; initium & finis ferè requirunt summam semidiametrorum in distantiam visibilium locorum longitudinis solis & lunæ: at si magna in medio fuerit latitudo Lunæ visibilis, loca longitudinis in principio & fine distabunt minus summâ semidiametrorum.

Itaque computetur latitudo visa ad susceptum certum interuallum temporis, ante vel post copulam visibilem. Huius latitudinis antilogarithmus ablati ab antilogarithmo summæ semidiametrorum relinquit antilogarithmum differentiæ locorum longitudinis circiter, quam requirit initium vel finis Eclipsis. Debet autem huic differentiæ æqualis esse motus lunæ visibilis, per susceptum temporis interuallum collectus; aut si non æquat, corrigi interuallum, vt æquet.

In schemate præmisso sit CH. visa latitudo initialis circiter, CS. summa semidiametrorum, dabitur igitur HS vi-

sibilis distantia centrorum pro initio, seu scrupula incidentiæ: sic ex DF. visa latitudine finali, & ex SD. ut prius, inueniuntur SF. scrupula, emersionis.

*Quamdiu durat aliqua solis eclipsis in certo
terra loco?*

Non facilè regulis comprehendere potest exactum durationis tempus, propter magnam Parallaxium varietatem per diuersas tam Poli quam solis altitudi-



nes. Primum tamen durationis elementum est, summa semidiametrorum solis & lunæ visibili motu conficienda, tam pro incidentiæ, quam pro emersionis temporibus. Cùm igitur hæc summa ferè æquet horarium lunæ à sole, in Apogæo lunæ, paulò maior,
in

in perigæo minor, duas igitur horas impenderet luna motu vero in transitu per discum solis. Sed quia visibilis motus minor & tardior est vero, tertiæ igitur horæ semissis varietatem morarum, si de centralibus, omnium maximis agimus, ferè consummat.

Qui exacte vult agere, is computet scrupula incidentiæ HS. & emerisionis SF. methodo præmissa; nam interuallum temporis vna computari & corrigi debere iam est dictum.

Quid præterea spectatur in Eclipsi solis?

Plaga à qua stat defectus in margine solis tam initio, quam fine: item & in medio & quando cornua sursum, quando deorsum, denique quando ad latus alterutrum spectent: hæc non minus propter vsus astronomicos & astrologicos, quam ad prædictionis commendationem.

Quo medio discimus has plagas?

Inuestigatione angulorum, RSE. CSE. quos cum Ecliptica EQ. faciunt circuli duo, alter verticalis RV. per centrum solis S. alter CS. LS. DS. per centra solis & lunæ visibilia ducti: sic enim conficitur & angulus CSR. LSR. DSR. sectionis horum ipsorum mutæ in centro solis: & vero circulus verticalis summum & imum solis marginem monstrat, quippe per solis centrum ductus. Porro quæ sit obseruanda varietas additionis vel subtractionis horum angulorum aut complementorum secundum diuersos solis situs in Quarta ortiua vel occidua, circulo meridiano distincta, præstat ex schematibus aut sphaeræ seu globi contuitu, quam regulis discere. Et extat schema idoneum apud Tychonem Brahe Progymnasin. fol. 133.

Doce computare angulum RSE. ecliptica cum verticali per certum eius punctum, utpote per centrum solis S. traducto?

Modi huius computandi sunt quatuor.

1. Si habetur altitudo solis & altitudo nonagesimi, seu anguli Orientis, ex iis computabitur angulus secundum doctrinam fol. 273. libri III. vel additione antilogarithmorum vtriusque, vt fiat Logarithmus quæsit.

2. Si habetur Azimuth solis & altitudo nonagesimi, seu angulus Orientis, & distantia eius à nonagesimo: aufer huius Logarithmum ex Logarithmo illius, residuum adde ad Antilogarithmum altitudinis nonagesimi, fiet Logarithmus anguli quæsit.

3. Si habetur R.V.A. angulus Verticalis R.V. cum A.V. Æquinoctiali (de cuius computatione varia vide libr. III. fol. 232.) adhibet illi angulum circuli declinationis cum Eclipticâ, cum quo procede vel addendo vel subtrahendo, prout te docuerit inspectio sphaeræ vel globi. Hic modus etsi plura habet requisita & operosior est; scum tamen vsum habet vbi plura momenta simul sunt computanda.

4. Si habetur angulus orientis, seu altitudo nonagesimi & distantia solis ab eo; quæ duo plerumq; prius dantur; tunc ab illius complementi Mesologarithmo, aufer huius Logarithmum, relinquitur Mesologarithmus quæsit anguli. Verum hic plurima cautio est circa signa abundantiae vel defectus, vtitata Cossitis.

Doce & computare angulum CSE. Ecliptica cum circulo per centra?

Logarithmum logistico distantiae centrorum CS. LS.DS. quæ inuenitur quouis momento, aufer à logarithmo logistico latitudinis visibilis illius momenti, vt CH.LS.DF. remanet logarithmus anguli CSH.LSL. (seu recti) & DSF.

Quot sunt genera solarium Eclipsium?

Tria. Vel enim totus sol tegitur, vel circulus integer residuus lucet, vel pars residua in cornua exit, quæ propriè partialis dicitur Eclipsis.

*Si luna tanto minor est sole, quantum libro IV fol. 484.
dictum est, quomodo totum solem te-
gere potest?*

Quanto est minor eius diameter, diametro solis, tanto propinquior est terris quam ipse sol, ut ibidem habetur; propinqua vero maiori diametro videntur; quam si eadem essent remota. Vide schema lib. I. fo. 82.

Quando potest esse circulus residuus?

Quando luna Apogæa est sol infra suum apogæum, maximè cum in perigæo. Nam tunc solis Diameter est 31. pr. 6. sec. Lunæ 30. pr. 0. sec.

*Nunquam ne hoc fit, nisi Lunâ in Apogæo con-
stituta?*

Imò anno 1567. 7. Aprilis, visa est Romæ talis Eclipsis cum circulo solis residuo, quando & sol & luna longitudines obtinebant medias & sic Diameter lunæ maior apparebat, diametro solis.

Quæ igitur huius phænomeni causa fuit?

Non equidem Astronomica: valeret enim in consimili luminarium dispositione perpetuè. At anno 1605. die 22. Sept. Luna altior seu Apogæo vicinior, totum 2. Oct. solem in eadem remotione ab Apogæo suo positum, texit Neapoli in Italia.

Ergo causam oportet quærere physicam; In sublimi tamen æthere: quarum duæ occurrunt supra etiam in eclipsibus lunæ conspicuæ. Prima est, si substantia ætheria in ipsa sede corporis solaris circa corpus solis fusa, interdum crassiuscula sit, flammeturque contactu corporis solaris; tunc recto sole, prominet splendor flammeus, nō sinens altam nimiamque fieri umbram, ut Plutarchus loquitur. Hæc causata est etiam libro I. fol. 57. pluribusque experimentis roborata.

Sed quia splendor talis non ideò statim apparet ut exilis circulus: accersatur igitur altera causa, circa globum lunæ fusus aër pellucidus: in cuius tam ingressu desuper, quam egressu deorsum frangantur solis radii, refra-

refractique accidunt visui nostro, eum in modum, quò in aëre nostro circa terram fuso, refringuntur iidem solis radii. Quo pacto fiet, ut solis quidem circulus exilis at non directè, sed per lunæ aërem interpositum, radios infringentem, eoque lunæ potius circulus, luce solis illuminatus, videatur.

A quâ plagâ fit initium Eclipsis solis?

Ordinariè à plagâ Occidentis, in nostro quidem Hemisphærio à dextris; finiturque eclipsis, seu impletur sol, à plagâ Orientis ad sinistram; contra quàm fit ordinariè in Eclipsi lunæ.

Ergone hoc non fit semper, & quibus de causis; quoniam ordine?

In parvis Eclipsibus solis, ob magnam inclinationem visibilis viæ lunæ ad Eclipticam fit frequenter, præsertim circa Horizontem ortuum, in signis rectorum Ascensionum, luna ad caudam draconis delabente, ut sol vel in ipso vertice vel etiam paulum versus sinistram incipiat eclipsari, impleaturque ab eadem plagâ inferiùs; aut è contrario circa Horizontem occiduum in signis rectorum descensionum, lunâ fugiente à capite draconis in septentriones, vel in imo margine vel paulò superiùs ad sinistram incipiat, finiatque ab eadem plagâ superius.

Quin imò etiam circa ipsum nonagesimum posunt his affinia contingere propter magnam parallaxium latitudinis varietatem. Orientibus enim Geminis vel Cancro, parallaxes latitudinis celerrimè decrescunt; orientibus Sagittario vel Capricorno crescunt; si ergò simul etiam luna illic ascendât in septentrionem circa nodum euehentem hic descendat in austrum: fit accumulatione veræ & visæ variationis, angulus viæ visibilis valde magnus, & potest Eclipsis satis magna ab eadem plagâ tam incipere quàm finiri. Sic anno 1598. Eclipsis valde magna fuit in Piscibus, & apud nodum Ascendentem, cepitque Gratii Styriæ à dextris

dextris præcise in ipso quasi nonagesimo; desit à sinistris quidem, sed penè in ipso vertice: vt si vel parum minor fuisset; à dextris desitura fuerit, non delibato vertice.

Contrà anno 1614. Eclipsis in libra apud nodum descendentem circa meridiem cepit à dextris Monachii, desitque infrà. Vide Opr. Astr. partem fol. 411. & seqq.

Qua causa est, cur non omnes totales solis Eclipses adeò profundarum tenebrarum causa sint, vt pro die nox existat?

Confirmatur hoc experimento procul dubio causarum iam modo dictarum altera; substantia scilicet crasse circa solem non hic in nostro aëre, sed in ipsa sede solis, interdum circumfusa quæ resplendet radiis solis, apparetq; etiam tecto sole, vt flamma circulariter emicans, tantumq; luminis præferēs, vt mera nox esse nequeat. Hæc materia non semper est soli circumfusa: quando ergo æther circa solem est limpidus & purus: tunc absente hoc etiam splendore, necesse est cum extincto sole diem etiam extinguere penitus.

Produnt aliqui lunam in Eclipsi totali rubore sat claro conspicuam esse: unde hic luna rubor?

Non à proprio lunæ lumine perennante; nam amitti luna non posset è conspectu in suis totalibus deliquiis: nec à radiis solis, per corpus lunæ transmissis, tanquam id sit pellucidum, vt quibusdam videtur, cum sit reuera opacum, vt terra: sed à claritate telluris, à sole illuminatæ, ad lunam repercussæ: cuius claritatis minimam particulam vmbra lunæ tegit.

Estne aliqua Deliquiorum Apocatastasis?

Propter multa principia concurrentia ad Eclipsin aliquam,

aliquam, non potest esse ullus exactus ordo redeuntium: Nam posterior quæque earum series, noui quid affert, quod cum in primo reditu non sit valde conspicuum, in secundo tamen iam duplicatur. Hic reditus in lunaribus Eclipsibus, ut quæ simpliciores sunt, præcipuè notabilis est, definiturque ducentis viginti tribus mensibus; id est, annis 18. lunaribus exactis, sic ut ad vnum cyclum decemnouennalem sit residuus vnus lunaris simplex: Fitq; frequenter, ut eadem, nec multum differentes, post hoc tempus exactum, recurrant & compareant Eclipses, denis tamen Zodiaci gradibus loco anteriori.

Interdum tamen duæ solis Eclipses pulchra conspiratione etiam cyclum decemnouennalem definiunt, sole post exactos 19. annos rursus eodem Zodiaci loco lumen amittente. Sic factum annis 1579. & 1598. vtrunque die 25. Februarii: utroque enim die solis eclipsis magna fuit. Verum hoc fit ob concursum causarum singularem; nec expectandum fuit simile aut vicinum quid à sequenti cyclo.

*Solane luna causa est tenebrarum diurnarum
prodigiosarum?*

Nequaquam; crebra enim exempla nobis occurrunt in historiis tenebrarum plus quam Cimmeriarum non sub tempus interlunii: quarum causas necesse est esse physicas, tanto altiores à terrâ, quanto latius animaduertitur huiusmodi caligo. Prima causa nobis proxima, eoque singularibus tantummodo locis seruiens, sunt nubes, præsertim imbre decumano prægnantes, aut nimbum copiosum niuium effundentes; quibus adde nubem auium aut cicadarum, rariores euentus, nec tamen adeò ignotos: hæc enim omnia solem regunt certis quibusdam locis, dieique noctem inferunt.

Altera causa paulò altior, è terris tamen orta, est vis ingens cinerum ex crateribus montium ardentium explosa

ignei: vnde causa hæc plerunque coniunctum habet terræ motum, aut imbrem lapidum, vt qui ex angustis terræ meatibus ceu canalibus vnâ cum cineribus eiciuntur in altum. Tale quid anno 1562. in Lusitania contigisse scribit Cornelius Gemma: talem solis obscurationē à cineribus, exhibet Dion sub Domitiano: nam Romæ visa est hæc prodigiosa caligo, cum Neapoli vicinus mons Vesuius cineres eructasset, atque illi vsque in Palæstinam decidendo spargerentur. Confer etiam illas tenebras, quæ tempore Passionis Domini nostri solem obnupserunt: nam & illæ fuerunt cum terræ motu. Etsi Dionysius Areopagita apud Suidam has tenebras motui lunæ prodigioso transcribit.

Tertia causa cognata est illi iam ter in scenam protractæ crassæ consistentiæ circa solem in ipsa sede sua, de qua libro I. fol. 56. Quæ si paulò sit densior, solem offuscabit toti mundo, non tamen penitus extinguet. Id factum toto anno cædis Cæsaris; & anno 1547. quadriduo per totam ferè Europam. Nec interest proximè solem tale quid existat, an in ipsa solis superficie.

Nunquid etiam alia cœlestia corpora subter solem currunt vt luna, illum obscurantia?

Possunt equidem sub solem incurrere & Venus & Mercurius, viderique in eo, vt maculæ minutissimæ, cum sint opaca corpora, vt suprâ probatum est argumento phasium Veneris. Verumtamen incursum hi sunt rarissimi, ob causas tamen diuersas. Nam Veneris quidem Nodi, vt suprâ dictum, sunt in Geminis & Sagittario. Iam verò binæ copulæ Veneris cum sole inferiùs, distant 72. gr. Si ergò vna copula contingat in nodo, expectandi sunt anni 248. circiter donec illa post octonorum annorum reuersiones, 72. gradibus aberret à nodo, succedatque illi in hunc locum copula proxima. Itaque nostro sæculo Venus solem eclipsare aut subtercurrere non potest. Mercurius verò etsi

ctebrò circa nodos suos soli iungitur inferius; rarò tamen ad tantam propinquitatem venit, vt sub solem incurrat, ob motus inæqualitatem, inclinationumq; suæ orbitæ magnitudinem.

Quid censes esse maculas illas in sole, quarum aliqua pro Mercurio in sole perperam sunt venditata?

Rursum hic de rebus solaribus tantò minus habemus, quod asseueremus, quàm de lunaribus, quantò sol lunâ sublimior est, àque nobis remotior. Sunt tamen aliqua maculis hisce communia cum nostris nubibus. Primùm sicuti, si quis terram intueri, posset ex aliquo fixo loco ætheris versus solē: ille videret nubes in illius disco intra dimidiam diem naturalem cōuerti ab ora orientali in occidentalem: sic tamē, vt nubium aliquæ paululum præcurrerent, aliæ, quarum motus super terram in ortum est, in hoc iam vniuersali motu relinquerentur nonnihil: sic etiam est cum maculis solis: Plerumque namque manent in disco solis per dies 32. aut 13. aliquæ tamen diutiusculè, aliæ breuiusculè, & ingrediuntur quidem ab ortu, videri desinunt ab occasu. Deinde, sicut, qui telluris rotationem specularetur, ille siue nubes, siue maculosas superficiē partes videret circa extremas oras tardas, & figuras earum compressas propter conuexitatem globi à visu reductam sursum, in medio disco veloces, & figuras explicatas: sic idem etiam contingit videri in maculis solis. Hoc experimentum refutat illos, qui comminiscuntur nescio quam superficiem sphæricam, quæ in morem lorice pellucidæ, opacis corpusculis sit contexta, incedatque sub sole, instar sphæræ planetariæ, tardissimo motu. Nam si hoc esset, maculæ semper æquales diurnos haberent in disco solis, tam circa oras, quàm in medio. Tertiò sicut nubes oriuntur diuiduntur, dissipantur, vanescunt: sic etiam videmus macularum aliquas incipere apparere in medio

dio disci solis minutissimas, successuq; dierum grandescere; alias rarefcere & euanescere, antequam ad marginem extremum veniant; aliquas etiam diuidi in duas aut tres. Quarto sicut superficies telluris imbribus humecta etiam post discussas nubes fusci magis est coloris inde virescit: sic etiam ex aduerso partes solis in quibus maculæ videntur discuti, post eas discussas lucefcunt, apparentque quasi flammulæ in disco hinc inde sparsæ; siquidem bono Telescopio species solis super papyro pingatur. Vide etiam libr. IV. fol. 515.

Num verò etiam alia sidera sic à luna occultantur vt sol, aut etiam à seipsis?

Stellas tam fixas, quam erraticas à lunâ occultari, pene quotidianum est. Fixas verò à planetis, aut horum superiores ab inferioribus tegi subtercurrentibus, identidem quidem obseruamus, non tamen ita crebrò, vt à lunâ; quia corpora eorum sunt exilia, motus tardi, lumina etiam quarundam adeò clara, vt vicinas stellas hebetioris luminis facile opprimant. Vide vtriusque generis exempla in Astronomiæ parte optica, fol. 304.

Qua ratio est computandi stella alicuius occultationem à Lunâ factam?

Vtendum est loco lunæ vero, ex Ephemeridibus exscripto, aut ex tabulis computato, nec non & Parallaxi lunæ integra, non diminutâ per subtractionem parallaxis solis, vt priùs in Eclipsibus solis. Cætera vt in eclipsi ☉.

Quis est præcipuus vsus tam Eclipsium Luna, quam occultationum solis stellarumq; per interpositionem corporis Luna?

1. Est hoc vnicum ferè adminiculum inquirēdi locorum longitudes, seu differentias Meridianorum,

de qua Methodo vide librum III. fol. 414. Ac proinde ad Hydrographiam & rem nauticam totamque adeo Geographiam est apprime utilis hæc Eclipsium in variis locis obseruatio, exque obseruationibus computatio veri loci lunæ ad tempus vniuscuiusque loci.

2. In genere Eclipses luminarium sunt Pædagogici ad discendum motum & altitudinem lunæ à terrâ. Vicissim in Theoriâ lunæ Astronomi rudimenta edunt totius cognitionis astronomicæ. Nam motus lunæ passim nobis prælucent ad veritatem doctrinæ de motibus cæterorum etiam Planetarum.

3. Est etiam luna veluti primus gradus in scala mundana: quia Orbis lunæ est medium proportionale inter globum terræ & orbem solis, seu orbem magnum, vt demonstratum est libro Epitomes IV. fol. 482. Orbis verò magnus est medium proportionale inter proximas superficies inferiorum & superiorum mobilium. De quo vide Harmonices mundi librum V. sub finem. Orbis denique vltimus mobilium seu Saturni, est medium proportionale inter corpus solis & spheram fixarum: vide Epit. lib. IV. fol. 490. 491.

4. Denique sine cognitione Astronomiæ, seu machinæ mundanæ secundum omnes partes, manca est omnis cognitio physica, nulla est cognitio metaphysica. Ita per hæc horrida luminarium *πῶς* laboresque, initio ascensus facto, tandem peruenimus ad sublimissima, Deum creatorem cognoscentes ex libro naturæ, operibusque manuum eius.

IX.

DE HARMONICIS MOTVVM PROPORTIONIBVS.

*Vnde cognoscitur celeritas vel tarditas motus
apparentis?*

EX quantitate arcus, quem planeta conficit in vnâ die vel hora temporis propositi: hoc est ex comparatione Diurnorum, vel Horariorum.

*Quotupliciter considerari possunt proportiones
Diurnorum?*

Dupliciter, vt sunt duæ planetarum inæqualitates. Aut igitur considerantur Diurni secundum primam solam inæqualitatem; quanti scilicet appareant oculo per fictionem in centro solis collocato: aut considerantur secundum vtramque inæqualitatem, quanti appareant hic in terris.

*Quod est discrimen harum duarum considerationum
respectu contemperationis harmonica?*

In priori certis planetis Harmonicæ proportiones certæ sunt attributæ; in posteriori, cum planetæ fiant stationarii, perdentes omnem motum apparentem; omnes igitur harmoniæ omnibus conueniunt sine discrimine. Verumtamen prior illa aut nos terricolas nihil attinet, cum sit solaris, aut certè intellectualis tantummodo est: ista verò ex terrâ spectata, potest etiam esse sensualis in terra, intellige sic, quòd Astrologi possint attendere, quo tempore contingit, motus planetarum per harmoniam contemperari, num eius contemperationis aliquis sit effectus in Meteoris: sicuti diligentia sunt hoc consecuti, vt sciant, quo tempore planetæ configurantur harmonicè ratione situs, tunc potissimum incitari naturam.

Quot sunt proportiones Harmonica?

Compositæ quidem sunt infinitæ; simplices verò sunt octo: Vnisoni inter arcus æquales, tertiæ mollis, inter arcus, qui habet proportionem ad se mutuo, quæ est inter numeros 6.5. Tertiæ duræ inter 5. 4. Diatessa-ron inter 4.3. Diapente inter 3.2. Sextæ mollis inter 8.5. Sextæ duræ inter 5.3. Diapason inter 2.1. Causas & ortum earum vide lib.III. Harm.

Quæ ratio est compositionis Harmoniarum?

Et si harum octo, quatuor possint etiam dici com-

positæ: (quippe Diapason soluitur in tertiam & sextam, vel in Diapente & Diatessaron, sexta in tertiam & Diatessaron: Diapente in tertias) propriè tamen compositæ dicuntur, quando cum vnâ simplicium, coniungitur vna vel plures Diapason: Vt est Diapason EpiDiapente inter 3.1. Componitur enim Diapente 3.2. & Diapason 2.1. Sic Trisdiapason inter 1.8. componitur ex Diapason inter 1.2. & duabus aliis Diapason inter 2.4. & inter 4.8.

Quotupliciter planetis Harmonia conueniunt in primâ consideratione, qua locum habet in Sole?

Tripliciter. Vel enim singulis suæ sunt attributæ harmoniæ respectu diuersorum vnus motuum. Hæ sunt merè intellectuales & Archetypicæ, quia termini bini vnus Harmoniæ non sunt iuncti eodem tempore. Sic Saturni motuum varietas assequitur terminos Tertix Duræ, Iouis tertix mollis, Martis quàm proximè Diapente, Mercurii Diapason cum tertiâ molli ferè lunæ Diatessaron & hoc relatione ad terram. At terra ipsa hic exulat cum Venere; nam terræ motus se continent intra semitonium, 16.15. Veneris intra Comma 81.80. quæ sunt interualla non harmonica.

2. Vel consideranter Harmoniæ attributa binis inter se proximis, vbi attendimus quot cuiq; bigæ Harmoniæ conuenire possint, à motibus diuergentibus (id est altioris altissimo & humilioris humilimo) vsque ad conuergentes; (id est altioris humilimum & humilioris altissimum. Et hæ Harmoniæ sunt temporales, id est, contingere aliquando possunt inter motus eodem tempore existentes; eoque & sensiles eos dicere possumus, eo sensus genere, quo hîc in terris percipiuntur aspectus. Itaque Saturno & Ioui conueniunt omnes Harmoniæ quæ sunt à Diapente EpiDiapason, vsque ad Diapason simplex: Ioui & Marti, omnes à Trisdiapason vsque ad compositam ex Disdiapason & tertiâ mino-

minore Marti & Telluri omnes à compositâ ex Diapason & tertia minore, vsque ad Diapente.

Telluri & Veneri non plures quàm sextæ duæ maior & minor: quarum duarum differentia cum sit Dies, eadem quæ & differentia cantus duri & mollis: penes hos igitur duos planetas est distinctio Generum Harmonicorum. Veneri & Mercurio conueniunt omnes Disdiapason vsque ad Sextam maiorem.

Vel binis, quibuscunque; Ratiocinatione ex prioribus duabus formatâ: quæ tandem in inquisitionem vniuersalis Harmoniæ omnium sex, in vnum concentum conspirantis desinit: cuius per temporis solis longam prolixitatem, contingere possunt formæ quatuor. De his earumq; causis & effectibus,
vide Harmonicorum
lib. IV.

*Doce computare, qualis sit Harmonia inter Diurnos si-
ue ex sole Eccentricos siue apparentes in
Terra?*

Minorem ex diurnis apparentibus, siue ex sole, illic,
siue (hic) ex terra duc in 240. factum diuide per maio-
rem: quod prodit, compara cum hac tabella.

		Compositæ cum Diapafon	
Simplices			
Diapafon	120	60	$30 \quad 15 \quad 7\frac{1}{2} \quad 3\frac{3}{4} \quad 1\frac{7}{8} \quad \frac{15}{16}$
Sexta dura	144	72	$36 \quad 18 \quad 9 \quad 4\frac{1}{2} \quad 2\frac{1}{4} \quad 1\frac{1}{8}$
Sexta mollis	150	75	$37\frac{1}{2} \quad 18\frac{3}{4} \quad 9\frac{3}{8} \quad 4\frac{15}{16} \quad 2\frac{15}{32} \quad 1\frac{15}{64}$
Diapente	160	80	$40 \quad 20 \quad 10 \quad 5 \quad 2\frac{1}{2} \quad 1\frac{3}{4}$
Diatessaron	180	90	$45 \quad 22\frac{1}{2} \quad 11\frac{1}{4} \quad 5\frac{5}{8} \quad 2\frac{13}{16} \quad 1\frac{13}{32}$
Tertia dura	192	96	$48 \quad 24 \quad 12 \quad 6 \quad 3 \quad 1\frac{1}{2}$
Tertia mollis	200	100	$50 \quad 25 \quad 12\frac{1}{2} \quad 6\frac{1}{4} \quad 3\frac{1}{8} \quad 1\frac{9}{16}$
Vnifonus	240		

Sit diurnus Solis 60. Martis 48
duc in 240

—
96

1920

Factus 11520
diuid. per 60

Quotiens hic
192. est argu-
mētum ter-
tiæ duræ.

—
552

540

—
120

120

Sit diurnus 24 — 13 ♀ grad. 142. pr. seu 102. pr.

Ducin 240

—
720

24

Factum 3120
Diuide per 102

—
306

—
60

30. 60 Quotiens 30.
paulo plus o-
stendit interes-

se fere Harmoniam compositam ex Diapason & Dis-
diapason, id est, trisdiapason: Nam si motus Vene-
ris esset 104. perfecta esset hæc Harmonia.


*Reliqua suppleantur ex lectione operis Harmonices
mundi.*

LIBRI VI. DOCTRINÆ THEO-
rica III.

F I N I S.

Rrrr 5

EPITO-



EPITOMES ASTRONOMIÆ COPERNI-

CANÆ

Liber VII.

AD SPHÆRICAM SIMVL ET
Theoricam doctrinam perti-
nens.

Qua erit materia libri VII.

DISPVTATIO illa veterum de Motu Nonæ & Octauæ sphæræ, seu Fixarum; &, quæ hinc dependet, differenti magnitudine anni siderii & anni Tropici; de præcessione æquinotiorum; de mutabili obliquitate Eclipticæ, & connexis quæstionibus.

Quot sphæras habet Astronomia Vetus?

Decem. Prima est lunæ; Secunda Mercurii; Tertia Veneris; Quarta Solis; Quinta Martis; Sexta Iouis; Septima Saturni; (harum semidiametros, ex sententia veterum; vide lib. IV. fol. 494.) Octaua Fixarum; Nona & Decima sunt *αἰάσφοι*. Recentiores Vndecimam, quidam & duodecimam audent addere.

Quam causam habuerunt sphæra Fixarum superponendi sphæras alias sine stellis?

Fuit tempus, cum ignoraretur, Fixas in consequentia signorum promoueri: & tunc sphæra Fixarum Octaua fuit habita pro vltimâ, vt quidem vere est; eique fuit tributus motus ab ortu in occasum, circa Polos Mundi immobiles, hoc est, iisdem perpetuò terræ locis im-

cis imminentes qui lib. I. fol. 150. designati sunt; In hac Octaua sphæra fingeant descriptum esse Æquinoctialem & Zodiacum cum polis suis, & sub polis Zodiaci supposuerunt infibulatum velut esse concentricum systematis Saturnii: sic vt circumuolutâ sphærâ fixarum spacio 24. horarum, necesse esset vnâ circumduci & Polos & totam sphæram concentricam Saturni; dempto arcu minimo, quem sphæra Saturni sub Octauâ quasi reptando conficere iussa est dietim in contrarium ab occasu in ortum.

Postquam verò deprehensum est Fixas quoq; signis Zodiaci paulatim excedere in consequentia priusquam sciretur, continuè ne id facerent, anne reuertentur olim per eadem vestigia, contemplatores istud potius crediderunt, ducti hac verisimilitudine, quod videre sibi viderentur, motum hunc fixarum ex tardo velocem fieri. Itaq; Nonam sphæram Octauæ circumiecerunt, in quam motum diurnum, æquinoctialemq; & Zodiacum, eiusq; polos transtulerunt: vt sub huius polis Eclipticæ affibulati essent poli Octauæ Fixarum sphæræ: quæ suum etiam Zodiacum vt prius haberet; atq; hic Octauæ Zodiacus sub illo Nonæ rursus prorsumq; nutaret spacio aliquot Grad. Hunc motum Accessus & Recessus appellarūt, seu motū Trepidationis.

Succedentibus verò sæculis experientia docuit, Fixas, transitis omnibus terminis, antiquorū opinione præscriptis, pergere continuè, nec reuerti in vestigia priora. Necessarium itaq; censuerunt, etiam huic Nonæ sphæræ motum proprium dare, eiq; Decimam circumdare; quæ, quod primi Octauæ, secūdi Nonæ munus (primi motus) assignassent, ipsa administraret circulosq; Æquatorem & Zodiacum, eiusq; polos diurno motu mobiles haberet: poli verò eclipticæ Nonæ sphæræ, polis Eclipticæ Decimæ adhærerent, vt & poli Octauæ polis Nonæ. Itaq; circumibat Decima ab ortu in occasum spacio diurno, circa polos mūdi immobiles, totam torquens machinā: repebat Eclipticæ nonæ sub
Ecliptica

Ecliptica decimæ in contrarium ab occasu in ortum, circa polos proprios absolvens æquabili morâ vnam periodum secundum Alphonsinos spacio vnus Iubilæi millenariorum seu 49000. annis: trepidabat Ecliptica Octauæ, sub Ecliptica Nonæ motu reciproco, vt prius; si trepidatio dici potest, quæ spacio 7000. annorum vicem peragit vnam; qua trepidatione motus Nonæ vel accelerabatur vel retardabatur.


Hanc imaginationem trium Eclipticarum in vno & eodem plano, puto numeris astronomiæ veteris conuenientiore esse. Nam qui deflexiones capitis Arietis & libræ ad latera mundi in circellis introduxerunt, ii seipsos, & lectores vnâ secum, miserè perturbauerunt, primorum authorum intentum & vim numerorû non expresserunt. Fateor circellos iis in animo fuisse mouendis capitibus, id est initiis Arietis & libræ, sed id in diametris circellorum, secundum longitudinem Eclipticarum extensis, non in circumferentiis, ad latera mundi excurrentibus. Nam mutationem obliquitatis Eclipticæ, per hanc Hypothesin non repræsentauerunt, certè non quo ad quantitatem: nec fuit, qui hoc vel leuiter tentaret ante Copernicum.

*Quid sit de motibus his Octauæ, Nonæ, Decimæq; sphaera
deq; ipsis adeò sphaeris, in Astronomiâ
Copernici?*

Deiicit illa super vacuas & vacuas stellis Nonam & Decimam, Octauam, seu fixarum sphaeram, mûdo pro pariete extimo relinquit penitus immobilem: motus verò omnes tres, & quicquid insuper ex eo tempore noui deprehensum est, in vnicum globum telluris confert. Vide lib. IV. fol. 543. 548.

Primus enim seu diurnus motus, quem nos ire putamus ab ortu in occasum, non inest toti machinæ Mundi, sed vnico globulo exilissimo telluris, super polis suis propriis, qui Poli Mundi appellatur, eo quòd veteres decimam sphaeram & cū ea totam mundi machinam

chinam circa eundem axem, continuatam, eiusq; polos volui crediderint, vt libro primo copiose disputatum est. Fixarum verò imaginaria transpositio in gradus signorum sequentes, non est vera & physica motio, cum gradus illi non sint locus physicus alius, sed reuera iidem permanentes aliter tantum numeretur: nec accrescunt fixis spacia, sed spaciis accrescit numerus. Vide lib. III. fol. 339.



Qua causa est, cur fixarum locis cum successione saeculorum augeatur numeratio?

Quia Zodiaci partium numerationis initium fit à sectione Eclipticæ & Æquatoris, vt lib. II. fol. 182. indicatum

catum est. Iam verò sectionum puncta retrocedunt ab ortu in occasum; qua ratione fit, vt eadem fixa manens fixa, posteriori quoq; anno distet longius à sectione seu principio Zodiaci mutabili.

Quid transfert sectiones, seu quid facit Eclipticam ab Æquinoctiali secari aliis & aliis punctis?

Inclinatio seu reflexio axis illius, circa quem sibi insitum, globus telluris diurno motu voluitur, vt iam allegato fol. 339. 340. explicatum est.

In schemate prasenti, circulo CLD. intelligatur expressa pars illa superficiei Fixarum, qua communicat cum zona Frigida. Sit nimirum polus Eclipticae Sept. Ptolemæo O. nobis P. Intus verò in profundo sphaera, proximè centrum, sit globus terræ, cuius dimidia pars axis porrigatur versus punctum fixarum E. tempore Ptolemæi, residua pars versus punctum sphaera oppositum in zona australi. Manente vero Terrâ proximè centrum sphaera, axis Terra super corporis centro, velut immoto, fuerit inclinatus, vt post Ptolemæum ad alia atq; alia puncta circuli EFM. respiceret, tandemq; nostra ætate spectet in punctum F. Iam vero fol. 150. dictum est, lineam axis terræ continuatam, ubi in fixas incidit, ibi signare polum Mundi seu sphaera. Erat igitur olim polus sphaera apud Fixas E. & transiit vsq; ad fixas F. Atqui si O. polus Eclipticae, E. polus Mundi, OE. circulus magnus, erit Colurus Solstitiorum tempore Ptolemæi, & PF. tempore nostro. Sicut igitur polus retrocessit ab E. in F. sic etiam puncta solstitialia in subiecta sphaera retrocesserunt. Sed Colurus æquinoctiorum secat Colurum Solstitiorum in polis Mundi ad angulos rectos. Olim ergò EI. ad rectos ipsi EO. fuit Colurus æquinoctiorum, & hodie est FK. ad rectos ipsi PF. Igitur & æquinoctialia puncta retrocesserunt; hæc vero sunt sectiones Eclipticae & æquinoctialis mutuae, in qua continuati EI. colurus & OG. latitudinis circulus concurrunt; sic etiam FK. & PH. illi tempore antiquo, hi tempore nostro.

Atqui

*Atqui non licet in Hypothesi Copernici terra centrum
ponere immobile in centro Mundi?*

Verum est: Linea axis terræ, continuata vtrinq; vsq; ad fixas, circumfertur sanè circa solem insitum sit ipsi parallelo: describitq; vtrinq; inter fixas orbiculos, æquales orbi magno circa solem, quales orbiculos apud E.F. vides expressos: & quando pars lineæ axis septentrionalis, est proximè polum septentrionalem P. tunc eiusdem pars australis est remotissima à polo australi: & per compensationem, quando in opposita parte anni pars illa longissime discessit à P. pars ista proximè polum australem accessit. Veruntamè hi orbiculi apud E.F. tam sunt exiles, respectu immensæ fixarum amplitudinis, vt vix æquent quinquagies millesimam diametri, vide lib. IV. fol. 493. Quare omnes isti omnium annorum orbiculi EF. concathenati inter se, pro circulo simplici EFM. possunt haberi: estque perinde, ac si terræ centrum in ipsissimo Centro Mundi quiesceret.

Tres ergò motus in vno globo Telluris statuis?

Tres omninò, si omnia excutimus, verùm illos subiectis distinctos non minus quam tempore. Vnus est centri circa solem annuus de quo, libro VI. alter est axis inclinatio sæcularis super centro corporis, de quo hic agimus: tertius est corporis diurnus circa centrum & axem quasi immobiles, de quo, libro I. Omnium trium inter se permixtorum exempla sunt in Turbine lib. I. fol. 113.

*Quam huic inclinationi axis causam assignas,
seu quem motorem?*

Potest esse illa facultas animalis, quæ globum circa suum axem torquet; sed quæ hætenus quidem instrumentis corporeis, & dispositione fibrarum contenta, nunc mente vtatur insuper: & de hac causa mentio fuit iniecta libr. I. fol. 124. Talem etiam concessimus motui Apfidum, libro IV. fol. 598. talem motui latitudinis administrando fol. 608.

Potest

Potest verò etiam esse concursus causarum physice mouentium, extraneæ, quæ est species solis mouens & internæ, quæ est dispositio fibrarum: & impedimentum à concursu, vt hic motus tardissimus verè non sit motus, sed sit quædam veluti aberratio diurni corporis ab annuo centri: qualia multa concipi possunt, vt apparet exemplis dictorum locorum fol. 597. & fol. 607. 608. & hanc etiam Inclinationis axis terræ causam insinuari libr. I. fol. 117. Ita essent reales motus tantum duo.

Quo minus autem laborandum sit, ingeniumque fatigandum, vt modus huius concursus eruatur, rationes vide dictis locis; militant enim hic multò magis, quàm in negotio translationis Apfidum & latitudinum.

*Quid noui deprehensum ais circa motum fixarum
& Eclipticæ?*

Non tantum in longum Fixas discedere constat à sectione vernâ Zodiaci, sed etiam in latitudinem septentrionales fixæ circa punctû solstitiale æstiuum inueniuntur hodie viciniore polo Eclipticæ septentrionali, meridionales verò circa hanc Eclipticæ partem appropinquant ipsi Eclipticæ. Circa solstitiale punctum hybernium analogicè fit idem: circa verò Arietem & libram non sensibilis deprehenditur differentia. Vide lib. II. fol. 160. & 244. & Progymn. Tychonis Brahe Tomum I. à fol. 233. in 246.

Sic etiam hoc nouum accidit Albategnio ante annos 750. quod minorem inuenit declinationem Eclipticæ, quàm Eratosthenes & Ptolemæus tradidere; durauitque hæc imminutio ad nos vsque: vt hodie noua nobis non sit.

*Quas hypotheses consinxerunt antecessores ad hæc noua
phenomena saluanda?*

Diminutioni quidem declinationis maximæ Eclipticæ

pticæ ab Æquatore causam suam assignare neglexerunt antecessores, vsque ad Copernicum. Hic verò possum telluris, huius phænomeni causa, libratilem fecit in diametro circelli, quæ in planum Coluri Solstitiorum incidit. Cui librationi in transversum, velut statimini subtemen intexuit librationem aliam duplo celeriore, ad saluandam præcessionis inæqualitatem: vt sic ex vtraque compositâ species existeret corollæ contortæ; vide Narrationem Rherici, adiunctam mysterio meo Cosmographico. Alii motuum telluris tam multiplicium absurditate offensi, maluerunt Vndecimam sphaeram mundo circumiicere.

At Tycho Brahe, qui primus animaduertit etiam latitudines esse mutatas fixarum, non omnium simul sed tantum vicinarum partibus Eclipticæ maximè declinantibus: ex eo intellexit, non polos mundi vel æquatoris mouendos, vt æquator accedat ad Eclipticam: sed contra, polos Eclipticæ sedibus pristinis inter fixas desertis ad polos æquatoris, & sic Eclipticam ad æquatorem accedere: quod fecuti sumus libro III. fol. 388. Id verò quanam ratione fieret, Tycho Braheus non reliquit explicatum.

Quid ergo Polos Eclipticæ, ipsamque adeò Eclipticam sedibus suis emouet?

Rursum idem terræ motus annuus circa solem, si nimirum ille fiat per omnia similis motibus cæterorum Planetarum, vt monui lib. VI. parte I. hoc est, si etiam suos ille limites latitudinum habeat, suosque nodos; & eos quidem, vt cæterorum, mobiles. Vide lib. IV. fol. 548.


Atqui cæteris planetis limites & nodi potuerunt assignari respectu Eclipticæ, à qua excurrerant illi in limites suos, & quam secabant in nodis: Terra vero centrum ipsum suo motu circa solem, describit sub fixis Eclipticæ: non excurrit illa igitur ab hac, vt quæ euntem sequitur vt umbra corpus?

Equidem suam ipsius viam terra nec secat, nec de-

ferit: ideo vt limites & Nodos habere possit oportet aliam quādam fixam Eclipticam, ceu viam regiam statuere, ad quam & telluris orbita, eique superstans Ecliptica temporanea, & reliquorum omnium itinera variè inclinentur.

*Vnde existit illa via Regia, eiusque Poli &
quid est?*

Ab axe circa quem corpus solis turbinatur, vtrinq;



continuato vsque sub fixas, signantur duo poli, quos inter circulus parallelorum medius & maximus, est via Regia. Vt in schemate pramisso, si polus regius sit A. & circa illum in QOP. circello moueatur polus Ecliptica temporanea

nostra Eclipticâ, appropinquans Aphelio Veneris in 2. australi; quippe huius limes austrinus est in X. Ita ipsa loca Apheliorum omnium planetarum, cum plagis suis, quam proximè designant hanc viam Regiam: declinant tamen etiam ab hac nonnihil, alia aliter.

*Quomodo ex hac hypothesi sequitur Obliquitatis
Eclipticæ variatio?*

Nondum sufficit hæc hypothesis: posset enim aliquis dicere, axem telluris retinere constantem inclinationem ad planum suæ Eclipticæ temporaneæ: semperque manere arcum distantiae polorum P. F. eundem. Oportet igitur hæc duo insuper addere, 1. quod axis turbinationis telluris constanti angulo inclinetur ad axem turbinationis solis seu polum Regium A. (id quod per se verisimile, cum hæc sint duo principia prima motuum mundanorum omnium, vt libr. IV. demonstratum est, & hoc secuti sumus lib. III. fol. 244. seu, quod circulus, LCM. sub quo Polus Mundi per fixas, incedit, sit ex A. Polo Regio descriptus, 2. quod polus Eclipticæ temporariæ P. sit celerior circa A. in antecedentia, quam Polus Mundi E.

*Quanta est latitudo seu Inclinatio maxima limitis, seu
quanta distantia Polorum P. A. Eclipticæ & Regiæ: &
quanta Poli Mundi F. distantia à Polo Regio
A. & unde deducitur?*

Varia posset sumi quantitas horum arcuum. Valent igitur coniecturæ, qualibus nec Alphonsini nec Copernicus abstinerunt. Illi namque mille Iubilæis, & mille Hebdomadibus annorum definiuerunt reditus fixarum & circellorum: Copernicus verò commensurabilem fecit Eclipticæ obliquationem & æquinotiorum præcessionem, ratione temporis: vterque probabilitatem secutus est, citra necessitatem demonstratiuam.

Dicamus

Dicamus itaq; & nos polum Eclipticæ initio Mundi fuisse in Q. quando polus Mundi in C. vt QA. esset rectus, & tunc AC. vel QC. fuisse Gr. 24. 17. pr. 40. sec. vti ita superficies Zonarum temperatarum æquarent superficies intemperatarum: vide lib. III. fol. 337.

Dicamus secundo AQ. AP. AB. esse gr. 1. 47. pr. 40. sc. vt sic residua QL. vel PC. vel BD. sit gr. 22. 30. pr. pars octaua circuli Coluri qui Zonarum latitudines metitur: rursusque existente distantia Polorum BD. QL. vel PC. tantundem de hoc coluro intercipiatur à temperatis zonis, quantum ab Intemperatis: quæ concinnitas est explicata fol. 336.

Nam si Inclinatio axis, media inter Nihil & Gr. 90. media rursus inter nihil & dimidium de gr. 90. sc. gr. 45. certò causam habuit hanc finalem, vt essent zonæ temperatæ inter intemperatas, hinc frigidas, inde torridam interpositæ; quod quidem dicto lib. III. à fol. 330. prolixè est ostensum: nihil equidem concinnius videtur excogitari posse, quàm vt etiam exacta quantitas Inclinationis ab exacta æqualitate duplici zonarum deriuetur, quarum vna sit superficierum, altera mediæ latitudinis seu dimetientium, qui sunt arcus maximi circuli, Coluri solstitiorum dicti.

Porrò & illud principio rerum videtur competere, vt æqualiter à polo Mundi C. distent poli tam Eclipticæ temporariæ Q. quàm Regiæ A. vt quod AC. Inclinationo poli mundi ad Regium pollicebatur, id in principio motuum Ecliptica ipsa temporaria seu inclinatio QC. re ipsa præstet.

Comparet lector ea quæ in Commentariis Martis Cap. LXVIII. fol. 322. de situ circellorum horum disputauit; quamque inueniet differentiam, rei ipsius difficultati & penuriæ obseruationum opportunarum tribuat.

Quanta igitur est varietas latitudinis stellarum & obliquitatis Eclipticæ, qui responsus inter vtramq; & qua periodus?

Minima obliquitas, vt dictum, esset gr.22.20.pr. seu arcus ab octogoni latere in coluro solstitiorum inter-
 finctus: maxima excreceret vsq; ad gr.26.5.pr. 20.sec.
 sed hoc plus quam 36. millibus annorū postquā fue-
 rit minima. Nec semper vt hodie, solstitiales fixæ mu-
 tarent suas latitudines: alio namq; æuo deprehende-
 retur id in æquinoctialibus, tunc nimirum, quando
 obliquitas Eclipticæ consisteret immobilis. Nam ho-
 die, seu inter Ptol. & Nos, celerrima fuisset obliquita-
 tis mutatio. Et summa latitudinum differentia excre-
 sceret in Gr.3.35.pr.20.sec.

*Quid est in hac Hypothesi, Media Præcessio
 Æquinoctiorum?*

Est arcus viæ Regiæ, numeratus à circulo per po-
 lum Regium & primam Arietis ducto, vsq; ad sectio-
 nem æquinoctialis & viæ Regiæ, idq; in antecedentia
 signorum. Et si ad tempora illa cū prima Arietis se-
 ctionem antecessit, compendii causa etiam in conse-
 quentia numerari potest.

*Quid obseruandum circa hoc Fixarum prin-
 cipium?*

Tycho Brahe numerat à lucida Arietis, quæ non est
 prima: Copernicus à puncto, quod gr.115.50.pr. distat à
 corde Ω , vel etiam, quod gr.170.0.pr. à spica virginis
 retro distat: quia putauit primam Arietis verè tantum
 distare à fixis retro, Vide Progym. Tych. Tom.I. fol.42.

*Quid est Anomalia obliquitatis Eliptica; vel etiam
 præcessionis Æquinoctiorum?*

Est arcus circelli, quem polus terre, vel mundi circa
 polū Regium describit, à circulo per polos Regium &
 Mundanum, vsq; ad circulum latitudinis per polos E-
 clipticæ & Regiæ, numeratus in antecedentia. *Vi si F.*
polus

polus Mundi, A. Regius, P. Ecliptica temporanea erit FAP. angulus vel NP. arcus, Anomalia Obliquitatis, vel etiam præcessionis.

Qua proportio est huius motus poli Ecliptica ad motum poli Mundi seu æquinoctiorum præcessionis?

Videtur ille esse ad hunc vt 4. ad 3. sat præcise.

Quid est Obliquitas Ecliptica Media, quid vera, & quid Prosthaphæresis obliquitatis?

Media est arcus circuli magni inter Polos, Regium & Mundanum, vt AC. AE. AF. &c. Vera est, arcus Coluri solstitiorum, inter polos Eclipticæ & Mundi, vt CQ. EO. FP. Prosthaphæresis est vtriusque differentia.

Quid ex hac variatione Obliquitatis, sequitur in præcessionem æquinoctiorum?

Redditur illa inæqualis, sed tardissima inæqualitate, quæque cum ipsius etiam Obliquitatis Anomalia restituitur. Itaque etiam motus fixarum, etsi per se æquabilis à medio æquinoctio fuerit, per accidens à vero scilicet æquinoctio, inuenietur non nihil inæqualis.

Quid est in hac hypothese Prosthaphæresis æquinoctiorum?

Est arcus vel Regiæ viæ, vel Eclipticæ interceptus inter duos circulos magnos, per illarum polos & sectiones cum æquinoctiali traductos.

Quid vera præcessio?


Est arcus Eclipticæ, numeratus à circulo latitudinis per primam Arietis in antecedentia, vsq; ad columnam æquinoctiorum. Vel etiam in consequentia numerari potest, vt Media præcessio.

Quanta est maxima hac Prosthaphæresis, & quomodo computanda?

In schemate sit AC. gr. 24. 17 pr. 40 sic AQ. gr. 47 1/2. 40. se. Erit ergo QCA. gr. 40. 22. p. & cum AQ. AC. in

920 EPITOMES ASTRONOMIÆ

Eclipticam intercipient paulo minorem arcum, scilicet gr. 3.58.pr.45.sec. Tanta est omnium maxima prosthapharesis: sed qua in breui seculorum numero minimâ sui parte comparet; nec facile sentitur.



AQ. gr. 1.47.pr.40.sec. Log. 346370

AC. gr. 24.17.pr.40.sec. Log. 88813

Diff. 257557. dat gr. 4.22.pr.

AC. Antilogarithmus 9277

Summa 266834 dat g. 3.58.p. 45.

(sec.

Nullane

*Nullane maior est inaequalitas praecessionis puncto-
rum æquinoctialium?*

Ex Hypothesi quidem istâ, nulla præterea sequitur punctorum ipsorum, seu sectionum Prosthaphæresis. At nec ex observationibus certi quicquam depromi potest, nisi vel miraculosum vel penitus irregulare & casui physico simile. Nam à Proclo ad nos vsque per 11. vel 12. sæcula puncta æquinoctialia certo processerunt æquabili passu in quam regulam etiam quadrant Hipparchi & Timocharis obseruata ab 18. sæculis; si vnum Ptolemæum dissimules. Quare si quid accidit huic axi telluris, quo ille suo situ enormiter emoueretur, id fuit inter Hipparchum & Ptolemæum, breuiori quam 300. annorum spacio restitutumq; est inter Ptolemæum & Proclum, trium rursus sæculorum intercapedine. Quare non iniuria de Ptolemæi obseruationibus æquinoctiorum dubitari potest. Vide Tych. Brahei Progyrnasmatum Tom. I. fol. 254. Et Comm. Martis cap. LXIX.

*Estne possibile Ptolemæum errasse circa obseruationem
certa diei Æquinoctiorum, & quo-
modo?*

Nec in altitudine poli errauit, vt quæ pluribus documentis est confirmata; nec in altitudine solis, vt quæ dependet à poli altitudine. Forsitan igitur hoc illi accidit, vt cùm sub Augusto esset abolita obseruatio anni Ægyptiaci Ptolemæus dies anni Ægyptiaci per lunam, si de luna ageretur, vel per solem eiusq; calculum ab Hipparcho relictum, si de solis obseruatione ageretur, quæsiuerit, neglecto tunc consensu obseruationũ lunæ, nimiumq; confusus calculo Hipparchi, existimât sibi de horâ solummodo ingressus in V laborandum esse. Nam Calédario Romano, quod in Ægypto necesse erat obseruari, fidere Ptolemæus nō potuit: quia etiã post Augusti correctionē quandoq; dies vnus ad Pon-

tificum arbitrium fuit in vno anno exemptus, inque sequenti restitutus. Vide exemplum in Dione & causam; Ne Idus in Nundinas incurrerent.

Quid si solem æquinoctii diebus orientem obseruasset, eligens locum Horizontis iusto Borealiorem, pro ortu æquinoctiali?

Tunc sanè omnibus annis, vernum æquinoctium tardius iusto, at vicissim autumnale iusto velocius collegisset, sole eodem ex loco Horizontis oriente. Atqui hoc non est factum. Ptolemæus enim intra vnius anni spacium vtrumque æquinoctium iusto dierum interstitio consignauit. Aut si locus orientis solis in verno æquinoctio fuisset iusto borealior; locus equidem orientis solis in autumnali post iustum interstitium, non fuisset idem, sed australior.

Concedo locum iustum in Horizonte ortuum æquinoctialium amborum: annon refractio à Ptolemao neglecta turbare quid potuit?

Sustulisset illa solem in Boream in vtroque æquinoctio; itaque sol velocius in æquatore visus esset tempore verno, tardiùs in autumnali Æstas fuisset aucta nimium. Contrarium euenisset, si fingas obseruatos esse occasus Æquinoctiales vtrosque.

Quid de sæculo Ptolemai fiet si Astronomia hæc aliud illi prescribit initium Zodiaci, quàm ipse secutus est; an-æ etiam ipsius obseruatis cæteris gaudere poterimus?

Quemadmodum insolitus & præter morem cæterorum sæculorum fuit eius tempore annotatus, vel etiam obseruatus ingressus solis in signa æquinoctialia: sic etiam extra regulam, ad fidem ipsius obseruatorum in antecedentia reponendum erit ad eius tempora principium Zodiaci: quo facto, cætera omnia rectè habebunt.

Quod

Quodnam est huius fiducia fundamentum?

Quia doctrina Theorica, coniunctionesq; siderum inter se, doceri & computari possent etiam sine omni cognitione Dodecatemiorum Zodiaci, eorumque principii, vtpote quod solum occasione motus terræ diurni constituitur. Itaq; Copernicus & veterum nonnulli, computare docent loca planetarum, initio capto à prima Arietis: Tunc demum iubent addere præcessionem æquinoctiorum, vt locus cuiusque sideris in Zodiaco patecat.

Quid vocat Copernicus motum solis simplicem, quid motum compositum?

Simplex is dicitur, cuius initium sumitur à puncto fixo, scilicet à primâ stellâ Arietis, à quâ figurâ olim primum Zodiaci Dodecatemorium fuit insignitum, & cuius figuræ Nomen etiamnum hodie retinet Dodecatemorium illud; postquam sidus ipsum quod nomen initio dederat, potissima parte in vicinum Dodecatemorium emigravit.

Compositus motus est, qui constat ex duabus partibus, 1. ex motu à fixo puncto in consequentia, 2. ex motu medio principii Arietis Dodecatemorii seu vernæ in antecedentia, hoc est, qui numeratur à puncto non fixo sed mobili, scilicet ab æquinoctiali.

Quantus est, vel motus fixarum medius in consequentia, vel præcessio æquinoctiorum media à primâ Arietis in antecedentia?

Hipparchus & Ptolemæus existimarunt eum inde à Timocharide in 100. annis vnum gradum & in 36000. annis totum circulum absolueret. At Tycho Braheus comparatione suarum obseruationum cum Hipparchicis & Albategnianis, in annis 70. paulo plus, gradum vnum confici statuit. Vide Progym. Tomo I. fol. 253. & seqq. Quare periodus vna habebit annos 25410. Motus annuus fixarum est 0. pr. 51. secunda.

Qua via fuit inuestigatus iste motus?

Simplicissima ratio fuit ista; quod cognitâ fixæ Eclipticæ vicinæ latitudine, obseruarunt eius declinationem latitudinem enim supposuerunt constantem: at declinationem inuenerunt variari per sæcula, vide lib. III. fol. 359. Ex declinatione locum ab interfectione collegerunt. Operosio rem viam per ☽ & ♀ & ☉, vide lib. III. fol. 341. & 345.

*Quid ex præcessione punctorum æquinoctialium red-
dat in motum solis rationesque
anni?*

1. Cum sol progrediatur sub fixis, æquinoctialia & tropica puncta retrocedant à fixis, obuiantia soli iam appropinquant: hinc est quod sol, citius ad tropica veniat, quam ad fixas, cum quibus erant tropica, in principio anni. Itaque tropicus annus hinc fit breuior quam siderius: & per consequens sidera ipsa cum suis emersionibus & occultationibus, tempestates anni pristinas deferunt, deque æstate in Autumnum, &c. transeunt. De hac materia est pars vltima libri III.

2. Cumque præcessio tropicorum sit inæqualis seu parum, secundum Hypothesin, seu multum secundum obseruata Ptolemaica; hinc etiam anni tropici fiunt nonnihil inæquales, cum siderii sint æquales.

*Nihilne accedit ex motu solis, quod inæqualitatem
annorum adiunget?*

Equidem & siderius & tropicus annus variantur ob progressum Apogæi solis in consequentia, vnde fit vt aliæ atque aliæ solis æquationes incidant in puncta æquinoctialia & tropica; Et sic siderius vno, tropicus duobus nominibus fit inæqualis. Verum hæc posterior inæqualitas obtinet tantummodo respectu certi annorum initii, compensaturque per appositum initium sumptum. Verbi causa à Ptolemæo ad nos breuissimus quidem fuit annus tropicus cæteris paribus,

vel etiam siderius, ille ab æquinoctio verno, hîc à prima Arietis incipiens; quia Prosthaphæresis adiectoria in principio Arietis hætenus fuit aucta. Vicissim verò cæteris tanto fuit longior annus ab autumnali æquinoctio cæteris paribus vel à spicæ virginis coniunctione incipiens, quia in illa parte cœli Prosthaphæresis subtractoria similiter fuit aucta: itaque æstatis longitudo interea creuit, saltem vsque ad annum 1260. circiter.

Deinde tardissima est periodus huius anomalie, excurrit enim vltra 20. millia annorum, quare parum sentitur intra vnum millenarium.

Quomodo differt hac inequalitas annorum ab æquationis temporis illa parte qua est ab eâdem causâ lib.III. fol. 286. & Libri VI. parte I.

Differt ab illa, vt annus à die. Illic enim ostensum est æquatio solis quantam longitudinis 24. horarum inæqualitatem causaretur, hic quæritur, quot inde dies accedant ad aliquam magnam summam annorum mediocrium, quotve aliâs decedant.

Quid discriminis ponis inter præcessionem æquinoctiorum & anticipationem æquinoctiorum?

Si accuratè agimus, præcessio de motu vel quasi motu est intelligenda vt hætenus; anticipatio, Græcè *προεμπιπτός*, de tempore ciuili: Et cùm præcessionem dico, vox Æquinoctiorum sonat puncta certa Eclipticæ, hætenus definita; cùm verò Anticipationem nomen, vox Æquinoctiorum subiuncta, significat solis præsentiam in illis sectionibus seu punctis æquinoctialibus; seu clarius, diem anni ciuilis, quo die sol lucet æquat noctibus. Vide Lib. I. fol.

Anticipant igitur æquinoctia in anno ciuili seu Iuliano, quando deserunt diem certam mensis, & post aliquot sæcula inueniuntur in diebus antecedentibus.

Quid

*Quid facit anticipare æquinoctia &
Solstitia?*

Quantitas anni ciuilis paulò longior anno tropico: fit enim hinc, vt desinat nostra numeratio dierum anni, postquam sol iam transgressus est susceptum initiale punctum Eclipticæ. Ita verissimè loquendo non anticipat tempus æquinoctii, veluti motu aliquo, sed post venit nostra numeratio.

*Et quid vicissim postponit in eodem anno ciuili
ortus siderum?*

Eadem quantitas anni ciuilis paulò breuior anno siderio: prius enim desinunt dies anni nostri, quàm sol ad easdem fixas fuerit reuersus. Dicitur μετεμπτωσις. Ita noster ciuilis annus Iulianus est quantitate medius inter tropicum & siderium; quo nomine supra libro III. fol. 274. commendatus fuit ab Astronomia.

*Cur autem numeramus nos quod nimium
& vitiosum est?*

Quia Numeri vnitates debent esse discretæ, hoc est, dies integri ab ortu solis vsque in proximum ortum: anni verò quantitas in minutias quasdam horarum explicatur, quas non solemus vsu quotidiano numerare, contenti diebus integris. Quare necessariò cogimur expectare tamdiu, quoad minutia residua supra annum tropicum ad finem anni ciuilis; (sunt autem minuta Horæ 10. pr. 50. secun. 33. ter.) per accumulationem de pluribus annis excrecant in vnã diem.

Et si verò hoc factum fuerit: quia tamen tempus hoc excedit ætatem hominis, estque incommodum, omittere tam rarò diem extra ordinem: ideo maluerunt homines illibatum retinere ciuilem annum Iulianum inque eo anticipantia futuris temporibus assignare æquinoctia & solstitia; quod etiam astronomis ad speculationem æquinoctiorum percommodum est consignata, habere in anno Iuliano, veluti in Indiculo,

diculo, omnium ætatum æquinoctia: vt appareat, æqualiter illa anticipent per æqualia tempora, ansecus.

*Quot annos requirit hæc anticipatio, quoad diem
vnum conficiat?*

Primus Hipparchus spacium definiuit trecentorum annorum, ductus coniecturâ Cycli sui seu anni ciuilis lunaris, quam Periodum Callippicam supra nominauimus, vtpote in qua vidit etiam lunares motus in 304. annis vnum diem anticipare. Credidit itaque si in 304. annis ciuilibus Solaribus etiam vna dies eximatur; tunc illos solares exactè adæquari totidem lunaribus. Hanc Hipparchi opinionem Ptolemæus retinuit, nimis secure, vt Tycho ni Braheo visum; sed ipse Ptolemæus visus est eam comprobare suis etiam obseruationibus; de quarum fide supra. Statim enim post Ptolemæum est deprehensum, longè celerius vnâ perire diem. Itaque si dissimulemus vnum Ptolemæum, constabit sibi ratio æqualis ab Hipparcho per Proclum, Albategnium; Persas, Arabas, Hebræos, Germanos vsque ad nostra tempora; quæ in 134. annis vnâ diem, in 400. tres dies æquinoctia anticipat; quod quam proxime exprimit ordinatio ciuilis anni Gregoriani: vt est lib. III. folio 277.

Vnde accersita est Romam anni Iuliani ratio?

Quantitas eius, dierum 365. cum quadrante, qui quatuor exactis annis conficiebat vnâ diem super numerarium ab antiquissimis temporibus fuit obseruata à Græcis, forma tamen alia. Iulius itaque Cæsar Romanam ei togam induit.

Quam rationem secutus est Iulius Cæsar in constituendis Mensium suorum initis?

Calendas Iulias, mensis à se dicti, voluit dici diem
illum

illum, quo die omnes Græcæ nationes, ex antiquissimo ritu Ludorum Olympicorum, putabant solstitium confici, quanquam illud vsq; ad Hipparchi tempora iam per dies octo in Calendario Græcorum ciuili anticipauerat; quod primus Hipparchus docuit: Solstitia & æquinoctia (intellige præcæ obseruationis) in octauis partibus signorum confici asserens. Dictum hoc fuit solstitium Chaldaicum. Itaque Iulius Cæsar vera Hipparchi solstitia & æquinoctia, quæ in principiis signorum contingebant, quæque ipse putabat etiamnum suo tempore valere, adscripsit ad VIII. Cal. mensium.

*Quidigitur est quod Plinius alicubi, necnon & Columella
suis adhuc temporibus, transcribunt illa etiam
ad XV. Cal.*

Certum est, hallucinationem illis ex confusione diuersarum traditionum obrepisse: cuius duæ possunt ostendi verisimiles occasiones. Prima sit ista: cum enim hausissent ex Hipparcho; solstitia, puta Chaldaica, confici in octauis partibus signorum, eoque emendatè vtendum obseruatione solstitiorum; ipsi transferentes hoc dogma ad solstitia Hipparchica, iam dudum à Cæsare emendata, scilicet ad VIIII. Cal. adscripta, perinde ac si illa adhuc emendatione egerent, octauisque signorum partibus accommodata essent, ad primas ille partes signorum seu octauas retrò transferenda, & sic ab VIII. Cal. ad XV. Cal. ascendendum sibi transuerunt.

Altera errandi occasio sit ex Eudoxi sphaera rudi, vt in qua Coluri per media signa Cancræ & Capricorni, Arietis & libræ transibant. Et id quidem si asterismos spectes, fuerat aliquando: talemque sphaeram, plurimis retrò sæculis accommodatam, Eudoxius fortasse nactus erat. Sed esto transuerint Coluri per media non Asterismorum sed Dodecatemiorum Zodiaci. Fieri itaque potuit, vt Columella, solem Calendis in Coluro

Coluro versari solstitiumque ibi, sed Chaldaicum, & obsoletum vetustate conficere reputans, censuerit sibi verum sui temporis solstitium apud initium Cancrī, quod 15. gradibus antecedebat in Endoxi sphaera, quærendum, eaque ratione numerum à Cal. ad XV. Cal. extenderit.

*Quid sequitur ex hoc circuitu limitum orbitæ telluris
in planetas ceteros?*

I. Si limites orbitæ telluris in parallelo viæ Regiæ, hoc est si poli orbitæ in circellis paruis circa polos viæ Regiæ circumeunt: equidem etiam omnium reliquorum primariorum planetarum poli orbitarum, polos illos Regios circumstabunt. Quare siue quiescant illi sub fixis, siue moueantur, dummodo tardiùs eant polis Eclipticæ, necesse est, hos ab illis nunc discedere, nunc ad illos accedere. Illic igitur augebuntur Inclinationes maximæ limitum ad Eclipticam Temporariam, hic minuentur.

Martis quidem limes in Ω est, circa cordis stellam, polus igitur eius orbitæ declinat versus ω , circa R. vt si FP. in β vergit, PR. vergat in ω . quod si polus iste orbitæ Martis in antecedentia mouetur, ascēdit igitur versus Q. ascendat tardiùs, quàm polus Eclipticæ ex O. in P. descendat, vt sic olim OR. minus semicirculo fuerit; breuior igitur fuit olim RO. quàm hodie RP. Variata quantitate inclinationis seu distantiae polorum RP. variabitur & quantitas latitudinis maximæ in limite Boreo. Et sic etiam inuenimus, si Ptolemaicis obseruationibus fides est adhibenda. Nam hæc maxima latitudo circa cor Ω , hodie est gr. 4.32. pr. at Ptolemæus prodit illam grad. 4.20. pr. per 12. pr. minorem, cùm etiam cordis Leonis latitudinem Sept. prodat 10. per 16. pr. minorem, quàm illa est hodie. Et fieri potest, vt Epicyclus Ptolemaicus obsistat, quo minus hæc latitudo illi fieri potuerit adhuc multo minor:

itudinum lunæ difficilimis obseruationibus liceret argumentari contra obseruationes obliquitatis Eclipticæ longè faciliores.

2. Quinetiam hinc sequetur limites Nodosq; Saturni, Iouis, Martis retrocedere videri, etiam si sub fixis hærent immobiles. *Esto enim ut poli Eclipticæ versentur inter QP. circa lineam AC. in libram porrectam: Est verò hodie limes Martis in ♄, Veneris in ♀, quare poli erunt ex P. versus ♃ & ♄. Sint in R. erit ergo PR. circulus latitudinis per Limites Martis vel Veneris. Descendente ergo P. ex O. in antecedentia, siue quiescant poli R. siue ipsi versus lineam AL. in antecedentia eant; siue etiam in consequentia ferantur, versus lineam AD. dummodo tardius hoc, quàm est OP. in antecedentia: omnibus tribus casibus, partes lineæ PR. quæ sunt ultra R. ascendent versus AL. in antecedentia.*

Sic cum Saturni & Iouis limites sint in libra, poli orbitarum erunt à P. solo ecliptica temporaria versus Arietem in linea parallela ipsi CA. vel quasi, ut circa B. rursumque iisdem de causis, eunte P. ex O. videbuntur retrocedere.

Mercurii limes in ♀ est polus igitur à P. versus ♄, scilicet circa S. habet enim Inclinationem valde magnam. In hoc igitur planeta continget contrarium, ut polo Eclipticæ ex O. versus P. descendente, polus Mercurii S. siue quiescat siue tardius in antecedentia eat, videatur in consequentia progredi, lineâ PS. versus PC. inclinata. Quæ omnia cum sint consentanea obseruatis libro VI. partibus II. & III. propositis, præsertim circa Mercurium; parum abest, quin exutâ timiditate, dictis locis vsurpatâ Victoriam exclamē ante numeros & mensuras cognitās.

3. Siue quiescant poli planetarum sub fixis, siue moueantur & ipsi, sequitur ex motu poli Eclipticæ OP. videri polorum planetariorum, eoq; & limitum & Nodorum motus sub fixis inæquales. *Nisi enim alicuius planeta polus cum ipsissimo polo Regio A. centro scilicet*
Tert 2 orbiculâ

biculi OP. coincidat, aut aequalissimum cum polo P. motum circa A. in partes easdem habeat, semper mutabitur eius distantia à polo Ecliptica P. quoscunque igitur arcus hic vel ille quouis tempore faciat, ii apud P. polum Ecliptica maiorem è propinquo, minorem è remoto facient angulum, quare crura anguli producta etiam inaequales arcus apud limites intercipient: quare etiam inaequales respondebunt arcus apud Nodos, quadrante semper distantes.

Quid hinc est colligendum?

Cùm quantitas circelli OP. circa A. polum regium non sit ex obseruatione magnitudo motus OP. ignota plaga motus non certissima, in antecedentia apud OP. an in consequentia apud B. quare sæcula viginti, vel quod minus, à quibus astronomiæ cultæ memoria durat, nequaquam sufficiunt ad vniuersalem astronomiam condendam: sed temporaria saltem, (per Temporariam scilicet Eclipticam) ab hominibus æuo quolibet exercetur Astronomia. Verissimæ igitur planetarum Inclinationes ad Regiam viam, causæque & quantitates & plagæ motuum, limitum & Nodorum, hæc inquam & cætera huiusmodi latent in Pandectis æui sequentis, non antea discenda, quam librum hunc Deus, arbiter sæculorum, recluserit mortalibus, immortalis ipse, cui sit laus honor & gloria in sæcula sæculorum, Amen.

*Libri VII. & cum eo totius Epitomes Astronomiæ
Copernicana*

F I N I S.

INDEX



INDEX ET CONCORDANTIA PLERARVMQVE RERVM & terminorum.



*Cademiis quid
accommoda-
tum.* 424
Adam. Eva.

Cain, symbola figur.
468

*Æquans circulus astrono-
mia veteris.* 672. 766.
783

Æquatio. 691. *Nota de ti-
tulis vel notis æquatio-
num. Quando composita
est æquatio ex suis parti-
bus, physicâ & opticâ, ut
fol. 693. 694. tunc valent
tituli & usus eorum ut
in Astronomia usitata
691. 692. Et hic usus va-
let etiam f. 722. 794. 805.
810. At cū usus est partis
physica, ex plano compu-
rata, ad constituendam
demum Anomaliam me-
diam ut fol. 686. tunc ti-
tulorum est ratio, contra-*

*ria, ut f. 809. apertè mo-
nitum, & fol. 807. 808.
discrimen utriusque usus
ob oculos positum.*

Æquatio luminis. 817

Æquatio temporis 550. 720.
780. 925

Causa eius physica. 552.
dubiata tamen. 574. 722

Æquinoctiorum præcessio.
910. 543. ineq. 548. 916.
918

Æquinoctium pro die 925.
Anticipatio. 925

Æquinoctium Constantini
M. 852. *Observandiratio;*
922

*Aeris ad aquam & etherem
proportio densitatis.* 443

Aeris vis in apparitionibus.
837. 871. 872

Aer Luna. 893

Ætheris substantia variat.
829. 870. 893. 895. 897.

Eius tenuitas. 502.

Vuuu 504.

504. <i>An mobilis.</i>	519	<i>Apogaeum Perigaeum.</i> 677
<i>Argovungi.</i>	834	785
<i>Albaregnius.</i> 912. 923. 927		<i>Apolloni⁹ Pergaeus.</i> 658. 744
<i>Alphonfimi.</i>	908	<i>Apparitiones planet. v. oc-</i>
<i>Angeli an sphaeras moueant.</i>		<i>cultat.</i>
508. <i>Anima an moueant.</i>		<i>Apsidus</i> 653. <i>earū linea</i> 677.
514. 621. <i>earum cum luce</i>		<i>Motus</i> 595. <i>eius causa</i>
<i>& flamma cognatio.</i> 515		<i>physica, & interitudo.</i>
<i>Anni Tropici causa.</i> 924. <i>in-</i>		581. 597. <i>causa finalis</i> 598
<i>aquales.</i> 714. 719. 924.		<i>Aratus.</i> 851
<i>Anni ad diem proportio unde.</i>		<i>Archetypi caelestium.</i> 422.
550. <i>ad mensem unde.</i>		423. 438. 452. 455. 457.
566. <i>Solaris ad lunarem</i>		471. 475. 476. 485. 551.
<i>proportio unde.</i> 569		566. 732. 856. 902
<i>Anni politici.</i> 724. <i>lunares</i>		<i>Archimedes.</i> 653. 714. <i>Ar-</i>
<i>pol.</i> 850		<i>chimedea vid. Figura.</i>
<i>Anni Arabum, Turcarum,</i>		<i>Arcus intercentia seu lati-</i>
<i>Iudaorum, Christiano-</i>		<i>tudinarius.</i> 863
<i>rum Ecclesiastici.</i> 850. <i>So-</i>		<i>Argumentum menstruum</i>
<i>lares pol. Persarum, Aegy-</i>		897. 800. 819
<i>ptiorum, Dionysii.</i> 725.		<i>Aristarchus de planetarum</i>
<i>Aegyptiaci & Romani</i>		<i>ordine & motu terra.</i> 451.
<i>turbatio.</i> 921. <i>Iuliani an-</i>		535. 714
<i>tiquitas.</i> 927. <i>Commodi-</i>		<i>Aristotelis doctrina de caelo.</i>
<i>tas.</i> 925. <i>Gregoriani perfe-</i>		421. & <i>seqq. de loco solis</i>
<i>ctio.</i> 927		444. & <i>seqq. de proportio-</i>
<i>Anni Natiuitatis Christi an</i>		<i>ne motuum ad orbes.</i> 452.
<i>iusti.</i> 854		501. <i>de causa motus, locus.</i>
<i>Anomalie quot.</i> 683. <i>Annua.</i>		505. <i>eius Dii.</i> 505. 506.
719. <i>primò vel secundò a-</i>		763 <i>Ei mundus aeternus</i>
<i>quata.</i> 807. 808		506. 507
<i>Anticipatio Aequinoctio</i>		<i>Aspectus sub quo genere.</i> 744
<i>rum, vide</i> <i>ibid.</i>		<i>Aspectuum doctrina.</i> 840
<i>Antipodas quis negarit.</i> 429		<i>Astrologia de futuris contin-</i>
<i>Aphelium, Perihelium.</i> 677.		<i>gentibus reitc.</i> 431. <i>de A-</i>
<i>motus</i> 702. <i>situs in Ecli-</i>		<i>pectibus.</i> 841. <i>de Reuolu-</i>
<i>ptica regia.</i> 916		<i>tionibus.</i> 849. <i>de eclip.</i> 901
		<i>Astro-</i>

I N D E X.

<i>Astronomorum sectae tres.</i>	538	<i>cilias.</i>	872
<i>Astronomus desert Aristoteles.</i>	424. 504	<i>Calenda.</i>	838
<i>Astronomia Anima & vita.</i>		<i>Calendarii diuersitas.</i>	852
545. fines.	431. 435. 436	<i>Calippi periodus.</i>	849. 851.
<i>Astronomie veteris defectus,</i>		927. de motus causis.	502.
<i>in Theologia.</i>	504.		505
<i>in phy-</i>		<i>Caloris solaris intensio-</i>	
<i>sica.</i>	605. in arte. 731. 745.	<i>mensura.</i>	60
745. 747. 755. 758. 764.		<i>Campanus de orbibus qui</i>	8.
765. 766. 771. 866. Coper-			535
<i>nica compendiu.</i>	537. &	<i>Canicula ortus.</i>	725
<i>seqq. atas quanta.</i>	932.	<i>Caput & Cauda Draconis.</i>	
<i>perfectio imp. ssibilis.</i>	932		787. 858
<i>Astronomia pars Optica liber</i>		<i>Capita Arietis & Libra.</i>	908
<i>proprius.</i>	441. 515. 739.	<i>Cardines temporum.</i>	928
776 870. 871 872. 888.		<i>Centri praestantia.</i>	446. 448.
895. 899		<i>motus circa mediū mun-</i>	
<i>Auerroes de luna.</i>	555	<i>di.</i>	509. 540
<i>Auges.</i>	677	<i>Chaldei de sole.</i>	441
<i>Augustinus.</i>	429	<i>Chaldaicum solstitium.</i>	928
<i>Augusti Imp. correctio anni.</i>		<i>Christus quo anno natus.</i>	853
921		<i>Chronologicus locus.</i>	856
<i>Auicenna de motu pl.</i>	510	<i>Chymica ars.</i>	824
		<i>Circuli geneleos ordo.</i>	458.
B.		<i>Definitio.</i>	510
B issextilis.	725. 853	<i>Circuli usus in physicis.</i>	680.
<i>Braheus v. Tycho.</i>		<i>Perfectio.</i>	576
C.		<i>Circuli area.</i>	722. 686. 812.
C alculus motuum.	642.	817. eius plani usus.	646.
<i>Eccentricorum.</i>	676.	672. 721	
682. 686. 690. 696. 699.		<i>Circuli dierum naturalium</i>	
700. 751. 756. 776 In lu-			641
<i>na.</i>	799. 803. 815. 819. Pa-	<i>Circulus Illuminationis. v.</i>	
<i>rallaxium.</i>	884. 889. 892	<i>ibid usus.</i>	798. 811. 826.
<i>Calculi rationes</i>	923. Ad	<i>Intellectualis.</i>	510
<i>Ptolemai temp.</i>	922. Fa-	<i>Cinevea nubes.</i>	896
		<i>Climata quid varient in ap-</i>	
		<i>Vnu 2 pari-</i>	

I N D E X.

- paritionibus.* 881 *Crystallinus orbis.* 495. 497
Cælum an noui quid gene- *Cubiprimatus in ortu.* 457.
ret. 424. 426. *peribit.* 426 458
Columella de cardinibus. 928 *Cubicorum numerorum &*
Coluri varii. 910. 928. *mu-* *radicum vsus.* 501
tabiles. 910 *Curiositas quæ laudabilis.*
Cometarum motus in cælo. 431
440. 442 *Curtatio.* 709
Commutationis Anomalia. *Cyclus solis.* 851. *luna.* 849
751
Coniunctiones magna. 854
Conus umbra. 829. 859
Copernico ut à veteribus
differat. 451. 452. *Hypa-*
theses. 434. 449. 538. *de*
sole. 499. *ei motus omnes*
in directum & plagam
eandem. 500. *de celeritate*
singulorum. 521. *de orbita*
figura. 646. *de duobus E-*
picyclis. 678. *alia.* 699.
705. 712. 718. 720. 739.
747. 762. 766. 770. 782.
688. 805. 820
Copula vera & visibilis. 883
Cor mundi sol. 540
Cordis leonis latitudo. 929
Cornelius Gemma. 897
Corpora mundi.
Corpora solida, vide figura
coffista. 892
Crateres mons Sicilia. 896
Creationis lusus. 495
Crepuscula variant. 839
Cribri exemplum. 538
Crises. 842. *Criticus mensis.*
789
- D.*
D *Auidis psalmi.* 440
Dauidis Fabricii Hy-
pothesis orbitæ. 673
Democritus de sole. 440
Diacentos, Dihelios. 681
Diametri, semidiametri visæ
& vera. 776. 826. 862.
893
Digitæ ecliptici. 869. 879
Δίνου. 499. *vid. motus.*
Dionis loca. 897. 922
Dionysius Areopagita. 897
Dionysius Abbas. 851
Dissertatio cum nuncio fide-
rio, liber proprius. 872
Distantia solis à Nodo, &c.
797
Diuergentes motus. 902
Diuersitas Aspectus. 805. 860
Dodecaedri generis & ordo.
460
E.
E *Eccentricus.* 642. 673.
676. Inferiorum 761.
Eccentrici semicirculi vel
quasi. 678. 693. 681
Eccen-

I N D E X.

<i>Eccentricitas</i> , 678. <i>Cause</i>	<i>proprietates</i> . 843. 566
<i>earum</i> . 431. 577. 592	<i>Figura reg. solida</i> 456. <i>cur</i>
<i>Eccentrus Eccentri</i> . 766	<i>quinque</i> 464. 467. <i>Ea-</i>
<i>Eclipsium apocatastasis</i> . 895.	<i>rum orbium proportio</i> 468
<i>doctrina</i> 480. 486. 724	<i>situs in mundo</i> . 469
789. 857. <i>Vfus</i> 481. 713. 899	<i>Figura seu corpora Archi-</i>
<i>Eclipsis</i> ☉. D. v. i. <i>Termini</i>	<i>medea tredecim</i> . 465. 466.
<i>ecliptici v. ibi</i> .	467. <i>Rhōbica</i> 464. <i>Spha-</i>
<i>Elipctica Obliquitas vel de-</i>	<i>rica vide ibid</i> .
<i>clinatio</i> 908. 916. <i>muta-</i>	<i>Firmamentum Raquia v. i.</i>
<i>bilis</i> . 912. <i>causa</i> . 548	<i>Fixarum sphaera</i> , <i>quo censu</i>
<i>Ecliptica luxatilis est</i> 645.	<i>in mundo</i> 439 <i>speculo con-</i>
699. 703. 548	<i>cauo comparata</i> 448. <i>Im-</i>
<i>Ecliptica nomen unde</i> . 859.	<i>mobilis</i> 453. 500 <i>proportio</i>
<i>quid alias</i> . 876	<i>& causa</i> 490. 492. <i>Densi-</i>
<i>Elliptica figura</i> . 655. 658.	<i>tas</i> 495. <i>Crassities</i> 495.
768. <i>eius planum</i> . 663. <i>di-</i>	<i>Parallaxis</i> 493. <i>Celeritas</i>
<i>stantia à centro</i> 800. <i>Foci</i>	<i>apud veteres</i> . 494. 500
659. 673. 676. 685. <i>Cent-</i>	<i>Fixarum Diametri apparen-</i>
<i>rum</i> . 676	<i>tes</i> 497. <i>Magnitud. classes</i>
<i>Ell. apparens</i> . 829	837. <i>motus unus imagina-</i>
<i>in C. v. a.</i> 838	<i>rius apud omnes authores</i>
<i>Epagomena</i> . 725	707. <i>motus alter apparēs</i>
<i>Epicycli</i> 543. 761. 764. <i>secū-</i>	<i>cuiusmodi</i> 909. <i>in latum</i>
<i>dus</i> 805. <i>in Marte Ptole-</i>	912. <i>parallaxes</i> 493
<i>maicus</i> 929. <i>minutuli</i>	<i>Foci ellipseos v. i.</i>
<i>nulli</i> . 436. <i>motus reuera</i>	<i>Forma proprium</i> 445. <i>symbo-</i>
<i>inaqualis veteribus</i> . 571	<i>lum in Geometria</i> 447
<i>Eratosthenes</i> . 912. 930	<i>Fracastorii homocentrica</i> .
<i>Eudoxi sphaera</i> 928. <i>de causa</i>	429
<i>motuum</i> . 502. 505	G.
<i>Eusebius</i> . 429	G <i>Alblaus</i> 536. 554. 824.
F.	871. 873
F <i>ibra magnetica incli-</i>	<i>Gemmelucentes</i> 824
<i>nantur</i> 587. 593. <i>eius</i>	<i>Geometria diuina</i> 455. 505.
<i>terminus solipeta</i> . 649 582	510. <i>Geometria necessitas</i>
<i>Figurarum Geometricarum</i>	<i>in Theoricis</i> 642
	<i>Vuuu</i> 3 <i>Globi</i>

I N D E X.

<i>Globi anincerustati</i>	586. 613	<i>Ignis Pythagoreis sol.</i>	444.
<i>Grauitatus ca. sa</i>	650		446
<i>Gulielmi Gilberti Magnetica philosophia</i>	429. 582	<i>Illuminationis circulus</i>	82. 6.
H.		<i>usus</i>	556. 562. 565
H <i>Armonica rationes.</i>		<i>Imbres lapidosi.</i>	897
	716. 815	<i>Inaqualitas prima, secunda</i>	
<i>Harmonici numeri</i>	566		706. 758. 777. Prima di-
<i>Harmonia</i>	840. motuū 900.		uiditur in <i>Anomalias</i>
	512. 516	<i>tres.</i>	
<i>Harmonices mundi liber pro-</i>		<i>Incidentia, emerſio.</i>	864. 865.
<i>prius</i>	421. 427. 430. 432.		889. 890
	472. 473. 477. 516. 545.	<i>Inclinatio quid.</i>	697. quid
	843. 903. 905	<i>veteribus</i>	755. 772. 774.
<i>Hesperus</i>	835	<i>in luna</i>	786. 819
<i>Hipparchus</i>	717. de anno 927	<i>Inclinationis causa.</i>	915
	928. eius periodus	<i>Index quid</i>	751
	851	<i>Individuationis principium</i>	
<i>Hipparchus liber nondum e-</i>			509
<i>ditus.</i>	482. 874. 875	<i>Intelligentia motrices.</i>	505.
<i>Homocentrica Frac.</i>	429		577
<i>Horizontem per diuerſas an-</i>		<i>Intercalatio.</i>	850
<i>ni partes differentia</i>	493.	<i>Intervalla Planetarum &</i>	
<i>Horizontum effectus in Ecli-</i>		<i>solis.</i>	455. <i>Solis luna &</i>
<i>psibus</i>	882	<i>terra.</i>	860
<i>Horologiorum vsus.</i>	709	<i>Io. Baptista annuntiatio</i>	853
<i>Hydrographica.</i>	900	<i>Iouis custodia Pythagoreis</i>	
<i>Hyrungi</i>	835	<i>quid</i>	445
<i>Hypotheses planetarum qua-</i>		<i>Iouis nomen coelum.</i>	455
<i>les.</i>	502. 641. <i>Veterum</i>	<i>Iouiales planeta</i>	550. <i>ecli-</i>
	644. <i>authoris</i>	<i>psantur</i>	873. <i>eorum nu-</i>
	436. <i>Coper-</i>	<i>meri proportionis motu-</i>	
	<i>nici & Tychois, vide ibi.</i>	<i>umque periodicorum cau-</i>	
	<i>Simplicitate probantur</i>	<i>sa</i>	554
	502. 504	<i>Iulius Caesar author Calen-</i>	
<i>Hypotheses physica v. i.</i>		<i>darii.</i>	850
I.		K.	
I <i>Cosiedri genesis</i>	463		
<i>Idololatria</i>	430	<i>Keu's planet.</i>	814

L.

L Atini scriptores, quid de consensu pl. cum sole
538

Latitudo 697. motus in latum principia. 599. & seq

Libra ratio & mensura 650.
652

Libratio 647. eius summa
655 679 682

Liber Natura. 900

Limites. 699

Locus planeta eccentricus.
691. 699. in Ecliptica 750.
858. Verus & apparens seu
visus. 883

Logarithmorum usus. 846.
865. Logisticorum 868.
892. Vid. calculus.

Longitudines, longior, brevior
media. 679

Longitudo Eccentrica. 700

Longitudo locorum. 899

Lucifer 835. Lucis cum anima
& flammis cognatio.
515

Ludi Olympici. 928

Lumen & illuminatio adiuuat
motum. 552. quatenus
556. 561. 563. 609

Lumen stellis unde 824. Luminis
natura particeps
quantitatum & motus.
523. 524

Lumine minuti aucti. 836

Luna aetas. 828. 839. Apogaeum
menstruum, 797. 612

Luna quocensu inter planetas. 469. 480. 486. 566.
Mouetur à terra 525. 553.
567

Mouet maria. 530. 555.

Luna conditiones inferiores
427. Cycli varii 849. 851.
Diameter apparens 481.
Disci ad discum terrae proportio. 832. Eclipses. 817.
893.

Hypotheses varia 805.
Illuminatio 526. 824. à
Terra 832. 838. 839. 895.
Interuallum à Terra 482
Inaequalitas menstrua &
causa. 609. Latitudo in
Eclipsibus 866. Lumen
pallidum 870. Macula
830 Mora in tenebris 864
Motus nodum plane comperti. 558. Parallaxes 480.
Phases 827. 843. 850. 561.
proportionis corporum causa
483. Rubor 895. Semicirculi orbita qui 791. 809.
ut determinandi. 793.
802

Luna magistra Astronomiae.
595. 717. 718. 753. Terra
cognata. 529. 555. 831. Non
rotatur circa axem, &
cur 556

Luna, pro diebus. 851

Lunatio. 789. 792

Lunula Ellipseos. 662. 768.
779. 800

M.

- M** Acrobii locus de luna. 555
 Magia. 430
 Mastlinus. 631. 632. ubi cor-
 rige diphth.
 Magnetis natura. 517. 518.
 523. 525. 555. 573. 582. &
 seq.
 Magnetica fibra globorum.
 642. 517. 518
 Magnetica philosophia Gil-
 bertii. 429
 Sim. Marius. 536. 537. 554.
 873
 Mars an secet orbem solis.
 443. 544. 749
 Martus Diameter visibilis
 480. inclinatio. 930. Pha-
 ses 834. Parallaxes quan-
 ta. 479. 884
 de Martecommentaria, liber
 proprius 419. 514. 541. 543
 547. 548. 657. 671. 677.
 717. 733. 917. 921
 Martianus Capella de ♀♂
 circa ☉. 535
 Materia proprium. 445. sym-
 bolum in Geometria. 447
 Media proportionalia tria
 mundum absoluunt. 900
 primum 482. secundum
 474. tertium 490
 Mensis quotuplex 789. Va-
 cuus, plenus. 793. 794.
 Technicus. 798
 Mensura Astronomorū dua,
 una 454. altera 477. 478
 Mentis munia in motu. 911.
 509. 510. 512. 516
 Mens an in sole. 516
 Mercurius solem obscurat
 898. eius solius Nodorum
 progressio unde. 931
 Metallorum proportio 490
 Metaphysica prima oppositio
 457
 Μετέωρων. 925
 Meteorologia. 901
 Montes luna in Africa. 839
 Mora, vide. Tempus.
 Moses. 471. 475. 495
 Motrices Anima. 506
 Motrices facultates seu vir-
 tutes corporea 516. etiamq;
 potentia passiva 517. 522.
 non simplices omnino 575.
 & seq. 584
 Motus localis requisita. 504.
 507. Circularis requisita.
 504. 508
 Motuum cœlestium causa
 physica. 502. 620. 805. Ex-
 empla in terris 503. Mo-
 lendini 530. Scaphæ, remi
 & fluminis. 557. 601. Ve-
 stis & statæra 575. 579.
 Magnetis 583. 593. Proie-
 ctilem. 591. 589. 604. Mo-
 tuum quis finis 426. 549.
 576. Harmonia v. i. prin-
 cipia duo 916. Species 499.
 Motus proprius quid. 433.
 Diurnus

Diurnus bifariam 714. *Nouatores qui* 428. 429. 430
Horarius. 866. 867. 875. *Nubes anium & cicadarum*
 887. *Horarius fictus* 789. 896
Primus simplex. 503 *Numeri DCCXX. aptitudo*
Motus accessus & recessus seu & *origo* 477. 551. sic nu.
Trepidationis. 907 XII. & XXX. 567
Mundus Iouialis. Sim. Marii *Numerus aureus.* 852

537

Mundus laterna 439. 448.
 SS. *Trinitatis imago* 495.
creatus esse quomodo pro-
betur ex natura 422. 423.
 431

Mundi atates 855. *compara-*
tio cū animali 439. 440.
 441. *effigies ocularis de*
qua S. litera 438. 490.
Magnitudo 492. 494.
partes precipua 437. *per-*
fectio seu munia 439. *prin-*
cipium 917. *proportio cor-*
porum 474

Mysterium cosmographicum
liber proprius 913

N.



N *Eperi artificium, vide*
Calculus, & Logar-
ithmi.

Nodi 698. *motus eorum* 702.
inaqualis unde 548. 931.
longitudo 703. *ubi sint*
 753

Nodus communis systema-
rum planetariorum. v. i.
immobilis 542

Nonagesimus ab ortu 884.
 886

O.

O *Bliquatio* 755
Obferuationum histo-
ria 527. 540. 541. *de sole*
 706. 758. *de* 
 726. *de* . 758

Occultationes planetarum
 836

Oceania stus unde 555

Octaedri genesis 462

Octantes 792

Octilis. Trioctilis 793. 843

Optica 829

Orbis magnus 700. 711. *Vsus*
 726. 735

Orbes deferentes nodos &
auges. 644. *Reuoluentes*
Arstilis. 505. *Solidi* 505. *a-*
liis adamantini. 506

Orbinum soliditas falsa. 436.
 442. 529. 645

Orbita planetaria. v. i.

Orientales 823

Orientis angulus. 884

Ortus & occasus heliaci
 707

P.

P *Appi locus.* 657

Parallaxes planetarum.

Vuuu 5 649.

756. 778. 886. *varia* 860.
 833 884. *Luna à sole* 885.
Parallaxes Orbis. 732. 751.
Vide Prosthaph.
Particula exsors 797. 802.
 803 805. 807
Paschatis celebrandi, ratio.
 852
Passiones Planetarum quid
 822. 841. 857
Fr. Patricius 429
Penumbra luna 874
Periodica tempora planeta-
rum v. i.
Pe. s. de sole 430. 441
Phes s 792
Philosophi urbe puls 429
Phœgè quid 499
Physicarum Hypothesium
facilitas 647. 671. 673.
 675
Planeta an Harmonias faci-
ant 422. 431. 441. 471.
 474. 477. 545. *Errantes*
cur dicti 570
Planeta primarii, secundarii
 450. 550 *superiores, infe-*
riores 469. *Planeta pri-*
marii circa solem eunt
 535
Planetarum Apocatastases
 848. *Circuli ficti* 641. *Co-*
gnatio cum quibus metal-
lis 490. *Colores* 825. *Den-*
sitatis proportio 487. &
seqq 531. *Diametri appa-*
rentes 480. 485. *internal-*
- la* 451. *causa horum* 455.
 471. 545. *Magnetica na-*
tura 582. & *seq.* *Materia*
iners & motibus resistens
 504. 510. 519. 576. 580 *Mo-*
tus verè inæquales 570.
constantes tamè. 573. *Mo-*
tus celeritas in singulis.
 501. *causa motus.* 502.
Numerus & causa huius.
 450. 455. *Orbes* 642. *Orbi-*
ta. 641. 676. 697. *Orbita*
figura. 642. 643. *Elliptica*
 645. 646. 658. 508. 572.
Ordo 450. & *seq.* *huius*
causa. 468. *Passiones v. i.*
Periodica tēpora & causa
 501. 530. *proportio globo-*
rum & causa. 484. 532.
Theoria 453. 454. 642
Planetis an infinitæ generatio-
nes ut telluri. 430
Planetariorum systematum
modus cōmunis 449. 540.
Systematum mensura ve-
lut 454
Plani elliptici & circularis
aquipollentia 662. 672
Plani usus 672. 721. 783.
 801. 803
Platonici de sole 441. *de mū-*
di oriu 421
Plenivoluium 832
Plinii locus de cardinibus
 928. *de Luna* 839
Plutarchus de luna 555. 893
Poli Ecliptica mobiles 913
Poli

Polyphysicè in cælo nulli 703

ar veteribus 506

de Ponderibus & mensuris

liber proprius Germani-

cus 489

Positionum regula 695

Prensationis facultas 517.

524. 559. 581

Procli observatio 921. 927

Προκλιαντων. 925

Proportiones ineffabiles, ir-

rationales 512

Prosthapharesis vide Æqua-

tio. Prosthapharesis Eccen-

tricitatis 805. *Nodorum*

820

Ptolemaeus 912. 923. *de mun-*

di magnitudine per partes

494. & *de celeritate* 495.

de causis motus, locus 502

eius observationes dubia

& *suspecta* 753. 754. 767.

772. 777. 927. 929. 930

Ptolomæi Hypothesis 538. 541

Æquantis 571. 672. 685

alia 687. 773

Punctum æquatorum Luna

798

Purbachius 505

Pythagoræ de sole 440. *eius*

loco 444. *de quinque figu-*

ris

457

Q.

Quadrantes cœli 686.

891

Quadrati genesis 458

Quintus vera causa 512

R.

R Aquia. 495

Rectangula Quadrantis

803. 814

Reductio ad Eclipticam 700

845. 865

Reflexio 755

Refractiones 442. 443. 922.

Vide Aer.

Regiomontanus 716

Io. Remus Quietanus 485.

488

Retrogradatio quid 736. 739

Reuolutio 499. *Vide Motus*

Reuolutio pro Apocatastasi.

846

Reuoluentes Aristotelis, vide

Orbes

Rheticus 913

Rhombica 464. 514

Rhombi Dodecaedrici gene-

sis

461

I. C. Scaliger de intelligentiis

506. *de astu Oceani* 586

Sciendi sitis seu amor, & me-

ta

428

Scintillatio unde 824

Scrupula proportionalia 751

Menstrua in luna 799. *v-*

sus

803. 819

Ecliptica varia 864. 869

Sector 669

Semicirculi. vide Eccentri-

ci & Luna.

Sichanii de Sole 441.

Simplex quid 503. 504

Sinus cui vsui in physicis.

649.

649.655.813	Spharica superficiei proprie-
Sol auro candenti similis.	tas 657. praestantia 438.
523. Scopus planetariorum	486. 448. 458. 467. SS.
motuum 600	Trinitatis imago 438
Sol Persis deus 430. 441. Quo	Spharica doctrina 419
cenſu inter partes mundi	Spherarum numerus vete-
438. 498. Mouet planetas.	ribus 906. 907. magnitu-
513. trahit & pellit illos	do seu dimensio veteru 494
581. 587	Sphera octaua motus. 906.
Solis anima 514. 515 centrum	Vndecima origo 913
immobile 542. Diameter	Species immateriata 523. 526
apparens 476. quanta finis	Speculi concavi proprietates.
497. 498 vera proportio	448. 515. 523
ad mundum. 491	Statera ratio & mensura. 650
Solis distantia à terra. 479.	Exemplum in motibus pl.
486. 490. exhalationes	512. Statio quid. 736 739
430	T.
Solis Eclipses 839. 857. 873.	T abula Rudolphina 638
Exempla 894. 896. vsus	forma 692. 751
778	Theoria quales 778. Solis
Solis Flammula 515. 899. Lo-	705. h. 24. ♂. 726. ♀
cus in mundo 444. Ma-	757. D 776. Octaua spha-
cula 514. 515. Macularum	ra 909
materia 430. 898. magni-	Theurgia 430
tudinis continnanda qua	Technicus mensis 798
causa 476. 480. Motus	Telescopium Belgicum 480.
circa axem proprium 453.	485. 514. 536. 555. 753. 759
514. Motus simplex & cō-	831. 899. 498
positus 923. obscuratio	Temporis aequatio 720. 780.
prodigiosa 897. Parallaxis	925
479. praestantia 439. &	Temporis mensura planum
seqq 514. 475 proportio	ellipticum 646. 665. cir-
ad sph. fixaru 911. turbi-	culare 671. eius numerandi
natio 499 Theoria v. ibi.	ratio vetus & nostra 672.
Vis ingens 587. 589	674. Temporis ortus 525.
Solipeta, Solifuga, termini	aequatio v. i.
fibrarum Magn. vid. ibi.	

I N D E X.

- Tenebra diurna* unde 896.
tempore passionis Domini
 897
- Termini Astronomici ad*
motus veros Eccentricos
necessarii 676
- Termini ecliptici pro ☉.* 880
pro D. 866
- Terra quo censu inter partes*
mundi magni 438. 454.
Princeps pars mundi mo-
bilis 475. 486. *media pla-*
netarum 469. 474. *mouet*
lunam 553. *Est nostra ma-*
gnetica 582. *Terra anima*
 515
- Terra discus* 874. *motus* 897
tres 911. *motus diurnus*
dupliciter 714. *eius effe-*
ctus 553. *motus diurni ar-*
gumenta 547. 548. 718.
modus 581. *annuus stabi-*
litur 542. 774. *proportio*
ad solem & causa 478. *in*
centro mundi 911. *quies,*
respectu axis paralleli 584
- Tertullianus.* 429
- Tetraedri genesis & ordo* 459
- Timocharis.* 923
- Trigoni signorum.* 855
- Trigonometria compendiosa*
locus 814
- Tychonis Brabei . placita*
 442. 493. 541. *de motuum*
celeritate 494. 722. 724.
 812. 820. 913. 927. *nomen-*
clatura 792. 805. 808. 809
811. *singularia* 918. *Cal-*
culus 791. 806. 565. *obser-*
uationes in Marte 766. *in*
Sole 716. *in Luna* 722. 816.
 821. 550. 560. *Finis* 493.
 724. 913. 923. 927. *Hypo-*
theses 435. 538. 541. 546.
 561. 565. *eius hypotheseon*
vis 749. *Martis* 442.
 479. 766. *Solis* 713. 714.
 716. *Veneris Mercurii*
 480. 762. *Luna* 483. 490.
 805. 812. 828. 930. *Fixa-*
rum 913. 923
- Tychonic Br. Progymnasma-*
ta 716. 809. 891. 918. 921.
 923. 930
- ## V.
- V** *Ariatio* 777. 806. 811.
causa physica 561. &
seq. quantitas non certissi-
ma 565. *nec causa exactis-*
sime cognita 565
- Venus corniculata* 832. 536.
Veneris elongatione, ma-
xima 833. *Macula, scin-*
zillatio 549
- Venus solem obscurat* 897. &
sole illuminatur 536. *An*
rotetur 549
- Vermis serici domūcula* 643
- Vesuvii montis incendium*
 897
- Via regia, eiusq; poli* 516. 914
 916
- Virgilii Salisburgenfis Ep. ca-*
sus 419
- Visum*

I N D E X.

<i>Visum, & cum eo sermonem</i>		Z.
vulgi certo errare omni		Z Acharias an summus
testimonio	707.709	pontifex 853
<i>Vmbra luna & terra</i>	859.	Zodiacus cur in CCCLX. di-
861		uius 477
<i>Vmbra Iouis</i>	872.874	Zodiaci diuisio in triplicita-
		tes 855
		Zonarum qualitates. 872
		Zonarum magnitudinis
<i>Υπολειπόμεναι.</i>	796	causa. 917

Errata partim textus, partim typi.

Primo in numeris foliorum 426. 710. inter 708. & 785. omnia 807. 848. 891. 895. 924. Deinde post sublatos errores consignatos f. 623. emenda in super ista. p. 483. l. 18 particulis. p. 542. l. 20. netarum, præter orb. p. 509. l. 14. locabis. p. 641. l. 8. & si. p. 647. l. 5. altera libri V p. 650. l. 6 quanto, quam obliquus radius, minor. l. 12 EG, vel IH p. 654. l. 18. sic esse sinum anguli HIS. ad sinum anguli QNB. p. 655. l. 19. PBAR. p. 664 l. 19 20. proportio est dupla ipsarum GF. ad FH. Additis verò BF quadratis ad quad. p. 667. l. 24. sumptis. l. 31. (rectilinea vel quasi) απ p. 668. l. 5. à fine, virtute Solis vnâ, reli p. 669 l. 12. tum id est de. l. 23. per P. R. scrip. p. 672. l. 7. arcu Ellip. p. 673. l. 2. 3. l. che- mate V in penultimo F. quia. p. 674. l. Solidi orbes, & si l. 7. à fine polos Ec. l. 4. à fine, Eclipticæ p. 681. l. 12. veluti admen. l. 2. à fine. in æqual. p. 688. l. 25. verè in æqu. p. 693. l. ult. Si igitur. p. 700. l. 17. 18. deleantur ista argumētum inclinationis & longitudo Eccentrica hoc est. p. 707. l. 9. velut in libra. l. 26. multoq; incredibi. p. 710. l. 1. remo- tissimas A. l. 2. 3. linea GOA. l. 17. euntem. p. 715. l. 2 in 6. capr. l. 5. in 6. can. l. 10. solis per centrum. p. 716. l. 8. à fi- ne adhibuit. p. 720. l. 20. circumactu. p. 722. l. 1. maxi- mum. p. 723. l. 15. in Gr. 2. 24. pr. p. 724. l. 18. aliqua sanè. l. 21. eclipses. p. 731. in tabella tituli Ann. Dier. Hor. aber- rant

rant à suis numeris subiectis. p. 742. l. 2. à fine planeta &
 tellus. p. 746. l. 9. à fine eiusdem, ob. p. 747. l. 21. ex terrâ
 B C l. 28. & si mi. p. 749 l. 2. à fine in eâ numerati. p. 750.
 l. 8. à fine planetæ in Ecl. p. 752. l. vlt. præmissio, Q. pla. p.
 760. l. 17. diebus 224. l. 19 Gr. 4. 5. pr. l. 20. diebus 87. H.
 23 15. pr. 36. sec. sub Ecl. p. 765. in fine deleanitur ista Ec-
 centricitas, qualium orbis magni semidiameter est est.
 p. 771. correctâ. l. 10. visuæ TD. in cad. p. 773. correctâ l. 3.
 à fine hunc nostrum. l. 2. à fine scripserat centro. p. 774.
 l. 9. In schemate fol. 361. 767. p. 775. correctâ l. 2. à fine AE
 telluris & AG. limitis. p. 776. corr. vox Mesolog. depri-
 matur bis ad subiectum numerum solitarium. p. 780. corr.
 l. vlt. stituto. p. 783. corr. l. 4. à fine. dele in pro. l. 11. à fine ac
 si is in schem seq. ex F. & c p. 785. l. 4. à fine 12. sec. p. 787.
 l. 7. à fine Draconis viden. p. 788. l. 15 quia 19 in 19. p. 798.
 l. 23. dele vñculam punctum. p. 799. l. 4. à fine isthæc p. 800
 l. 4. est DBO. circa. l. 5. à fine integro, si opus. p. 805. l. 9.
 dele Eccentricitatis. p. 809. l. 10. ab angulo DAL. angu-
 lus verò CMA. l. 15. lunæ sic. p. 811. l. 11. lineæ dicti loci.
 Ibid lineam 18 9. dele totas. p. 813. l. 13. à fine partes sint.
 p. 817. l. 4. à fine Gr 5. 0. pr. p. 819. posterior 86603. promo-
 ueatur: tunc ei subordinentur isti correcti 7794:7

1558854

ultimus) 15. pr. 31. se.

p. 820. l. 5. duum inc. ad pl. eclipticæ, interc. l. 8. à fine 2.
 pogæa dist. p. 821. l. 9. nutando p. 822. l. 13. à fine essentiam
 motuum apparentium compositorum pertinentes p.
 824 l. 3. à fine luna tota p. 825. l. 6. lumine fruitur. p. 826.
 l. 6. in terrâ quoque. p. 829. l. 9. à fine ante M. vt in E. an-
 gulus scilicet. l. 5. à fine EBM. gr. 0. p. 831. l. 15. perfecta
 elli p. 836. l. 13. à fine occultationis. p. 836. l. 5. remoti; præ-
 fer. p. 841. l. 11. à fine Decagonus. p. 843. l. 13. planum effa-
 bile; & l. 3. à fine à µ φ i x v p l. p. 845. l. 7. Si prius per pla. l.
 78. à fine quadrante. Antilogarithmo eius, sin maior
 quadrante, compl. p. 850. l. 16. paulo plus tri. l. 23. quar-
 tus, vel tertius. p. 851. l. 18. Iudaici cycli. l. 2. à fine lunæ
 excedit. p. 853. l. 21. secundò quòd Zach. p. 854. l. 13. dicti
 sunt

sunt olim. l. 16. Cycli, & iam fin. p. 855. l. 9. 10. paulò mi-
 nus. p. 856. l. 2. inq; vno. l. 19. in MEDIA. p. 857. l. 4. à fine
 solis, sed proiic. p. 861. l. 18. 19. pr. plus, semidiametro so-
 lis, cum residuo 14. pr. plus, diuide factum ex 1. p. 862.
 l. 8. Solis 1. pr. 1. sec. p. 863. l. 5. fine mora in tenebris, &
 l. 8. à fine & N. vmbræ p. 865. l. 11. à fine obscurationis l. 9.
 à fine minimo, duplo Red. l. 8. Eclipticam, cuius arcu.
 l. 5. à fine TC. duplum reductionis p. 866. l. 7. cam, dimi-
 dio ipsius TC. l. 15. luna in. l. 22. ori tunc spacio. fol. 863.
 in ima transuerfarum Horarum 4. 19 &c vel Horarum
 4. 18. l. 3. à fine 37. pr. 26. sec. p. 869. l. 6. D Hor. 2 &c. vel
 hor. 2. &c. p. 870. l. 9. Digitos 22. p. 872. l. 5. do sole) eff. l. 2.
 à fine de f. seq. & supra. f. 876. l. 4. cōtinuato, si. p. 877. l. 1.
 dele seu Horario. p. 886. l. 2. diurnarum. p. 888. in schem.
 in sectione CD. cum GS. exprime L. vt potes. p. 892. l. 13.
 adhibe illi. p. 893. l. 9. est, Sol. p. 898. l. 20. dies 12. aut 13. p.
 902. l. 13. à fine considerantur Harmoniæ attributæ. p.
 903. l. 8. mnes à Disdi. l. 4. à fine temporis satis con pag.
 904. in transuerfarum quarta pro $\frac{15}{18}$ ter pone $\frac{11}{18}$. p. 905.
 l. 11. 4. 13. ♀. gr. 1. 42. pr. p. 907. fine Ecliptica nonæ. pag.
 909. l. 1. continuatum. l. 6. numerentur. p. 911. l. 4. in situ
 sibi ipsi. p. 912. l. 9. insinuauit. p. 915. l. 17. æquales: limites
 p. 916. l. 17. monstratum est) & hoc. p. 917. l. 2. vt QAC.
 esset. l. 3. vt ita. p. 921. l. 5. à fine existimauit. p. 923. l. 14. à
 fine seu sectionis vernæ p. 924. l. 3. à fine per oppositum.
 p. 925. l. 4. dele cæteris. l. 11. vltra 25. millia. p. 928. l. 11. à fi-
 ne illa partes. l. 9. censuerunt. p. 931. l. 5. Martis, Veneris
 retr. l. 18. à F. polo. l. 22. est, polus.

F I N I S.

m

RB45390



Library
of the
University of Toronto

